

計者則曰金沙之路既通則行商競便於舟而犍勞於陸其轉輸之貨當必充斥於北路九驛之道工商闐寂矣故滇南之所利而貴陽之所不利也此又一說也噫是豈得爲通方之利哉蓋天下之大勢猶人之一身善養身者必使脈絡貫通然後元氣壯而腹心賴之以榮衛善審勢者必使華夷通道然後疆場定而根本賴之以輯寧故良其限列其貨非衛生之術也任其壅塞而幸其暫安者非長治之計也蓋四端之說雖殊而阻撓之心則一無意於長慮者每憚其卽事之難而有心於自便者又歧於爾我之限此是非之所以未決而功之

所由以未成也殊不知灘石誠可懼也然則鑿龍門而闢伊闕者非其已試之功乎凡怒濤於中流者亦在乎去之而已矣如人力必不可施卽如蜀之新灘設爲壘運之夫亦可也夷獯固可戒也然則通西域而窮河源者非其已行之蹟乎凡出沒於河濱者亦在乎撫之而已矣如一時果未可馴則沿江一帶多設巡司亦可也彼西蜀旣以錢糧爲難則經理之勞當獨任其費而求借官帑以充之俟榷商稅以補之亦無有不可者况滇之與蜀本有輔車之勢者也容可參以彼此之念相是哉貴陽旣以商販爲病則貿遷之征滇當稍寬於陸

而舟車並用以通之東西二路以分之亦無有不均者况滇之於貴本有比鄰之義者也豈可乘以爾我之私如此哉是四者皆有調停處置之法未見其爲難也何足以惑吾之定見哉矧夫勞於暫者豈永佚之功用之久也成周行之道蜀無協濟之調而二省俱便貴省供應之勞而兩路經行尤見其胥利耳又何害之足云抑愚猶有說焉滇去神京遠甚凡輸正之供方物之獻歲時之朝賀冠蓋之往來多土之計偕商賈之行貨如必舍舟而徒跋履於萬里外肩負擔之勞任馳蹻之苦如之何不重以自困也今若舍陸而登舟焉則由金沙而

之馬湖非有高山大川爲之限隔也計程七晝夜可達非有曠日持久爲之濡滯也以此易彼孰得孰失孰易孰難孰紆孰捷必有能辨之者何爲畏難以自沮耶故曰揚炬而度闇昧者明也乘舟而航江湖者便也於其所謂便者顧擇格而不行焉深昧於天下之大勢矣又嘗稽古而有得焉宋藝祖得國之初尙未徧視天下之勢乃以斧畫大渡河曰此外非吾有也遂成鄭楊趙段之僭元憲宗乘革囊及筏濟江進薄大理搆段興智遂平西南之夷夫以宋主之畫河爲界若有得於閉關謝西域之意然而棄險以資敵其爲謀也疎憲宗之乘勢

濟師似有戾於勤兵務遠略之訓然而能思患而豫防  
其得策也上此又利害之大較深切而著明者也今六  
詔憑深阻峭疊嶺層崖土酋騷悍易動難制劉安曰有  
野心者不可與使勞言當謹之於微也今可不加之意  
乎知雲省遠距京師萬有餘里奏報相聞動經歲月宋  
那有云喪羊于易患生無備言當防之於豫也又可不  
加之意乎夫披輿圖而覽形勝則經畧不可以不周度  
時勢而揣夷情則隄防不可以不豫江路之開正所以  
撤諸箝之藩籬而聯三省之脈絡析百蠻之巢穴而大  
一統之規模所謂扼其項而掄其背奪其險以分其勢

者胥此矣豈可惟一勞而不爲久安之計吝小費而不  
顧遠大之圖耶

右議開金沙江

滇處西南徼外人情苦饑寒而利衣食與吳會同風土  
之宜農桑家之宜蠶與吳會同農稍知耕而蠶桑則猥  
爲長物置之耕而不桑必廢其耕之所入以易衣耕以  
給食而衣資之一業而二者需焉奈之何民不饑且寒  
也饑寒切身慈母不能有其子上安得有其民奈之何  
民不窮且盜也民窮且盜矣而競靡好華之俗又從而  
擴之游賈以土著之不桑也販帛於萬里因其從來之

親坐以賈價所售必倍焉土著以積習之不桑也市帛於賈肆因其所需之急聽其要市所願必倍焉中土之一縑徼外之二縑也中土一金之直徼外二金之費也生之無源而靡之復甚驕富而之貧墮貧而之盜不桑使然哉故農桑王政之急務而滇尤甚也

右興農桑

雲南遠在西南漢夷雜居無事則狃於偏安有事則互爲桀驁積弊然也府屬如雲南臨安大理永昌鶴慶楚雄足稱沃壤曲筍爲入滇之路供億惟艱武定當新造之區安輯爲要元江景東麗江姚安北勝撒川霑益諸夷之請必鎮巡同心恩威兼濟方可稱治至旌別庶官責在監司撫字百姓責在守令惟求得人而已

右處置

穀山筆廬

明子猷行

高皇帝取建藩國封二十四王且半天下惟吳越不以

封以其膏腴廣漠騁不以封以其險遠慮至深也然事有便利不可不變通者即以雲南一省上古所不成自入版圖即以西平世守駢賚之烈民吏畏服二百餘年來聲教浹暨可謂便矣然沐氏孀孽既久人心頗附漸有跋扈之志如朝鼎尤爲不道自干法紀朝廷素之

至二十年而不得非今上英明縛而付之法吏不幾唐  
之中葉哉夫沐氏強則尾大不掉朝廷之法不伸沐氏  
竄則屏翰不固朝廷之威不振皆非長計也莫如建一  
親王開府其地將鎮守之兵改爲護衛使得統兵御吏  
與國初諸王等爵國以下悉聽節制內可以裁沐氏不  
共之心下可以堅滇人嚮化之志卽使契潰之路聲教  
有梗雲南猶國家有也假如交阯未弃時建一藩國使  
得握兵御吏毋與內諸侯同其人以爲有王不復生心  
而交南長爲國家有矣孰與捐之夸狄乎故元混一華  
夏六詔西域皆王其子弟厥后元帝北遷梁王保有露

南蜀夏旣平乃入王化其在西方者亦竟不得窮除則  
封以爲王哈密是也此非其已效耶或曰玉而握兵不  
有江右之慮耶此不達地勢者也竇濂提江漢之上游  
謂之建瓴而下滇南處一隅之絕徼謂之仰面而攻安  
有仰面而攻可以取勝者耶且夫萬里遐荒之徼而欲  
與中國爭衡則公孫不固于白帝尉佗不自帝于南海  
乎或曰炎荒遐裔之區以王親子弟不幾于竄耶此又  
不然夫關廣滇貴皆膏腴樂土百物所生而齊魯燕越  
之地有不及也且觀山陝邊郡苦樂又相懸絕試取山  
陝邊郡一府宗室頗少者遷之滇南有不樂就者耶嗟

夫天下無事而爲迂  
罔之談人必笑以爲狂且言于時  
祭勳慮後患誰肯倡  
不急之議以駭眾聽姑計之以備

一策耳

曲洧新聞 明世守已撰

緬甸在雲南西南金沙江外其北爲孟養其東北爲麓  
川其東南爲木邦其南爲八百大甸其西爲大古刺自  
國初以緬甸孟養木邦古刺各爲宣慰司統領土夷而  
緬甸地獨大所領有孟艮府干崖隴川二宣撫司灣甸  
鎮康二州芒市孟連二長官司東至木邦南至南海西  
至夏里北至麓川周迴數千里其酋莽姓每世及襲替

諸命於朝得命乃敢蒞其官近因襲替爲需求所苦漸  
有異志有莽應履者遂自立稱帝馳著官列職號召  
各土夷安撫等司受命其國爲之易置撫級各土夷樂  
其近而畏我之遠樂其寬而憚我之嚴羣然從之无復  
有赴闕請命者矣有廣西人陳皮者初爲郡吏亡命入  
緬應履信任之署爲丞相教以侵掠疆土之計應履有  
子二人俱穉驍勇譏計百出而岳鳳者羽翼其間當饋  
夸目逾金沙江掠我內地孟養麓川木邦等宣慰司酋  
長觀望畏縮不敢捍禦滇中大震國家用師征討不得  
要領朝塗以爲憂萬應甲申間僅僅擒一岳鳳獻捷於

朝而止應履之僭竊

付之皮外不問矣國家二百餘年

幅員遂失一隙有識

者爲之浩嘆

綱略明包見捷撰

西南夷亦謂之揮唐謂之騾宋元

謂之緡至明初始立

緡甸宣慰司以自永昌西南山川

延遠道里修阻因名

曰緡漢和帝永元五年正月永昌

徼外蠻及揮國王雍

繇調遣重譯奉珍寶賜之金印紫

綬小君長皆加印綬

錢帛安帝永寧元年揮國復遣使

朝賀獻樂及幻人能

變化吐火自支解跳丸者諫議大

夫陳禪諫曰帝王之

庭不宜作此夷狄之樂請勿觀帝

不從遂作樂封絲綢

爲漢都尉唐德宗十八年騾國于

雍羌聞南詔歸唐有

內附心遣其弟悉利移來朝獻國

樂凡十曲典樂工三

十五人其曲皆演梵音經論詞意

每爲曲齊聲一低一

仰未嘗不相對凡五譯而至中國

憲宗元和元年騾國

遣使貢方物文宗太和六年南詔

掠黔民遷之拓東豛

宗咸通三年騾國遣使來貢宋徽

宗崇寧四年緡甸崑

崙波斯等國進白象一隻明年蒲

甘入貢高宗紹興間

俱來貢元世祖至元五年命愛魯

絕緡甸道擊之斬首

千餘級至正戊子麓川路土官思

可侵鄰城命搭失把

都魯爲帥討之不克賊乘勝遂併

都魯爲帥討之不克

賊乘勝遂併

吞諸國懼再伐之乃遣子滿散入朝其肩叛服不常至  
明洪武十六年大兵南下滿散之子思倫猶負固不服  
總兵官傅友德沐英遣部校郭均美往返招徠方內附  
十七年置平緬麓川軍民宣慰使司授倫爲宣慰使置  
太公府於江頭城南二十一年正月思倫復叛併吞孟  
定孟艮孟養夏里潛通東川芒部廣西等府出他郎甸  
之摩沙勒沐英遣都指揮寧正擊破之賊復悉眾三十  
萬象百隻寇定邊英率選鋒二萬擊之迭戰而翼以砲  
銃象奔賊大敗斬首三萬生俘萬餘獲象四十七隻二  
十二年倫懼進象貢方物謝罪二十六年緬酋南速來

朝貢於京師二十七年六月始置緬甸宣慰司以其兵  
普刺浪爲宣慰賜鈔錠羅綺各有差二十九年普刺浪  
遣使來告思倫侵境事上命行人錢古訓李思聰齎詔  
諭之思倫懼謝罪永樂元年十月緬甸宣慰那羅塔遣  
使來朝貢方物詔定平緬木邦孟養緬甸八百車里老  
撾大古喇底馬撒孟定十宣慰司三年四月緬甸來貢  
方物九月始給平緬等宣慰各夷金牌信符批文底簿  
命中官楊瑄詔諭古喇緬甸諸夷七月那羅塔復謝恩  
入貢四年緬甸與孟養宣慰刀木且儼殺上聞遣行人  
張洪持節往諭至其境諭以中國大禮呼宣慰而下北

面受勅數其擅殺鄰境罪那羅塔遣使乞宥許之十五年建緬甸館宣德五年六月麓川思任及緬甸莽得喇各遣使上言木邦罕們古據其地上命黔國公沐晟內旨雲仙論之退地八年麓川思任屠騰衝據潞江自稱曰法正統四年以黔國公沐晟都督方政沐昂往征一軍皆覆政陣亡士民哀之敗聞晟自毒廷議請乘麓川地不報六年正月上命定西侯蔣貴尙書王驥等率京營川湖兩廣兵十五萬討之十月思任敗父子乘舟至緬甸驛班師七年思任復出爲寇再遣貢驛率師以行驛遣使諭緬甸酋卜刺浪送思任父子卜刺浪不遣驛

乃進兵緬甸使來索金幣土地欲以重臣往取任驥難之於是郭登請行由金沙入緬不十日至其國卜刺浪來會頗驕蹇登折之緬氣阻乃以董雅叩頭聽命卜刺浪見登亦稽首十二月登至自緬其國相緬刺獨以思任載登樓船來獻時有疾登功者乃議留登守沙壩刺獨至貢章不見登遲疑不獻驥謂貴曰此給我過江則絕我歸路也裨將陳儀自詫知天文以爲災惑犯輿鬼緬可伐欲以賞致種焚其舟大戮一晝夜我師敗績刺獨竟持思任去貴子雄追之復敗自刎徐眾陷於江十年侍郎楊寧侯選遣使許以孟養之地易思任卜刺浪

喜乃獻思任首級并妻子敗徒板蹇等至軍門贖以下  
刺浪長子銀起莽爲宣撫而思任二子思機思卜皆遁  
居孟養十三年復命王驥并都督宮聚率師討之破其  
鬼哭山機卜復遁入緬還師羣夸復擁機幼子思祿以  
叛思祿言願立思氏永徵差發驢立石爲誓而許之遂  
班師宏治元年正月緬甸來貢且言交趾侵其境二年  
遣編修劉徵使交趾論罷其兵正德間緬甸孟養互爭  
地各遣使上聞孟養以緬先獻思任於朝廷也故怨緬  
嘉靖初孟養頭目思倫糾木邦宣慰罕烈發兵象寧緬  
甸大破之擄其宣慰莽紀歲并其妻子殺掠無算遂瓜

分其地時有齋金牌信符千戶曹儀亦爲所殺七年緬  
甸以殺掠占據情赴關上命鎮巡遣官往勘乃以永昌  
府知府嚴時泰備指揮王訓往諸夷不聽又值安鳳之  
變不暇及緬事矣嘉靖十三年以諸夷數興竊搆乃添  
設永昌府同知職專撫夷三十七年木邦宣慰罕拔與  
隴川宣撫多士寧仇殺遣指揮路九方撫之歸言令緬  
甸酋名瑤懼創伯羅古有吞併之志云擺古卽古喇宣  
慰司也隴川多士寧獲一僧面曰修偉自云我緬甸官  
慰莽紀歲幼子昔避孟養木邦之難久寓古城暹羅今  
欲至中國見皇帝求復官職士寧止之不聽遣人導之

潞江濱藩困其船以爲江闊無船不可渡僧悵然而歸  
嘉靖三十三年有馬羣大部落號得楞子者其酋名排  
來兄弟爭國構兵瑞體爲之調釋兄弟感之因奉瑞體  
爲長讓屠馬革瑞體部署其眾絕排來兄弟糧道歸路  
皆不相救而死遂盡有其地又得緬僧以異術佐其伯  
業樹海岡七十自衛眾服之酋爲金樓白象主莽噠喇  
哇喇華言公道主人也是時猛密酋思漢子思奔相  
爭奔訴瑞體瑞體乘亂殺思奔僞立思漢次子思琢假  
途於琢以掠孟發卽遣奪白卓吉守之未幾卓吉爲奔  
培猛乃酋別混所殺瑞體破猛乃執別混三十九年總

兵沐朝弼巡撫游居敬上言瑞體侵軼鄰境當須防內  
侵時兵書楊博知緬事悉覆加題議自是演始於蠻哈  
設兵冬春防緬隆慶元年藩司差指揮陳應繡千戶潘  
應儻買象於猛密其酋思哲送二弁於瑞體時瑞體方  
侵車里以荻棘鋼之后勝回乃遣還二年木邦土舍罕  
拔遣使告襲職有索賂者以兵備遲遲對夸使歸報拔  
拔怒與弟罕章集兵截旅途經年不令漢人通后乏鹽  
求於瑞體瑞體餽海鹽五千筵益威緬而輕中國遂攜  
金寶象馬詣瑞體致謝瑞體見拔歡甚贈以寶帶緬緝  
白象鬪錦珍寶香藥甚多遣兵護之出疆遂約爲父子

時有官府只愛一張紙打失地方二千里之謠謬江安  
燕使線費聞拔遼緬惠不貲亦長瑞體日津津洩中國  
之虛官教以吞郡內侵瑞體割兩岡地與之費因遣使  
召隴川多士寧士寧知順逆爲宣天轉威德聚米爲堆  
百餘警中國幅員之廣如雲南其百一也爾所轄特于  
一耳幸勿妄動瑞體念頰痕士寧歸遇貴于江游責其  
負國起釁抵隴川值指揮方謚率兵戍守蠻哈士寧語  
謚曰亦知瑞體之策否上策交罕拔蘇木邦衝廂蒙走  
蒼洱中策由木邦肯順蒙趨老姚旋甸可垂手取永騰  
蠻哈區區之隘可恃以拒緬乎謚嘿然士寧死于崖宜

撫刀怕舉亦死罕拔與怕舉雖親而有隙聞怕舉死言  
於瑞體請襲千崖聞隴川無主必聞風歸附拔願爲前  
驅瑞體卜於緬僧欲從之其子應裏裨而多智言于瑞  
體曰隴川千崖雖云無主路遠難以徑取俟有內隙可  
一鼓下之遙西思箇地廣兵強爲我世仇每欲乘我出  
襲我倘我兵遠事隴川彼以重兵順流南下被禍非細  
莫如稍助拔兵聽其自取千崖則成敗不在我且迺西  
木邦在我肘腋若迺西不爲我有安能出三宣內取永  
騰耶瑞體然之借拔兵一萬令拔取千崖乃自率兵侵  
迺西屢爲思箇所敗箇亦退保猛倫相持不決隴川目

岳鳳見其主幼陰欲據其地 齎重賄投拜瑞體爲父導  
之內侵瑞體因調蠻兵萬餘 爲疑兵出入於緬甸遙西  
疆上牽制思箇復撤罕拔兵 會隴川岳鳳亦集兵數千  
屯麓川東岸疊言捍緬而陰 具牛酒先俟迎犍蠻莫頭  
目思哲亦迎降之瑞體結爲 義子萬歷元年拔及鳳屢  
導瑞體侵三宣隴川首被禍 罕氏不支懷卽信攜二子  
多忠多孝二女及姪罕朝光 潛奔永昌當事者令罕氏  
罕卽子歸隴川鳳見罕氏歸 遺書給罕拔謂罕氏攜朝  
光往永昌者爲爭汝官耳鳳 請爲汝除罕氏朝光以去  
禍根拔甚喜遣令罕章罕難 等率夷緬兵五千夜襲隴

川罕氏聞變罕二女走暹田 中賊斷罕氏右臂而死朝  
光亦被殺二女沒於緬多士 族屬殘滅殆盡卽爲鳳得  
又受緬鐸遂據隴川三年僞 爲錦囊象函書貝葉緬文  
稱西南金樓白象主莽噠喇 弄王書報天皇帝地方無  
事云云中皆諂情侮辭鳳 又與拔哲定盟必執思渾下  
猛密奉瑞體以拒中國瑞體 遣子應裏喇鮪率眾二十  
萬分戍隴川間罕拔特緬勢 召刀柏舉弟柏文曰汝嫂  
我妹也吾欲妻汝并汝兄宜 撫皆爲汝襲可據千崖以  
臣緬柏文挾二子奔同知薛 衛守備李騰霄言拔欲怕  
文育漢事緬娶嫂滅姪無天 理語柏文世受國恩焉肯

從之願與戰改日方曠緬兵大至遂潰奔永昌姪怡宣  
暫寄潞江薛衛勝霄遐羅卜思莊拔取于崖卽令罕氏  
收掌且與緬譯令其臣緬又召蓋達副使刀思官雷弄  
經歷廖元相俱給以貝葉符令佐罕氏守千崖以防中  
國四年緬大發兵攻迤西失利敗退先是金騰兵備副  
使許天琦每饋諸夸附緬且持緬恐中國乃遣指揮侯  
度馳檄招諭至迤西頭目思簡從違未決乃刻木爲二  
一書天皇帝號一書莽瑞體號率眾拜之乃卜及卜則  
天皇帝號者卓立於几上莽瑞體者傾墜於地由是決  
意向中國瑞體惡其倡諸夸向中國且世仇也故先兵

之思簡告急適天琦已卒署事者副使羅汝芳詢之乃  
厚帛來使更給空印劄付約事成官以世職令先回以  
待我援復陰募慣入夸緬商人銀之金緙令往緬地默  
探其山川道里兵馬糧餉又檄近緬諸夸說其向漢依  
期援迤西久之謀者至盡得緬情乃檄調漢土兵馬赴  
援十二月師至騰起思簡聞援兵將至甚喜潛令頭目  
烏祿刺送領兵萬餘於阿瓦地絕緬糧道方督大兵伏  
於夏撒險隘慮誘緬兵入絕其歸路而塞困之請令援  
兵自隆川邊其后迤西兵衝其前又令水兵開江中石  
剛以衝潰緬舟計定緬兵果入夏撒思簡堅壁不與戰

但令伏兵塞險陸絕繼進以俟中國援兵至方首尾共  
擊之久之緬兵困久饑甚以撮金易合米始屠象馬既  
剝樹皮掘草根軍中疫作死者山積瑞體懼請與思簡  
和思簡不許復遣使速援兵時近緬諸酋如景邁猛章  
諸酋密受汝芳檄者各調勁卒俟期共擊無何有入貨  
行者恐爲兵與阻移書合文止援汝芳不聽彼知汝芳  
意銳仍令揭於巡撫以兵與勸速語恤之巡撫乃馳檄  
亟止汝芳汝芳接檄憤恨投噴於地大罵而羅思簡困  
緬月餘力亦疲乏且援兵不至適近快快岳鳳探知乃  
集隴川奪兵二千兼程拯緬導之由關道遁去迤西知

緬走率兵追之且追且殺緬兵大敗生還者什不一二  
自是瑞體忿仇迤西期必報之一時士民以此爲大失  
機會富路益拘談緬者五年陳直指文燧披演得邊報  
銳意請上經理然與時見相牴牾事亦廢六年遣使將  
迤西所俘瑞體兵眾稍以金幣諸物還瑞體使回緬不  
稱謝七年永昌千戶辛鳳奉使買象於猛密其酋思混  
執鳳併軍件舟送擺古瑞體遣使持檳榔菓緬文遣件  
鳳回於是瑞體復率兵眾侵迤西思簡因中國無援不  
支敗奔騰越中途爲奴耶都等執送瑞體不屈遇害瑞  
體盡據迤西目民奔永昌稍安置於內地八年巡撫饒

仁侃遺舌人李阿烏論緬甸阿烏至擺古見瑞體道皇  
帝威德不侵疆地瑞體唯唯又語以蔣定西王靖遠征  
麓川事瑞體不應阿烏又言罕岳假緬王擾漢地瑞體  
伴應曰我不知也居旬日趨阿烏還十年岳鳳領緬兵  
襲破千崖土婦罕氏降於緬是年瑞體死子應裏嗣尤  
狡譎險詐善用兵瑞體併鄰拓地多其謀力是年岳鳳  
執遮放頭目刀落思送應裏又噤應裏殺罕拔時拔有  
子名進忠應裏欲併其地遣弟應龍伐之時木邦有孽  
子罕鳳降於應裏耿馬石舍人罕皮與罕鳳謀擒進忠  
共率兵從應龍以潯甸州景宗真爲鄉導追進忠進忠

槍擄挈妻子渡噠哩江奔內地兵眾從者不及十一餘  
悉俘於緬應裏分其地以處他首應龍追進忠逃入姚  
關十一年正月朔焚掠施甸剖孕婦以下男寇永昌女  
寇順寧腹破得女乃焚攻順寧府二月破猛淋寨防守  
指揮吳繼郎千戶初維垣皆死之是冬應裏攻蓋達副  
使刀思廷以兵拒弗敵遣使求救不應糧絕援盡城破  
署之思廷妻子族屬盡爲所擄而千崖刀怕庚雷弄廖  
元伯南甸刀落齋蓋達刀思定皆擄去巡撫劉世會巡  
按董浴會疏請兵乃以南京坐營中軍劉挺爲騰越游  
擊移武尋參將鄧子龍爲永昌參將各提募兵五千副

以土兵而應襄亦西會緬甸孟養猛密蠻莫龍川於猛  
卯東會車里及八百孟艮木邦兵於猛炎復併眾入犯  
姚關子龍爲墨靜符乃大破之於攀枝花地斬宗良計  
擒皮父子等破其灣甸耿馬地時分守參政姜忻發指  
之力居多游擊劉綎率兵出隴川猛密直抵阿瓦阿瓦  
頭目莽灼瑞體族弟也繼遂糾猛密思忠蠻莫思順攻  
殺緬使詣綎請降稱款應襄聞灼投順起兵攻灼灼內  
奔行至曩朴寨疾死先是灼有白象一能決勝負不爽  
每出兵咸問之瑞體嘗信以自隨至應襄假象不歸且  
欲害灼灼心寒因縋招之卽降及灼死應襄以子乃篤

改名思斗莽則者據守阿瓦縋以岳鳳有心計欲厚結  
之使爲用當路者促縋縋不得已乃擒鳳及其子囊烏  
目把莽廣啞吳得皮等俘解京師是時木邦罕鳳連西  
思義俱殺緬使詣縋降進患亦集其餘眾來奔乃參進  
忠於內地夸緬畏縋望鳳內附者踵至猛密安撫使土  
舍思混遣弟思化送象及緬僞印來降初縋許岳鳳以  
不死故諸夸爭降后聞鳳就擒猛密思忠懼復率錫波  
思哥投應襄竟死緬中逸西屬部有密堵送速二城皆  
瀕金沙近阿瓦久爲緬據迤西酋長思威旣款塞乃總  
兵至二城其部自言不願服緬力不勝耳今宜歸故主

十四年應裏徵二城兵不應應裏怒攻破之以多曩長  
散鐸率兵屯守十五年思威糾思化思順各進兵又求  
助於我以復二城游擊劉天偉令募兵五百往助之緡  
見以爲漢兵大至驚潰成乘勝斬緡千餘人并二城之  
從緡者陣斬緡目多曩長而散鐸奔阿瓦威復二城金  
騰兵備按察使李材謂功級多宜上聞事下蘇直指鄧  
襲燾謂功級非實逮材天偉等繫獄十六年十月思順  
亦投緡初朝命以思忠等歸義以猛密思忠陞宣撫使  
猛哈思化陞同知蠻莫思順陞安撫使如邊臣之議也  
比欽頒符信至日而思忠思順等已復投緡乃以忠母

罕烘順毋罕送各伐子領該司印九月應裏報猛廣之  
怨兵加猛密烘不能拒率其孫思禮思仁奔猛廣而猛  
密失思化思蒙奔蠻莫順毋送謂蠻莫係猛密轄地見  
思化之來憚而奔之興化孛子思華奔騰越時有加兵  
問罪思化之讓巡撫蕭彥密令撫夸同知漆文昌撫化  
文昌軍騎入化壘化稍緩聽命且云奴有助邁西殺緡  
賊功今無所歸願寄食於蠻莫從之十七年孟養酋長  
思威死其支子思明思遠進象及方物朝廷令遠爲孟  
養酋長十八年應裏報密堵送速之怨進兵孟養遂破  
猛拱遠與子思昏奔遠達而應裏僞署堵罕于孟養發

罕于猛拱十一月縹破猛廣罕烘思禮與思忠妻甘線姑奔隴川思仁奔雅益丙測奔上江猛廣亦失十九年應裏率猛別阿瓦糾堵罕獲罕兵東圍蠻莫思化來告急時鄧子龍方聽勦率檄率兵至羅卜思莊縹聞之退去化復還蠻莫六月應裏遣使等每海弄查齋貝葉縹文來求遣巡撫給榜文送縹使歸二十年思仁丙測叛殺縹思仁思錦子也仁烝嫂甘線姑因欲得之時線姑隨罕烘思禮隴川仁自雅益率兵眾犯隴川據線姑宜撫多思順有備弗克逞且懼中國問罪乃同丙測奔縹應裏僞立仁於猛密營事者移置罕烘思禮於芒市

六月應裏遣使擺線由迤西齋貝葉縹鐸招隴川于崖南甸諸土司當道給縹使文告令之還九月應裏令阿瓦迤西犯蠻莫思化奔等線山參將鄧子龍提兵營等縹縹兵屯迤放于龍發兵擊之大戰於控哈斬首百餘級把總李朝岳順戰死縹退屯沙洲我兵無船不能進相持彌月縹尋退去二十一年十二月應裏以允墨僞食蠻莫墨乃糾猛拱都罕孟養獲罕猛密思仁兵眾三十萬象百隻以普坎雍罕直卽三驚酋率眾擁送允墨滅蠻莫及思化敗入卽立九大營深溝高壘爲久駐計仍分道內犯一入迤放芒市一入臘撒蠻縹一入杉木

龍並出隴川多思順不敵奔猛卯時巡撫陳用賓領承  
昌聞賊兵大入等練隴川乃分部以參將王一奔奪等  
練中軍盧承爵出雷吟都指揮錢中選張先聲出蠻哈  
守備張光允出打線一奔擊其前承爵中選擊其左右  
賊狡甚始以羸者數人欲馬江干而浴之前鋒者擊而  
俘焉以捷聞居數日又以一象馬數匹來我兵又擊而  
俘之又以捷聞緬兵退走遂復蠻莫我遂以賊爲易與  
鼓行而前不知賊兵潛伏善於崖善乘我兵過半賊兵  
湧出我兵被截時寧州目犯者義領兵在行間挺身而  
前眾寡不敵后無援者者義軍騎欲旋失道陷泥中爲

賊所殺前鋒既失利后二營相繼退奔監軍同知姚元  
并收殘軍用百金買謀者晝伏夜行望等練諸山火光  
不息徐徐集之蓋賊盡伐大木火焚其山乃知賊退還  
巢也因以捷聞先是隴川多思順恨俺導緒殘隴川乃  
糾思化并芒市多泰等擊俺殺俺子多荒俺益怨之遂  
潛投木邦因之歸緬參將吳顯忠屢招諭之不聽十二  
月俺糾思仁丙測由猛邱襲遮放我兵却之斬級百餘  
丙測遁是月用賓建築關堡並屯田以禦緬緬知關堡  
之不利數換我與作巡撫陳用賓修文告遣閩人黃襲  
使還羅使與得楞內外夾攻緬多俺自遮放敗後不復

歸猛卯而投木邦負隅於羅美山幾天馬漢龍二關工  
役由便遣將歸而文昌授計木邦罕欲令擒之而謀頗  
密俺欲奔擺古欽追及於雷發茂并其子多烘多曩尙  
斬之生擒其子多曩滿解滇緬自俺死遂寢寇我東路  
云二十四年二月築平麓城於猛卯大興屯田先是邊  
事旁午種費不貲卽輸轉米石運價至十金而值不與  
焉編氓鬻妻子諸郡邑不支故巡撫陳用賓銳意興屯  
然三宣之內屬夷獠賊所出餘田無多貯賄膏腴初議  
以營兵任屯非營兵而願屯者亦聽鑿基取之汰兵之  
羨餉又以餉值充糴計石銀七錢秋成照值入糶計納

公田一斗二年小成免其什一之賦三年大成始什一  
而賦之然以瘴惡屯者不能耕西偏諸兵廩公帑如故  
其后猛密思化死其子思正釋而寡謀屢樹怨於三宣  
阿瓦乘採舟之隙擁眾十萬修怨於思正罕拔次子謹  
以木邦兵從之正入騰越阿瓦直逼內地兵備漆文昌  
殺正以說於緬其后用賓所遣使人黃襲至暹羅暹羅  
與襲要約遂發兵攻羅古虛其地自后屢爲暹羅得榜  
所攻彼於奔命不復內犯矣

滇史畧

明諸葛元禮撰

皮羅閣承父志欲併吞五部遂與張建成謀之建成曰

蒙雋越析遠隔異壤欲惑三浪而取之

浪名遠蒙雋

三勢難且二詔強大未易服宜先假通好後引強兵力

攻三詔三詔歸我二詔不足平矣皮羅閣深然其計

建成又曰六詔同為唐臣非請於朝頓廢之恩見討今

劍南節度使王昱好利先賂國貨必為我請然後動兵

無不濟也乃令人齎金寶厚賂王昱密求合六詔為一

朝廷許之

皮羅閣既得朝命先密遣人說二詔蒙雋詔為負首死

無子弟法陽照立陽照死照原嗣其地連吐蕃嘗慮虜

侵之而南詔方以破吐蕃受賞得從之以子原羅為

賈皮羅閣又遣人至越析講好越析詔波衝也地最廣

兵最強素為南詔畏忌而波衝妻美而姪豪酋張尋求

悉之為波衝所覺尋求懼誅遂與妻謀殺波衝王南詔

使歸陳其事皮羅閣曰此弑逆大故朝廷當自討之無

庸吾力即以聞之王昱且曰請節度至姚州召而誅之

一夫力耳王昱用其策嚴兵臨姚州尋求至鎮數其罪

殺之尋求戮部落無主昱以廢些地畀南詔南詔不費

一矢坐得花馬之國

波衝無子兄子曰于贈憤南詔奪其國力不能爭乃持

故王所寶鐔鞘東北渡瀘邑於龍陞河纜百里

傳變舍也

又

使部酋楊墮居河東北治兵聲欲報復還其故土  
皮羅閣聞于贈叛去遣兵追之于贈樹壁攻不能克張  
建成曰此窮寇也今當有事三浪姑緩之皮羅閣乃回  
兵取浪穹浪穹遼賊相去止十五里及咩羅皮移遼川  
治大釐城與浪穹遠隔洱水皮羅閣恐其救浪穹以好  
言慰之咩羅皮感之不來援

浪穹詔豐時也時已死傳子羅鐸羅鐸死傳子鐸羅望  
爲浪穹州刺史南詔兵至與戰不勝羅望挈其部退保  
遷義督羅魯城即波州更稱劍浪詔南詔遂并有浪穹  
之地

先是元宗勅首領鐸羅望書曰勅故姚州管内大酋長  
那傍時嫡孫將軍鐸羅望卿之先祖輸忠奉國遠聞徂  
趨深常於懷言念邊人必藉緩撫又通蕃界兼資鑿過  
卿宜續承先業以副朕心故遣宿衛首領王白於姚州  
都督達奚守珪計會親彼用慰便授卿襲浪穹州刺史  
并錫綾三百疋至宜領取秋中已涼卿及首領已下并  
安平好遣書指不多及

皮羅閣既破浪穹還兵乘咩羅皮不備以輕銳掩襲大  
釐城之咩羅皮率其部復入遼賊據鍾山之險令人約  
浪穹施浪之眾合兵以拒南詔

此時施浪因勢孤弱又令族人施各皮據石和城互爲羽翼而皮羅閣始出兵時先令子闍羅鳳別引精騎攻虜施各皮施望欠孤立故欲與吡羅皮合兵攻南詔然邊賊浪穹皆喪敗餘燧施望亦懾息游魂南詔大兵臨之三浪望風瓦解兵各大敗南詔席捲邊賊吡羅皮走保野共川而死其子皮羅邨於川東十里築城自固施望欠既敗南詔以兵脅降其部望欠不敢歸蒙文和村將擄其族屬北走吐蕃又恐爲追者所獲問其部曰南詔何好或曰好色君以愛女獻之必免望欠乃以族走永昌獻愛女以丐和皮羅閣許之望欠渡瀾江溯水死其弟施望千走吐蕃立爲詔納之劍共與鑿羅望等雜居眾數萬人

皮羅閣破四詔惟蒙嵩尙未加兵已而王照原喪明子又質於永昌國中無主部下將別立宗屬南詔謀曰王替更立強明蒙嵩不易圖矣不若歸其子因令人隨往乘便圖之於是遣兵送原羅還國原羅歸眾共立以嗣其父居數月送往兵士劫殺照原南詔遣兵應之遂據有蒙嵩今地而原羅復歸永昌自南詔併有蒙嵩而土地開闢遂與吐蕃接壤乃使百蠻戍黎溪焉

皮羅閣雖滅五詔得其土地而各部遺裔尙存浪穹之

鐔羅望保有劍浪意賤之皮羅鄧堅守德源至於施望  
千施各皮蒙駕之原羅固已屈伏然皆在宇下恐死灰  
復燃其心叵測乃於國中預設一樓極其華麗樓上陳  
設錦繡其中之戶闢板橋悉用松明每舉宴會卽與臣  
下登此樓飲酒盡歡至是年六月二十五日正值祭先  
之期令人招聚五詔遺酋同來助奠諸酋聞命不敢不  
來至期祭畢舉宴延眾登樓飲昔盡羅須臾皮羅闕伴  
醉下樓擊鼓發火焚樓各詔之首領盡成煨燼南詔不  
復有遺患矣國人始悟樓木用松明之意滇俗於是夕  
點火滿衢巷名曰星回節當亦紀勝相沿成俗云

南詔始爲此謀人無知者惟鄧賊詔妻慈善逆知其謀  
止無往詔曰勢不可已婦乃作鐵釧約詔臂戒之而去  
既而果被焚伴曰五詔醉失火焚死灰燼中各詔骸骨  
無從辨認獨慈善舁夫屍而歸南詔聞其賢智欲逼娶  
之且曰爾來以汝爲進武進武夷言地也慈善伴許俟葬夫百  
日乃嫁葬畢遂閉城自固南詔發兵圍之應曰某非忘  
夫事讎者三月食盡乃盛衣裝西向自縛於座竟以餓  
死端坐而卒曰吾往詠夫冤於上帝南詔聞之悔曰悞  
道此貞婦乃旌其城曰德源城

在鄧州治東

雲南叢書

趙壽題

雲南備徵志卷八

上清

原任山西武鄉縣知縣臣王崧編纂

故實八南詔野史

南詔野史

明阮元聲著

星野

在天井鬼入參一度漢書次鶉首末位晉書麗中台上位北

斗閩陽一星蘇在地乃梁州裔土蜀之苑圃河圖

南詔稱名

按夷人稱王為詔稱朕為元稱帝為頡信稱兄曰咨稱

弟曰鐘稱下為景唐始稱南詔因蒙氏吞五詔居永

昌姚州之間地在五詔之南故曰南詔

六詔之地東西三千里南北四千六百里蒙舍詔

蒙詔施浪詔

越析詔

江浪穹詔

六詔稱名不同歷代各異

周名百濮戰國名滇國漢名西南夷蜀漢名建寧晉名

晉寧唐名南詔唐憲宗封蒙氏爲南詔王賜金印賜省

城名鄯闡宋名南詔元名雲南明亦名雲南唐元宗見

祥雲起名祥州乃雲南縣也古名一縣今爲一省之稱

漢元豐作封初置雲南縣則漢亦名雲南白古記唐

元宗問張儉成在何處答曰南邊雲下因命爲雲南

南詔歷代蠻王據土時年

雍闥孟獲據於漢蒙氏據於唐二百五十餘年鄭趙楊

相繼據於五代段氏在宋時建都大理至明始滅七姓

據土數百年惟蒙段最久自唐至元始滅高氏於明朝

現存土官蒙氏建二都以大理爲西京省城爲東京

南詔歷代名宦

李毅爲南蠻校尉政治明達晉光熙元年五苓夷反死

之其女秀有父才領州事至懷帝贈少府諡威侯王

遜爲晉寧守華夷畏服太寧元年夷叛死之案李毅王

卒未死 州人以中子堅領州事官至平西安南將軍

張翕漢豕平間守張元元初間守王追承和中守

鄒純臣漢明帝時守文齊蜀人水利有功益州守

呂凱三國時守中萬歲臨時守前有吳霸陳立後

有張亮劉寵健為費施案費施疑為費祿之譌巴東馬忠皆著動

烈 鮑堯夫大明守案以上載次時代多凌亂以下亦多如此

南詔歷代鄉賢

段文瑞潯江人讀書盡孝元詔旌門為臨安總管楊

忠楚雄人孝母感神元朝旌表

南詔歷代名賢

許叔漢明帝時人明五經為本郡教授張志誠唐大

和時人入蜀學羲之書法歸教滇人王昇昆明人元

時授曲靖宣慰司副使學政名於時張景雲昆明人

元至正間授臨安經歷陳實案陳實疑為傳實之誤平彝人

尹貢夜郎人二人德政名於時歷官尙書

元朝南詔歷科進士

王楫至治辛酉中式昆明人仕至晉寧州判李敬仁

至順庚午中式昆明人仕至宣慰司副使李郁至正

戊子中式昆明人仕至理問所知事段天祥至正甲

午中式昆明人仕至本省都事李天祐至正庚子中

式

武昆明人仕至嵩明州判本省都事五人俱三甲

元朝雲南鄉試條格

元皇慶二年翰林李孟奏准開科三年一試時九成殿生芝天下共取三百人每榜雲南只取五人蒙古取二人色目取二人漢人取一人以八月二十日初場二十日次場二十六日三場

大明雲南開科

洪武三年二月詔取士條格初場經藝一篇四書一篇二場論一篇詔誥表內科一篇三場策一道中式十日後試騎射書算律五事 洪武十七年甲子勅天下三

年一試 洪武甲子雲南始開貢 癸酉雲南始赴應

天鄉試 甲戌始申進士 永樂九年雲南始開科

景泰四年定取雲南中式二十名尋加十名 宣德元

年定取雲南共五十名 嘉靖丁酉雲南貴州始

分科雲南額中四十名 萬曆丙子總撫鄒應龍奏加

五名

南詔古蹟

省城唐永泰十一年蒙太子鳳伽異築洪武十五年修

廣十里三百三十四步共一千九百六十七丈伽異未

立死城東宣武王築小城與子順化卽古城城北十里

玉女城梁王築三嶺池三百里史云源廣末狹似倒流

故曰嶺池晉案晉字疑為孝武帝太元十四年寧州守

費統奏嶺民董聽見池中黑白二馬出入故老案神馬

出與馬交生嶺池駒日行五百里金馬碧雞周天竺

國阿育王有三子長福那次宏德次至德王有一神馬

三子爭之王命放馬得者與之三子至德追至東山得

馬即今之金馬山長子繼至聞得馬屯西山時碧鳳在

山土人呼為碧雞至蒙氏封二神為景帝漢武帝遣王

褒求金碧神褒至蜀望祭而回祭文曰歸徠歸徠漢德

無疆褒回道卒案孔廟南詔不知尊孔子以王逸少為

聖人元有文廟在城外魚課司至襄興亦移入城襄

公又開東西河東名金汁河西名銀汁河教育有功封

咸陽王春秋廟祀案祠山廟漢張勃守嶺興水利邦人

祠祀之案諸葛碑在省城東二里舊漢營案土主廟蒙

氏十一年建大義法師以菩提珠子九顆種廟左右今

存西一株甚茂案順治五年焚枯案圓通洞有蛟為

害盤龍僧建寺額之蛟去水洞名潮音洞元李道源有

碑案潮音洞在岩案洞下康熙五年修洞得龍骨數十

兵得之不案倉神明雲南府知府郭鉉建倉建學有功

滇人立廟於倉今為倉神公順天人也案梁王宮今長

春觀 梁王墓在近耳山 賽典赤墓在省城北門外

白塔在東嶽廟前乃元萬慶寺塔 穿心塔在官渡

螺精爲怪建塔鎮之市有碑蒙氏摩訶謎會盟立 段

平章墓在大理崇聖寺後 漢使臣廟在進耳山 蒙

王碑在省城東十五里成都間邱均撰洛陽賈洵書

溫泉在安寧滇十七池惟此甲天下唐明皇玉蓮池不

及也下有砾砂之故凡溫泉必砂礫礪在下乃熱觀

湯池可知 梁王避暑宮在羅漢山 鹽井滇中共四

十處惟姚安白井楚雄黑井最佳狼井黑井因狼與黑

牛舐地故名白羊井今譌爲白鹽井蒙氏時洞庭龍女

牧羊於此羊忽入土掘之鹽水出乃名白羊 神石在

南安州 九隆山在永昌有王氣武侯掘斷之 鐵橋

在巨津州隋開皇年鑄 地符在白崖石上有文蠻王

禁人踐之 神鹿在點蒼山一鹿二頭食毒草 諸葛

碑文曰碑卽仆蠻爲漢奴夷人碎之 石人在武定石

臼縣仙翁騎驢至驢驚仙翁斬之現存又一處在呂合

仙人骨在呂合 石佛在宜良崇眞寺孝惠王建蒙

武宣王見山有白光掘得大石佛 案此條疑有脫誤 秀山花

在應安有花一株如芍藥中原未有 盟誓碑在曲靖

北十五里段氏與三十七蠻部會盟立 銅柱在大理

唐何履光至南詔復立伏波銅柱 大相公嶺在寧州  
山高下視白骨可畏 仙人迹在通海箭口鋪有白沙  
巨人跡掃之正午不見次日依然 萬箭樹在永昌段  
氏時獍蠻亂過者射以厭之 竹王祠在通海縣漢女  
子浣衣竹流來有聲破竹得兒長雄於諸夷以竹爲姓  
槩破竹於野長成爲林 禮拜寺在省城內賽典赤建  
青華洞在雲南縣南八里漢時出一鹿二首絕異  
火井在阿迷州田中投竹木則然夜有光 五臺峯在  
點蒼山漢使李平寧見有風水掘斷之爲雷震死此建  
寧張氏時事 風雷洞在阿迷州百里內有風雷之聲

羅佐關在烏家山山高由蜀敘州入滇要路

古滇名山勝跡不能盡載聊述其大略耳

南詔歷代源流

雲南古荒服無紀載自古記三皇之後西天摩竭國阿  
育王第三子憍直低娶久蒙虧爲妻生低蒙苴苴生九  
哥名九龍氏長子阿輔羅卽十六國之主次子蒙苴兼  
卽吐蕃之祖三子蒙苴諾漢人之祖四子蒙苴酌案酌一作  
東蠻之祖五子蒙苴篤生十二子五賢七聖蒙氏之

祖六子蒙苴託居獅子國七子蒙苴林交趾之祖八子

蒙苴頌白崖張樂進求之祖九子蒙苴關案關一作白夷

之祖 按哀牢夷傳古傳有婦名沙壺因捕魚觸一沈木感而生十子後木化為龍九子驚走一子背坐名曰九隆又云哀牢有一婦名奴波息生十女九隆兄弟各娶之立爲十姓曰董洪段施何王張楊李趙九隆死子孫繁衍各居一方而南詔出焉故諸葛爲其國譜也

大白國

阿育王第八子蒙苴頌居大理白崖因地名號白國至楚威王命莊躡伐滇躡遂自爲滇王莊威案威字疑衍文王之後好佛法網紀不振國人推張仁果爲王至漢武帝命張騫使滇立仁果爲王仍稱白國後昆彌氏繼之改白

爲拜

拜國 王時漢國於官欲於中宣施王遊諸國  
昆彌氏國號歷年莫考張氏繼之改爲建寧國

自建寧國

張氏國號漢末祖張仁果居蒙舍川昆明大族眾立爲王建都潞江號雲南王蜀漢建興三年滇酋雍闓假鬼術殺益州守正昂歸吳吳王孫權以闓爲永昌守武侯南征至白崖殺闓封龍祐那爲長亦賜姓張號建寧國築建寧城并鐵柱立碑南中紀功云萬歲後勝我者過此隋史萬歲見而仆之下有字云史萬歲復立吾碑立

而祭拜去張氏傳三十三世至張樂進求一見蒙奇王  
有異相遂妻以女讓位與奇王王姓蒙名細奴羅遂滅  
張氏號大封民國

大封民國

奇王蒙氏始唐高宗永徽三年乃建都蒙舍築城龍圖

案演載記作瓏玕山圖由在今蒙化

貞觀初滅南詔號大蒙國稱王僭

號自此始僞諡高祖

長和國即募臣鄭買嗣

鄭買嗣宣武王相鄭回後官爲侍中宣武王巡部關留  
嗣守國遂篡蒙位建都大理號長和國歷三世楊干眞

滅買嗣立趙氏號天興國

大天興國

趙氏國發立未久干眞又篡之號大義寧才八年通海  
節度段思平討之自立號理國即大理異牟尋徙羊苴  
城改名大禮段氏自晉天福三年得國改大理又改大  
中并文德建都於此凡二十二主三百十六年至元如  
滅 案段思平忿干眞篡位討之眞逃遂得其國尋赦  
眞罪廢爲僧段氏傳至正明衰弱國人廢段氏立高昇

木

大中國

高昇太段氏臣國人因段正明爲君不振而立之號大  
中國在位一年遺命于高太明仍還段位段氏復興是  
爲後理高氏皇朝尙有土裔還位之報也

後理國

段正清業正緒中興卽以高太明爲相傳至國終而後  
已 以上大略敘歷代相傳之綱大蒙以後詳紀其目

大蒙國名細奴羅因居蒙舍以蒙爲姓僞諱奇王  
唐太宗貞觀初蒙氏滅南詔永徽四年蒙受唐封卽位  
改元大封先是細奴羅與張樂進求相讓奴羅曰如我  
爲君歿石劍入砍之入三寸名曰盟石今在蒙化 是

年唐僖宗天取經 蒙氏平地方封嶽嶺以神明天子  
爲國共主封十七賢爲十七山神丁巳唐僖取經佛像  
回過點着兩涇經曠於坡間今名曠經坡僧回註般若  
經 是年有彩鳳鳴於鄧州州遂名山爲鳳羽山 時  
潞江人郭郡倚勇捷蒙氏用爲開國武臣汲羅旁蒙氏  
用爲開國文臣 有楊波造騎青牛號神明大士能知  
鹽井造鹽井多波遠所開

上元元年王夔在位遵唐正朔改元八子羅晟立

孩皇期雲南鹽四十井每年并天下鹽課鹽糧共納三

百九十萬五千三百兩

興宗王名羅展偽諡興宗

唐上元元年即位年二十歲以張儉成爲相 甲申唐武氏臨朝 庚戌姚州蠻歸吐蕃唐遣御史李知古討之築城立州縣知古誅豪傑掠子女蠻怨殺知古於姚州 是年王薨子晟羅皮立

威成王名晟羅皮石刻名諡樂魁

唐元宗先天元年即位年十五歲 立差法取商稅

開元元年庾大匠恭船徽義建大理崇聖寺并塔刻石

紀年 二年遷都立省城土主廟 九年南詔反 十

四年立文廟 十五年王薨遵唐正朔偽諡威成王

唐書與魏的目下此又魏附紀年之末此後或繫於前或繫於後或前後俱不繫爲疑恐仍之子皮羅

閣立 雲南王名皮羅閣石刻作歸義王名魁羅

唐元宗開元十六年即位年十四歲唐封爲雲南王

載記以封雲南王爲十六年事十八年蒙滅五詔先是蒙氏恐三十七

部不服選親族爲五詔未久五詔抗命王賂劍南節度

使王冕求合六詔爲一朝命許之使人諭五詔六月二

十四日祭祖不到者罪建松明大樓敬祖於上望期五

詔至推寧北妃止夫行夫不聽妃以鐵錫約夫手而別

二十五日五詔登樓祭祖畢享胙食王至晚酒醉皮羅  
圍獨下樓焚錢放火兵圍火發五詔死差人報焚錢失  
火燒死請各妃收骨各妃至難辨夫骨寧北妃因鐵鐐  
得夫骨至今滇人以爲火把節王滅五詔取各詔宮人  
聞寧北妃美遣兵取之妃曰誓不二夫卽自盡既滅五  
詔遂破吐蕃及滇蠻入朝天子禮之遣使封雲南王開  
府儀同三司賜名歸義并金鈿帶七事歸築太和城上  
下二關二十七年明矯叛破浪穹劍川永昌遷都  
太和城 癸未城大理 乙酉西番進獅子皮 十月  
城永昌 丙戌命孫鳳伽異入唐唐授鴻臚少卿妻以

宗室公主賜樂一部 天寶七年王薨子闍羅鳳立

神武王名闍羅鳳德化碑云家居閩羅鳳因地名  
也石刻名覺樂鳳

唐天寶八年卽位年十九歲改元長壽以段忠國爲相  
是年唐遣黎敬義封爲雲南王子鳳伽異爲陽瓜州刺  
史 九年王率妻謁雲南太守張虔陀虔陀私之又多  
徵求王怒發兵殺虔陀陷夷州二十二處 十年王攻  
安寧發人口百戶於浪穹 四月唐劍南節度鮮于仲  
通將兵百萬伐浪嶺王謝罪請還俘如不許則歸命吐  
蕃仲通不許囚其使進兵白崖王遣子鳳伽異與段儉

魏迎戰於涇河唐兵大敗仲通僅以身免遂叛唐歸吐蕃吐蕃封爲日東王賜金印以儉魏爲清平官刻石國門指碑曉唐使言授唐之恩明歸蕃之故 天寶十一

年唐玄宗因漢殺太守虔陀命鮮于仲通領兵三萬征

雲南 築白崖城 十二年案漢載記作十三年唐復命劍南何

履光李宓再征雲南王誘唐兵深入糧盡唐兵皆沒李

宓水死何履光大敗是役乃白妃妖術展袖拍手而笑

韓陀僧用鉢法王師乃潰 唐永泰元年太子鳳伽異

築省城破曲靖 大曆元年立德化碑於太和鄭回撰

文 唐節度鮮于仲通兵取南谿路大將李暉取會同

路都督李知進白步頭路三道伐滇王就安寧在申夷

惻兵至曲靖首領王子芬參軍馬如之齋狀批示自唐

兵屢敗王遂與唐絕遣第鬪皮和尙結好吐蕃鬪皮有

神術人馬十八騎往來不過朝夕吐蕃以南詔爲第封

爲贊普錢賜金印唐兵三至三敗乃其術也時南詔喪

師楊國忠以捷聞今河尾有大塚書天寶戰亡士卒之

墓時安祿山反羅鳳乘機取蜀笮州 四年永昌牛生

三角雞九足羊四角并酒出光於是築營于城麗水金

寶城 時有張儉成算卜欲建寺白崖卜告吉又云地

下有三截觀音上截在酉中截在東下截在東南掘之

果然三十一年

案漢載記作十四年

王薨改元二子鳳伽異未立

死孫異牟尋立

案漢載記異牟尋異牟白異牟合書及元載

三 孝桓王名異牟尋

案漢載記異牟尋異牟白異牟合書及元載

唐代宗大曆十四年卽位年二十一歲改元上元次年

率兵三萬寇唐取蜀爲東府遷城大理 德宗興元元

年甲子遷都太和改元上元

案一作改元上元封據漢載記元封疑爲見龍之說

封嶽瀆立五皇廟貞元二年丙寅遷都大理設官立三

託氣託管馬祿託管牛巨託管倉又立九爽爽者省也

管軍民禮樂刑政出納賓客等事 丁卯王以子弟師

事竄回回中國掠去人乃勸歸唐王納附 四月吐蕃

犯蜀來徵滇兵王雖不叛蕃心已歸唐四川節度使韋

皋又招之歸唐益堅遂不發兵 河中進九尾狐 貞

元九年異牟尋歸唐 十年節度韋皋使崔佐

案崔佐佐佐書作佐

輔佐入滇不知蕃使先在王令佐更夷衣佐曰天朝大

使豈衣夷衣王不得已夜迎之佐大宣詔王懼失色佐

勸王斬蕃使復南詔從之六月唐遣使立王爲雲南王

王命使獻地并吐蕃金印於唐唐遂賜滇王銀窠金印

印文貞元册封南詔印

案漢書此條爲貞元十年事

唐憲宗元和

二年築大理雪峯長城 三年七月王薨唐遣太常寺

少卿武少儀祭弔子新覺勸

案漢載記作尋聞勸立

孝惠名新覺勸僞諡孝文

唐憲宗元和三年卽位年三十一歲改元應道大正月

唐賜元和金印羣臣上尊號曰僖信僖信者皇帝也

重修曲靖崇聖

崇聖一寺代所建

四年庚午王夔子

勸龍晟立

勸龍晟立

元和四年卽位

興武二月鑄佛三尊送佛頂寺用金三千兩遣宗榜救

緬榜湯池人王勇將先是獅子國攻緬緬求救於王王

命救之按緬甸歷代無考宋元屢敗王師洪武十年

緬頭目招板南進貢洪武二十九年差進士錢古副詔

立宣慰司洪武三十一年戊寅緬犯景東叛入他郎甸

沐國公英命都指揮舉正平之三月犯定遠沐國公同

都督馮誠平之斬首三萬獲四十七象緬酋刀斯郎中

矢死象背緬遂降貢方物景泰三年尙書王驥賞緬孟

養地之緬方獻麓川賊奏至上大悅差主事何膠賞勞

嘉靖初緬火燒齋金牌官官逃回中年突起海上至今

未安自騰至緬止三十六程自騰越一日南甸一日羅

必思一日郎曠一日甸頭一日甸尾一日甸頭一日甸

腰一日甸藍一日蒙鄰路一日空地一日蒙來路一日

大市一日龍江一日本地一日八列渡一日太公城一日

日景怡此蘇个切一日些切按蘇个切一日些切數字俱有誤二日馬來安一日

賴富山二日山頭二日何頭二日阿只二日吳細辰一日折弓一

日阿越以上陸路自阿越下小九日至緬城案上三十程與數

不其地有五大城首居金樓民居竹樓其下稱緬酋爲

小刺浪稱其妻爲米潑刺地接大理四川案緬甸地接今騰越緬甸

等處此云酋出入乘輜水有舟筏官有昭孟昭象昭剛

大理疑誤酋出入乘輜水有舟筏官有昭孟昭象昭剛

三等官無大小俱金銀花寶帶器無弓箭水有金沙江

瀾時徑五里水惡緬人恃此爲險俗敬佛重罪對佛發

誓憑僧處斷入緬又有數道一由怒江西上一由騰衝

七日至麓川一由雲南縣白崖過景東從木通甸至灣

甸渡入芒市十日到麓川三路從怒江上流象來渡至

景樂沿河小渡十餘處皆可進又有三道可行一由天

步馬一由灣甸一由河郊地界皆可入緬六年酋王淫

虐失道弄棟節度王嵯巖弒之時年二十一歲唐命少

監李銑祭弔第勸利晟立案

唐元和十一年卽位案勸利晟年十五歲改元

全義厚報嵯巖賜姓蒙封太容穆宗長慶三年賜金印

次年廢嵯巖尋赦其罪命敬信三寶官清平三月張

羅政劍川

四年 案年字疑

遷都大理號天禮二六月

修龍首上下二關

七月永昌生二頭沙牛

是年除

洱河水怪建龍屋塔高十二丈

王堯子晟豐祐立

按白古記洱水有妖蛇名薄劫興大水淹城王出示能

滅者賞盡官庫子孫世免差役有段赤城願滅蛇縛刀

入水蛇吞之蛇亦死水患息王建寺鎮之以蛇骨皮灰

塔名曰靈塔每年又有蛇黨起風來剝塔灰時有謠曰

赤城實硬今龍王廟碑云洱河龍王赤城蓋有功爲

神之報今廟在上關沙坪洱河邊

案錄一

日昭成王名晟豐祐石刻名祿

作祿

豐祐

唐穆宗長慶四年卽位年十六歲改元保和立常平倉

文宗太和二年戊申僧贊陀建鶴慶元化寺先是鶴

慶水淹僧以杖搗東隅洩之水中得樟木一段刻爲佛

咒之忽靈遂近名曰活佛至明成化間雲南憲副林俊

聞而火之得金數百入官又火滇淫祠三百人呼爲林

勞佛俊福建莆田人三年四川節度使杜元穎失土

卒心逃入南詔因此知蜀虛實乃寇蜀陷邛莒三州

掠經書寶貨文宗知之貶元穎循州司馬以李德裕代

之築鄧州城四年立善闡王宮五年王改元天

啓開成元年越巂建大理崇聖寺基方七里聖僧李賢

者定立三塔高三十丈佛一萬一千四百屋八百九十  
 銀四萬五百五十斤自保和十年至天啓元年功始完  
 匠人恭籍徽義徐立立教官二人張永讓益州人趙  
 永本國人二年丁巳昭成王女諸崇聖寺燒香回至  
 城西遇乘白馬人攝去行文不得告於僧費陀贊陀曰  
 此山神也設燈照之果在蒼山下僧欲行法移山於河  
 神懼願獻寶珠王從之王母出家改名惠海昭成后  
 薨復選惟羅女一女美迎為后后建寺名羅次寺歲久  
 兵火至今靈異三年戊午用銀五千鑄佛一堂廢  
 道教四年僧些島造永昌卧佛長丈六六月初一

日星落如雨一是年大旱王命僧周壽海祈雨壽海曰  
 昔湯旱七年六事自責天雨七日今王酒色妄殺天怒  
 不雨王如改悔天雨自至何用禱為王如信言自改自  
 責數日果雨師摩奚乃景莊帝案昭成子世之母其  
 初摩奚隨王出征至羅白城建一寺南壁畫六龍是夜  
 龍動幾損寺後畫一柱鎖之方定宣宗大中八年甲  
 戌宗榜救頹勝之建東寺塔高一百十五尺西寺塔  
 高八十尺大匠尉遲恭翰造又建妙應寺并塔自元和  
 三年至大申十三年功完案元和乃憲宗年號此  
 年王薨子世隆立先是獅子國侵緬緬求救於王王遣

宗榜助之榜勇而貪與緡約成功須厚酬榜遇獅子兵  
盡殺之緡酬金佛一堂榜回至騰越聞崐嶺篡位榜遺  
書曰天啓不幸父崩子幼聞公攝位國家之福我戮緡  
國緡酬金佛本國無人惟公與我曰日可親迎佛與國  
增輝崐嶺不知其謀至期往迎榜令拜佛卽斬崐嶺回  
國立世隆按榜索緡金佛銷時有奉香火祝曰願  
世代奉敬今不可得願世寫輪生滅彼國祚後果生鄭  
買嗣募家氏天啓自至騰越崐嶺王  
景莊皇帝名世隆天啓十日命王  
唐宣宗大中十三年卽位改元建極案世隆之立大理  
與此同漢載記

以爲在唐武宗  
會昌十三年說

唐西川節度使韋皋

貢昭成王怒其擾邊子曾龍立犯唐元宗諒唐不册封  
龍自稱皇帝改元大理寇蜀播州咸通三年杜宗上  
言南詔強盛西川兵弱未可輕絕宜弔祭十一年庚  
寅南詔傾國寇嘉州有飛天神王咬兵破之先是杜元  
穎守成都時滇兵至嘉州沐原川忽驚走蜀兵獲夷卒  
問之卒曰見徧山神兵一神持長斧坐二鬼之上聲若  
迅雷來追故走卽時酋長二人自死乃知飛天神王也  
蓋嘉州有飛天神王廟滇兵至雙流阻水三日蜀人聞  
而悔之時高真寺有僧名崇樓有神術景莊以爲師攻

蜀乏糧又遇時節士卒思歸僧咒水成酒咒石成米各  
醉飽征伐隨行則用兵如神一日自軍中化蝶回國亂  
宮后書達帝帝回云若來令宮人青繡一蝶僧復來宮  
人繡之帝見衣繡蝶命斬行刑七次首不斷自云用茅  
乃斷果然人見黑雕飛往高真寺傳云僧乃雕巢中所  
得之兒信矣 南詔復寇黎雅嘉三州 十三年鑄天

尊柱於白崖高八尺

案在今趙州城南瀾波鎮柱應

十三年歲次壬辰四月庚子朔日癸丑

十四年犯蜀

過大渡河唐防河兵馬使伏半渡破之敗走夷兵繼至  
蜀兵復敗 僖宗乾符元年寇四川陷黎雅聞高駢敗

鎮西川乃退駢追至大渡河擒酋長數人

案高駢至西

川為駢將南詔至叛唐後使至俱不拜惟拜和尚帝命

僧景仙往諭公主事乃拜 乾符四年二月世隆出怒

發疽薨於越鴉景淨寺 按成王妃乃漁家女浴於江

金龍與交生世隆七歲開掌中有通番打漢四字唐武

宗發兵四十萬取西南自建昌入世龍迎於古宗殺唐

兵二十萬於交界處立銅柱先是唐懼隆舜為患妻以

公主察其所為公主以年庚送唐唐宗命太史推之知

其為龍也

武宣帝名隆舜

唐僖宗乾符四年卽位年二十三歲改元眞明案眞明改元

元二眞明父爲唐僖二十年上下俱困子立改元無道委

政於臣願歸於唐嶺南節度使辛諱奏許以息邊患

四月請和於唐無表牒內稱第不稱臣詔百官議禮部

侍郎崔潛曰南詔無禮恐貽後笑使上表與潛辨帝詔

諭解案眞載記以詩和爲乾符四年廣明元年唐命少卿李龜年以

宗室女爲安化長公主與南詔和親案眞載記以李龜年充使爲廣明元

年以宗室女妻之爲中和三年七月崑崙國進美女於南詔中和

元年滇王歸國案國一作唐唐光啓元年滇王遣楊奇肱

送公主歸唐 二年地震龍首二關三陽城崩 乾寧

四年王好畋獵內變失道豎臣楊登弒之在位二十一

年子舜化立一五十月

孝哀皇帝名舜化案唐書南蠻傳作舜化眞

唐昭宗乾寧四年冬卽位年十歲改元中興上書於唐

唐欲以詔答之王建言小夷不足辱詔從之立五學教

主 光化二年鑄崇聖寺丈六觀音鄭氏合十六國銅

所鑄也蜀人李加亭塑像 七月帝薨在位五年至天

復二年奸臣鄭買翦篡蒙國蒙氏自細奴羅癸丑僭帝

歷十三代共二百四十七年案自詩高宗永徽四年癸丑至昭宗天復二年壬戌

實二百五十年亦誤鄭買翦篡之國絕

唐書南蠻傳

鄭買嗣篡始末

蒙孝哀帝昏愚生太子八月而薨后臨朝買嗣主國一日啟后曰母后深宮羣臣無主臣抱太子坐朝后乃以太子付之買嗣握太子勝脫太子哭不已遂付宮人回

宮三日太子卒遂篡焉案一本此處有后責之遂殺案氏親族八百人於五華樓下入

宮之二十一

聖明文武威德桓皇帝卽鄭買嗣更名景唐西瀘

令鄭回七世孫

唐昭宗天復二年七月篡蒙國年三十二歲改元安國

國號大長和建普明時梁太祖開平二年戊辰鋤佛一

萬尊爲殺家氏八百人也己巳八月薨偽諡桓帝子

仁明立

肅文太上皇帝名仁明買嗣子聰明智巧國泰民

安改元六次僞諡肅文

梁太祖開平四年卽位年二十一歲改元孝治 乾化

四年伐蜀黎雅蜀兵拒之滇兵溺水萬人施宮寺災僧

智照撰封民三寶記 十二月求婚南漢以增城公主

妻之案後唐莊宗同光二年甲申南漢改元白龍是年長和國驛信歸仁明遣其布變鄭應瀆致朱繼白

馬以求昏帝以襄帝文增城公主妻之事見十國春秋南漢高祖本紀 同光四年服丹

藥燥怒殺人八月薨偽諡肅文子隆寶立

恭惠皇帝名隆實僞諡恭惠

後唐明宗天成元年卽位改元天應 丁亥東川節度楊于真弑之立侍中趙善政爲帝在位二年壽二十六歲鄭氏止傳三代歷三十六年而國終

大天興國惠康皇帝趙名善政

趙善政爲清平一日途行天落石於前石裂有紅字云善政爲天子於是楊于真殺恭惠而立善政後諡惠康皇帝先是善政徵時採柴山中午酣夢神曰柴有矣不止一次告其母母不信同往視之果然唐明宗天成三年卽位改元爲聖改國號大天興六月楊于真廢之而自立在位十月

大義寧國卽楊于真篡趙氏僞號于真和村人母

名彌承有美色封民宣武王私之有孕後適漁人

楊氏生于真父捕魚于真在船頭見水中有人龍

袞冕旒彩鳳白光繞之呼父視之見是兒影大喜

後遂滅善政而自立僞號肅恭皇帝

肅恭皇帝楊于真

後唐明宗天成四年六月篡趙氏位改元光聖國號大

義寧 長興二年辛卯改元大明于真貪虐中外咸怨

通海節度段思平討之于真命第五人拒之不克于真

出奔義者在位八年國亡

義二年而段氏興焉

大理國

段氏武威人先世爲蒙氏神武王將唐天寶十年段儉

魏大敗唐兵神武王論功陞爲清平官賜名忠國拜相

六傳而至思平其母過江觸水樂水一作木有孕生二子長

思平次思良思平牧於山中聞爲王之識大明楊詔

草內得脫行至品甸得奇戟至葉鑑湖得神馬飢捕野

桃食之核上有青昔二字思平拆爲十二月二十一日

遂借兵以董伽羅爲師進兵大理楊詔據橋不得過是

夜得三寶夢人去首玉瓶去耳鏡破左右曰大丈夫

去首爲天玉去耳爲王鏡破無對皆吉兆也是日過江

有被纓浣沙婦指渡處云案按演戲

聖神文武皇帝長思平僭稱帝以下俱僭稱

晉天福二年卽位建都大理年四十四歲改元文德

甲辰赦三十七部差役年年建寺在位八年薨子思英

立

文經皇帝案漢載說作爲諡名思英母楊氏桂仙

娘沒而爲神封榆城宣惠國母

晉開運三年卽位改元文經叔思良爭立廢爲信名宏

修大師叔思良立

聖慈文武皇帝名思良

晉開運三年卽位改元至治刻樓坪碑後周太祖廣順元年辛亥帝薨在位五年俱無可述子思聰立

後周廣順二年卽位改元明德 宋太祖開寶元年戊辰改元順德

宋與載記作改元三是年薨在位十七年

無可述子素順立

應道皇帝名素順

宋與載記素順於

宋太祖開寶二年卽位

先是太祖建隆三年王全斌平蜀欲取雲南以圖進

太祖太祖揮玉斧乘之由是段氏據南詔在位十七年

素英立

昭明皇帝名素英

宋太宗雍熙三年卽位改元廣明宋真宗景德元年甲

辰述傳燈錄次年改元明應明聖明德明治大中

祥符二年薨在位二十四年爲君無道子素廉立

宋徽明皇帝名素廉

宋大中祥符三年卽位改元明啟又改乾興 辛酉薨

在位十三年爲君無道其子前死孫素眞尙幼乃立素

英之孫素隆素隆者素康之姪也

宋大業義皇帝名素隆

宋真宗乾興元年即位

宋天聖四年丙寅禪位爲僧

六年姪素真立素真者素康之孫也

諡之曰秉義

聖德皇帝名素真

宋仁宗天聖四年即位改元正治

在位十五年有子先亡孫素興立

宋天聖皇帝名素興

宋慶曆元年即位改元聖明

無道國人廢之立思平曾孫思智之子思廉

宋孝德皇帝名思廉思平曾孫僞諡孝德

宋仁宗慶曆四年即位改元保安

皇祐四年廣南儂智高叛改年號大曆

之智高走大理思廉函其首送京

楊允賢克之賜白崖莊甸地方

宋熙寧七年思廉禪位爲僧

立

案義述一本作連義

宋上德皇帝名義連

宋神宗熙寧八年卽位改元上德 九年入貢於宋

十一年作八龍王會 在位六年楊義貞弑之而自立

宋廣安皇帝名義貞

宋神宗元豐三年義貞立改元廣安在位四月餘段氏

臣高智昇命其子昇泰起東方兵殺之義貞立凡四年

義貞而立義連從子壽輝武烈平蝦大蝦宋命其高智

宋上明皇帝名壽輝上德帝姪八出大受五受五

宋元豐三年卽位改元上明 是年日月交晦星辰晝

見 二年帝因天變禪位在位二年思廉之孫正明立

保定皇帝名正明孝德之孫

宋元豐五年卽位改元保定建安天祐 宋哲宗元祐

四年禪位爲僧 段氏末人心歸高氏羣臣請高昇泰

爲君而段氏中絕 天玉野高奉獻天宋

甄真富有聖德表正皇帝姓高名昇泰

宋紹聖元年國人立之宗之元符二年立國號大

中改元上治在位二年 按昇泰一作勇 勇一作勇 邑人

將生父至石雲寺燒香回遇一老人云汝家將生貴子

果生昇泰段氏末保安帝出遇狂風吹倒馬智昇救之

遂得幸賜妻并地方楊允賢叛昇泰討之封保安侯討

義貞立壽輝壽輝在位災異迭興後至段正明亦禪位

爲僧國人見段氏弱以昇泰爲主至乙亥昇泰有疾遺  
言曰我之立因段之弱我死位還段正滔子泰明遵之  
還位段正滔正滔以國柄付高氏遂爲後理國段氏復  
中興文正曰爲神教者國祚一歸人曰於宋高氏

後理國文安皇帝名段正滔正明弟

宋哲宗紹聖三年卽位改元天授立高氏爲相高氏專  
政段氏擁虛位而已丁丑改元開明赦差役壬午  
修楚雄城次年改元天正使高泰連入宋求經書六  
十九家藥書六十二本鄧闕高觀音來朝進金馬杖  
八十節人民三萬三千戶賜入意袍衣龍頭劍權爲安  
東將軍乙酉緬人崑衍波斯三夷同進白象香物

十一月慧星出西方十二年南詔大疫戊子帝禪  
位爲僧在位十三年子正嚴立

宣仁皇帝名正嚴附高泰明

宋大觀二年卽位改元日新二年中元節各方貢金  
銀羅綺犀象珍寶萬計牛羊遍野蒼三年改元文治  
地震倒十六寺三十七部叛高相國興兵討之使子  
泰明鎮守五年緬人進金花犀象政和六年遣儒  
官鍾震漸黃齋勅襄相國忠貞遣李榮琮等入貢於  
宋八七年宋冊封大理國王六年高泰明卒封國師

生入子高智昌以罪流死其臣尹何二人謀報讎乘王入寺弑之事露王嘉爲義士欲用之二人不從曰願死風後人王殺之立義士塚今存 國主高泰連立 六

月朔二日並出 丁未宋高宗立 丙午閏五月金星

八月大火焚三千九百家案此條疑在前丁未宋高宗立之上錯簡於此 紹

興三年求入貢不許自是不通中國 六年廣西安撫

奏大理貢象詔護送 丁卯彗出幕寧遠矣空破馬地

方叛二月征之大敗 三十七部攻平國公於鄯闕其

叔高明清嚴死羣臣以平國公子有德立之又讓高壽

貞自號中國公居楚雄正嚴年老諸子內爭外叛禪位

爲僧在位四十年薨子義長立 十六年相國公貞

正康皇帝名義長正嚴子案義長漢載記作正興

宋高宗紹興十七年卽位改元永貞高量成繼立改元

太寶 二十年騰永叛高明清平之 六月討三十七

部叛夷 十七日國主讓位與姪壽貞退居楚雄壽貞

立號中緬布變 二十五年改元龍興又改聖明建德

案漢載記作改元永貞大寶龍興盛明 三十二年三月十四日重霧二

十四日方開 五月中國公薨 是年宋孝宗立 乾

道七年六月禪位爲僧在位二十七年子智興立

功極皇帝名智興

宋孝宗就道八年卽位改元利貞 甲午高觀音隆立  
奪壽昌位與姪貞明改元興正十一月阿機起兵同正  
明入國奪貞明位還壽昌貞明奔鶴慶 丙申高妙音  
自立自白崖起兵入國奪壽昌位改元至德 丁酉改  
元元亨時有高氏外孫成賢成正二勇惡來謁外祖於  
鄴闕意在奪之外祖探之不認盟於天王廟二人口含  
丁香葉出廟吐之曰盟非我也葉也未久二人來吞鄴  
闕方戰見白馬神誅之悖盟之報也白馬神廟中二力  
士也 辛丑改元嘉會 乙巳改元亨利又改安定

載記作改元五日利貞  
盛德嘉會元亨安定

淳熙十六年明國公貞明薨

偽諡義地威天聰明仁聖宋光宗立 乙卯宋寧宗立

庚申宋寧宗慶元六年七月帝薨在位二十九年僞  
諡功極子智廉立

宋寧宗享天皇帝名智廉

宋寧宗慶元六年八月卽位改元鳳曆 壬戌入宋取

大戴經置五華樓凡千四百六十五部 甲子帝薨弟

智祥立

神宗皇帝名智祥享天皇帝之弟

宋寧宗開禧元年卽位改元天開

案戴記作改元天開仁壽

壬

申復征三十七部追至尋甸平之 高阿育

案百一作容一作客

爲國主建寺不已  
乙酉宋理宗立榆城隆繼立爲國主  
宋嘉定六年六月十七日河水絕流十八日未時水復流  
八年國公隆下都關立光日爲演習高太祥爲相育材舉賢時和年豐  
案此處疑有脫誤十一月帝薨在位三十四年于祥興立

孝義皇帝名祥興

宋理宗嘉熙二案二誤載年卽位改元道隆  
淳祐六

年元兵至九木命高禾率三千人迎戰爲所敗  
已酉地震  
運祐歸宋宋遣使向來致新經書賜銀百兩祭文一通爲禾拒元兵士卒戰亡也  
十一年帝薨在位

十二年于興智立

天寶皇帝名興智

宋理宗淳祐十一年卽位改元天定  
十二年壬子卽

宋寶祐元年元世祖自大渡河破吐蕃出石門所過皆降高太祥拒之不勝元兵至大理帝奔鄯闡太祥奔姚州元兵追及斬太祥於五華樓下  
白日雷大震  
二月元兵入大理上關擄興智得五城入府三十七蠻部

立平雲南碑於蒼山  
四年鄯闡降元元兀良合台嘉

寶段捕二鹽井  
五年兀良合台至鄯闡赦興智賜金

牌勅仍管八府  
宋景定元年元世祖伐緬甸  
十月

牌勅仍管八府  
宋景定元年元世祖伐緬甸  
十月

帝同段甫奉元命四征不應至宋境安南十二月兵回  
至定與從討聞元憲宗輟朝遣翰林李道源來祭時段  
氏雖失國十六國猶遣使祭弔御祭文曰段氏承五姓  
正位歸有新統既順天時以向義猶得國土以棲身實  
國家待遠邦之仁由賢王申左右之感受命以來朝夕  
惕勵賴四征以靖不庭正當共享亨嘉之運胡一蔓而  
頃刻以終嗚呼當朕未創大統乃爲叔季之國茲既承  
天運合爲君臣特命爲大參錄不替於子孫茲特遣太  
常省祭贈爲理國向義天定賢王段公尙賴神庥永保  
胙土所贈王爵後不爲例 十二月弟段實立 按高

氏與段氏相始終百七十年國絕段氏雖削帝號猶總  
管一方高氏至明尙有土爵豈非還位段氏之報好雄  
視此可不戒哉

金總管段實天定帝之弟

案第一子

晉天福二年段思平開國至宋理宗寶祐元年元世祖

滅段氏段氏據雲南共二十二主三百十六年

案自後

天福元年丁酉至宋理宗嘉祐十三年癸丑改元寶祐

共三百十六年漢載記作三百五十年誤大理志作王

百十五年不詳耳 段氏有國亦開科取士所取悉僧道  
讀儒書者景定二年元世祖平滇削段氏帝號勅曰向

率我師往隨爾境據眾國人之請因從城下之盟款附

而來忠勤益著庸示至優之典以彰同視之仁可革帝  
號賜以虎符中慶路總管大理會川建昌騰永等處安  
撫已附之民招集未降之國購其斃之士甲子元世祖  
入中國改元至元 宋咸淳六年段實攻曲靖破尋甸

四年元世祖以子忽哥赤為雲南王未久合丁弒之  
張立道告於帝帝誅丁封孫松山為梁王 七年元伐  
金齒緬甸降 滇妖僧舍利料三十七部反段實大破  
之於安寧陞參政 十年賽典赤建雲南各衙門 丙

子緬甸叛 景炎二年十月緬犯永昌元命納連刺丁  
伐之破砦三百天暑還師 宋帝昺立改元祥興宋祚  
盡矣 至元十九年元命丞相太卜參政罕的赤伐緬  
破緬太公城建都金齒烏蒙降 二十一年緬敗元忽

都帖木兒兵詔思播土官田楊兵助之 二十五年元  
命征緬官番藍雲南王節制 二十七年封皇孫甘麻  
刺為梁王 二十九年元命忙兀魯征八百 三十年  
元詔皇曾孫山海鎮雲南給梁王印 元成宗元貞二

年立車里軍民府與八百大牙相制 秋八百叛命也  
先不花討之 丙申段實破交趾朝元帶僧左黎同往  
適帝病手疽左黎以法洗之愈帝欲再試掘地塞使入  
人入地打鼓名曰有怪命左黎治之左黎行法少頃鼓

聲不聞開視之八人已死帝敬其法封國師 元成宗  
大德元年丁酉段實入朝授勅征緬至永昌卒子忠繼  
四年元征八百 五年雲南土官宋隆濟反貴州知  
州張懷德戰死雲南行省麻九兒討之追殺賊首撒月  
斬首五百級 六年冬雲南地震 元命薛起征金齒  
八百爲不輸糧官吏也 七年免征八百革右丞相劉  
深官收符印皇孫勅帝誅深喪師辱國遂誅之蓋深曾  
逼殺帝昺於謝女峽之報 八年順元撫宋阿重獲  
叛叔宋隆濟陞官賜衣一襲 十年羅雄州土官阿那  
龍叛據越州元命右丞汪惟能討之遂至曲靖斬那龍

段忠實之子

中統四年十五歲忠實元帥阿木破西林芒部會川次  
年春忠實命張希矯報饑於梁王不勝死千人 至元乙  
丑元以虎符封忠實爲都闕西攻曲靖九年忠實襲南王  
旨伐武定二十一年隨雲南伐緬乙酉立文廟 元成  
宗大德元年滇池有蛟化少婦淫人神僧趙儺異羅命  
黑胡擒至噴水見形斬之黑胡土主也 己亥段忠卒  
子廣繼

段忠實之子

大德五年元授慶都元帥賜虎符三道 六年元御史

陳天祥奏止伐西南夷不報。丙午元授慶宣武將軍  
妻以公主。丁未元授慶雲南行省參政未久慶卒弟  
正慶。

段正慶之弟

大德十年元授正大理軍民總管。十一年正招家化  
山中挂輿入籍。是年元封孔子文宣王。詔曰先孔子  
而聖者非孔子無以明後孔子而聖者非孔子無以法  
所謂祖述堯舜憲章文武彙範百王稱表萬世者也朕  
續承丕緒敬仰休風循往古之良規舉追封之盛典加  
封大成至聖文宣王遣使闕里祀以太牢於戲父子之

親君臣之義永惟聖教之尊天地之大日月之明莫能  
名言之妙尙希神化助我皇元翰林閻復之辭也碑立  
演文廟。至大元年雷益烏蒙地大震三日。二年三  
月梁王風疾以諸王老的代鎮雲南。元仁宗皇慶元  
年八百夷叛。十月學士李孟奏准開科雲南每榜限  
取五人蒙古二人色目二人漢人一人。五年正卒子  
隆繼。

段隆正之子

元仁宗延祐三年勅周王鎮雲南。四年授隆大理總  
管。六年雲南行省奏土官無子夷俗以妻代管詔可。

英宗至治三年梁王抵洱海立保和奴二字號品甸  
王梁王回高祥斌殺二王以二妃配知府楊益大泰定  
四年洱河有水怪牛猪形金睛短項興水爲害大理有  
道者率段氏黃金百鎰索制之索成卽日移浪穹寧河  
按六詔寧源記云寧川無底大明宣德間漁人李應  
捕魚網得金索傍有老人曰可旋得旋斷李貪甚收金  
索盡驚動其怪連舟俱沉至今爲患 元泰定帝致和  
元年九月十八日明太祖誕生 隆以老退閑子俊繼

段俊隆之子

元明宗天曆元年授俊雲南省平章段平章之名始此  
是年雲南鍾兵亂次年方定 文宗至順元年詔王  
禿堅據雲南反殺廉訪稱雲南王詔樞密帖木兒討之  
發朵甘思等處兵分道進至羅羅斯二年禮尋甸府酋  
木集義兵討雲南敗賊伯忽於馬龍至金馬山擒賊首  
伯忽三年烏撒部奏雲南驛輸甚苦願屬四川奏下  
參政賈敦熙議 是年俊卒 義總

日 段義隆之族弟 因是時 義總

義代父職授蒙化知州勅封承務郎 至順元年阿容  
木叛於中慶義助兵平之以功陞參政 三年封文宣  
王夫人遣之詣滇册封 是年雲南大饑御史臺奏四

用參政馬銘發拯雲南餉中道潛回借官銀娶妾勅下  
罷官 九月烏撒土官余祿寇順元雲南省命都事奉  
詔往諭授以參政 十一月雲南省奏國馬每月上寅  
日給鹽曠馬則馬無病因雲南伯忽反鹽不到馬多死  
詔四川鹽給之 是年義卒光繼

段光隆之子

順帝至元元年乙亥光主國事番兵作亂孟州判官李  
生等守白崖適高潛賣國番兵乘勝長驅破河尾我兵  
敗之河赤不流得戰馬兵器無算 三年光遣張希矯  
李生楊連與梁王報讎光兵大敗止存三人次年梁王

復侵大理段兵大勝傳翰林楊天甫作長壽仙曲上段

光尤大喜宴謝 順帝改元元統三年又改元至正雲

南玉案山生小赤犬無數尋走如飛段雄正曰此天狗

星所化大兵壓境之兆二年方息又下鐵雨破屋傷物

案漢書以此二

事爲至治元年 三年紅巾陷雲南 四年阿瓦失

里平雲南 是年光卒功繼

段功光之弟

至正四年功襲蒙化知州

蒙州漢載

六年木邦夷斯

可發叛元命河南參政賈敦熙會三路兵討之 七年

丁亥晉寧建盤龍寺先是僧費照段氏族人崇蓮峯游

東山見龍潭勝境可建寺咒龍還幾次日龍去水涸遂  
 建寺至正八年僧入定於塔中至今遠近進香 十五  
 年元主竄腕腕於雲南三月兩日相逼夏梁王刺  
 段臣高蓬先是參政段尤令高蓬督兵羅那關梁王使  
 人暗招之蓬不從答以一詩梁王忌之密令人行刺於  
 帳中 案讀載記至大二年梁王  
 路蓬越人刺蓬其此異 是年梁王宮中有怪  
 左右啟王曰盤龍有僧蓮峯能驅邪王禮請至行符法  
 怪息禮謝留宮中至夜問曰今中原紛亂後事若何僧  
 曰二十年後國亡矣至期大明兵南下十六年黑鹽  
 井有毒龍興水溢鹽井損民居蓮峯建寺善鐵符沈水

皆息寧州有虎噬人蓮峯淨眼虎遠去次日虎去

七月元以四川廉訪蒲機雲為雲南廉訪 十九年己

亥雲南梁王開科取士以臨安廉訪使支謁與主試事

二十三年紅巾賊倪文俊命將明玉珍同第明二攻

雲南兵至金馬山梁王奔楚雄 四月十日梁王發中

慶至石牌村紅巾入城梁王聞報感而自詠云野無青

草有黃塵道側仍多戰死人觸目傷心無限事雞山還

是舊時春鷄禽陝西參政帖木兒拒之擒明二各處乘

機叛段功謀於楊淵海同稽於卜卜吉又得子宗子禾

兵至隨王行段功率兵拒紅巾敗之於關灘已而紅巾

復震殺段氏賊將鐵萬戶時有江心莊楊勝堅戰死梁  
王爲文祭之痛哭聞者淚下是夜紅巾屯古田寺功令  
人焚寺紅巾亂死者大半追至回燈關大破之賊將謝  
得政安寧功追之殺二千人謝奔中慶是夜小軍拾得  
一書乃明玉珍母寄來書云自爾去後平安無虞征取  
雲南務要得之兵糧不足隨後發來不可輕回段功得  
書改曰自爾去後老身不安臣下亂法又聞中國軍馬  
入界非止一處爾須急回遲則難保大夏天統元年元  
順帝至正二十三年癸卯明玉珍  
據成都稱帝國號夏稱元統元年明太后平安書尋一  
舍命投書人有打金箔入陳惠廟往惟慮母無養功許

代養母遂往送書玉珍得書賞銀一兩令回至夜玉珍  
軍回功知之追至七星關大破之梁王回鄧關賊功  
退兵之功以女阿稽妻之梁王與公主宴酣歌金指環  
云將星挺金房寶閣金枝結玉葉靈輝徹東南西北中  
天惟有月玉文金印大如斗唐貴妃配結父王永壽借  
碧雞顛作擎天傑平章久住梁府夫人高氏在大理作  
詞來勸云風捲殘雲九霄冉冉逐龍池無偶水雲片片  
終寂寞倚幃屏春雨紛紛促蜀錦半牀閑鷺鴦獨自宿  
珊瑚枕冷淚溼戎鍼目好難熬將軍一去無度身與影  
立影與身獨盼將軍只恐榮極生悲冤鬼哭功得書歸

至金雞廟聞生子喜作歌云去時野火遍山赤凱歌旋  
奏梁王憚自冬抵此又陽春時物變遷今又昔歸來草  
色綠茸茸萌芽甲折何生意杜鵑聲裏日如年好歸去  
至正二十四年平章思新婚欲赴梁宅家臣楊智上  
詩留行云功深切莫逞英雄使盡英雄智力窮竊恐梁  
王生逆計龍泉血染慘西風張希躄亦上詩留平章怒  
曰竇劊豈埋荒土物耶流希躄於順州平章與正妻高  
氏別兼程至滇梁王君臣私語曰平章此來有吞金碧  
之心王與公主謀以孔雀麗害之公主私洩平章不信  
十七日請平章東寺講經至通濟橋馬逸遂殺之公主

曰昨燈下言不信今果然痛哭令以錦被包之以王禮  
送歸大理公主作詩輓之詩中多夷語不錄至洪武十  
七年馮都督經墓輓云田橫五百劍孤身轉眼關山半  
委塵北闕玉樓召客記南嶺粉壁說詩人蒼山夜黑雲  
遮月金馬天寒鳥怨春共惜平章迷繡幕至今愁聽水  
聲頻 楊淵海段氏臣時段功有寵於梁王淵海逆知  
其不終屢諫不聽出語人曰吾主與我無生還日矣人  
曰主自怙寵於君何預海曰豈有食人之祿而不同其  
難者未幾功果爲梁王所害淵海題詩於壁曰百戰功  
名百戰身不堪今日總紅塵死生自古皆由命禍福於

今豈忽人蝴蝶夢殘滇海月杜鵑啼破點蒼春哀憐永  
訣雲南土綿酒休教澆淚頻是日飲藥卒是年梁王  
信議滅段族幾盡梁段二國因此失好年年構兵鶴慶  
知事楊昇解和二國自洱海金雞廟分界南屬梁王北  
屬段氏二國息兵人民感德二十五年雲南大旱人  
言定遠有神僧瑜伽能降龍役鬼啟王王遣人迎至信  
設壇祈雨咒畢鉢中出一小蛇遂大雨王大喜酬以金  
帛辭歸役鬼荷擔二十六年重午梁王宮門外觀射  
柳隨侍文武賜宴廉訪支渭興詩賀云地平如席草如  
茵年少將軍酒半醺朱鬃馬穿人影過綠楊枝逐箭鋒

分旌旗色映宮牆瓦鼓角聲飄海外雲何日鯨鯢俱授  
首普天偃武共修文

段寶功之子

明洪武元年梁王欲占大理令矢刺平章七攻不克通  
使解和陸寶爲雲南左丞明玉珍復入滇梁王命緘  
木的借兵時段寶長成回書云殺虎子遲噬虎母分狙  
栗自詐狙公假途滅緘獻璧吞虞金印玉書乃釣魚之  
餌繡閣淑女適掩獸之羅况平章已死止遺一髮一奴  
茲可配華黎氏奴可配阿蓋主二事許諾必借大兵如  
不許金馬山化作點蒼山昆明池改作西洱河兵來矣

書後詩云烽火狼煙信不符驪山舉火是支吾平章枉  
死紅羅帳員外空煙粉壁圖鳳去岐山祥兆懸麟戕郊  
數瑞光無自從界限鴻溝後成敗興亡不屬吾梁王見  
而深恨 梁王偽號宣光十八年段寶通好梁王來朝  
時有舍與自元江攻入鄩關梁王驚懼寶率兵敗之又  
破石多羅於海口梁王降寶武定公制書云段寶歸附  
而來忠勤日著庸示至優之典以彰同視之仁父子立  
功因征克捷可謂三代輪忠乃於戎馬倥偬之中干戈  
紛擾之際不徒違朝而且立功特獎寶爲武定公爾其  
不負初心永保爾爵以光大爾赤城於無窮云 梁王  
偽號宣光十九年中慶路土主廟傾損梁王捐貲重修  
立牌記事先是省城土主廟至正十二年省民楊光重  
修至是再修 元至正癸卯三月紅巾入滇陷中慶城  
焚憫忠寺及民居 至正丙午段平章女寶姐小名僧  
奴未嫁時繡一旗適建昌土官阿榮臨嫁將旗付弟曰  
母言父被梁王殺死我欲報讎待汝長成此旗已繡五  
年矣我嫁至建昌收拾夫家並東川軍馬飛報若到汝  
急來應慎勿違焉行時以詩別弟云珊瑚鈎起出香閨  
滿目潸然淚溼衣冰鑑銀臺前長大金枝玉葉下芬菲  
鳥飛兔走頻來往桂秀蘭香不暫移憫悵同胞未忍別

應知恨重點蒼低又云何彼積穠花正紅歸車獨別河東鴻悲燕死難經目風刺霜刀易割胸雲白山高連水遠月新春夢與秋重淚珠恰似通霄雨千里關山幾處逢至正二十六年春中原盜起梁王臣廉訪支潤興懇乞休梁王不許遣使金閭勸賜羔酒觀顏聽命自詠曰年高才薄忝清流欲掛朝冠不自由且喜壯懷無蕪糜遂教行道有鳴騶故園花木無由見何日干戈定得休九十春光還欲暮故懷且與醉金甌至正二十七年閏四月梁王生日羣臣稱賀宴文武於昆明池上省憲官獻詩云賢君天壽宴嘉賓艦帳先施巨海濱萬

聖晴天開錦繡三川芳翠對麒麟笙歌緩送金盃酒

仗寬圍玉佩人醉飽百官咸稽首願王高壽過千春

上四條疑亦爲前段功傳內之文鋪敘於此明太祖卽位至十三年五月

大理段寶方歸上表云臣聞有天下者爲天下之主有列土者爲列土之主卑臣雖隔萬里之遙丹心每向中原之主大理自二帝三王之後兩漢三晉之終大家國受封於前唐鄭趙楊繼守於五季自臣祖思平有國貢禮屢修於兩宋身心每惕於西南迨至故元不尙仁義專事殘暴元主已通北方梁王猶禍鄰國邇聞明主奉天承運御極南原中原太平邊徼寧乂意者中國有聖

人履堯舜之正統小漢唐之幾圖天時人事然也或命  
臣依漢唐故劍意直天朝或徵元時職名碑守舊土庶  
塞谷捆錫齒扇照日八荒洛德六合同春垂拱邊境救  
恤一方欲修歲貢恐解天威合待事體之定專候聖旨  
之頒謹此專差段貞王白鶴馳奏以聞太祖諭之洪  
武十四年段實卒子明繼

洪武十四年辛酉段明繼爲總管大明受爲宣慰正是  
年大明天兵伐滇先是洪武六年十二月命翰林學士  
王禕湖廣參政吳雲刺諭梁王時元太子卽位於沙漠

使脫脫來滇催兵糧欲恢復中原聞天使在貢梁王有  
二心王不得已殺禕父老收葬於地藏寺吳雲亦被害  
於沙糖口棍回葬江夏計闖太祖震怒命穎川侯傅友  
德爲征南將軍永昌侯藍玉西平侯沐英爲征南副將  
軍率師三十萬兵行太祖餞於龍江授以方略兵至曲  
靖梁王命左相達里麻率兵十萬拒之王師至白石江  
大霧四塞方賊卽擒達里麻於泥中梁王聞之棄城走  
海濱聞城破梁王殺嬪妃飲毒不死投海父老葬之進  
耳山土人立廟於妙應寺側嘉靖末拆修爲社學舊址  
爲小寺傳公入城收梁王金印國籍分兵取建昌臨安

楚洱等處 按王禕至建文時始贈文節至永樂登極

凡建文時設施悉革文節之諡削去至正統六年浙江

義烏縣丞劉傑奏請加奉使雲南死節臣王禕恤典方

諡文忠立祠於滇勅賜名二忠 洪武十五年二月大

理僞國段氏聞滇破差都使張元亨州判李洪自大理

來下戰書略云鄧關危如登天大理險倍投海英如漢

武習戰僅置益州雄若元祖駐蹕只得鄧關取之易而

守之難不若依我請乞冊封定爲進貢是爲良策吾實

武人不通經史前代得失則厭聞也恭惟麾下振耀皇

威功不下於孔明才克並於方叔滌山川之舊染歷代

所未有也况吾與汝旣無殺父之讎又無財債之怨無

故交鋒真乃不祥汝屯威楚彼處之民有何罪耶若耗

人之食是絕其命取人之財是窮其心搦人之妻女是

亂人倫則予之應不得已也爰念汝等皆中國之人其

中豈無一二達士得此何益不得何損西南之地稱爲

不毛易動難安今春氣漸暄煙瘴漸起不須殺汝四五

月間雨淋河泛汝糧盡氣散尸死形如鬼魅色如

黑漆欲活不能汝之趣退須速矣莫若趁此天晴地乾

早尋活路歸降中興萬幸在遠地遠汝宜圖之後理國

段明頤首異書後一詞云長驅虎旅勢威桓深入不毛

取暴殘漢武敵靈影 城塞遠壘角聲寒方今天下  
平猶易自古持權守獨難擬欲華夷歸一統經綸度量  
必須寬書至傅公大怒即命將王弼胡海率兵徑進段  
氏恃田菴和尚妖術列兵五萬拒下關沐英命弼趨上  
關胡海暗度點蒼段兵自潰段氏就擒時洪武十五年  
三月二十三日也遂分兵取鶴慶施江車里和泥等處  
皆降雲南平得府州縣長官宜慰司共一百八十戶七  
萬四千六百 按雲南既平皇明一統天下府共一百  
五十州二百四十縣一千一百四十衛四百九十三與  
國之廣曠古未有也 段氏有國十三年改元一起庚

戌終壬戌是年國亡 雲南初平士官楊苴叛沐國公  
英同都督謝熊討之 十六年解段氏父子進京起行  
別故人楊朝彥一詩云雄兵一日破重關父子分離際  
息問別後欲知相憶處錦江流水碧潺湲 是年緬夷  
八百皆降 段氏到京頭面盡誅太祖面諭段氏二子  
汝父曾有降表姑宥之長子苴仁賜雁門衛鎮撫次子  
苴義賜武昌衛鎮撫 是年命長興侯耿炳文至雲南  
命班翰曹沐英鎮守 十七年論平雲南功傅友德封  
穎國公郭英封武定侯胡海封東川侯陳桓封普定侯  
張瑄封靖慶侯仇成張龍先已封侯吳俊金朝興先卒

亦封俱世襲十九年命穎國公長興侯再征雲南貴  
蠻夷二十一年命傅國公統番漢大兵征雲南諸蠻  
是年緬夷犯他郎沐英命都指揮寧正平之三月緬  
復叛都督馮成平之緬降納貢二十二年冬沐英入  
朝宴於奉天殿賜金二百兩銀五千兩鈔七萬五千文  
綺百疋命回鎮雲南二十五年雲南建昌上官月普  
叛命梁國公藍孫越補侯俞通海平之二十九年征  
定遠釐川平之一三十年陞雲南布政張統爲尙書爲  
平定土地衙門祠壇賦稅之功也五月命傅公討雲  
南曲靖普安孟定龍海曲麻馬乃等處都督張銓有功

封永寧侯三十一年釐川平是年太祖崩孫允紋即  
位一大明封岷王鍾漢先是太祖分封天下親王四十  
七府始以漢王封滇王不肯行復封岷王來滇太祖生  
皇子二十四人馬后止生懿文太子秦晉燕周四王餘  
皆妃所生岷王封滇後不道取回安置於武崗州古建  
文四年壬午六月十三日建文帝焚宮出遊雲南先是  
太祖末年傳位太孫建文知其不終也既大漸授小匣  
封固命窘迫乃啟及燕王兵入金陵建文開匣視之乃  
楊應能度膝遂削髮自御溝逃出宮中火起以爲建文  
自焚不知帝爲僧逃出遊雲南武定獅山御製一律云

漂泊西南四十秋蕭蕭白髮已盈頭乾坤有恨家何在  
江漢無情水自流長樂宮中雲氣散朝元閣下雨聲愁  
青蒲細柳年年綠堊老吞聲哭未休今詩存武定御山  
先是太祖夜坐太孫侍立命詠新月詩內一聯云影落  
江湖裏蛟龍不敢吞太祖知影落江湖非吉兆也時以  
爲詩識三永樂三年征八百車里四年雲南大古剌  
王殺的那浪來貢詔立宣慰長官司先是朝命中官楊  
宣與雲南千戶孟景賢詔諭諸夷古剌因而納貢宣  
德七年八百土官刁之雅奏波刷國屢侵請討之帝曰  
遠夷不可勞中國必兩有不足降詔解諭正統三年

征麓川不克四年復征五年廣西儂人沙人叛沐昂  
平之六年命定西侯蔣貴復征麓川九年緝匪麓  
川賊思任發於緬十年築騰衝城十三年尙書王  
驥敗麓川賊於孟養景泰三年麓川賊逃班師王驥  
陞官數萬員按夏元吉太師云賞費一時有限陞費  
後日無窮麓川不過中國一大縣輸納幾何陞官數萬  
員宜國用之日乏也不特此也以一衛論洪武錦衣官  
士二百十員至嘉靖增一千七百員以天下論洪武時  
文職一萬六千五百餘員今倍之洪武時武職四萬二  
千六百餘員今十萬餘員天下糜餼二萬六千軍八十

九萬六千吏六萬五千朝廷天下田土有八百四十九萬餘頃一年所出糧稅十五省共二千六百六十八萬石鹽課商稅及雲南歲辦開銀每年總進二百四十三萬使出造作用二十萬宣府大同遼東陝西濟邊用四十萬有警加十萬年節聖誕千秋等節用三十九萬親王王妃公主並上用及天下王府銀盤水碓用三十萬七千餘兩每年糧項使出二百萬兩餘剩四十三萬尙有天下災傷征伐冊封等不算姑以黃蠟一小事論國初只用三萬斤景泰天順間用至八萬五千至成化加十萬矣正德十六年工部奏造作中官巾帽鞵鞋絲絹

羅皮等項成化時用二十萬正德末用至七十二萬司國計者皆深淵也成化十三年雲南鎮守太監錢能差指揮郭英由小路入交趾求索安南驚駭英回以兵尾之聞於朝命王恕撫滇捕英英死於井恕在雲南月餘疏二十上時錢能有錦背鸚鵡金絲八寶箱籠欲進止恕差人借觀開籠放去恐後欽取十五年巨津州白石山一日中裂半入於江水泛沒田時滇屢有邊報憲治十三年滇三十一處同日地震差刑部侍郎樊鑿祭滇境內山川考察文武去官一千二百五十八員雲南鎮軍叛先是雲南撫臣張誥浚元時奏公所開

東西二溝用省振六衛軍月糧稍給遲軍擊撫院門  
時有勢豪因宿忿駕言是鄉官進士韓昂阻糧軍入  
韓家須與毋無片瓦以激變論下昂父子於獄合家死  
死百口招安畢戮爲首叛軍白清等十六年春雲南  
貢院騰蛟起鳳飄大風吹去十五里山上麥移山下時  
巨津州邊報急十八年滇地大震遣禮部侍郎陳祕  
詣滇祭山川之神嘉靖六年冬尋甸府土舍安銓叛  
先是知府馬性魯徵糧禁銓妾於獄銓聚眾奪妾遂叛  
長驅省城陷嵩明楊林等處時撫滇徵兵調至土舍鳳  
朝文黨銓叛朝命總制伍文定往討至滇銓已擒嘉

靖十六年交趾叛臣莫登庸逐其主陳氏交人告急朝  
命滇進師討之時蒙自縣境外卽交趾叛臣武文淵地  
名交岡三堂移文交岡查勘交趾逆原由文淵回文云  
安南國威勇推忠功臣特進輔國上將軍行宣光都督  
總使司總兵陽侯武文淵謹具陳狀爲查勘事嘉靖十  
六年三月下旬交淵奉見天朝臨安府大官帖文一道  
查勘安南篡逆事仍示文淵禍福之理傾誠向化之風  
不勝喜懼恭維皇帝爺爺陛下尊居九五位正萬方體  
天地之心正綱常之道故大官有是帖也文淵敢不悉  
陳彼登庸者海濱之子祖父捕魚并第莫厭前國王黎

綱錄而用之國王去世國人立黎椿爲王年號光紹登  
庸漸謀不軌遂而鳩之復立光紹弟黎椿爲王五年又  
殺之暴王母於館外篡其位僞號明德末三年兄弟相  
爭殺弟莫厭將子登瀛改號大正居龍徧城篡位殺主  
事蓋如此本國忠義舊臣如鄭惟翼保蒞光紹之子黎  
檉據清化城鄭曉據太原路阮淦據義安路阮仁  
蓮據廣南路義存故主各提兵靖難識此故也伏乞大  
官體朝廷德義奉詞伐罪備將前項事由陳奏亦安南  
福也至於山川道路難易若石龍關至歸化府五百里  
山路崎嶇歸化至龍徧城路頗平坦諒山衛至龍徧城

六百里俱大路安西府至龍徧城一千里崎嶇難行其  
安邦海洋亦道難渡道里悉在明朝版圖不必再言惟  
恨登庸父子之奸浮於莽惡南土人民之厄殆甚秦苛  
文淵祗承本國出領宣光深有益於天朝恭惟皇帝爺  
爺陛下德廣亨屯量宏極渙奮武周伐罪之舉嚴人臣  
篡弒之誅文淵求以報國願爲嚮導剿除逆庸正名分  
之乖遠救生民之塗炭內安外撫遐邇共仰夫德威大  
畏小懷蠻貊均霑乎德教謹具狀陳伏惟照鑒 按交  
趾地方東西千七百里南北二千八百里明永樂五年  
建衛門四百七十二所立一布政司號安南布政使司

至永樂二十二年太監馬騏許傳詔旨往安南開辦金銀珠香因而激變後遂失之交趾在前代世爲一國篡弑不一至明酋長乃黎氏宣德初年酋黎暘乃黎利曾孫僅四傳未及百年至正德十一年又爲陳嵩所弑嵩子陳昇據諒山府稱王改元天應嘉靖初黎諱得國又爲逆臣莫登庸所逐居清平海而死登庸篡國改元明德子登瀛改元大正登庸僭稱上皇朝廷命咸寧侯仇鸞尙書毛伯溫討之登庸稱降詔立安南都統使司賜從二品銀印事在嘉靖二十年旣而登瀛不能靖國又爲下所逐至今未定 嘉靖三十年元江叛先是土舍

那鑑殺姪奪印朝命撫臣石公簡討之鑑戕殺布政徐懋樞乃江西名儒時以天暑還師 三十六年易門夷叛先是壽何通火李朝陽等以微糧太急爲詞聚眾叛僞稱混天大王尋剿捕平之 三十九年省會無賴段賜等謀叛先是賜以額吏禁獄久之自稱段平章之後糾惡少三十六人擬宋江等作亂事露捕誅 四十年武定鳳繼祖叛先是營府印土婦瞿氏年老男婦索氏宮繼領府事因得罪瞿氏瞿氏遂謀奪印與族姪繼祖因而仇殺爭官撫鎮命分守左參陳公善往處繼祖抗命據府叛分守僉事張公澤進討有土舍阿方賣陣斷

浮橋絕王師歸路張公不屈死之事聞於朝命尙書呂  
光洵鎮守沐公朝歸討之擒殺繼祖改土設流同時死  
事招安生員楊忠惠等未卹錄隆慶六年隴川岳鳳  
叛以逃民爲難目把久之謀奪主印陰誘莽寇三宣六  
慰蜂起官司屢撫不聽萬曆九年犯姚關十年春奉勅  
征討時日無光月赤如日夜無星辰晝遂煙霧先是萬  
曆九年慧星見西南光芒燭天十一年春朝命參將鄭  
子龍守備劉綎討之時師宗守蜀人何玉常破獨丸絲  
城乃單騎入諭撫鎮司道搗巢剿捕遂計擒逆鳳父子  
土舍罕虔三宣六慰悉平捷傳露布以聞論功欽賜巡

撫劉世曾陞侍郎兼川貴兵餉一品服一襲衣鎮守沐  
暹太保賜一品服各廕一子欽賚銀殿司道府縣各有  
差鄧劉陞副總兵西南平定擒逆鳳奏捷露布云雲  
南遊擊將軍署都督指揮僉事劉綎爲仰仗天威蕩平  
巨寇恢復三宣六慰傳露布以報大捷事伏以王靈丕  
振恩威既及於邊睡天命維新聲教復施於荒服幸膚  
功之克捷占景運之重熙恭照逆夷岳鳳等原以土司  
部落冀草鄙夫狐媚欺孤謀主奪印雄吞六慰威劫三  
宣馴至結連逆黨蠶食諸夷遂乃勾引莽酋憑陵中夏  
上年襲殺官軍肆無忌憚近年侵犯內境實寓伺窺蓋

謂騰越永昌皆彼邱隴所在碧雞金馬亦其桑梓故墟  
是以蜂屯蟻聚謀爲不臧輒敢鳴鴟張志非在小憑  
孽狐之墟跳梁見怪恃狡兔之穴踰伏偷安以爲威強  
不射庸知天網莫逃本職奉命以來神飛氣勇足蹈心  
馳自奮與賊勢不俱生恨不滅此而後朝食爰於萬曆  
癸未年十一月二十六日橫槊誓師分哨並進披歷險  
隘直抵賊巢元惡旣已倒穴就擒脅從悉皆俯首受縛  
月射千山喜護田禽之利風行六詔載揚霜隼之威維  
時大義激於眾心勝氣騰於千里神武布昭於將校歡  
聲雷動於九天莫不鼓舞戎行虔恭師律戈戟連雲直

欲移煙塵於海島鼓鬱動地還期洗兵甲於天河鬼賊  
盡在目中凱旋指諸掌上虎穴笑談平功收不戰狼煙  
呼吸息績底咸寧據金沙城蠻阿言有大而非夸通竇  
井跨南溟信無行而不利土地克拓者山川不下數千  
餘里擄掠奪回者旄倪概計數萬餘人緣相機宜薄施  
措置撫岳鳳而姑縱之欲南夷聞風而懷服討蠻莫而  
隨宥之欲逆黨畏服而創懲招猛密襲其母之慈賢招  
孟養表其兄之忠憤縛罕氏以復二崖之故土納木邦  
以慰殘蠻之來歸誘洞夷之忿爭使之自相屠戮諭阿  
瓦之款附使之反面仇讎襲賊將於木邦蕩豔夷之羽

翼擒莽婿於孟密去劇寇之爪牙至於芒市賜跋猛緬  
遺恨之失業久矣則招安之以厚我之藩籬南甸雷弄  
蓋達黔首之顛連極矣則賑貸之以固騰永之門戶切  
雲霓之思者望風而禱應避水火之厄者覆負而爭先  
當鏘鏘截暴之威存問死扶傷之惠試兵甫及二月罕  
掃爲之一空遂使海濱梟雄咸畏天威莫測遐陬童叟  
共歌聖壽無疆但念邇宇雖已廓清莽首猶然肆大若  
不急加翦滅終爲禍根蔓延際可乘之時而經略譬若  
解瓦假彈壓之威而翦除勢如破竹卽於甲申年二月  
十一日糾合諸夷連橫進討蓋雖不殺致殺實則以夷

攻夷財不費而國威愈張師不煩而天聲益振共集堂  
堂之誦用成善後之功俟蕩平之後另圖改土設流於  
平定之餘更宜築關建堡設大將旗鼓以控制其要立  
諸司衙門而相爲犄角隨行屯田之策以足食而財可  
使富保障堅於未形及棘土著之民以足兵而力可使  
強瘴癘庶幾無患由是雨霽雲開見曉樹蒼山之色風  
清庭靜斷羌絃番管之聲而滇南之安樂永保萬世之  
無虞矣地方幸甚國家幸甚敬馳露布以聞萬曆十二  
年三月至六月奉旨罕虔等正法逆鳳等赴京 是年  
冬車里夷方來貢 八月鳳等解京禮兵二部奏請獻

符告廟十三年秋八百夷以犀象方物來貢

四庫全書史部載記類存目提要

附錄

南詔野史十卷舊本題曰昆明倪輅集成都楊慎標

目滇中阮元聲調潤前無序自後有崇禎六年姜午

生跋云新都楊用修先生遊其地乃原其世系著爲

書載記滇中阮元聲霞嶼簡及斯記惜其佚脫欲更鑿

之以付剞劂而不言輅作今考書中敘事不逮萬曆

十三年慎不及見跋又稱大略始於沙壹購沈木而

生九龍此書乃始於南詔星野其沈木一事僅附見

於南詔源流按語中前後矛盾不可究詰大抵阮元

聲之所爲倪輅楊慎皆依託也前半冊逐條標目頗

嫌叢瑣後半冊大蒙國以下則歷紀蒙氏始據南詔

以迄於段明頗似世家列傳之體末則總敘明代平

定雲南始末而於歷代竊據諸家皆稱其僞號僞諡

尤爲乖刺元聲馬龍州人崇禎戊辰進士官金華府

推官

謹案滇中志書往往稱引南詔野史旣輯備徵自

當採入惟是流傳多矣俱屬鈔錄未見有刊刻者取

數本互校舛謬錯落之弊雖各本不同而皆不可

屬讀題曰昆明倪輅輯成都楊慎校正或題楊慎

集 四庫全書提要存其目於史部載記類定爲  
馬龍脫元聲所爲倪輅楊慎皆依託且謂矛盾不  
可究詰存目之本無從得見今就鈔錄諸本參互  
訂勘爲一編使如亂絲之就理後之觀此書者  
非庶免掃落葉之憾焉

次憲張庫云覽此書者人皆謂其爲士官金華中  
家漢南故末而然恐外諫非而後曾再其爲書也  
以爲然也聞問世矣後於公書未暇辨疑因力平  
意難避於中世大集因以正世風俗義凡欲其  
鑑本也

雲南叢書

趙壽題

雲南備徵志卷九

原任山西武鄉縣知縣

臣王稔編纂

故實九

明史本紀  
沐英傳

四川土司傳

雲南土司傳

明史本紀

國朝張廷玉等撰

太祖洪武五年春正月癸丑待制王禕使雲南詔諭元  
梁王把匝剌瓦爾密禱至不屬死十四年九月壬午朔  
傅友德爲征南將軍藍玉沐英爲左右副將軍帥師征  
雲南十二月戊辰傅友德大敗元兵於白石江遂下曲  
靖王申元梁王把匝剌瓦爾密走晉寧自殺十五年春  
正月辛巳景川侯曹震定遠侯王弼下威楚路壬午元

曲靖宣慰司及中慶潞江武定諸路俱降雲南平二月  
甲寅以雲南平詔天下閩月癸卯藍玉沐英克大理分  
兵徇鶴慶麗江金齒俱下夏四月甲申遷元梁王把匝  
刺瓦爾密及威順王子伯伯等家屬於耽羅秋七月乙  
亥傅友德沐英擊烏撒蠻大敗之十六年三月甲辰召  
征南師還沐英留鎮雲南十七年夏四月壬午諭平雲  
南功進封傅友德顯國公陳桓等侯者四人大資將士  
十二月壬子縹雲南道賦十八年十二月癸丑麓川平  
緬宣慰使思倫發反都督馮誠敗績千戶王昇死之十  
九年九月庚申屯田雲南二十年秋八月癸酉景川侯

曹震屯田雲南品甸十一月壬午普定侯陳桓靖甯侯  
葉昇屯田定邊姚安舉節諸衛二十一年春正月辛巳  
麓川蠻思倫發入寇馬龍他郎甸都督甯正擊敗之三  
月甲辰沐英討思倫發敗之六月甲子傅友德爲征南  
將軍沐英陳桓爲左右副將軍帥師討東川叛蠻九月  
癸巳越州蠻阿資叛沐英會傅友德討之冬十月丁未  
東川蠻平二十二年春正月乙未傅友德破阿資於普  
安二月阿資降冬十一月己卯思倫發入貢謝罪麓川  
平二十五年六月丁卯西平侯沐英卒於雲南冬十月  
乙亥沐春襲封西平侯鎮雲南二十七年冬十一月阿

賁復叛西平侯沐春擊敗之二十八年春正月甲子西  
平侯沐春擒斬阿賁越州平三十年九月戊辰麓川平  
緬土酋刀幹孟逐其宣慰使思倫發以叛十一月癸酉  
沐春爲征虜前將軍都督何福等副之討刀幹孟三十  
一年五月丁未沐春擊刀幹孟大敗之九月雲南總兵  
官西平侯沐春卒於軍左副將何福代領其眾十二月  
癸卯何福破斬刀幹孟麓川平

恭閔帝建文四年八月甲子西平侯沐晟鎮雲南

成祖永樂三年十二月戊辰沐晟討八百降之四年秋  
七月辛卯未能爲征夷將軍沐晟張輔副之帥師分道

討安南冬十月戊子成國公朱能卒於軍張輔代領其  
眾乙未克隘留關庚子沐晟率師會於白鶴六年夏四  
月丙申始命雲南鄉試秋七月癸丑論平交趾功進封  
張輔英國公沐晟黔國公八月乙酉交趾簡定反沐晟  
爲征夷將軍討之十二月丁酉沐晟及簡定戰於生厥  
江敗績劉儒及都督僉事呂毅參政劉豆死之九年春  
正月己卯張輔爲征虜副將軍會沐晟討交趾二十二  
年八月丁巳罷西洋寶船進西市馬及雲南交趾採辦  
宣宗宣德元年十二月乙酉征南將軍總兵官黔國公  
沐晟帥興安伯徐亨新安伯覃忠征虜副將軍安遠侯

柳升帥保定伯梁銘都督崔聚由雲南廣西分道討黎  
利宗宣

英宗正統三年六月乙亥都督方政僉事張榮同征南  
將軍黔國公沐晟右都督沐昂討麓川叛蠻思任發四  
年三月丁卯黔國公沐晟卒於軍夏五月庚戌右都督  
沐昂為征南將軍充總兵官討思任發五年五月征麓  
川參將張榮敗績於芒市九月壬寅徇雲南通賦冬十  
一月乙丑沐昂討平師宗叛蠻六年春正月乙卯大舉  
征麓川定西伯蔣貴為平蠻將軍都督同知李安僉事  
劉聚副之兵部尙書王驥總督軍務十一月癸卯王驥  
拔麓川上汪寨十二月王驥克麓川思任發走孟養丁  
未班師左副總兵李安攻餘賊於高黎貢山敗績七年  
五月壬申論平麓川功進封蔣貴為侯王驥請遠伯八  
年夏五月己巳復命平蠻將軍蔣貴王驥帥師征麓川  
思任發子思機發九月甲子思機發請降九年二月丙  
午王驥擊走思機發俘其孥以獻召驥還十年三月庚  
辰思機發入貢謝罪十二月丙辰緬甸獲思任發斬其  
首送京師十三年三月戊子詔責孟養宣慰司獻思機  
發壬寅王驥仍總督軍務都督同知宮聚為平蠻將軍  
充總兵官帥師討思機發十四年二月己巳王驥破思

機發於金沙江又破之鬼哭山班師九月丙午苗圍平  
越衛調雲南四川兵會王驥討之耿密宗被平獲  
景帝景泰五年三月庚辰緬甸執獻思機發七年三月  
戊寅免雲南被災稅糧  
英宗天順二年二月戊申開雲南福建浙江銀場中官  
市雲南珍寶四年夏四月己酉分遣內臣督浙江雲南  
福建四川銀課七年三月壬寅早詔行寬卹之政停各  
處銀場憲宗成化三年三月辛巳復開浙江福建四川  
雲南銀場以內臣領之十四年三月辛巳罷烏撒衛銀  
場十六年免兩畿湖廣河南山東雲南被災稅糧二十

年冬十月癸酉罷雲南元江諸府銀坑  
孝宗宏治十六年五月戊子以雲南災變救羣臣修省  
刑部侍郎樊瑩巡視雲貴察官吏問民疾苦  
武宗正德九年六月乙卯開雲南銀礦十六年二月己  
亥巡撫雲南副都御史何孟春討平彌勒州苗五月乙  
卯罷大理銀礦  
世宗嘉靖七年三月癸巳右都御史伍文定為兵部尙  
書提督軍務侍郎梁材督理糧儲討雲南叛蠻九年九  
月壬辰罷雲南鎮守中官十二年二月乙酉賑雲南饑  
十七年秋七月辛卯開河南雲南銀礦

神宗萬曆十一年閏二月甲子緬甸寇永昌十二年夏四月丁巳遊擊將軍劉綎討平隴川賊六月辛亥以雲南用兵免稅糧及通賦十七年三月癸亥雲南永昌兵變六月己丑永昌亂卒平十九年春正月緬甸寇永昌騰越二十八年冬十月丙子雲南稅監楊榮開採阿瓦孟密實井三十年三月甲申騰越民變殺稅監委官秋七月緬賊陷蠻莫宣撫司宣撫思正奔騰越賊追至有司殺正以謝賊始解三十三年十二月乙卯罷採廣東珠池雲南實井三十四年三月己卯雲南人殺稅監楊榮焚其屍六月癸卯緬甸陷木邦三十五年二月戊戌

安南賊武德成犯雲南總兵官沐叔毅却之十二月金沙江蠻阿克叛陷武定攻圍雲南別陷嵩明祿豐三十六年八月癸亥治雲南失事諸臣罪過撫都御史陳用賓總兵沐叔毅下獄論死九月甲午四川巡撫都御史喬璧星奏擒阿克於東川賊平正洪武初年正嘉宗天啓二年三月丁巳敕湖廣雲南廣西官軍援貴州冬十月辛未水西賊犯雲南官軍擊敗之五年三月甲戌朱燉元總督雲貴川湖廣西軍務討安邦彥明史地理志四洪武十五年正月爲府十六年正

鎮雄府元芒部歸屬雲南行省

洪武十五年正月爲府十六年正

月改屬四川布政司十七年五月升爲軍民府嘉靖五  
年四月改府名萬曆三十七年五月罷稱軍民府北有榮安

山與敘州府界又西有白水亦曰八匡河源出烏撒界

流經北境內諸川俱流入焉下流至敘州府入大江又

南有荊斗河不流入烏撒之七星關河又北有鹹泉二

俱產鹽有筵良州強州元俱屬芒部路洪武十七年後

廢又有阿頂易溪易城三蠻部元屬烏撒路洪武十五

年三月屬芒部府十七年又改阿頂部爲阿都府屬四

川布政司後俱廢南領長官司五北距布政司千五百

有阿赫爾與烏撒界正德十六年懷德長官

八十里白永江鐵關長官司十一月置

司辨西本威信長官司府南本歸化長官司府西南本

安靜長官司府西北本著角寨四司

烏撒軍民府元烏撒路後至元元洪武十五年正月爲

府屬雲南布政司十六年正月改屬四川布政司十七

年五月升爲軍民府西有涼山北有界堆山與敘州府

江西南有案檢金沙江波處北有羅左關有東北距布政

歸化州洪武十五年三月置東司千三百里

烏撒軍民府元烏撒路後至元元洪武十五年正月爲

府屬雲南布政司十六年正月改屬四川布政司十七

年五月升爲軍民府西有盤江出府西亂山中經府南

渡河巡檢司又西有趙莊巡檢司又有阿赫爾關鄧城二

巡檢司東南有七星關東有老雅羅又有善欲關皆與

貴州界南有七星關南有倫東北距布政司千八百五十

唐驛路出雲南露益州

里

雲南通志 卷九 七

東川軍民府

元東川路屬雲南行省

洪武十五年正月爲府十七

年五月升爲軍民府改屬四川布政司二十一年六月

廣二十六年五月復置

西前有馬鞍山府舊治在焉等

雲弄山接雲南詠勳州界下臨金沙江又東南有牛欄

江北自雲南尋甸府流入至府北合金沙江有藤索橋在

東江上東北距布政司千四百里

明史地理志七

雲南禹貢梁州徼外元置雲南等處行中書省

洪武十五年二月癸丑平雲南置雲南都指揮使司乙卯

置雲南等處承宣布政使司同治雲南領府五十八州七

十五縣五十五蠻部六後領府十九蠻夷府二州四十

蠻夷州三縣三十宣慰司八宣撫司四安撫司五長官

司三十三蠻夷長官司二北至永甯與四川界東至富州

與廣西西至平崖與西南至木邦與交距南京七千二百里

京師一萬六千四百四十五里洪武二十六年編戶五萬九

千五百七十六口二十五萬九千二百七十宏治四年

戶一萬五千九百五十口一十二萬五千九百五十五

萬曆六年戶一十三萬五千五百六十口一百四十七

萬六千六百九十二

雲南府元中洪武十五年正月改爲雲南府領州四縣

九昆明洪武二十六年緞王府自設西州遷於

昆明洪武二十六年緞王府自設西州遷於

昆明洪武二十六年緞王府自設西州遷於

昆明洪武二十六年緞王府自設西州遷於

建康王所於此宜德元年除康有金馬山與西南碧嶺  
山相對俱有關山下即瀋池池在城南周五百里其西  
南爲海日至武定府北注瀋清水江江東有盛富民府  
龍江西注昆池東有赤水瀋清江水江東有盛富民府  
北東有楚雲川源自瀋池下宜良府東少南東有大池  
流人金沙江東南有安甯河宜良府一名大河亦曰巴  
盤江西有湯羅次府西北熱屬安甯州安治十三年八  
池通檢司 羅次府西北熱屬安甯州安治十三年八  
入又有沙摩溪即安甯 首甯州西有大星池北距府  
河南有鏡象關巡檢司 首甯州西有大星池北距府  
百里領縣二六歸化 東北有交流 吳賈州北有漢池  
流入 安甯州 西有牙破山有煎鹽水設鹽課提舉司  
遼廣又南有螳蜋川西有安甯 東距府八十里領縣一  
河又有該賊賊城二巡檢司 東距府八十里領縣一  
謙豐州西有星宿河東有老婦關巡檢司又西有德  
關 昆陽州 東南有架溪川北距府百五十里領縣二

三治州西北西有三易門

州西南有易門守禦千戶

治在焉萬歷三年復遷縣治於此又南有紫崖山產  
馬一名馬頭山西有九渡河則謙豐縣大溪下流入元  
江府 嵩明州洪武十五年三月改曰嵩盟成化十八

年復故 東北有羅錦山東有禿高山西北有東葛勒山  
南有蔡利澤亦曰楊林澤又西有部甸河匯九十九泉  
至昆明爲盤龍江西有部甸縣洪武十五年十月廢又東有楊林  
尋廢東南有楊林縣成化十七年十月廢又東有楊林  
守禦千戶所洪武二十五年置又西有鬼兒關巡檢司

西南距府百二十里

曲靖府 元曲 洪武十五年三月爲府二十七年四月升

爲軍民府領州四縣二西距布政司二百九十里 南

甯 倚東南有石堡山山西有元越州治洪武二十八年  
正月廢北有白石江流合城南之瀾湘江又東南合

左小江水謂之南盤江下流環雲南散江廣西三府亦  
 之境至羅平州入貴州界東北有白水關巡檢司  
 及府東元屬羅雄州永樂初 雲益州 北有北盤江其  
 佐助東府西南有塊澤江  
 上流即貴州畢節衝之可渡河流入州境又東南入貴  
 州安南衛其西南又有南盤江即南甯縣之東山河南  
 有交水縣東南有羅山縣東北有石梁縣元皆屬州洪  
 武十五年皆廢南有平夷衛本平夷千戶所洪武元  
 一年十一月置州西入之街東有蠻閣西有定南嶺北  
 復置衛衛當貴州西入之街東有蠻閣西有定南嶺北  
 有兼順關宣威關州東南又有越州衛洪武二十三年  
 七月置二十四年十二月徙於陸涼州二十八年與州  
 同廢永樂元年九月復置又州南有松詔鎮阿城橋二  
 巡檢司又南有炎方城西有松林城俱天啓五年築  
 西南距府二百三十三里 陸涼州 東有邱雄山下有中  
 也西北有木谷山有關又西有部封山又西有芳草關  
 南有河納縣元皆屬州永樂初皆廢西南有陸涼營洪  
 武二十三年三月以古魯昌地置西南有高甸萬歷二  
 年立營置戍於此四十八年復設法古甸龍洞等營

守其北距府百二十里 馬龍州 東南有木客箐山洪  
 置甯越鑿於此山下有木客溪下流即瀟瀟江又西有

楊磨山一名關索嶺上有關西南有通泉縣元屬州永  
 業初廢北有馬隆守禦千戶所本馬隆衛洪武二十三

年七月置二十八年十月改為所南有魯變所通檢  
 司又有馬龍縣元屬州洪武十五年東距府七十

羅平州 元屬州萬歷十五年四月更名 北有祿布山東南  
 州蔡役長官司界南有定雄守 有盤江下流入貴

黎千戶所萬歷十四年九月置 西北距府二百七十里  
 尋甸府 元仁 洪武十六年十月辛未升為仁德軍民府

丁丑改尋甸軍民府成化十三年改為尋甸府 舊治在  
 在鳳栖山下嘉靖七年十月徙西南有落籠嶺山又有

離山西有果馬山其泉流為龍巨江下流入滇池又西  
 南有三梭山上有九十九泉即盤龍江之上流又東有

阿交合溪又北有為美縣西有羅厚縣元屬府洪武十

五年三月因之尋廢東南有太密關一名易龍堡西南  
洪武二十三年四月置木密關守禦千戶所於此  
距布政司二百六十里

臨安府 元路 洪武十五年正月爲府領州六縣四長官

司九北距布政司四百二十里 建水州 簡元時附在州北洪武中

移府治此西南有寶山西北又有火巖山東有石崖山  
禮江水自石屏州流經此伏流入盤湖中東出爲梁家

河又東北有曲江東入於盤江初由江巡檢司又西有  
禮社江源出他州流經此又有甯遠州萬曆十四年析

建水州置四十八年廢東 石屏州 元曰洪武十五年

南有納更山土巡檢司 三月改曰石平後改今名 南有鍾秀山東有采玉山產

石劉玉有曲江又有異龍湖  
距百五十里中有大小中三島其大島中島上

皆有城其水引流爲灌江西有寶秀關巡檢司 東距府  
七十里 阿迷州 元阿備 洪武十五年三月置州 東南

香山萬應初改名雷公山又南有盤江東有樂蒙河流  
入焉又東有大井有東山日土巡檢司又有都舊村巡

檢司後廢又有阿迷 西距府百二十里 甯州 東南有

守禦城萬曆二年築 東有水角甸山產薑甘石又東有麥兮江源出潞江府

撫仙湖下流入盤江又西南有元江流合焉又東有西  
沙縣元屬州後省洪武十五年三月復 西南距府百八

十里 通海府 西北元屬甯州洪武十五年三月改屬

前府治建水州十五年置守禦千戶所於此 河西  
從府治建水州十五年置守禦千戶所於此 河西

有曲江又西有餘卑江自新興州流入合於曲江又東  
北有緣溪河其下流卽通海湖又北有曲陀關巡檢司

移置我府西北元屬甯州洪武十五年二月改屬府東  
廢山嶺有曲江自新興州流入又南有合流江西北有

丁矣江俱流合焉又西南有仰蒙自山東南江西有  
羅關西有興衣鄉二巡檢司 蒙自山東南江西有

有盤辰山又東南有黎花江即禮社江也東南注於交  
盤清水江有黎花爲市極宣德五年五月置臨安衛右

盤清水江有黎花爲市極宣德五年五月置臨安衛右

盤清水江有黎花爲市極宣德五年五月置臨安衛右

千戶所於此又西南有西溪二出鐵礮又南有蓮花灘  
即浪滄江下流交融龍江上流西南有善口關巡檢同  
又有大窩關楊柳河關東南有縣新平府西北萬應十  
果寨又有賀鏡寨河通交融新平九年置東南有  
魯奎山東有平甸河新化州本馬龍他郎甸長官司  
西南有南嶺巡檢司

洪武十七年四月置直隸布政司宏治八年改爲新化

州萬曆十九年來屬北有傲崇山西有馬龍山嶺皆結

江路洪武十五年廢又北有法龍山亦蠻酋結寨處又

西南有馬龍江即禮社江亦曰摩沙勒江有摩沙勒巡

檢司東北東南距府五百三十里甯遠州元至治三

有阿怒甸直隸雲南洪武十五年來屬宣德元年與安南納樓茶

南行省甸長官司府西南本籍樓千戶所洪武十五年置屬

又有隊豐江即禮社江又東有什甸教化三部長官司府東南元強現

江下流又東有什甸教化三部長官司府東南元強現

置西南有魯部河源出禮社王弄山長官司府東南元

江下流合蒙自縣梨花江府西南元嶽容甸屬元江山大

武中改置麴容甸長官司洪武中改置來屬西有街客

江源出元江府東經州城溪處甸長官司府西南元溪處甸

車人寨出甯遠州城溪處甸長官司府西南元溪處甸

改置來屬思陀甸長官司五年三月爲府領納樓千

戶所併溪七溪阿棟三左能寨長官司府西南本思陀

置落恐甸長官司府西南元伴溪落恐甸甸寨洪武中改

府東南元捨資千戶後改安南道防送軍千戶洪武十

五年三月仍日捨資千戶所改置長官司正德六年

啓二年復置洪武十五年三月爲府領州二縣三西北  
距布政司八十里河陽倚蓋治在西洪武中遷蓋  
山上宏治中又遷縣東金蓮

山正德十三年又遷縣東鳴海山麓嘉靖二十年又遷  
 金蓮山南隆慶四年又遷彝鳳山下今治北又有羅藏  
 山南有樊松制一名羅伽湖不流東會於盤江又有羅藏  
 發池河源出盤江流至此會流仙湖復引流為盤池  
 河入於江川西南有故城崇禎七年紀於水邊於  
 盤江江川驛即今治又南有星雲湖東南入  
 進山湖北有陽宗府東北北有門湖一名陽宗  
 空後巡檢司湖澤出羅藏山流入於盤江  
 興州東北有羅藏山一名石崖山西北有大洪山又有  
 盤州蒙習山山與晉甯州交界又有大溪下流至嶺  
 盤入於山江有羅藏溪源出羅藏山入於大溪二月四之  
 昔舍盤南有新羅縣元領屬盤洪武十五年二月四之  
 寺後又北有盤東距府二百里路南州山東南有竹子  
 盤關巡檢司  
 山石可煉銅西有巴盤江源自陸涼州又有鐵赤河合  
 焉東南有巴市縣元屬州安治三年九月廢東北有革  
 花邊西距府百三十里  
 廣西府元廣洪武十五年三月為府西有阿盧山西北  
 有巴盤江又西有

南盤江又南有矣邦池一名盤鎮州西北距布政司  
 南盤江鎮州西北距布政司

三百十里師宗州西有龜山萬曆四十八年築  
 城於此東有美武山西有盤江

西北有巴盤江合焉西南距府八十里彌勒州  
 南有

東北有羅平州界西南距府八十里彌勒州  
 南有

山西有向欽山東南有盤江山南盤江經其下又東有  
 八向漢南合南盤江又西有十八寨山嘉靖元年二月  
 盤十八寨守禦千戶所於此東北距府九十里

雲南都司又南有捏招迤檢司東北距府九十里

維摩州元大德四年二月置東北有小盤山東南有  
 大維摩山又有明母山又東北有寶雷溪下流

經廣南府界合西洋江西有西北距府二百二十里

三盤城萬曆二十二年築西北距府二百二十里

廣南府元廣南洪武十五年十一月改置廣南府北  
 有盤頭山土人築若其上南有西洋鎮州一西北距布

江東南南至廣西田州府入於左江鎮州一西北距布  
 政經七百九十里富州元至元十三年洪武十五年

改屬府東甯有者臨山東北有西甯山又東有楠木溪

江西甯有安甯州東北有羅佐州俱元至元安

三百里西甯州西甯州西甯州西甯州西甯州西甯州

元江軍民府元洪洪武十五年三月為府永樂初升軍

民府領州二東北距布政司七百九十里 奉化州本

因達羅必甸長官司洪武十八年四月置嘉靖中改州

東有羅榮山亦名玉壘山又有路通山東南有元江亦

曰禮社江東南入納樓茶甸長官司界西南有瀾滄江

與車里宣慰司分界又西有步日詔洪武中廢又東有

禾序村 恭順州本他恭順州本他恭順州本他恭順州本他

楚雄府元威楚雄洪武十五年三月改為楚雄府領州二

縣五東距布政司六百里 楚雄倚元楚雄倚元楚雄倚元楚雄倚元

武定府合全武定府合全武定府合全武定府合全武定府合全

有呂合巡檢有呂合巡檢有呂合巡檢有呂合巡檢有呂合巡檢

亦曰九盤亦曰九盤亦曰九盤亦曰九盤亦曰九盤

下有河下有河下有河下有河下有河

東有捨東有捨東有捨東有捨東有捨

州天啓三年移此有黑州天啓三年移此有黑州天啓三年移此有黑

普關二巡檢普關二巡檢普關二巡檢普關二巡檢普關二巡檢

新化州又西有上江河新化州又西有上江河新化州又西有上江河

山產銀北有捨資山產銀北有捨資山產銀北有捨資山產銀北有捨資

吹山東有五樓山西南有馬龍江其上流爲走邊河又東南入甯監縣界又西有平爽川說川江之上流又有沙榆巡檢司又有嶺南關英武制阿羅關三土巡檢司東南距府五十里

姚安軍民府元能洪武十五年三月爲府二十七年四月升軍民府鎮州一縣一東南距布政司七百里

州倚元屬大理路洪武十五年三月來屬東有東山一州名館煙山東北有金沙江南有青蛉河源出三策山下流合大姚河北存守繁姚安王戶所洪武二十四年置東有館場西有普昌南有三策西南有普濟四處

大姚府北元屬姚州洪武十五年三月因之後改屬府西北有赤石崖北有大姚河出焉案山西有龍較江源出鐵索等一名直飽江產金俱東北流金沙江南有白鹽井提舉司轄鹽井九又有白鹽井

檢司東有能安中屯千  
定府元武洪武十五年三月爲府尋升軍民府隆慶元年定路洪武十五年三月爲府尋升軍民府隆慶

三年閏六月徙治獅子山萬曆中罷稱軍民鎮州二縣一東南距布政司百五十里和曲州倚舊城在南元州治於此隆慶

三年十二月徙州爲府附郡令吏目領兵守焉西北有三臺山北有金沙江源出吐蕃共龍川黎牛石下流經麗江鶴慶二府至本江北界東流入黎嶺州又東入四

川會川後界有金沙江土遊檢司又有烏龍河流入金沙江又西北有西溪河即德雄府董川江下流又有只舊草起二疊井東有南甸縣元路治洪武十五年三月

改屬州成化二十年仍屬府正德元年七月省西北有統海子又有羅摩海又南有小甸關三巡檢司西北有龍街關土元謀府西北有住雄山又有作沙羅

祿勸州北有法塊山一名將雲露山北有金沙江東流又東川府界又東有普渡河創設饒川下流會掌鳩河水入於金沙江北有易備縣元屬州洪武十七年省東有石舊縣元屬州天啓元年七月省又北有西距府二十

普渡河巡檢司南有徽墨巡檢司後廢

里

景東府元至順二洪武十五年閏二月因之三月降為

州屬楚雄府十七年正月仍升為府西有景龍山洪武

其上又築小城於山顛謂之月城北有蒙落山一名無

畢山西南有瀾滄江瀾出金齒流經府西南二百餘里

南法中里為九龍江南流為交龍東南有大河即定邊

河之不流又東入鎮南州為馬龍江又南有土井產鹽

北有開南州元屬威楚開南路洪武十五年三月屬楚

雄府尋省又有三汶河西北有保甸二土巡檢司又北

有安定關南有母瓜關東南有曼東北距布政司千一

百八十里

鎮沅府本鎮洪武三十五年十二月置永樂四年四月

升為府江有出者樂甸下流合感遠州之谷實西領長

官司一北距布政司千五十里 祿谷寨長官司北

樂十年四月以祿平寨贊北有馬容

大理府元大洪武十五年三月為府領州四縣三長官

司一東南距布政司八百九十里 太和倚西有點蒼

詞一名洱海自浪鳴縣流入經天橋下又西受點蒼山

之十八梭匯於此中有三島四洲九曲西有漾備江一

曰漾鼻水自劍川州流入經點蒼山後合於西洱河又

西南流入瀾滄江南有太和土巡檢司又北有龍首關

赤曰亦曰下關趙州洪武十五年三月改名趙喜

州尋復南有九龍頭山又有定西極大江之源出馬一

人蒙化府界東南有白崖險江源出定西嶺下流為禮

社江有舊白崖城嘉靖四十三年修築更名彩雲城又

刺有乾輝子南有迷度市二巡檢司 西北距府三十里領縣

檢司又有定西嶺十巡檢司

雲南府政志 卷九

雲南州東元雲南州洪武十五年三月改為縣屬  
東北有周官步子海西有品甸洪武十九年四月置甸  
海衛於此又東北有堡場又有楚甸南有安南坡三巡  
檢 鄧川州北有鍾山又有普陀江一名蒲荷江又名  
司 名銀坑又有清南距府七十里領縣一浪穹北有佛

索鼻山迤檢司 光山山半有洞可容萬人山後險仄名一女羅又有蓮  
花山有蒙尖和山皆險峻西南有鳳羽山北有鑿谷山  
洱水所出西有漾濞江東北有宿湖木曰明河即普陀  
北上源又有五監并提舉司洪武十六年置萬愁四十  
二年廢西南有鳳羽縣洪武十五年三月置屬鄧州

尋者有鳳羽縣迤檢司又東南有善陀迤檢司後廢  
西有上江嘴西有 賓川州宏治六年四月析趙州  
下江嘴二土迤檢司

及太和雲南二縣地置 西有雞足山一名九曲巖東北  
金龍狀流入西洱河又東有大羅河在鍾英山下宏治  
六年四月與州同置又東北有赤石崖西南有寶屏二

迤檢司西有 西距府  
而二迤檢司檢發又北有金沙江土迤檢司

百里 雲龍州 元雲龍甸軍民 洪武十七年改為州來  
屬正統間屬蒙化府後仍來屬 西有三峯山東有瀾滄

井東南有大井等壘并舊俱轄於五井提舉司後改屬  
州東有蒙籠甸迤檢司後廢東北有廟壘井又有上五  
井東有師井北有箭桿場四迤檢司又東有 東南距府

六十里 十二關長官司 洪武中設置 東南距府  
植於一池 洪武十五年三月置 東南距府  
江之西

鶴慶軍民府 洪武十五年三月為府三十年十一  
月升軍民府 南有方丈山又有半子山產礦東有金沙  
江有木按州又有副州元俱屬府洪武十五年俱屬東  
北有宜民關西南有觀音山又有清水江三巡檢司

領州二東南距布政司千一百六十里

劍川州元劍川縣

洪武十五年三月因之十九年正月升爲州西南有石

劍川縣俗呼瀉子瀉臨江之下流又西南有石

有瀉沙并鹽課司又有瀉沙井應檢司東距府九十

里順州元順州洪武十五年三月屬北勝府尋來屬

西有金沙江東有俗西距府百二十里

麗江軍民府元麗江路洪武十五年三月爲府三十年

十一月升軍民府領州四東南距布政司千二百四十

里通安州倚西北有玉龍山一名雪龜又有金沙江

黎說麗江經巨津寶山二州至武定府寶山州西南

北流入四州大江西有石欄巡檢司

那山南有西距府二百四十里蘭州元屬麗洪武十

五年三月屬麗江府尋屬鶴慶府後仍來屬北有麗

瀾滄江源出吐蕃燒和嶺東北距府三百六十里

甸流入境南入雲龍州界

津州南有華馬山北有金沙江流入州界有幾橋跨其

宏治後廢又東東南距府三百里

永甯府元屬麗江洪武十五年三月屬北勝州十七年

屬鶴慶府二十九年改屬瀾滄衛永樂四年四月升爲

府金抄江在酉又東有瀾滄湖周三百里中有三島又

之打冲河又北有勒波河自吐蕃流入亦東流入打

領長官司四東南距布政司千四百五十里刺次和長

官司府東革甸長官司府西香羅甸長官司府西瓦魯之

長官司府北四司俱永

北勝州元北勝府洪武十五年三月屬布政司尋降為

州屬鶴慶府二十九年改屬瀾滄衛正統七年九月直

隸布政司宏治九年徙治瀾滄衛城瀾滄衛在州南

探使司洪武二十八年九月置衛都司宏治九年徙州

來同治尋罷軍民司止為衛西南有瀾滄山南有九龍

山西有金沙江環繞州治亦曰麗江又南有陳海又有

呈湖東有有浪觀海下流俱入金沙江東有羅易江下

流入永甯府界北有渡葉州元屬麗江路洪武十五年

三月屬北勝府尋屬鶴慶軍民府二十九年改屬瀾滄

衛天啓中廢東有南距布政司二十五里

永昌軍民府元永昌府洪武十五年三月屬布政司十

八年二月兼置金齒衛屬都司二十三年十二月省府

升衛為金齒軍民指揮使司嘉靖元年十月罷軍民司

止為衛復置永昌軍民府領州一縣二安撫司四長官

司三東距布政司千二百里 保山府本金齒千戶所

年九月又置永昌府守寨千戶所俱屬金齒軍民府嘉

靖二年三月改二所為保山縣東有哀牢山本名安寨

夷語哀牢西有九隆山又東北有維峨山兩途江名其

麓又南有瀾江舊名老江一各壠里山自瀾江同武人

又北有清水河經縣東南峽口山下伏流東出入瀾前

江又有瀾江州宣德八年六月置府布政司正統二

年五月廢又東北有沙木利西北有清水關二永平府

巡檢司又北有甸頭南有水眼二土遠檢司

北元屬永昌府洪武二十三年金齒衛軍民司嘉靖元

年仍屬府西南有博南山一名金頂嶺山俗說為丁當

子山上有洞又有花橋山產結縵又東北有積嶺山驛

道所經東有銀龍江下流入瀾滄江又東北有備江

下流入哀化府瀾滄江又西南有花橋河源出博南山

流入銀龍江上有花橋關亦曰玉龍關又東北有土甸

正吏劉選檢司東有  
打牛坪土道樓司  
騰越州元屬衛府洪武十五年

三月屬布政司尋廢永樂元年九月置騰衝守禦千戶  
所屬金齒軍民司宣德六年八月直隸都司正統十年

三月升所為騰衝軍民指揮使司嘉靖三年十月置騰

越州屬府十年十二月罷司為騰衝衛南有永平山東

有羅性橋山上有與夷關有巡檢司又東北有高共

山一名崑崙關西北有明光山有銀鑊銅鑪西有大盈

江亦曰大車關自蠻外流入下流至比蘇發界注於金

沙江又東北有龍川江源出嶽外威昌縣地之七藏甸

下流合於大盈江有流橋在其上流有龍川江關巡檢司

又西南有壘水河關大盈江之支流又有騰衝上州宣

德五年六月置騰衝軍民司後直隸布政司正統

三年五月仍屬金齒軍民司尋廢又西有古勇關

北距府二百七十五里 潞江安撫司元柔洪武十五

年三月為府後廢屬麓川平緬司永樂元年正月析置

潞江長官司直隸都司十六年六月升安撫司宣德元

年六月改隸布政司正統三年六月屬金齒軍民司嘉

靖元年十月屬府北有潞江一名怒江源出吐蕃樂堂

有怒江關北岸有細甸又西有鐵籠守禦千戶所東

屬十三年置治老達關馬山之阿又西有全勝關

北距府三百五十里 鎮道安撫司 楊塘安撫司二

地皆屬西番與 俱永樂四年正月置屬金齒軍民司嘉

靖元年屬府 瓦甸安撫司本瓦甸長官司宣德二年

置屬金齒軍民司九年二月置隸都司正統三年五月

仍屬金齒軍民司五年十一月升為安撫司嘉靖元年

三

屬府 鳳溪長官司

府東洪武二十三年十一月置屬金齒軍民司嘉靖元年改屬府

施甸長官司

府南元石甸長官司洪武十七年五月置屬金齒軍民司嘉靖元年

年仍屬府西有坪市河下流入於怒江東南有猛淋寨萬曆十三年置鎮守守禦千戶所於此南有金蕊巡檢

司治苗關又南茶山長官司永樂五年析孟賚地置屬府東有高

蒙化府

元蒙化州洪武十五年三月因之正統十三年大理路

六月升為府

北有龍字關山又有甸頭山一名天耳山南有甸尾山西有關江源出甸頭山下

至定邊縣入定邊河又西有淺備江一名神莊江與永平縣界南入順甯府境為黑惠江西南有彌滄江有

甸頭甸尾漢喃彌滄江四巡檢司又西南有東距布政司八百六十里

順甯府十一月置洪武十五年三月庚戌因之己未

降為州屬大理府十七年正月仍升為府

山中有紀邊關東北有彌甯江又有黑惠江即漾備江也又名墨會江南流至府東許山下合於彌滄江又城

東有順甯河源出甸頭村山勢流入雲州之孟祐河南有寶通州又有慶會縣元俱與府同置洪武十五年省

又西南有矣堵寨萬曆三十年置右甸守禦土千戶所於此北有錫鑛寨又有牛街又有猛麻又有錫鑛寨董

壁嶺七道檢司領州一東距布政司千五百五十里

雲州本大候長官司永樂元年正月析麓川平緬地置

直隸都司宣德三年五月升為大候禦夷州直隸布政

司萬曆二十五年更名來屬

昔始在南萬曆三十年移於今治南有彌滄江東有

孟祐河流人焉有嶺

西距府百五十里領長官司一

丁緬甸檢司後廢

孟緬長官司

州西南宜池五年六月以景東府之孟緬

二十五年來屬有大猛麻又有猛

撒二十通檢司其猛緬類為三猛

車里軍民宣慰使司

元車里路察定二年

洪武十五年

閏二月為軍民府十九年十一月改軍民宣慰使司永

樂中廢宣德六年復置

東北有瀾滄江與九龍江會連

有沙木江東有小撒里都永樂九年正月置車里路

安宣慰使司宣德九年十月省入車里又有元取凍路

至正七年正月置又有取當孟弄二州

亦元未置洪武十五年俱省入車里

三十四程

緬甸軍民宣慰使司木緬申宣慰司洪武二十七年六

月置尋廢永樂元年十月復置更名

北有大金沙江其

源出青石山自孟緬境而流經河北江頭城下流注

於南海東有阿瓦河自孟緬流入境下流入大金沙江

又北有江頭城大公城馬來城安正關城甘肅王城

謂之緬中五城元至元四年十二月罷那牙宣慰司於

昔甘緬王城至正二年六月廢至元二十六年置

太公路於太公城洪武十五年三月為府後廢

官司一東北距布政司三十八程三東倫長官司

宣德九月木邦軍民宣慰使司

元木邦路至順洪武十五年

三月為府後廢三十五年十二月復置永樂二年六月

-11 188 33 953" data-label="Text">

改軍民宣慰使司

北有孟緬山西有暹里江即潞江自

有梁藤羅蒙來路俱元置洪武十五年三月

俱為府後即廢又西北有孟緬甸有天馬關

政司三十五程

八百大甸軍民宣慰使司

元八百等處

洪武二十四年

六月改置東北有南格刺山下有河與車里分界有八百大甸地置後廢又有蒙慶宣慰司元泰定四年四月分八歲至正二年四月罷洪武十五年三月復置府後廢又有孟頫路元統元年置屬八百宣慰司洪武十五年三月爲府後廢又有木檢孟泰二路俱元置洪武十五年三月俱爲東北距布政司三十八程

孟賽軍民宣慰使司元雲遠路洪武十五年三月爲府十七年改爲孟養府後廢三十五年十二月復置永樂二年

六月改軍民宣慰使司正統十三年廢萬曆十三年改置長官司東有鬼窟山又有把崖山又有大金沙江其城有遠透城又南有曼撒寨西有猛倫西南有孟拱曼里猛別養西諸部東北距布政司三

十七程

老撾軍民宣慰使司永樂二年四月置東南有三關東

北距布政司六十八程

南甸宣撫司元至元二十六年置南甸路洪武十五年三月爲府後

廢騰騰街守禦千戶所永樂十二年正月置州直隸布

政司正統三年五月改屬金齒軍民指揮使司九年六

月并宣撫司仍直隸布政司東有丙弁山又有蠻干山

龍關西有大盈江東北有小梁河西南經南牙山下曰

南牙江入于崖境內又東南有孟乃河即騰越州之

屬東北有小翁川關東北距布政司二十二程

千崖宣撫司元德洪武十五年三月爲府後廢屬麓川

平緬司永樂元年正月析置千崖長官司直隸都司後

屬金齒軍民指揮使司宣德五年六月復屬都司正統三年五月復屬金齒軍民指揮使司九年六月升宣撫司直隸布政司東有雲龍山西有大盈江又南有橫榔梁河下流經雲龍山下曰雲籠江經司治北折而西合於橫榔江又西北有南勝元置洪武中廢又西有雷弄等語東北距布政司二十三程

隴川宣撫司本麓川平緬軍民宣慰使司正統六年廢

九年九月改置治隴把元李綱在麓川北洪武十

三月又改路為府未幾府廢十七年八月丙寅升使司

平蠻軍民宣慰使司甲午改隴川平緬軍民宣慰使司

省麓川路入焉元麓川路在隴川南洪武十五年三月

為府未幾府廢十七年八月為麓川平緬軍民宣慰司

治新正統中司廢曰平麓後亦曰平麓洪武十二年

宣慰使司知於此又西南有通緬軍民宣慰使司元至元

二十二年置洪武十五年三月為府後廢又東南有造

放城洪武十五年置宣撫使於此北有馬鞍山西北

有大金沙江又有羅川江即龍川江自南

甸流入其芒市分界西南入於大金沙江東北距布政

司六十六程

孟定鎮夷府元孟定路至元三十一年四月置洪武十五年三月為府

東北有無量山又有登理江與羅川江合東南有羅枯

路元泰定三年七月置有木連路元至正二十六年置

洪武十五年三月領安撫司一東北距布政司十八程

復因之後供廩

耿馬安撫司萬曆十三年析孟定地置西有三尖山南

定分南距府百里

孟良禦夷府永樂三年七月置直隸都司後直隸布政

司東有木朵路又有孟隆路俱元泰定三年九月置東

司北有孟愛等甸軍民府元至元二十六年置洪武十

北距布政司千一百七十里

並兀集夷長官司宣德八年十月以和泥之鑑兀五隆

二寨置北距布政司十六程

芒市禦夷長官司統洪武十五年三月爲府後廢正

統八年四月改置屬金齒軍民指揮司後直隸布政司

西南有水昌幹山又有孟哭山又有大盈江西南幾兩石山下又有雙川江來合焉東北距布

政司二十三程

孟理長官司

在孟後西南亦曰理地後爲平定府

永樂四年四月置直隸

都司

東南有木來府元置洪武十五年三月因之後廢

東北距布政司二十三

大古刺軍民宣慰使司

在孟後西南亦曰理地後爲平定府

底馬撒軍

民宣慰使司

在大古刺東南

小古刺長官司

茶山長官司

底板長官司

孟倫長官司

八家塔長官司

皆在西南極邊

俱永樂四年六月置

刺和莊長官司永樂四年十月置直隸都司

促瓦長官司

散金長官司

在緬甸地

永樂六年四

月置

麻里長官司永樂六年七月析孟養地置直隸都司

八寨長官司永樂十二年九月置直隸都司

底兀刺宣慰使司永樂二十二年三月置

五年三月俱廢 東北距布政司三十八程

威遠樂夷州 元威遠州 廢後置 洪武十五年三月仍

為威遠州 屬楚雄府 十七年升為府 後廢 三十五年十

二月復置州 直隸布政司 北有威遠江 一名谷廣 江下

流官 東北距布政司十九程

灣甸樂夷州 本灣甸長官司 永樂元年正月析麓川平

緬地置直隸都司 三月升為州 直隸布政司 西北有高

有流官 與 東北距布政司二十程

鎮康樂夷州 元鎮康 洪武十五年三月改府 十七年降為

州 後廢 以其地屬灣甸州 水樂七年七月復置直隸布

政司 西有噶哩江 控麓川 安撫司界 東北距布政司二

十三程 南有昔刺寨 西南有控尾寨 東北距布政司二

十三程 南有昔刺寨 西南有控尾寨 東北距布政司二

孟密宣撫司 本孟密 安撫司 成化二十年六月析木邦

地置萬曆十三年升為宣撫司 東北有南牙山 與南甸

大金沙江 俱與緬甸分界 又有寶井 東北距布政司二

北有猛乃 猛哈 東北有孟廣等部 東北距布政司二

十三程 南有昔刺寨 西南有控尾寨 東北距布政司二

蠻莫安撫司 萬曆十三年析孟密地置 東北有等 隸山

下流 入大檢沙江 東北距布政司三十一程

者樂甸長官司 永樂元年正月析麓川平緬地置直隸

都司 後改隸布政司 南有蘭滄江 又東有景來河 自東

景東府流入 下流入馬龍江 東

北距布政司千一百七十里

置兀樂夷長官司宣德八年十月以和泥之鈕兀五隆

二寨置北距布政司十六程

芒市禦夷長官司統洪武十五年三月爲府後廢正

統八年四月改置屬金齒軍民指揮司後直隸布政司

西南有水品幹山又有孟哭山又有大壘江  
西南差古石山下又有西有麓川江來合焉

政司二十三程

孟理長官司

統爲麓川平定府

永樂四年四月置直隸

都司

東南有木來府元置洪武十五年三月因之後廢

東北距布政司二十三

程

大古刺軍民宣慰使司

在孟後西南底馬撒軍

民宣慰使司

在大古刺東南

小古刺長官司

茶山長官司

底板長官司

孟倫長官司

八家塔長官司

俱永樂四年六月置

刺和莊長官司永樂四年十月置直隸都司

促瓦長官司

散金長官司

永樂六年四月

月置

麻里長官司永樂六年七月析孟養地置直隸都司

八寨長官司永樂十二年九月置直隸都司

底兀刺宣慰使司永樂二十二年三月置

還之故

廣邑州本金齒軍民司之廣邑寨宣德五年五月升爲州八年十一月直隸布政司正統元年三月徙於順甯府之右甸

明史諸王傳五

桂端王常瀛神宗第七子天啓七年之藩衡州崇禎十六年衡州陷與吉惠二王同走廣西居梧州

大清順治二年大兵平江南福王就擒在籍尙書陳子壯等將奉常監監國會唐王自立於福建遂寢是年薨於蒼梧世子已先卒次子安仁王由棖亦未幾卒少

由榔崇禎時封永明王三年八月大兵取汀州執唐王聿鍵於是兩廣總督丁魁楚廣西巡撫瞿式耜巡按王化澄與舊臣呂大器等共推由榔監國母妃王氏曰吾兒不勝此顯更擇可者魁楚等意益堅合謀迎於梧十月十四日監國肇慶以魁楚大器式耜爲文學士餘授官有差是月大兵取潯州內侍王坤倉卒率由榔仍走梧州式耜等力爭乃回肇慶十一月唐王弟聿鏞自開浮海至粵時閩舊臣蘇觀生撤兵奔廣州與布政使顧元鏡總兵官林察等謀立聿鏞僞號紹武與由榔相拒是月由榔亦自立於肇慶僞號永曆遣兵部侍郎

林佳鼎討聿鏐會大兵由福建取廣州執聿鏐觀生  
自縊祭酒梁朝鍾太僕卿霍子衡等俱死肇慶大震王  
坤復奉由榔走梧州明年二月由平樂潯州走桂林魁  
楚棄由榔走岑溪降於大軍既而平樂不守由榔大  
恐會武岡總兵官劉承允以兵至全州王坤請赴之式  
邦力諫不聽乃以式邦及總兵官焦連留守桂林封陳  
邦傳爲思恩侯守昭平遂趨承允軍中三月封承允安  
國公錦衣指揮馬吉翔等爲伯承允挾由榔歸武岡改  
曰奉天府政事皆決焉是時長沙衡永皆不守湖廣總  
督何騰蛟與侍郎嚴起恆走白牙市六月由榔遣官召  
騰蛟至密使除承允顯承允勢盛騰蛟復還白牙大  
兵由貴慶趨武岡馬吉翔等挾由榔走潯州承允舉城  
降由榔又奔柳州道出古泥總兵官侯性太監龐天壽  
帥舟師來迎會天雨飢餓性供饘甚備九月土舍覃鳴  
珂作亂大掠城中矢及由榔舟先是大兵趨桂林焦  
連拒守甚力又廣州有警大兵東向桂林稍安既而  
湖南十三鎮將郝永忠盧鼎等俱奔赴桂林騰蛟亦至  
與式邦議分地給諸將使各自爲守璉已先復陽朔平  
樂陳邦傳復潯州合兵復梧州廣西全省略定十三月  
由榔返桂林五年二月大兵至靈川郝永忠潛於輿

安奔還挾由榔走柳州 大兵攻桂林式那騰蛟拒戰

時南昌金登桓等叛降於由榔八月由榔至肇慶六年

春大兵下湘瀘何騰蛟死明年由榔走梧州是年十

二月 大兵入桂林瞿式耜及總督張同敞死焉由榔

聞報大懼自梧州奔南甯時孫可望已據滇黔受封爲

秦王八年三月遣兵來衛殺嚴起極等九年二月可望

迎由榔入安隆所故曰安龍府久之日益窮促聞李定

國與可望有隙遣使密召定國以兵來迎馬吉翔黨於

可望偵知之大學士吳真毓以下十餘人皆被殺事詳

貞毓傳後二年李定國敗於新會將由安隆入滇可望

患之促由榔移貴陽就己由榔故避行定國至遂奉由

榔由安南衛走雲南居可望署中封定國晉王可望以

妻子在滇未敢動明年由榔送其妻子還黔遠舉兵與

定國戰於三岔可望將白文選單騎奔定國可望敗挈

妻子赴長沙 大軍前降十五年三月 大兵三路入

雲南定國扼雞公背斷貴州道別將守七星關抵生界

立營以牽蜀師 大兵出遵義由水西取烏撒守將素

關走李定國連敗於安隆由榔走永昌明年正月三日

大兵入雲南由榔走騰越定國敗於潞江又走南甸

二十六日抵囊木河是爲緬境緬勒從官盡棄兵仗始

啓關至蠻莫二月緬以四舟來迎從官自覓舟隨行者六百四十餘人陸行者自故岷王子而下九百餘人期會於緬甸十八日至井互諭國公沐天波等謀奉由瀾走戶臘二河不果五月四日緬復以舟來迎明日發井互行三日至阿瓦阿瓦者緬酋所居城也又五日至赭經陸行者緬人悉掠爲奴多自殺惟岷王子八十餘人流入暹羅緬人於赭經置草屋居由榔遣兵防之十七年定國文選典緬戰索其主連敗緬兵緬終不肯出由榔十八年五月緬酋弟莽猛白代立始從官渡河盟既至以兵圍之殺沐天波馬吉翔王維恭魏豹等四十有二人詳任國璽傳存者由榔與其屬二十五人十二月大兵臨緬白文選自木邦降定國走景線緬人以由榔父子送軍前明年四月死於雲南六月李定國卒其子嗣興等降

明史梁王把匝刺瓦爾密傳

梁王把匝刺瓦爾密元世祖第五子雲南王忽哥赤之裔也封梁王仍鎮雲南順帝之世天下多故雲南僻遠王撫泊有威惠至正二十九年明玉珍僭號於蜀遣兵三道來攻王走營金馬山明年以大理兵迎戰玉珍兵敗退久之順帝北去大都不守中國無元尺寸地而王

守雲南自若歲遣使自塞外達元帝行在執臣節如故未幾明師平四川天下大定太祖以雲南險僻不欲用兵明年正月北平守將以所得王遣往漠北使者蘇成來獻太祖乃命待制王禕齎詔惜成往招諭王待禮以禮會元嗣君遣使脫脫來徵餉服脫疑王有他意因脅以危語王遂殺禕而以禮斂之踰三年太祖復遣湖廣參政吳雲偕大軍所獲雲南使臣鐵知院等往知院以己奉使被執誘雲改制書給王雲不從被殺王聞雲死收其骨送蜀給孤寺太祖知王終不可以諭降乃命傅友德爲征南將軍藍玉沐英爲副帥師征之洪武十四

年十二月下普定王遣司徒平章達里麻卒兵駐曲靖沐英引軍疾趨乘霧抵白石江霧解達里麻望見大驚友德等率兵進擊達里麻兵潰被擒先是王以女妻大理僧段得功嘗倚其兵力後以疑殺之遂失大理援至是達里麻敗失精甲十餘萬王知事不可爲走晉甯州之忽納岩焚其龍衣驅妻子赴滇池死遂與左承遠的右承驢兒夜入草舍俱自經太祖遷其家屬於瓊羅

### 明史沐英傳

沐英字文英定遠人少孤從母避兵母又死太祖與孝慈皇后憐之撫爲子從朱姓年十八授帳前都尉守鎮

江揆選指揮使守廣信已從大軍征福建破分水關略  
宗安別破閩溪十八寨縛馮谷保始命復姓移鎮建甯  
節制邵武延平汀州三衛尋遷大都督府僉事進同知  
府中機務繁積英年少明敏剖決無滯后數稱其才帝  
亦器重之洪武九年命乘傳詣關陝抵熙河問民疾苦  
事有不便更置以聞明年充征西副將軍從衛國公鄭  
愈討吐番西略川藏耀兵崑崙功多封開國輔運推誠  
宣力武臣榮祿大夫柱國西平侯食祿二千五百石子  
世券明年拜征西將軍討西番敗之土門峽徑洮州獲  
其長阿昌失納築城東籠山繫禽酋會長三副使瘦隸子

管平朶甘納兒七站拓地數千里俘男女二萬雜畜二  
十餘萬乃班師元國公脫火赤等屯和林數擾邊十三  
年命英總陝西兵出塞略亦集乃路渡黃河登賀蘭山  
涉流沙七日至其境分四翼夜擊之而自以驍騎衝其  
中堅禽脫火赤及知院愛足等獲其全部以歸明年又  
從大將軍北征異道出塞略公主山長寨克全甯四部  
度騰胸河執知院李宣盡俘其眾尋拜征南右副將軍  
同永昌侯藍玉從將軍傅友德取雲南元梁王遣平章  
達里麻以兵十餘萬拒於曲靖英乘霧趨白石江霧霽  
兩軍相望達里麻大驚友德欲渡江英曰我兵罷懼爲

所扼乃帥諸軍嚴陳若將渡者而奇兵從下流濟出其  
陳後張疑幟山谷間人吹一銅角元兵驚擾英急麾軍  
渡江以善泗者先之長刀斫其軍軍却師畢濟慶戰良  
久復縱鐵騎遂大敗之生禽達里麻僵屍十餘里長驅  
入雲南梁王走死右丞觀音保以城降屬郡皆下獨大  
理倚點蒼山洱海扼龍首龍尾二關關故南詔築土酋  
段世守之英自將抵下關遣王弼由洱水東趨上關胡  
海由石門間道渡河扳點蒼山而上立旗幟英亂流斬  
關進山上軍亦馳下夾擊禽段世遂拔大理分兵收未  
附諸蠻設官立衛守之回軍與友德會滇池分道平烏  
撒東川建昌芒部諸蠻立烏撒畢節二衛土酋楊豆等  
復煽諸蠻二十餘萬圍雲南城英馳救蠻潰竄山谷中  
分兵捕滅之斬級六萬明年詔友德及玉班師而留英  
鎮滇中十七年曲靖亦佐曾作亂討降之因定善定廣  
南諸蠻通田州糧道二十年平浪寧蠻奉詔自永甯至  
大理六十里設一堡留軍屯田明年百夷思倫發叛誘  
羣蠻入寇摩沙勒寨遣都督甯正擊破之二十二年思  
倫發復寇定邊思隄三十萬英邁騎三萬馳救置火礮  
勁弩爲三行蠻敵百象被甲荷欄楯左右挾大竹爲筒  
筒置標鎗銳其英分軍爲三都督馮誠將前軍甯正將

左都指揮同知湯昭將右將戰令曰今日之事有進無退因乘風大呼礮聲並發象皆反走昔刺亦者寇梟將也殊死鬪左軍小却英登高望之取佩刀命左右斬帥首來左帥見一人握刀馳下恐奮呼突陣大軍乘之斬敵四萬餘人生獲三十七象餘象盡殪賊寨帥各被百餘矢伏象背以死思倫發遁去諸蠻震懼麗川始不復梗已會穎國公傅友德討平東川蠻又平越州酋阿資及廣西阿赤部是年冬入朝賜宴奉天殿資黃金二百兩白金五千兩鈔五百錠絲幣百疋遣還陸辭帝親拊之曰使我高枕無南顧憂者汝英也還鎮再敗百夷於

景東思倫發乞降貢方物阿資又叛擊降之南中悉定使使以兵威諭降諸番番部有重譯入貢者二十五年六月間皇太子薨哭極哀初高皇后崩英哭至嘔血至是感疾卒於鎮年四十八軍民巷哭遠夷皆爲流涕歸葬京師迨封黔甯王謚昭靖侑享太廟英沉毅寡言笑好賢禮士撫卒伍有恩未嘗妄殺在滇百務具舉簡守令課農桑歲較屯田增損以爲賞罰墾田至百萬餘畝滇池隘浚而廣之無復水患通鹽井之利以來商旅辨方物以定貢稅視民數以均力役疎節閭目民以便安居常讀書不釋卷暇則延諸儒生講說經史太祖初起

時數養他姓爲子攻下郡邑軌道之出守多至二十餘人惟英在西南勳最大子春晟昂皆鎮雲南所駙馬都尉尙成祖女常甯公主春宇景春材武有父風年十七從英征西番又從征雲南從平江西寇皆先登積功授後軍都督府僉事翠臣請試職帝曰兒我家人勿試也遂予實授嘗命錄烈山囚又命輸叛黨於蔚州所開釋各數百人英卒命副將鎮雲南洪武二十六年維摩十一寨亂遣翟龍討平之明年平越葛蠻立瀾滄衛其冬阿資復叛與何福討之春曰此賊積年通誅者以與諸土酋姻婭輾轉亡匿今悉發諸酋從軍磨繫之而多設

營堡制其出入援首必矣遂趨越州芬道逼其城供饋兵道左以爲平誘賊縱擊大敗之阿資亡山谷中春降結旁近上官詔知所在樹壘斷其糧道賊困甚已出不意擄其巢遂禽阿資並誅其黨二百四十人越州遂平廣南酋儂貞佑糾黨蠻拒官軍破禽之俘斬千計甯遠會乃拜瀾依交趾不順命遣何福討降之三十年麓川宣慰使思倫發爲其屬乃幹蓋所逐來奔春挾與俱朝受上方略遂拜春爲征虜前將軍帥何福徐凱討之先以兵送思倫發於金齒繳幹孟來迎不應乃選卒五千令福與瞿能將踰高良公山直搗南甸大破之斬其酋

刀名孟回軍擊蠻罕寨賊乘高堅守官軍糧且盡福告  
急春帥五百騎救之夜渡怒江旦抵寨下令騎騁揚塵  
蔽天賊大驚潰乘勝擊啞峒寨亦潰前後降者七萬人  
將士欲屠之春不可幹孟乞降帝不許命春總滇黔蜀  
兵攻之未發而春卒年三十六諡忠襄春在鎮七年大  
修屯政闢田三十餘萬創鑿鐵池河灌宜良洞田數萬  
畝民復業者五千餘戶爲立祠祀之無子弟晟嗣晟字  
景茂少凝重寡言笑善讀書太祖愛之歷官後軍左都  
督建文元年嗣侯比就興而何福已破禽刀幹孟歸思  
倫發亡何思倫發死諸軍分據其地晟討平之以其地

爲三府二州五長官司又於怒江西置屯衛千戶所成  
之麓川遂定初暎王封雲南不法爲建文帝所囚成祖  
卽位遣歸藩益驕恣晟稍持之王怒語晟帝以王故詔  
誠晟貽書晟王稱其父功毋督過永樂三年八百大甸  
寇邊過貢使晟會車里木邦討定之明年大發兵討交  
趾拜晟征夷左副將軍與大將軍張輔異道自雲南入  
遂由蒙自徑野蒲新木通道奪猛烈擱華諸關隘昇舟  
夜出洮水渡富良江與輔會而共破多邦城擣其東西  
二都蠻諸巢禽爲王黎季犛語在輔傳論功封黔國公  
歲祿三千石予世券交趾簡定復叛命晟佩征夷將軍

印討之戰生厥江敗績輔再出帥師合討禽定送京師  
 輔還展留捕陳季擴連戰不能下輔復出帥師會展窮  
 追至占城獲季擴乃班師展亦受上賞十七年富州蠻  
 叛展引兵臨之弗攻使人嘗曉竟下之仁宗立加太傅  
 鑄征南將軍印給之沐氏懸鎮者輒予印以為常宣德  
 元年交趾黎利勢熾詔展會安遠侯柳升進討升敗死  
 展亦退兵羣臣交劾展帝封其章示之正統三年麓川  
 思任發反展抵金齒與弟昂及都督方政會兵政為前  
 鋒破賊沿江諸寨大軍逐北至高黎共山下再破之明  
 年復破其舊寨政中伏死官軍敗績展引還慚懼發病

至楚雄卒贈定遠王諡忠敬展席父兄業用兵非所長  
 戰數不利朝廷以其絕遠且世將寬假之而漢人儻展  
 父子威信莊事如朝廷片楮下土普具威儀出郭迎盛  
 而後啟曰此令旨也展久鎖畚田園三百六十區賣財  
 充勃善事朝費賂遺不絕以故得中外聲展有子斌字  
 文輝幼嗣公爵居京師而以昂代鎖昂字景高初為府  
 軍左衛指揮僉事成祖將使展南討乃擢昂都指揮同  
 知領雲南都司累遷至右都督正統四年佩將印討麓  
 川抵金齒畏賊盛遷延者久之參將張榮前驅至芒市  
 敗昂不救引還貶秩二級已思任發入寇擊却之又捕

新師宗反者六年兵部尙書王驥定西伯蔣貴將大軍討思任發昂主餽運賊破復昂職命督軍捕思任發不能得十年弟卒贈定邊伯謚武襄斌始之鎮會種甸執思任發送京師其子思機發來襲斌擊却之思機發復據孟養十三年復大發兵使驥等討之而斌爲後拒督餉無之卒贈太傅謚榮康子琮幼景泰初命昂孫璘以都督同知代鎮琮字廷章素儒雅滇人易之旣而璘令肅然不可犯天順初卒琮猶幼擇璘弟錦衣副千戶璜爲都督同知往代居七年先後討平需祿諸寨及土官之搆兵者降思卜發勒還諸蠻侵地功多然頗贖貨成

化三年春琮始之鎮而以璜爲副總兵移鎮金齒琮字廷芳通經義能詞章屬夷餽費無所受尋甸酋殺兄子求爲守琮捕誅之廣西王官虐所部爲亂琮請更設處官民大便以攻討平馬龍麗江劍川順甯羅雄諸叛蠻捕禽橋甸南窩反者卒贈太師謚武信無子以璜孫崑嗣崑字元中初襲錦衣指揮僉事琮撫爲子朝議以崑西平侯裔孫當嗣侯而守臣爭之謂滇人知爵國公不知西平侯也侯之恐爲所輕孝宗以爲然令嗣公佩印如故宏治十二年平繩山竹箐諸蠻又平普安賊再益歲祿正德二年師宗民阿本作亂與都御史吳文度督

兵分三道進一出師宗一出羅雄一出彌勒而別遣一軍伏盤江截賊巢遂大破之七年安南長官司那代爭襲殺土官復與都御史顧源討禽之再加太子太傅崑初喜文學自矜厲其後通賂權近所請無不得寢驕凌三司使從角門入諸言官論劾者輒得罪去卒贈太師謚莊襄子紹勛嗣尋甸土舍安銓叛都御史傅習討之敗績武定土舍鳳翔文亦叛與銓連兵攻雲南大擾世宗遣尙書伍文定將大軍征之未至而紹勛督所部先進告土官子弟當襲者先予冠帶破賊後當爲請眾多奮戰賊大敗朝文絕普渡河走追斬之東川銓還尋甸

死磔數十官軍攻破之禽銓於芒部先後禽賊黨千餘人俘斬無算時嘉靖七年也捷聞加太子太傅益歲祿而是時老撾木邦孟養緬甸孟密相仇殺師宗納樓思陀八寨皆亂久不解紹勛使使者偏歷諸蠻調以武定尋甸事皆稽伏願還侵地而木邦孟養俱貢方物謝罪南中悉定紹勛有勇略用兵輒勝卒贈太師謚敏靖子朝輔嗣都御史劉渠索賂朝輔與之因上章言臣家世守茲土上下相承今有司紛更典制關臣職守率不與聞接見不循故例臣疎遠孤危動作掣肘無以彈壓繼方乞申救諸臣悉如其舊詔許之給事中萬虞檀劾朝

輔並論渠詔罷渠而令朝輔治事如故卒贈太保諡恭  
僖二子融輩皆幼詔視璋璘故事令融嗣公給半祿而  
授朝輔弟朝弼都督僉事佩印代鎮居三年陞卒輩當  
嗣朝弼心害之於是朝弼嫡母李請護輩居京師待其  
長而還漢報可輩未至京卒朝弼遂得嗣嘉靖三十年  
元江土舍那鑑叛詔朝弼與都御史石簡討之分五軍  
薄其城城垂拔以瘴發引還詔罷簡將再出師鑑懼仰  
藥死乃已四十四年討禽叛蠻阿方李向陽隆慶初平  
武定叛酋鳳繼祖破賊巢三十餘朝弼素驕事母嫂不  
如禮奪兄田宅匿罪人蔣旭等用調兵火待遣人調京  
師乃罷朝弼以其子昌祚嗣給半祿朝弼快益放縱  
葬母至南京都御史請留之詔許還漢渠得預漢事朝  
弼志欲殺昌祚撫按交章言狀並發其殺人通番諸不  
法事連繫詔獄論死援功綢之南京卒昌祚初以都督  
僉事總兵官鎮守久之嗣公爵萬厯元年姚安蠻羅思  
等叛殺郡守昌祚與都御史鄒應龍發土漢兵討之破  
之甯鮮厚等十餘寨率其巢盡得思等十一年隴川賊  
岳鳳叛附緬甸挾其兵侵旁近土司昌祚壁海海督裨  
將鄧子龍劉綎等斬木邦叛酋罕虔以暑瘴退師明年  
復攻罕虔故巢三道並入禽其酋罕招等又破緬兵於

猛臉岳鳳降論功加太子太保悉食故祿復以次平羅  
維諸叛蠻再賜銀幣緡兵攻猛廣昌祚會師壁永昌緡  
人遁追擊至那莫江瘴作而還二十一年緡人復入寇  
昌祚逐之連戰俱捷遂傳於緡會攀蠻內亂乃還沐氏  
在滇久威權日盛尊重擬親王昌祚出僉事楊寅秋不  
避道昌祚咎其與人寅秋訴於朝下詔切責已以病命  
子叡代鎮武定土酋阿克叛攻會城脅府印去叡被逮  
下獄昌祚復理滇事卒孫啟元嗣卒子天波嗣十餘年  
而土司沙定洲作亂天波奔永昌亂定復歸於滇永明  
王由榔入滇天波任職如故已從奔緡甸緡人欲劫之

不屈死初沙定洲之亂天波母陳氏妻焦氏自焚死後  
天波奔緡妾夏氏不及從自縊死踰數十日收葬支體  
不壞人以爲節義所感焉

明史四川土司傳

烏蒙烏撒東川芒部古爲蠻地餉巴東川大雄諸甸皆  
唐烏蒙裔也宋有封烏蒙王者元初置烏蒙路遂以東  
川芒部皆隸於烏蒙烏撒等處宣慰司烏撒富盛甲諸  
部元時嘗置軍民總管府而於東川置萬戶府地勢並  
在蜀之西南與滇黔壤土相接皆據險阻深與中土聲  
教隔離明太祖既平蜀規取雲南大師皆集於長沅欲

并剪諸蠻以通蜀道洪武十四年遣內臣齋敕諭烏蒙  
烏撒諸部長曰西南諸部自古及今莫不朝貢中國朕  
受天命爲天下主十有五年而烏蒙烏撒東川芒部建  
昌諸部猶桀驁不朝朕已遣征南將軍穎川侯左副將  
軍永昌侯右副將軍西平侯率師往征猶恐諸部長未  
喻朕意故復遣內臣往諭如悔罪向義當卽躬親來朝  
或遣人入貢亟聽誠款朕當罷兵以安黎庶爾共省之  
時征南將軍傅友德已分遣都督胡海洋等帥師五萬  
由永甯趨烏撒復自率師由曲靖循格孤山而南以通  
永甯之兵據烏撒時元右丞寶卜聞海洋兵至乃聚兵  
赤水河以拒之及聞大軍繼進皆遁友德令諸軍築城  
版陲方其瑩寇大集友德屯兵山岡持重以待既知士  
勇可用乃縱兵接戰有芒部土酋率眾來援寶卜兵與  
合鋒甚銳大軍鼓噪而前其酋長多中槩墜馬死大軍  
益奮蠻殲力不支大潰斬首三千獲馬六百寶卜率眾  
遁遂城烏撒克七星關以通畢節又克可渡河於是東  
川烏蒙芒部諸蠻震響皆望風降附十五年置東川烏  
撒烏蒙芒部諸衛指揮使司詔諭諸部人民以雲南已  
降附宜益效順中國以享昇平復諭諸部長曰今置郵  
傳通雲南宜率土人隨其疆界遠趨開築道路各廣十

丈準古法以六十里爲一驛符至奉行又敕征南將軍友德等曰烏蒙烏撒東川芒部諸酋長雖已降恐大軍一還仍復嗾聚符到日悉送其酋長入朝又諭以貴州已設都指揮使然地勢備東今宜於實卜所居之地立司以便控制卿其審之已烏撒諸蠻復叛帝諭友德曰烏撒諸蠻伺官軍散處卽有此變朕前已慮之今果然然雲南之地如曲靖普安烏撒建昌勢在必守其東川芒部烏蒙未可遽守也且留屯大軍蕩掃諸蠻戮其渠長方可分兵守禦耳乃命安陸侯吳復爲總兵平涼侯費聚副之征烏撒烏蒙諸叛蠻并諭勿與蠻戰於關索嶺上當分兵掩襲直搗其巢使彼各奔救其家之不暇必不敢出以抗大師侯三將軍至破禽之是月副將軍西平侯沐英自大理還軍會友德擊烏撒大敗其眾斬首三萬餘級殺馬牛羊萬計餘眾悉遁復追擊破之帝諭友德等師捷後必戮其渠魁使之畏懼搜其餘黨絕其根株使彼智窮力屈誠心款附方可留兵鎮守又諭宜乘兵勢修治道途令土酋諭其民各輸糧一石以給軍爲持久計十六年以雲南所屬烏撒烏蒙芒部三府隸四川布政使司烏蒙烏撒東川芒部諸部長百二十人來朝貢方物詔各授以官賜朝服冠帶錦綺鈔錠有

差其烏撒女酋卜賓加賜珠翠芒部知府發紹烏蒙知府阿普病卒詔賜綺衣并棺殮之具遣官致祭歸其柩於家十七年割雲南東川府隸四川布政使司并烏撒爲蒙芒部皆改爲軍民府而定其賦稅烏撒歲輸二萬石氍衫一千五百領烏蒙東川芒部皆歲輸八千石氍衫八百領又定茶鹽布疋易馬之數烏撒歲易馬六千疋或茶一百斤鹽如之卜賓復貢馬賜綺紗十八年烏蒙知府亦德音蠻地刀耕火種比年霜旱疾疫民饑窘歲輸之糧無從徵納詔悉免之二十年徵烏撒知府阿

能赴京二十一年命西平侯沐英南征英言東川張盛據烏山路作亂罪狀已著必先加兵但其地重關複嶺上下三百餘里人迹絕阻須以大兵臨之帝命穎國公傅友德仍爲征南將軍英與陳頌爲左右副將軍率諸軍進討敗友德等曰東川芒部諸夷種類皆出於羅掘厥後子姓蕃衍各立疆場乃異其名曰東川烏撒烏蒙芒部祿堅水西無事則互起爭端有事則相救相援若唐時閩羅鳳亡居大理唐兵追捕道經芒部諸境羣蠻聚眾據險設伏唐將不備遂墜其計喪師二十萬皆將帥無謀故也今須預加防閑嚴爲之備烏撒軍民府葉

原常獻馬三百匹米四百石於征南將軍以資軍用且  
願收集土兵從征英等以聞從之復命景川侯曹震靖  
甯侯葉昇等分討東川平之捕獲叛蠻五千五百三十  
八人二十三年烏撒土知府阿能烏蒙芒部土官各遣  
子弟入監讀書二十七年烏撒知府卜穆奏需益州屢  
侵異地命沐春論之二十八年戶部言烏撒烏蒙芒部  
東川歲賦氈衫不如數詔已免徵今有司仍追之宜申  
明從之二十九年烏蒙軍民府知府實哲貢馬及氈衫  
自是諸土知府三年一入貢以爲常或有恩賜則進馬  
及方物謝恩宣德七年兵部侍郎王驥言烏蒙烏撒土

官祿昭尼祿等爭地仇殺宜遣官按問八年遣行人章  
聰侯璉齋敕往諭仍敕巡按與三司官往平之設烏蒙  
儒學教授訓導各一員以通判黃甫越言元時本府向  
有學校今文廟雖存師儒未建乞除教官選俊秀子弟  
入學讀書以廣文治從之正統七年裁烏撒軍民府通  
判推官知事檢校各一員十一年裁烏蒙東川知事檢  
校各一員并革烏撒烏蒙遞運所景泰元年敕諭烏撒  
烏蒙諸府土官普茂等以貴州諸苗叛亂恐滋蔓鄰近  
宜戒嚴防守毋聽賊詛誘感備來逼犯便當勦殺時烏  
撒進萬壽表踰期部議宜究詔以違人宥之嗣後朝貢

過期及表箋不至者朝廷率以土官多從寬貸應賞者給其半天順元年鎮守四川中官陳清等奏芒部所轄白江蠻賊千餘作亂攻圍筠連縣治救御史項懌會鎮巡官捕之成化十二年烏撒知府隴舊等奏同知剛正撫字有方蠻民信服今九年秩滿乞再任三年以慰羣望從之宏治十四年烏撒所轄可渡河巡檢司言自閏二月二十七日大雷雨不止至二十九日水漲山崩地裂山鳴如牛吼地陷湧出清泉數十派衝城廬舍橋梁及壓死人口牲畜無算又本府阿都地方八月亦暴風雨田土泮沒二百餘處死者三百餘人正德十五年討斬芒部焚蠻阿又礮等初芒部土舍隴壽與庶弟隴政及兄妻妻蘇爭襲仇殺所部土舍阿又礮等乘機倡亂流劫事聞命鎮守中官會撫按官捕治至是貴州參政傅習都指揮許詔督永甯宣撫司女土官奢魯等討禽阿又礮等四十三人斬首一百十九級事乃定嘉靖元年命芒部護印土舍隴壽襲知府免起京故事土官九品以上皆保送至京乃襲時壽政等爭襲不敢離任朝廷以嫡故立壽恐壽起京而政等乘隙爲亂故有是命然政與支祿倚烏撒土舍安甯等兵力仇殺如故壩底參將何卿請於巡撫許廷光發土兵二萬五千人命貴

州參將楊仁等將之受何卿節制相機進剿政祿佯聽  
撫乞緩師而令賊黨阿黑等掠周泥站七星關復遣阿  
核等糾集諸苗剿掠畢節諸處殺傷官軍燬官民房屋  
甚眾兵部言賊勢猖獗宜速征於是何卿等進剿斬首  
二百餘級俘二十餘人降其眾數百政敗奔烏撒卿檄  
烏撒土舍安甯土婦者勿禽之安甯佯許諾僅以阿核  
等屍獻竟不出政兵久不解都御史湯沐以聞詔切責  
諸將及守巡官罪而革何卿冠帶令剿賊自贖四年政  
誘殺書奪其印巡撫王軌巡按劉燾各上其事燾言從  
燾情立支祿便軌以隴政支祿帖終稔惡賊朝廷命吏  
罪不可赦乃命鎮遠官諭安甯縛政祿及諸助惡者時  
政已爲官軍禽於水西追獲芒部印信前後斬首六百  
七十四級生禽一百六十七人招撫白烏石等四十九  
寨以捷聞貴州巡按劉廷蓋言烏撒所獻阿核等屍及  
水西所縛隴政真僞未可信恐首惡尙在不無後慮請  
嚴賞五年兵部奏芒部隴氏釁起蕭楷騷動兩省王師  
大舉始克蕩平今其本屬親交已盡無人承襲請改爲  
鎮雄府設流官知府統之分屬夷良毋響蕃角利之地  
爲懷德歸化威信安靜四長官司使隴氏疏屬圖濟白  
壽祖保阿萬四人統之如程番府例令三年一入朝貢

馬十二匹而以通判程洸爲試知府六年芒部賊沙保等謀復隴氏擁隴壽子勝糾眾攻陷鎮雄城執程洸奪其印殺傷數百人洸奔畢節事聞兵科給事中鄭自璧等言鎮雄初設流官蠻情未服而有司失先事之防不亟收遺裔隴勝而令沙保得擁孺子致煽禍一方宜速遣總兵何卿併力剿定於是兵部覆言隴勝非眞隴壽子故議設流官有司撫循失策遂生叛亂沙保罪不容誅當剿何卿方守松潘勢難相援宜亟起都御史王廷相之任并敕總兵牛桓調兵速進時沙保出鎮雄府印乞降然尙持兩端欲立土官如故四川撫按以保狡悍不可馴撥瀘州守備丁勇擊之又遣使勞賜芒部撫夷邵良佐使計禽沙保保怒復叛七年川貴諸軍會剿敗沙保等禽斬三百餘級招撫蠻獠男婦以千計提調設鎮雄流官如舊而芒部烏撒母響苗蠻隴革等復起攻劫畢節屯堡殺掠士民紛紛見告兵部尙書李承勛以任文定專主用兵爲失計疏及之而御史楊葵復言芒部改土易流非長策又時值荒饑小民救死不贖何能趨戰時帝亦軫念災傷令罷芒部兵俟有秋再議征討於是四川巡撫唐鳳儀言烏蒙烏撒東川諸土官故與芒部爲唇齒自芒部改流諸部內懷不安以是反者數

起今俊德長官阿濟等雖自詭禽賊其心固望隴勝得一職以存隴後臣請如宣德中復安南故事俯順輿情則不假兵而禍源自塞川貴巡按戴金陳請等奏如風儀言金又以首惡如母嚮祖保等宜剝誅以折其驕氣始下撫處之令許生獻沙保等貸阿濟以不死然後復隴勝故職或降爲知州其官長或因或革或分隸庶操縱得宜恩威並著章下部覆乃革鎮雄流官知府而以隴勝爲通判署鎮雄府事令三年後果能率職奉貢准復知府舊銜時嘉靖九年四月也三十九年命剿東川阿堂之亂和東川土知府祿慶死子位幼妻安氏攝府事有營長阿得革頗擅權謀奪其官因先求蒸安氏不得乃縱火焚府治走武定州爲土官所殺得革子堂奔水西賄結烏撒土官安泰入東川囚安氏奪其印貴州宣慰安萬銓故與祿氏姻連乃起兵攻阿堂所居寨破之堂妻阿聚攜幼子奔雲益州土官安九鼎萬銓脅九鼎取阿聚及幼子殺之堂以是怨九鼎時相攻擊堂兵侵羅雄州境九鼎及祿位與羅雄土官者溶等各上書訟堂罪詔下雲貴四川撫按官會勘堂聽勦於車洪江貝服罪願獻所劫府印并雲益羅雄人口牲畜及侵地乞貸死時位及弟俱已前歿官府因訊祿氏所當襲者

堂以己幼子詭名祿哲以報據府印如故復與九鼎節  
兵相攻九鼎訴之雲南巡撫游居敬謂堂怙亂請致討  
且自詭當率所部爲前鋒必禽堂以獻居敬信之遂上  
疏言堂綽惡不悛請專意進剿爲地方除害帝允部議  
行川貴撫按會勘具奏居敬遽調土漢兵五萬餘進剿  
雲南承平久一旦兵動費用不貲賦斂百出諸軍衛及  
有土司官舍等乘之爲姦利遠近騷動巡按王大任言  
逆堂奪印謀官法所必誅第彼猶借朝廷之印以約土  
蠻冒祿氏之宗以圖世職而四川之差稅辦納以時雲  
貴之鄰壤未見侵越此其非叛明矣其與九鼎治兵相  
攻彼此俱屬有罪居敬乃信一偏之詭辭遂會勘之明  
旨輒動大眾恐生意外患且外議藉藉謂居敬入九鼎  
重賄欲爲雪怨及受各土官賂獲盜帑積皆有實跡請  
亟罷居敬暫停征剿爲便乃命逮居敬時堂聞大兵至  
東川逃深箐諸將分兵於新舊諸城窮搜不獲地方民  
夷大遭屠掠四十年營長者阿易謀於堂之心腹母勒  
阿濟等掩殺堂於夏來矣石之地其子阿哲就禽哲時  
年八歲事雖定而府印不知所在於是安萬銓取東川  
府經歷印昇祿位妻甯著署之以照磨印昇羅雄土官  
者溶而以甯著女妻者溶子仍留水西兵三千於東川

爲甯著防衛水西與東川鄰萬銓本水西土官故議者謂其有陰據東川之志巡按王大任以誅阿堂聞因言東川地方殘傷該府三印悉爲土官部置請通敕川貴總督及鎮巡官按究各土官私擅標署之罪并訪祿氏支派之宜立典所以處阿哲者部覆報可四十一年鑄給四川東川府印初阿堂既誅索府印不獲人疑爲安萬銓所匿及是屢勸印實亡失而祿位近派悉絕惟同六世祖有幼男阿采撫按官雷賀陳瓚請以采襲祿氏職姑予同知銜令甯著署掌後果能撫輯其眾仍進襲知府其新印請更名以防奸僞有旨不必更餘如議先

是烏撒與永甯烏蒙益水西諸土官境土相連世戚親厚既而以公私所親彼此構禍奏許紛紜詳四川永甯土司傳中當事者頗厭苦之萬曆六年乃令照蠻俗蜀牛例處分務恤禍息爭以保境安民然終不能靖也三十八年詔東川土司竝聽雲南節制時巡按鄧濂疏稱蜀之東川偏處武定尋甸諸郡只隔一嶺出沒無時朝發夕至其酋長祿壽祿哲兄弟安忍無親日尋干戈其部落以劫殺爲生不事耕作蜀轄遠邊法紀易疏滇以非我屬內號令不行以是驕蹇成習目無漢法今惟改敕滇撫兼制東川因條三利以進詔從之先是四川

烏撒軍民府雲南雷益州雖漢蜀異轄宗派一源明初  
大軍南下女土官實卜與夫弟阿哥二人率眾歸順授  
實卜以烏撒土知府授阿哥以雷益土知州其後彼絕  
此繼通爲一家萬曆元年雷益女土官安素儀無嗣奏  
以土知府祿墨次子繼本州卽安紹慶也已祿墨及長  
子安雲龍與兩孫俱歿安紹慶奏以次子安効良歸宗  
襲土知府安雲龍之妻隴氏卽鎮雄女土官者氏之女  
也以雲龍雖故尙有遺孤且缺外家兵力與紹慶爲敵  
紹慶則以隴氏所出明係假子亦倚雷益兵力與隴氏  
爲難彼此仇殺流毒一方士民連名上奏事行兩省會  
勦歷十四年不能結是年安雲龍奏稱隴氏有子官保  
今已長成効良倚父兵強圖竊據殺戮無辜因極言効  
良不可立者數事三十九年廷臣議行川貴大吏勘報  
貴州撫臣以土官爭職在雲南而爲害在黔蜀必得二  
省會勦始可定獄帝命速勦乃命隴鶴書承襲鎮雄土  
知府鶴書原名阿卜自其始祖隴飛沙獻土歸順授爲  
世職知府五傳而爲庶魯卜別居於果利地又四傳而  
爲庶祿姑別居夷良七欠頭地又五傳而隴氏之正支  
斷矣水西安堯臣贊於祿欲奄有之眾論不平始有驅  
安立隴之奏奉旨察立隴後女土官者氏以阿固應阿

固者魯卜之六世孫而易名端正名者也於是主立阿固而先立其父阿章章尋病死阿固不爲夷眾所服往復察勸者氏及四十八日十五大頭等共推阿卜阿卜者祿姑之五世孫咸以爲長且賢而者氏且以印獻遂定立阿卜而以阿固充管事從巡撫喬應星之議也四十一年烏撒土舍安効良初與安雲翔爭立朝廷以爲嫡派立効良雲翔數爲亂謀逐効良焚劫烏撒四川巡撫上其事以効良爲雲龍親姪雲翔乃其堂弟親疏判然効良自當立雲翔擾害地方欺罔朝廷罪原難赦但爲奸人指使情有可原姑准復冠帶從之四十三年雲

南巡按吳應琦言東川土官祿壽祿哲爭襲以來各縱部眾越境劫掠擁眾千餘剽掠兩府澆旬之間村屯並掃荼毒未有如此之甚者或撫或剿毋令養禍日滋下所司勘奏貴州巡按御史楊鶴言烏撒土官自安雲龍物故安咀與安効良爭官奪印仇殺者二十年夷民無統盜寇蜂起堡屯焚燬行賈梗絕者亦二十年是爭官奪印者蜀之土官而蹂踐糜爛者黔之赤子誠改隸於黔則彈壓既便干戈可戢又言烏撒者滇蜀之咽喉要地臣由普安入滇七月始達烏撒見効良之父安紹慶據雷益當曲靖之門戶効良據烏撒又扼滇蜀之咽喉

父子各據一方且壤地相接無他郡縣上司以隔絕鈐制之將來尾大不掉實可寒心蓋黔有可制之勢而無其權蜀有逐制之名而無其實誠以爲隸黔中便帝命所司速議泰昌元年雲南撫按沈敬灼等言蜀之東川業奉朝命兼制然事權全不相關祿千鍾祿阿伽縱賊披猖爲患不已是東川雖隸蜀而相去甚遠雖不隸滇而禍實震邇宜特敕蜀撫按凡遇襲替務合兩省會勘蜀察其世次順亦按無侵犯方許起送亦羈縻綏靜之要術也詔下所司時諸土司皆桀驁難制烏撒東川烏蒙鎮雄諸府地界復相錯於川滇黔筑之間統轄旣分事權不一往往軼出爲諸邊害故封疆大吏紛紛陳情冀安邊隅而中樞之臣動議勘報彌年經月卒無成畫以致疆事日壞播州初平永甯又叛水西煽起東川烏蒙鎮雄皆觀望騎牆心懷疑貳於是安効良以烏撒首附逆於邦彥并力攻陸廣復合霑益賊圖羅平陷霑益爲雲南巡撫閔洪學所敗洪學以兵力不繼好誘招之令禽賊自贖効良亦佯爲恭順又見黔師出陸廣滇師出霑益水烏之勢已成騎虎遂合永甯水西諸部三十六營直抵霑益對壘城下五日副總兵袁善宣揮使沙源等督將士力戰出奇兵破之効良敗死妻安氏無子

妾設白生其爵其祿二婦素不相能安氏居鹽倉設白  
母子居抱渡安氏遂代効良爲土官然亦未絕其爵其  
爵亦以安氏爲安位姐不敢抗崇禎元年四川巡撫差  
官李友芝齋冠帶獎賞其爵母子令管烏撒安氏惡忿  
始絕其爵其爵夜襲安氏鹽倉不克與設白其祿逃東  
川界爲東川所拒而抱渡又失李友芝爲請於制府發  
領兵三千援其爵領撫不應安氏懼謀迎雲益土官安  
邊爲婚授之烏撒以拒其爵安邊亦欲偶安氏以拒其  
祿以催糧爲名王建昌安氏遂迎邊至鹽倉成婚一時  
皇皇謂水西必糾竊烏入犯雲南巡撫謝存仁以聞存

仁因移鎮曲靖以觀變安邊安氏請復烏撒衛以自贖  
二年總督朱燾元調集漢土兵列營雲益極領撫會兵  
進烏撒境安邊安氏逃避備橋大兵入鹽倉拔離民一  
千餘人師還安邊安氏復還鹽倉遣人至軍前請俟烏  
城克復束身歸命愆賞緩師乃復發兵逐安邊安氏以  
鹽倉授其爵兵至望城坡遇賊哨騎百餘麾兵奮擊賊  
盡奔營中遂復烏撒城安邊駐三十里外擁兵求見諭  
令束身歸誠邊夜遁遂棄鹽倉入九龍圍烏撒陷賊八  
年至是始復乃召其爵來鹽倉令約束九頭目以守且  
令圖獻安邊安氏其爵以鹽倉殘燬乞移烏撒城從之

時其爵署烏撒知府其祿署雷益知州雖備稱頗忠順其母亦頗有主持能得眾安邊屢乞降於總督朱燾元且藉水西安位代申以邊實紹慶嫡孫宜襲知州請罪其爵其祿變元曲爲詞護欲予以職銜分烏撒安置之雲南撫按堅執不可以安邊令其黨勅兵於野馬川復以千金誘其爵頭目曰爲井吞雷烏計萬一其爵被襲則烏撒失而前功盡棄烏撒失雷益危而全滇動搖非但震鄰實乃切膚竟不行安邊乃乞師於安位納之雷益而逐其祿時安氏在也既而安氏死安位與之貳其祿乃假手羅彩令者布發難邊邊死不移曰其祿率兵至詭言爲其叔報仇士民歸者如流於是其祿復有雷益而廟堂之上方急流寇不復能問云

明史雲南土司傳

雲南滇國也漢武帝時始置益州郡蜀漢置雲南郡隋置昆州唐仍之後爲南詔蒙氏所據改鄯闡府應鄭趙楊三姓至大理段氏以高智昇領鄯闡牧遂世其地元初置鄯闡萬戶府既改置中慶路封子忽哥爲雲南王鎮之仍錄段氏子孫守其土忽哥死其子嗣封爲梁王洪武六年遣翰林待制王禕等齎詔諭梁王久留不遣卒遇害八年復遣湖廣行省參政吳雲往中途爲梁使

所害十四年征南將軍傅友德藍玉沐英率師至雲南  
城梁王赴滇池死定其地改中慶路爲雲南府置都指  
揮使司命都督僉事馮誠署司事二月詔諭雲南諸郡  
蠻十五年友德等分兵攻諸蠻寨之未服者土官楊苜  
乘隙作亂集蠻眾二十餘萬攻雲南城時城中食少土  
卒多病危至都督謝熊馮誠等檄城固守賊不能攻遂  
遣營爲久因計時沐英方駐師烏撒聞之將驍騎還救  
至曲靖遣卒潛入報城中爲賊所得給之曰總兵官領  
三十萬眾至矣賊眾驚愕拔營遁走安甯羅次邵甸  
富民晉甯大理江川等處復據險樹柵謀再寇英分調

將士剿降之斬首六萬餘級生禽四千餘人諸部悉定  
二十六年英卒命其子春襲封西平侯仍鎮雲南自英  
平雲南在鎮十年恩威著於蠻徼每下片楮諸番部具  
威儀出郭叩迎望而後啓曰此令旨也沐氏亦皆能以  
功名世其家每大征伐輒以征南將軍印授之沐氏未  
嘗不在行間數傳而西平侯孫當襲侯守臣爭之謂滇  
人知有黔國公不知西平侯也孝宗以爲然許之自是  
遂以及爵佩印爲故事諸土司之進止子奪皆咨稟及  
承平久文網周密凡事必與太監撫按三司會議後行  
動多掣肘土官子孫承襲有積至二三十年不得職者

土官復慢令玩法無所忌憚待其罪大惡極然後興兵  
征剿致軍民日困地方日壞大學士楊一清等因武定  
安銓之亂痛切陳之黔國公沐紹勳亦以爲言雖得旨  
允行亦不能更革馴至神宗之世朝廷情輸封疆敗壞  
日甚一日緬莽之叛皆土官之失職者導之雖稍奏膚  
功而滇南喪敗卒由土官沙定洲之禍沙定洲者王弄  
山長官司沙源之子也源驍勇有將材萬曆中數從征  
調有功巡撫委以王弄副長官事繼以征建水功以安  
南長官司廢地畀之後征東川水西馬龍山等處全雲  
南會城稱首功累加至宣撫司時號沙兵定洲其仲子  
也崇禎中元謀士知州吾必奎叛總兵官沐天波剿之  
調定洲從征定洲不欲行出怨言會奸徒饒希之余錫  
朋者遁天波金無以償錫朋常出入土司家誇黔府富  
盛定洲心動陰結都司阮韻嘉諸人爲內應既定洲入  
城辭行天波以家諱日不視事定洲謀而入焚劫其府  
天波聞變由小竇遁時甯州土司祿永命在城方巷戰  
拒賊從官周鼎止天波留討賊天波疑鼎爲定洲誘已  
殺之其母妻皆走城北自焚死定洲據黔府盤踞會城  
劫巡撫吳兆元使題請代天波鎮滇傳檄州縣全滇震  
動祿永命與石屏州龍在田俱引所部去天波走楚雄

金滄副使楊畏知奉調駐城中謂天波曰公何不走永昌使楚得爲備而公在彼犄角首尾牽制之上策也天波從之定洲至楚雄城閉不得入乃去遣其黨王翔李日芳等攻陷大理蒙化畏知乘間撤城外居民盡入城築陣濬隍調士漢兵守之定洲聞祿永命等各固守不敢至永昌恐畏知截其歸路急遣兵攻楚雄畏知坐城樓賊發巨礮擊之煙燭籠城櫓眾謂畏知已死而畏知端坐自如賊相驚謂神畏知伺賊間輒出奇兵殺賊甚眾賊引去攻石屏不下還攻甯州祿永命戰死賊計迤東稍稍定乃復攻楚雄分兵爲七十二營環城掘濠爲

久因計會張獻忠死其部將孫可望率餘眾由遵義入黔稱黔國焦夫人弟來復仇民久因沙兵喜其來迎之定洲解楚雄圍迎戰於草泥關大敗遁阿迷可望破曲靖及交水俱屠之遂由陸涼宜良入雲南城分遣李定國徇迤東諸府而可望自率兵西出畏知禦於啓明橋兵敗被執可望聞其名不殺語之曰吾與爾共計賊何如畏知要以三事不用獻忠偽號不殺百姓地應婦女吾從爾可望皆許之卽折箭相誓乃以書諭大波如畏知言天波亦來歸而李定國之徇臨安者定洲部目李阿楚拒戰甚力定國穴地置礮發城陷遂入驪城中

官民於城外白場殺之凡七萬八千餘人斬獲不與焉  
當時皆意定國破臨安必襲阿迷取定洲乃僅掠臨安  
子女而回所過無不屠滅迤西以畏知在軍得保全始  
定洲歸屯兵俱革龍且借安南援自國會可望與定國  
不協聲其罪杖之百責以取定洲自贖定國既至定洲  
土目楊嘉方迎定洲就其營宴定國偵知之率兵圍營  
相拒數日乃出降遂械定洲及妻萬氏數百人回雲南  
剝其皮市中可望遂據滇而天波卒走死緬甸

大理唐葉榆縣境也懿德初置姚州都督府開元末蒙  
詔皮羅閣建都於此爲南詔治太和城至閣羅鳳號大  
蒙國異牟尋改大禮國其後鄒買賜趙善政楊干貞互  
篡奪至五代晉時段思平得之更號大理國元憲宗取  
雲南至大理段智興降附乃設都元帥封智興爲摩訶  
羅嵯管領八方又以劉時中爲直撫使同智興安輯其  
民段氏有大理傳十世至竇罔太祖開基江南遣其叔  
段眞由會川奉表歸款洪武十四年征南將軍傅友德  
克雲南授段明爲宣慰使明遣都使張元亨賄征南將  
軍書曰大理乃唐交綏之外國都關竇宋斧畫之餘邦  
難列營屯徒勞兵甲請依唐宋故事寬我蒙段奉正朔  
佩華象比年一小貢三年一大貢友德怒辱其使明再

貽書曰漢武習戰僅置益州元祖親征祇緣都關乞賜  
班師友德答書曰大明龍飛淮甸混一區宇陋漢唐之  
小智卑宋元之淺圖大兵所至神龍助陣天地應符汝  
段氏接武蒙氏運已絕於元代寬延至今其師已殲梁  
王報汝世仇不降何待十五年征南左將軍藍玉右將  
軍沐英率師攻大理大理城倚點蒼山東臨洱河爲固  
關王師至聚眾扼下關下關者南詔皮羅閣所築龍尾  
關也號極險玉等至品甸遣定遠侯王弼以兵由洱水  
東趨上關爲犄角勢自率眾抵下關造攻具遣都督胡  
海洋由石門間道夜渡河繞出點蒼山後攀木援崖而  
上立旗幟昧爽軍抵下關者望見皆擗躍譟蠻眾驚  
亂英身先士卒策馬渡河水沒馬腹將士隨之遂斬關  
入蠻兵潰拔其城酋長段世就禽世與明皆段寶子也  
至京師帝傳諭曰爾父寶曾有降表朕不忍廢賜長子  
名歸仁授永昌衛鎮撫次子名歸義授雁門鎮撫大理  
悉定因改大理路爲大理府置衛設指揮使司十六年  
品甸土酋杜惠來朝命爲千夫長命六安侯王志安慶  
侯仇成鳳翔侯張龍督兵往雲南品甸繕城池立屯堡  
置郵傳安輯人民十七年以土官阿這爲鄒州知州阿  
散爲太和府正千夫長李朱爲副千夫長楊奴爲雲南

縣承十九年置雲南洱海衛指揮使司以賴鎮爲指揮  
僉事洱海本品甸也兵燹後人民流亡室廬無復存者  
鎮至復城池建譙樓治廬舍市里修屯堡隄防斥候又  
開白鹽井民始安輯二十年詔景川侯曹震及四川都  
司選精兵二萬五千人給軍器農具卽雲南品甸屯種  
以俟征討永樂以後雲南諸土官州縣率按期入貢進  
馬及方物朝廷賜予如制嘉靖元年改十二關長官司  
於一泡江之西從巡撫何孟春奏也

臨安吉句町國漢置縣唐爲羈縻柯州地天寶末南詔  
蒙氏於此置通海郡元時內附置阿爨部落戶府至元  
中改臨安路屬臨安廣西元江等處宣慰司洪武十四  
年征南將軍下雲南遣宣德侯金朝興分道取臨安元  
右丞兀卜台元帥完者都及土官楊政降改路爲府廢  
宣慰司置臨安衛指揮使司十七年以土官和甯爲阿  
迷知州弄甥爲甯州知州陸羨爲蒙自知縣普少爲納  
婁茶甸副長官俱來朝貢因給誥敕冠帶以命之十八  
年臨安府千戶納速丁等來朝人賜米十石永樂九年  
溪處甸長官司副長官自恩來朝貢馬及金銀器賜資  
如例自恩因言本司歲納海蚺七萬九千八百索非土  
所產乞准鈔銀爲便戶部以洪武中定額雖准折輸帝

曰取有於無適以厲民況彼遠夷尤當寬恤其除之宜  
德五年中官雲仙還自雲南奏設東山口巡檢司以故  
土官後普覺爲巡檢八年虧容甸長官司奏河底自洪  
武中官置渡船路通車里八百近年軍民有逃逸出境  
詐稱使者迫令乘載往往被害又沿河時有劫盜出沒  
乞置巡檢司以故把事哀凱之子瑪爲巡檢從之嘉靖  
元年復設甯州流官知州掌州事土知州祿氏專職巡  
捕甯州舊設流官正德初土官祿倬陰賄劉瑾罷之遂  
交通彌勒州十八寨強賊爲亂爲官軍捕誅其子祿世  
爵後以罪論死撫按請仍設流官從之初臨安阿迷州  
土官普柱拱武中爲土知州後設流錄其後覺爲東山  
巡檢既而以他事廢正德二年以廣西維摩王弄山與  
阿迷接壤盜出沒仍令普覺後納繼前職普維藩者與  
甯州祿氏構兵師繼焉維藩子名聲幼育於官既長有  
司俾繼父職名聲收拾舊部勇於攻戰從討奢安有功  
仍授土知州漸驕恣崇禎五年御史趙洪範按部名聲  
不出迎已出戈甲旗幟列數里洪範大怒謀之巡撫王  
伉請討得旨官軍進圍州城名聲恐使人約降而陰以  
重賄求援於元謀土官吾必奎時官軍已調必奎隨征  
必奎與名聲戰兵始合佯敗走官軍望見遂大潰布政

使周士昌戰死朝廷以起燬罪仇逮治而名聲赫撫然  
驕恣益甚當事者頗以爲患已而廣西知府張繼孟道  
出阿迷以計毒殺之必奎聞名聲死遂反連陷武定福  
豐楚雄諸城甯州土官祿永命石屏州土目龍在田俱  
與必奎名聲從征著名至是黔國公沐天波檄之統兵  
合剿禽必奎名聲妻萬氏本江西寄籍女淫而狡名聲  
死後改嫁王弄山副長官砂源之子定洲名聲有子曰  
服遠與萬氏分寨居定洲誘殺服遠併其地天波檄定  
洲取必奎定洲不欲行遂反評前傳臨安嶺州四縣四  
其長官司有九曰納樓茶甸曰教化三部曰溪處甸曰

左能寨曰王弄山曰虧容甸曰思陀甸曰藉恐甸曰政  
南其地皆在那東南西平侯征安南取道於此蓮花灘  
之具即交荒外而臨安無南面之虞者以諸甸爲之備  
也但地多瘡流官不欲入諸長官亦不請代襲自相冠  
帶日尋干戈納樓部內有礦場三曰中場鵝黃摩訶封  
閉已久亡命多竊取之其安南長官司本阿剌壘所居  
舊名褒古後名捨寶元爲捨寶千戶所以地近交阯改  
安南屬歸安路正德八年蒙自土舍祿祥爭襲父職鳩  
殺其嫡兄祿仁安南長官司土舍那代助之以兵遂稱  
亂守臣討平之事聞命革蒙自土司改長官司爲新安

守禦千戶所調臨安衛中所 百軍戍之

楚雄昔爲威楚元憲宗置威定萬戶府至元後置威楚開南路宣撫司洪武十五年命雄侯趙庸取其地十七年以土官高政爲楚雄府同知阿魯爲定邊縣丞永樂元年楚雄府言所屬蠻民不知禮義惟焚種負性溫良有讀書識字者州府已嘗設學教養其縣學未設縣所轄六里蠻人過半請立學置官訓誨從之宣德五年命故土知府高政女襲同知政初爲同知永樂中來朝時仁宗監國嘉其勤誠陞知府子孫仍襲同知政卒無子妻襲又卒其女奏乞襲知府帝曰皇考有成命令襲同

知八年陞南安州琅井土巡檢李保爲州判官以鄉老言本州俱羅舞和泥烏蠻雜類稟性頑獷以無土官管束多致流移差役賦稅俱難理辦眾官推保署州事撫綏得宜民皆向服流移復歸乞授本州土官吏部言南安舊無土官難從其請帝以爲治在順民情從之九年黔國公沐晟等奏楚雄所屬黑石江銀場軍民盜礦千百爲羣執兵攘奪楚雄縣賊首者些糾合武定賊者惟等劫掠軍民殺巡檢張禎又定邊縣諸處強賊聚眾劫掠景東等衛大理蒙化楚雄皆有盜出沒帝敕責晟等期以三年討靖諸爲亂者嘉靖四十二年楚雄叛登阿

方等兵起先攻易門所流劫懼曷陽各州縣僭稱王約土官王一心王行道爲援一心後悔詣軍門請討賊自效巡撫呂光洵許之招降數百人官軍分道進禽獲賊黨素勝攻大小木址二寨克之斬阿方首餘賊悉平激江唐爲南甯昆二州地天寶末沒於蠻宋時大理段氏撥羅伽部元置萬戶府至元中改激江路洪武十五年雲南平改激江府地居滇省之中羸衣耕食民安於業近郡之獯鬻性雖頑狠然恭敬上官官至爭迎到家封羊擊豕饗所有以供之婦女皆出羅拜故於諸府獨號安靜云

景東古柘南也漢尙未有其地唐南詔蒙氏始置銀生府後爲金齒白蠻所據元中統三年討平之以所部隸威楚萬戶至元中置開南州洪武十五年平雲南景東先歸附土官俄陶獻馬百六十四匹銀三千一百兩馴象二詔置景東府以俄陶知府事賜以文綺襲衣十八年百夷思倫發叛率眾十餘萬攻景東之北言察俄陶率眾禦之爲所敗率其民千餘家避於大理府之白崖州寧聞帝嘉其忠遣通政司經歷楊大用爲白金文紛賜之二十三年沐英討平思倫發復景東地因奏景東百夷要衝宜置衛以錦衣衛僉事胡常守之俄陶仍舊職

二十四年帝以景東爲雲南要害且多腴田調白崖川軍士屯守二十六年命洱海衛指揮同知賴鎮守景東從沐春請也宣德五年置孟緬長官司時景東奏所轄孟緬孟梳地方遐遠屢被外寇侵擾乞并孟梳於孟緬設長官司授把事姜嵩爲長官以隸景東歲增貢銀五十兩六年大侯土知州刀奉漢侵據孟緬地敕黔國公沐晟遣官撫諭正統中思任發叛官軍征麓川知府陶瓚從征有功進階大中大夫宏治十五年正月景東衛雲霧黑暗晝夜不別者凡七日巡撫陳金以聞命廷臣議考察以謝天變南京刑部都察院承旨考黜文武官千二百員嘉靖中者東甸稱亂劫景東府印去土舍陶金追斬其頭自奪印歸景東部皆煥種性淳樸習弩射以象戰歷討鐵索米魯那鑑安銓鳳縵祖諸役皆調其兵及戰象天啓六年貴州水西安邦彥反率眾二十萬人潰境至馬龍後山去會城十五里總兵官調景東土舍陶明輔率兵伏路賊分道并至官兵禦之賊拒戰勢甚銳明輔乃以象陣從左翼衝出橫擊賊潰追奔十餘里巡撫上功推明輔第一景東每調兵二千必自効千餘餉士之費未嘗仰給公家土司中最稱恭順其府治東有邦泰山巔險峻土官陶姓所世居也

廣南宋時名特磨道士魯儂姓智高之裔也元至元間  
立廣南西道宣撫司初領路城等五州後惟領安甯窩  
二州洪武十七年歸附改廣南府以土官儂郎金爲同  
知十八年南金來朝賜錦綺鈔錠二十八年都指揮同  
知王儂奉命率雲南後衛官軍至廣南築城建衛郎金  
父貞佑不自安結眾據山寨拒守儂遣人招之不服時  
伏草莽中劫掠覘官軍進退儂乃遣指揮歐慶等分兵  
攻各寨自將取貞佑又以兵扼問道絕其救援諸寨悉  
破眾潰貞佑窮促就禽械送京師降郎金爲府通判永  
樂六年富州土知州沈絃經入貢值仁孝皇后喪絃經  
奉香幣致祭宣德元年土官儂郎舉來朝貢馬正統六  
年廣南賊阿羅阿思等劫掠命總兵官沐昂等招撫之  
時富州土官沈政與郎舉互訐糾眾侵地帝命昂等勦  
處七年昂奏二人叛逆無實迹因有隙相害奏兵部請  
治政等罪帝以蠻人宥之政舉相仇殺已十餘年時方  
征麓川憚兵威不敢動未幾郎舉以從征功陞同知死  
無嗣四門舍目共推儂文舉署事屢立戰功萬曆七年  
實授同知子應祖從征三鄉親獲賊首詔賞銀百兩播  
州之役徵其兵三千討尋甸叛目皆有功賜四品服儂  
氏自文舉藉四門舍目推擁之力得授職後儂氏襲替

必因之土官之政出於四門租稅僅取十之一道險多瘴知府不至其地印以臨安指揮一人署之指揮出印封一室入取必有瘴疫死亡萬歷末知府廖鉉者避瘴臨安以印付同知儂仕英子添壽添壽死家奴竊印井經歷司印以逃旣而歸印於其族叔儂仕祥時仕英親弟仕擲例得襲索仕祥印仕祥不與遂獻地與泗城土官岑接與連婚構兵滅仕擲家及仕祥死子琳以府印送接而經歷司印又爲琳弟瓊所有巡撫王愆中調兵往問瓊懼還印於通判周憲接亦出府印獻於官時兵方調至境遽追歸廷議治鈇瓊離與守巡失撫之罪瓊接已歸服勿問詔可未幾儂紹湯兄弟爭襲各糾交阨兵象焚掠一空

廣西踏騰州後爲東峽烏蠻等部所居唐隸黔州都督府後師宗彌勒二部寔盛蒙段皆莫能制元憲時始內屬至元十二年籍二部爲軍置廣西路洪武十四年歸附以土官普德署府事二十年普德及彌勒知州赤善師宗知州阿的各遣人貢馬詔賜文綺紗錠二十四年布政司張執奏維摩蠻龍永寧浪渠感順等州縣蠻民頑惡不遵政教宜置兵戍守以控制之是後朝貢賜予如制正統六年總兵官沐昂奏師宗州及廣南府

賊阿羅阿思糾合爲亂命昂等招諭未幾平成化中土  
知府昂貴有罪革其職安置彌勒州乃置流官始架土  
城嘉靖元年設雲南彌勒州十八寨守禦千戶所其部  
眾好抄掠無紀律至水西烏撒用兵始征調之崇禎間  
巡按御史傅宗龍由滇入黔招普兵以行時滇中最勦  
稱沙普兵亦曰昂兵

鎮沅古濠洛雜蠻所居元史謂是和泥昔樸二蠻也唐  
南詔蒙氏銀生府地其後金齒蠻據之元時爲威遠  
蠻棚府屬元江路總管洪武十五年總管刀平與兄那  
直歸附授千夫長建文四年置鎮沅州以刀平爲知州

永樂三年刀平率其子來朝貢方物賜鈔文綺從征八  
百又從攻石崖者達寨外部整線來降入貢方物睦爲  
府以刀平爲知府置經歷知事各一員貢賜皆如例成  
化十七年以地方未平免鎮沅諸土官朝覲正統元年  
復免嘉靖中征安銓調鎮沅兵千人命刀甯息領之復  
調其子刀仁亦率兵千人征那鐵克魚腹寨初鎮沅印  
爲那氏所奪至是得印以獻給之命領長官司一曰祿  
谷寨永樂十年置

永甯昔樓頭賤地接吐蕃又名蒼藍唐屬南詔後爲麼  
些蠻所據元憲宗時內附至元間置蒼藍管民官尋改

永甯州隸北勝府洪武平雲南時屬鶴慶府二十九年  
改屬瀾滄衛十二月土賊卜百如加劫殺軍民前軍都  
督僉事何福遣指揮李榮等討之其子阿沙遁入革先  
瓦都寨官軍肅三日糧深入追之會天大雨眾饑披引  
還永樂四年設四長官司隸永甯土官以土酋張百等  
爲長官各給印章賜冠帶綵幣尋陞永甯爲府隸布政  
司陞土知州各吉八合知府遣之齋敷往大西番撫諭  
蠻眾宣德四年永甯蠻寨矢不刺非糾四川鹽井衛土  
官馬刺非殺各吉八合官軍撫定之命卜撒襲知府復  
爲天不刺非所殺已命卜撒之弟南八襲馬刺非又據

永甯節卜上下三村逐南八大掠夜白尖住促卜瓦諸  
寨事聞帝命都督同知沐昂勸兵諭以禍福并移檄四  
川行都司下鹽井衛諭馬刺非還所據村寨正統二年  
馬刺非爲南八所攻拔烏節等寨南八亦言馬刺非殺  
害詔鎮巡官驗問令各歸侵地乃廢永甯界東至四川  
鹽井衛十五里西至麗江寶山州南至浪渠州北至西  
番領長官司四曰刺次和曰魯瓦之曰革甸曰香羅  
順甯府本蒲蠻地名慶甸宋以前不通中國雖蒙氏段  
氏不能制元秦定開始內附天厯初置順甯府并慶甸  
縣後省入府洪武十五年順甯歸附以土酋阿悅貢署

府事十七年命阿日貢爲順甯知府二十三年土酋猛  
邱土知府子邱等不輸徵賦自相仇殺大理衛指揮鄭  
祥征蒙化賊移師至甸頭破其寨猛邱請降輸賦乃還  
猛邱死把事阿羅等復起兵相攻擊二十九年西平侯  
沐春遣鄭祥與指揮李榮等分兵進討禽阿羅等誅之  
後頁賜如制順甯與大侯接壤宣德中大侯土舍奉赦  
奉學兄弟不相能奉學倚妻父土知府猛廷瑞與兄赦  
日構兵巡撫陳用賓檄參將李先著副使邵以仁勘處  
以仁襲執廷瑞因請改順甯爲流官先著被檄極言不  
可討被謗語逮下獄痕死然廷瑞實無反謀以參將吳  
顯忠覘其富誣以助惡索金不應遂讒於巡按張應揚  
轉告巡撫陳用賓廷瑞大恐不得已斬奉學以獻顯忠  
益誣其陰事傳以反狀撫按會奏得旨大剷廷瑞出獻  
印獻子以候命不從顯忠帥兵入其寨盡取猛氏十八  
代者貲數百萬誘廷瑞至會城執之獻捷於朝於是所  
部十三寨盡潰始聚兵反官兵悉剷除之并殺其子以  
仁起擢右都御史應子未幾坐大辟繫獄應揚亦病卒  
人以爲天道云順甯附境有猛猛猛撤猛緬所謂三猛  
也猛猛最強部落萬人時與二猛爲難其地田少菁多  
射獵爲業猛緬地雖廣而人柔弱部長賜冠帶最忠願

猛撤微弱後折入於耿馬云

蒙化唐屬姚州都督府蒙氏時細奴邏築城居之號蒙舍詔段氏改開南縣元爲州屬大理洪武十七年以土魯左禾爲蒙化州判官施生爲正千夫長二十三年西平侯沐英以蒙化所屬蠻火頭字青等校化示服請置衛命指揮僉事李聚守蒙化賊高天惠作亂大理衛指揮使鄭祥捕斬之傳首雲南永樂九年土知州左禾正千夫長何東來朝貢馬賜予如例既左伽從征麓川戰於大侯功第一進秩歸安知府掌州事正統中陞州爲府以左伽爲知府世襲所部江內諸蠻性柔頗馴擾江外數枝以勇悍稱每應征調多野戰無行伍成化十七年巡撫奏地方未嘗免蒙化土官明年朝貢正統元年詔復免萬曆四十八年雲龍土知州段龍死子嘉龍立養子進忠殺嘉龍爭襲流劫殺掠官軍進討進忠從間道欲趨大理官軍禽誅之改設流官授段氏世吏目一人

孟良蠻名孟措自古不通中國永樂三年來歸設孟良府隸雲南都司以土酋刀哀爲知府給印誥冠帶時刀哀遣人來朝請設治所歲辦差發黃金六十兩六年土知府刀交遣弟刀哈哄貢象及金銀器禮部言刀交嘗

構兵攻劫鄰境詐誦不誠宜却其貢帝曰蠻夷能悔過  
來朝往事不足責命賜鈔及絨錦綺帛是後貢賜皆如  
例宣德六年命內官楊琳齎絲幣往賜孟良知府刀光  
正統間孟良地多爲木邦所并景泰中入貢知府名慶  
馬辣不知於刀氏何屬也孟良在姚關東南二千里外  
沃野千里最殷富地多虎農者於樹杪結草樓以譏稼  
雲南知府趙混一嘗入其境待之禮慢殺無復至者

孟定蠻名景府至元中立孟定路軍民總管府領二甸  
隸大理金齒等處宣慰司洪武三十五年土酋刀名扛  
來朝貢方物賜綺帛鈔幣設孟定府以刀渾立爲知府

永樂二年孟定土官刀景發遣人貢馬賜鈔羅綺遣使  
往賜印誥冠帶襲衣復頒信符金字紅牌四年帝以孟  
定道里險遠每歲朝貢不便令自今三年一貢如慶賀  
謝恩不拘例勅孟連與孟定皆麗川地其土目皆故等  
夷惡相屬後改孟連隸雲南多以互侵土地仇殺宣德  
六年土知府罕顏法以爲言敕黔國公沐晟遣官推諭  
俾各歸侵掠正統中麓川叛孟定知府刀祿孟邁走木  
邦土官罕葛從征有功總督王驥奏令食孟定之土嘉  
靖間木邦罕烈據地奪印令上舍罕慶守之名爲耿馬  
地之所入悉歸木邦萬曆十二年官兵取隴川平孟定

故地以罕葛之後爲知府十五年願孟定府印崇禎末  
孟定叛降於緬甸其地自姚關南八日程西接隴川東  
連孟連南木邦北鎮康土瘠人稀有馬援城在焉鎮安  
撫司一曰耿馬萬曆十二年置以們罕爲安撫使與孟  
定隔陸暕江孟定居南耿馬居北罕死弟們罕金護印  
屢奉朝貢時木邦思禮作亂侵緬甸鎮康倚罕金爲聲  
援天啓五年緬人喪猛乃孟良罕金欲救之緬移兵攻  
罕金厚賂之乃解後與木邦罕正構難不絕云

曲靖隋恭嶺三州地唐屬南甯州改恭州爲曲州分協  
州置靖州至元初置磨彌部萬戶後改爲曲靖路宣慰

司洪武十四年征南將軍下雲南元曲靖盛慰司征行  
元帥張麟行省平章劉輝等來降十五年改曲靖千戶  
所爲曲靖軍民指揮使司置曲靖軍民府十六年罷益  
州土官安索叔安磁等貢馬及織羅刀甲毯衫虎皮詔  
賜磁冠帶綺羅衣各一襲并文綺鈔錠羅雄州土酋納  
居來朝賜鈔幣十七年亦佐縣土酋定伯作亂西平侯  
沐英發兵討降之二十年越州土酋阿資與羅雄州營  
長發東等叛阿資者土官龍海子也越州蠻呼爲苦麻  
部元末龍海居之所屬俱囉囉斯種王師征南時英駐  
兵其地之湯池山龍海降遂遣子入朝詔以龍海爲知

州尋爲亂英禽之徙遼東至蓋州病死阿資繼其職益  
桀驁至是叛帝命英會征南將軍傅友德進討道遇平  
輿以其山險惡宜駐兵屯守遂遷其山民往居卑午村  
留神策衛千戶劉成等將千人置堡其地後以爲平夷  
千戶所阿資等率眾寇善安燒府治大肆剽掠友德率  
兵擊之斬其營長二十二年友德等進攻土官普旦來  
降阿資退屯普安傍崖壁爲寨友德以精兵蹙之盡眾  
皆緣壁攀崖墜死者不可勝數生禽一千三百餘人獲  
馬畜甚眾阿資遁還越州復追擊敗之斬其黨五千餘  
人阿資身憂請降初阿資之道也楊言曰國家有萬軍  
之勇我地有萬山之險豈能盡滅我輩英乃請置越州  
龍馬二衛扼其險要復牙兵追捕至是遂降英等以陸  
涼西南要地請設衛屯守命洱海衛指揮僉事滕聚於  
古魯昌築城置陸涼衛指揮使司英又言曲靖指揮于  
戶哈刺不花乃故元守禦陸涼千戶今陸涼置衛宜調  
於本衛鎮守庶絕後患詔從之帝以平夷尤當要衝四  
面皆諸蠻部落乃遣開國公常昇往辰陽集民間丁壯  
五千人統以右軍都督僉事王成卽平夷千戶所改置  
衛二十三年置越州衛二十四年徙越州衛於陸涼州  
以英言雲南諸蠻皆降惟阿資恃險屢叛宜徙衛軍守

禦已阿資復叛命都督會事何福爲平羌將軍率師進討屢敗賊眾會連月淫雨水溢阿資援絕與其眾降福擇曠地列柵以置其眾西南有木芙蓉樹常出沒處復調善安衛官軍置甯越堡鎮之然阿資終不悛二十七年阿資復反西平侯沐春及福率兵營於越州城北遣壯士伏於歧路而以兵挑戰蠻兵悉眾出伏起大敗之阿資脫身遁初曲靖土軍千戶阿保張琳所守地與越州接壤部眾多相與貿易春使人結阿保等覘阿資所在及其經行地星列守堡絕其糧道賊益困二十八年福潛引兵屯赤窩鋪遣百戶張忠等搆賊巢禽阿資斬

之俘其黨越州乃平自是以後諸土官按期朝貢西南宴然正統二年曲靖軍民知府晏殺言四事一土官承襲或子孫或兄弟或妻繼夫或妾繼嫡皆無豫定次序致臨襲爭奪仇殺連年乞敕該部移文所司豫爲定序造冊土官有故如序襲職一請卹陣亡子孫一請雲南官俸悉如四川之例一均戶口田地事下所司議行殺復請設筓益州松韶巡檢從之嘉靖中羅雄知州者濬殺營長奪其妻生子繼榮稍長卽持刀逐濬濬欲置之死以其母故不忍及濬請老以繼榮代襲繼榮遂逐濬濬訴之鎮巡官命迎濬歸繼榮陽事之實加禁錮萬歷

九年調羅雄兵征緬繼榮將行恐留潯爲難遂殺潯時  
密益土知州安世鼎死妻安素儀署州事亦提兵赴調  
繼榮與之合營通焉且倚密益兵力爲助師過越州留  
土官黃氏家淫樂不進知州應奎白於兵備將禽之  
繼榮走遂聚眾反攻破陸涼鴨子塘陡陂諸寨築石城  
於赤龍山據龍潭爲險廣六十里名己所居曰龍樓鳳  
閣環以翠寨實諸軍士妻女其中十三年巡撫劉世曾  
乃檄諸道進兵適劉繼破緬解官回世曾以兵屬緬緬  
遂馳赴普鮮營直搆赤龍寨斬賊渠帥繼榮遁去緬復  
連破三寨降其眾一萬七千人追奔至阿拜江斬繼榮

賊平世曾請築城改設流官乃以何倭爲知州者繼仁  
爲巡檢未幾蠻寇必大反殺繼仁執倭參將蔡兆吉等  
討定之乃改羅雄州曰羅平設千戶所曰定雄時密益  
安素儀無子以烏撒土官子安紹慶爲嗣慶死孫安邊  
襲土婦設科作亂逐安邊糾眾焚掠密益諸堡站陷平  
夷衛天啓三年官兵禽設科誅之五年安邊據密益從  
水西叛事詳烏撒傳中初越州阿資罪誅永樂間以其  
子祿甯爲土縣丞與亦佐沙氏分土而居其地南北一  
百二十里土馬精強征調銀至三千八百兩曲靖境內  
有交水去平夷徯二舍與黔接壤滇師出上六衛必由

之道天啓初水西用兵撫臣議曲靖鎖鑰全滇交水當  
黔滇之衝乃扼塞要地平夷右所宜移置交水去險築  
城俾與平夷衛相望互爲聲援爲便報可

水西邊界精思戰事中路關隘開闢實與前案不同其  
大倫天啓三年官兵會剿時請之在平水設營以資  
戍土糧儲供等項五年後據報其地僻處險阻城下  
交素饑饉于夏爲土官子交疎遠不顧民命遂以  
平水之穴爲糧散州四縣平始十年九月日臣等  
爲嚴飭各兵盡撤及大夏等處二縣邊界深察北  
平水出有險要實爲諸將官以爲前敵快也

雲南叢書

趙壽題

雲南備後志卷十

原任山西武鄉縣知縣

王崧編纂

故實十

明史雲南土司傳

明史雲南土司傳二

姚安本漢弄棟蜻蛉二縣地唐置姚州都督府以民多

姚姓也天寶開南詔蒙氏改爲弄棟府宋時段氏改姚

州元立統矢千戶所天厯開避姚安路洪武十五年定

雲南改爲府十六年姚安土官自久作亂官兵往討師

次九十九莊自久遁去明年復寇品甸西平侯沐英奏

以土官高保爲姚安府同知高惠爲姚州同知保惠從

英擊自久平之二十年命普定侯陳桓靖寧侯葉昇往雲南總制諸軍於定邊姚安等處立營屯種二十六年保以襲羅遣其弟買馬謝恩宣德九年姚安土知府高賢遣使貢馬宏治中土官高棟與普安叛賊戰死於板橋驛嘉靖三十年土官高鶴當元江之變布政司徐樾遇害奮身赴救死之萬曆中同知高金以征緬功賜四品服所屬大姚縣有鐵索箐者本獮種依山險以剽掠爲業旁郡皆受其害宏治間稍有歸命者分隸於姚安姚州嘉靖中乃專屬姚安其渠羅思者有幻術造僞印稱亂萬曆元年巡撫鄒應龍與總兵官沐昌祚討平之

諸郡乃安

鶴慶唐時名鶴州南詔爲謀統部元初置鶴州至元中徙鶴慶府尋改爲路洪武中大軍平雲南分兵拔三營萬戶峯獲僞參政寶山帖木兒等六七十人置鶴慶府以土官高隆署府事十七年以董賜爲知府高仲爲同知賜子節爲安寧知州楊奴爲劍川知州賜率其屬來朝貢馬及方物詔賜冠帶并織金文綺布帛鈔錠十八年以賜爲雲南前衛世襲指揮僉事賜安寧州人世爲酋長大軍入滇率眾來降復從軍討賊有功故與子節並有世襲知府知州之命及賜來朝以父子俱受顯榮

無以仰報子幼冲不達政治乞還父子所授官而自爲  
安寧知州帝曰爾能殺靖邊鄙授爾官以酬爾勳今辭  
歸居卑奈何命潁國公傅友德及諸大臣議之皆以賜  
既有功不可聽其辭而節之官則可免乃改賜明威將  
軍雲南前衛世襲指揮僉事諭曰雲南前衛密邇安寧  
特命爾是職爾其綏輯遠人以安邊鄙其毋再辭二十  
年劍川土官楊奴叛大理衛指揮鄭祥討之斬八十餘  
人楊奴遁未幾還劍川復聚蠻爲亂祥復以兵擊斬之  
二十四年置鶴慶衛三十年改鶴慶府爲軍民府永樂  
十五年順州知州王義言宮被聖化三十餘年登教所

眉言語漸通子弟亦有俊秀請建學教育從之正統二  
年副使徐訓奏鶴慶土知府高倫與弟純屢逞兇惡屠  
戮士庶與母楊氏并叔宜互相賊害敕騰國公沐昂諭  
使輸款如恃強不服卽調軍禽捕五年復敕昂等曰比  
聞土知府高倫妻劉氏同倫弟高昌等糾集廳廳麼些  
人眾肆行兇暴事發不從逮訊敕至卽委官至彼勘實  
量訓官軍禽捕首惡并逮千戶王蕙及高宣等至京質  
問八年鶴慶楊士潔妻阿夜珠告倫謀殺其子復命法  
司移文勘驗已而大理衛千戶奏報倫擅率軍馬欲謀  
害親母又稱其母告倫不孝及私斂民財多造兵器殺

戮軍民支解梟令等罪遂敷黔國公沐晟等勘覆及奏  
至言倫所犯皆實罪應死倫復屢詎因與叔宣爭義又  
與千戶王蕙爭娶妾以致挾仇誣陷所勘殺死皆病死  
及強盜拒捕之人倫母楊亦訴倫無不孝實由宣等陷  
害復敷晟及御史嚴恭確訪既而奏當倫等皆伏誅高  
氏族人無可繼者帝命於流官中擇人以綬遠蠻乃擢  
瀘州知州林道節爲知府鶴慶之改流官自此始

武定南詔三十七部之一宋淳熙開大理段氏以阿歷  
爲羅武部長三傳至矣格當元世祖時爲北部土官總  
管至元七年改武定路置南甸縣洪武十四年雲南下

武定女土官商勝首先歸附十五年改爲武定軍民府  
以勝署府事十六年勝遣人來朝貢馬詔賜勝詔命朝  
服及錦幣鈔錠十七年以和曲土官豆派爲知州二十  
一年發內帑令於武定德昌會川諸處市馬三千匹宣  
德元年元謀縣故土知縣吾忠子政來朝正德二年四  
月武定雨雹溪水漲決堤壞田隕霜露殺麥七月廢武  
定所屬之南甸縣改隸和曲州石舊縣改隸祿勸州三  
年土知府鳳英以從征功進秩右參政仍知府事請賜  
金帶部議不可帝以英有軍功給之明年英貢馬謝恩  
賜如例嘉靖七年土舍鳳朝文作亂殺同知以下官吏

荆州印舉兵與尋甸賊安銓合犯雲南府撫臣以聞時  
安銓未平朝文復起滇中大擾詔以右都御史伍文定  
爲兵部尙書提督雲貴川湖軍務調四鎮土漢官軍討  
賊五月黔國公沐紹勛疏言臣奉命會同巡撫等調發  
官軍分道剿撫諸賊抗拒執留所遣官軍二人所調集  
各土舍又重自疑畏臣謹以便宜榜示先給冠帶待後  
奏請承襲眾始感奮於二月進兵擊斬強賊十餘人賊  
奔回武定乞敕部授臣方略俾獲便宜行事并宥各土  
舍往罪凡有功者俱許承襲作其敵愾之氣帝納之賜  
敕獎勵賊既敗歸其黨稍散初朝文給其眾謂武定知

府鳳詔母子已戮朝廷且盡剿武定蠻眾至是鳳詔同  
其母率眾自會城往蠻民相顧錯愕咸投鳳詔降朝文  
計無所出絕善渡而走官兵追及復敗之朝文率家奴  
數人取道霽益州奔至東川之湯郎營爲追兵所及磔  
死銓眾猶盛遁據尋甸故巢列寨數十官兵分哨夾攻  
之諸寨先後破乃并力攻拔其必古老巢銓奔東川入  
芒部爲土舍祿慶所執賊平是役也生禽渠賊千餘人  
斬首二千九百餘級俘獲男婦千二百餘撫散蠻黨二  
萬有奇奪器械牛馬無算捷聞銓朝文皆報示籍其產  
家屬戍邊十六年命土知府羅氏掌印初府印自洪武

以來俱掌於土官正德間有可議以畀流官同知土知府職事巡捕微糧而已及風詔死瞿氏以母襲子官所轄四十七馬頭阿台等數請以印屬瞿氏吏部覆言係舊例宜如其請從之四十二年瞿氏老舉鳳詔妻索林自代比索林襲遂失事姑禮瞿氏大志乃收異姓兒繼祖入鳳氏宗挾其甥婿貴州水西土舍安國亨四川建昌土官鳳氏兵力欲廢索林以繼祖弱不克乃具疏自稱爲索林囚禁令繼祖詣關告之繼祖歸詐稱受朝命襲職驅目兵逼奪府印索林抱印奔會城無按官論解之索林歸武定視事如故而復聽繼祖留瞿氏所於是

婦姑嫌隙益甚索林謀誅繼祖事洩繼祖遂大發兵圍府行劫和曲肅勸等州縣殺傷調至土官王心一等兵索林復抱印走雲南巡撫曹林下令收印逮其左右鄭茲繫獄合瞿氏曹理府事負繼祖責其自新四十四年添設府通判一員四十五年築武定新城成巡撫呂光洵遣鄭茲回府復業鄭茲者首爲索林謀殺繼祖者也繼祖執而殺之糾眾攻新城臨安通判胡文顯督百戶李燦土舍王德隆往援至雞溪子隘遇伏燬及德隆俱死僉事張澤督尋甸兵二千餘馳救亦敗澤及千戶劉裕被執鎮巡官促諸道兵並進逼繼祖東山寨圍之繼

祖權攜澤及索林走照姑已復殺澤官軍追之急由直  
勤渡過江趨四川依東川婦家阿科等巡按劉思問以  
狀聞敕雲南四川會兵討賊初羅祖之走東川也土官  
鳳氏與之通已而見漢蜀官軍與土舍祿紹先等兵皆  
會乃背繼祖發卒七千人來援羅祖益窮賊帥者色赴  
紹先營降斬繼祖以獻姚州土官高繼先復禽其餘黨  
姚支府司知高欽及弟鈞謀主趙士傑等皆伏誅守臣  
議改設流官猶不欲絕鳳氏援索林支屬鳳愿子思亮  
經恩給旺百餘鳳愿以不得知府慈望陰結四川七州  
及水西宣慰安國亨謀作亂流官知府劉宗寅遞諭之

不聽遂聚眾稱思亮知府夜襲府城城中嚴備不能入  
退屯魯墟宗寅夜出兵砍其營賊潰迨至馬刺山禽鳳  
愿伏誅萬愿三十五年繼祖姪阿克久徙金沙江外賊  
黨鄭舉等誘阿克作亂陰結江外會川諸蠻直陷武定  
大肆劫掠連破元謀羅次諸城索府印會流官知府攜  
印會城不能得賊以無印難號召刦推官請冠帶印信  
鎮撫以兵未集懼差人以府印授之賊退入武定立阿  
克爲知府鎮撫調集土兵分五路進剿克復武定元謀  
羅次祿豐嵩明等州縣禽阿克及其黨至京師磔於市  
武定平遂悉置流官

尋甸古滇國地獫狁蠻居之號仲割盜源部後爲烏蠻  
裔斯丁所奪號斯丁部蒙氏爲尋甸至段氏改仁德部  
元初置仁德萬戶後改府洪武十五年定雲南仁德土  
官阿孔等貢馬及方物改爲尋甸軍民府十六年土官  
安陽來朝貢馬及虎皮氍衫等物詔賜衣服錦綺鈔錠  
十七年以尋甸土官沙琛爲知府二十三年置木密關  
守禦千戶所於尋甸之甸頭易龍驤又置屯田所於甸  
頭里果馬里聯絡耕種以爲邊備是後土官皆按期入  
貢成化十二年兵部奏土官舍人安宣聚眾殺掠命鎮  
守官相機撫捕十四年土知府安晟死兄弟爭襲遂改  
置流官嘉靖六年安銓作亂乃土舍之失職者也侵掠  
嵩明木密楊林等處巡撫傅習檄守逆官討之大敗賊  
遂陷尋甸嵩明殺指揮王昇唐功等知府馬性魯棄城  
走時武定鳳朝文叛銓與之合久之伏誅事詳前傳  
麗江南詔蒙氏置麗水節度宋時麼些蠻蒙醋據之元  
初置茶罕章宣慰司至元中改置麗江路軍民總管府  
後改宣撫司洪武十五年置麗江府十六年蠻長木德  
來朝貢馬以木德爲知府羅克爲蘭州知州十八年巨  
津土酋阿奴聽叛剽石門關千戶浦泉戰死吉安侯陸  
仲亨率指揮李榮鄭祥討之賊戰敗遁入山谷捕獲誅

之時木德從征又從西平侯沐英征景東定邊皆有功  
于世襲二十四年木德死子初當襲初守巨津州石門  
關與西番接壤既襲職英請以初弟虧爲千夫長代守  
石門從之二十六年十月西平侯沐春奏麗江土民每  
歲輸白金七百六十兩皆麼些洞所產民以馬易金不  
諳真僞請令以馬代輸從之三十年改爲麗江軍民府  
從春請也永樂十六年檢校龐文郁言本府及寶山巨  
津通安蘭州四州歸化日久請建學校從之宣德五年  
麗江府奏浪滄江寨蠻書保等聚眾劫掠黔國公沐晟  
委官撫諭不服部議再行招撫已蘭州土官羅牙等奏

沓保拒命請發兵討之帝命黔國公及雲南三司相繼  
行勿緣和故激變蠻民正統五年賜知府木森誥命加  
授大中大夫資治少尹以征麓川功也成化十一年知  
府木嶽奏鶴慶千夫長趙賢屢糾羣賊越境殺掠乞調  
旁衛官軍禽剿命移知守臣計畫嘉靖三十九年知府  
木高進助嚴工銀二千八百兩詔加文職三品服色給  
誥命四十年又進木植銀二千八百兩詔進一級授亞  
中大夫給誥命萬曆三十一年巡按御史宋興祖奏稅  
使內監楊榮欲責麗江土官退地聽採竊以麗江自太  
祖令木氏世官守石門以絕西域守鐵橋以斷吐蕃滇

南藉爲屏藩今使退地聽採必失遠蠻之心卽令聽諭  
已使國家歲歲有吐蕃之防倘或不聽豈獨有傷國體  
疏士事得寢三十八年知府木增以征蠻軍興助餉銀  
二萬餘兩乞比北勝土舍高光裕例加級部覆賜三品  
服色巡按御史劾其違越請奪新恩從之四十七年增  
復輸銀一萬助遼餉泰昌元年錄增功賞白金表裏其  
子懿及舍目各賞銀幣有差天啟二年增以病告加授  
左參政致仕五年特給增誥命以旌其忠雲南諸土官  
知詩書好禮守義以麗江木氏爲首云

元江古西南夷極邊境曰惠籠甸又名因遠部南詔蒙  
氏以屬銀生節度徙白蠻蘇張周段等十姓戍之又開  
威遠等處置威遠險後和泥侵據其地宋時儂智高之  
黨竄居於此和泥又開羅槃甸居之後爲麼些徒蠻阿  
契諸部所據元時內附至元中置元江萬戶府後於威  
遠更置元江路領羅槃馬籠等十二部屬臨安廣西元  
江等處宣慰司洪武十五年改元江府十七年土官那  
直來朝貢象以那直爲元江知府賜襲衣冠帶十八年  
置因遠羅必甸長官司隸之以土酋白文玉爲副長官  
二十年遣經歷楊大用往元江等府練兵時百夷屢爲  
邊患帝欲發兵平之故也二十六年置元江府儒學二

十七年知府那榮及白文玉等來朝貢永樂三年榮復入朝貢帝厚加賜予遂改爲元江軍民府給之印信榮請躬率兵及饋運往攻八百帝嘉勞之元江府又奏石屏州洛夾橋每歲江水衝壞止令本府修理民不堪乞命石屏州協治從之九年那榮率頭目人等來朝貢馬及金銀器賜予如例十二年故土知府那直子那邦入貢方物宣德五年黔國公沐晟奏元江土知府那忠被賊刀正刀龍等焚其廡宇及經歷印信令獲刀龍刀治赴京乞如永樂故事發遣東安置以警邊夷從之命禮部鑄印給之正統元年因暹羅必甸長官司遣人來朝

貢馬正德二年以那端襲土知府嘉靖二十五年土舍那鑑殺其姪土知府那憲奪其印并收因遠驛印記巡撫應大猷以聞命鎮巡官發兵剿之二十九年那鑑懼密約交蠻武文淵謀亂擁按官胡奎林應箕總兵官沐朝弼以聞請以副使李維參政胡堯時督兵剿之制可那鑑益縱兵攻掠村寨沐朝弼與巡撫石簡調武定北勝亦佐等土漢兵分五哨調兵既集朝弼與簡駐臨安分部進兵破木龍寨降甘莊賊勢漸蹙那鑑遣經歷張維及儒生數人詣南羨隘監督王養浩所乞降時左布政徐樾以督餉至南羨樾迂問聞維言謂鑑誠計窮乃約

異日令鑑面縛出城來降左右咸謂夷詐不可信樾不聽如期親率百人往城下受降鑑縱象馬夷兵突出衝樾及左右皆死巡按趙炳然以聞并參朝弼簡及養浩等失事罪帝降敕切責襁簡職養浩等各住俸寇期捕賊贖罪朝弼與簡乃督集五哨兵環元江而壁令南羨督哨兵渡江攻城選路通哨甘莊哨各精卒二千佐之那鑑知二哨精卒悉歸南羨潛遣兵象乘虛衝路通哨官兵不意賊至倉卒燒營走監督那維獄奔入甘莊哨甘莊亦大潰督哨李維亦遁惟餘南羨逼城而軍武定女土官瞿氏寧州土舍祿紹先廣南儂兵頭目陸友仁咸恨那鑑戕主奪嫡誓死不退督哨王養浩因激獎之翼日鼓譟攻城賊大敗閉門不出官兵圍之鑑乞降官兵懲徐樾之敗不應城中析屋而爨斗米銀三四錢時瘴毒起大兵乃復撤期秋末征之朝弼以事聞帝定二哨失事諸臣罪行撫臣厚賞瞿氏祿紹先陸友仁等敕朝弼會同新撫臣鮑象賢鳩兵討賊三十二年象賢至鎮調集土漢兵七萬人廣集糧運寇期分哨進剿元江爲必取計那鑑懼伏藥死象賢檄百戶汪輔入城撫諭其眾禽其賊首及戕土官那憲之阿捉殺布政徐樾之光龍光色等皆斬首以獻鑑子恕輸所占那旂封鑾

等村寨并出所掠鎮沅府印納象十二隻輸屢歲逋賦  
象賢命官民推那氏當立者眾舉前土官那端從孫從  
仁象賢疏言其狀請廢恕貸其死命從仁暫統其眾加  
汪輔以千戶職從之萬曆十三年以元江土舍那恕招  
降車里功許襲祖職賞銀幣領長宜長官司一曰因達  
羅必甸

永昌古哀牢國漢武帝時置不韋縣東漢置瀾滄郡尋  
改永昌郡唐屬姚州後爲南詔蒙氏所據歷段氏高氏  
皆爲永昌府元初於永昌立三千戶所隸大理萬戶所  
至元間置永昌州尋爲府隸大理路置金齒等處宣撫  
司治洪武十五年定雲南立金齒衛以元雲南右丞觀  
音保爲金齒指揮使賜姓名李觀十六年永昌州土官  
申保來朝詔賜錦二疋鐵金文綺二疋衣一襲及銀花  
銀帶鞞靴十七年以申保爲永昌府同知四月金齒土  
官段惠遣把事及其子弟來貢賜綺帛鈔有差置施甸  
長官司以土酋阿干爲副長官賜冠帶十八年置金齒  
衛指揮使司二十年遣使諭金齒衛指揮儲傑嚴武李  
觀曰金齒遠在邊徼土民不遵禮法爾指揮李觀處事  
寬厚名播蠻中爲諸蠻所愛然其下多恃功放恣有乖  
軍律故特命傑武輔之觀之寬可以綏遠傑武之嚴可

以取下敵至其整練諸軍以觀外變二十三年罷永昌府改金齒衛爲軍民指揮使司時西平侯沐英言永昌居民鮮少宜以府衛合爲軍民使司從之置鳳谿長官司以永昌府通判阿鳳爲長官二十四年置永平衛永樂元年賜金齒土官百戶汪用鈔一百錠綵幣四表裏以西平侯沐晟遺用招安罕的法故賞之洪熙元年金齒軍民指揮使司及騰衝守衛千戶所等土官貢馬賜鈔幣宣德五年設金齒軍民指揮司騰衝州置土知州一員時騰衝守禦所土官副千戶張銘言其地遠在極邊麓川宣慰思任發不時侵擾之設州治帝從之卽以

銘爲騰衝知州八年置騰衝州庫扛關庫刀關庫勒關古湧二關先是騰衝州奏本州路通麓川緬甸諸處人民逃徙者多有誤差發貢獻舊四百夫長隸騰衝千戶所其庫扛關等五處皆軍民兼守今四百夫已隸本州正州民守之乞於五處置巡檢可以土軍尹黑張保李輔郭節等爲巡檢正統二年以非額革之嘉靖元年復設永昌軍民府領州一縣二其長官司二日施甸日鳳谿

新化本馬龍他即二甸阿焚諸部蠻據之元憲宗時內附立爲二千戶所隸寧州萬戶府至元間以馬龍等甸

管民官併於他郎甸置司隸元江路洪武初改名馬龍  
他郎甸長官司直隸雲南布政司後陞爲新化州十七  
年以普賜爲馬龍他郎甸副長官宣德八年故長官普  
賜弟土舍普寧等來朝貢馬賜鈔幣八月黔國公沐晟  
奏摩沙勒寨萬夫長刀喪及弟刀卷糾蠻兵侵占馬龍  
他郎甸長官司衙門殺掠人民請遣都督同知沐昂討  
之帝命遣人撫諭但得刀喪毋擾平民正統二年晟等  
奏獲不服招撫請調附進官兵令都督昂剿捕帝以  
蠻眾仇殺乃其本性可仍撫諭之事遂不竟其地有馬  
龍諸山居摩沙勒江右兩岸東臨如峽地勢極險故改

州以鎮之

威遠唐南詔銀生府地舊爲濮落雜蠻所居大理時爲  
百夷所據元至元中置威遠州洪武十五年平雲南後  
改威遠蠻棚府爲威遠州三十五年以土官刀算黨爲  
威遠知州永樂二年算黨爲車里所擄奪其地命西平  
侯諭之乃還算黨并侵地三年算黨進象馬方物謝頒  
降敕諭金字紅牌賜之金帶織金文綺襲衣及銀鈔錦  
幣二十二年土官刀慶罕等來朝貢馬及方物賜慶罕  
鈔八千錠紵絲羅紗及頭目以下皆有加宣德三年刀  
慶罕遣頭目招剛刀著中等來貢賜予如例就令齎救

及纘金紵絲紗羅賜之仍給信符勘合底簿八年威遠  
州奏其地與車里接境累被各土官劫掠播孟實當要  
衝乞置巡檢司以把事劉禧爲巡檢從之正統二年土  
知州刀蓋罕遣人貢馬及銀器賜綵幣等物并以新信  
符給之正統六年給威遠土知州刀蓋金牌命合兵剿  
麓川叛寇以捷聞勅曰叛寇思任發侵爾境土得爾從  
逆爾母招曩猛能秉大義効忠朝廷悉出金貲分資頭  
目爾母子躬擐甲冑冒萬殺賊斬其頭自派罕追逐餘  
賊過江溺死數千斬首數百得其戰艦戰象仍留兵守  
賊所據江口地忠義卓然深足嘉尚今特陞爾正五品  
授奉政大夫修正庶尹封爾母爲太宜人俱錫壽命銀  
幣及綵幣表裏酬爾母子勛勞陶孟刀孟經等亦賜資  
有差爾宜益勉忠義以副朕懷時西南諸部多相仇殺  
所給金牌信符燒燬不存景泰六年刀蓋罕隨乃吾等  
來朝貢因命其管屬本州人民復給與金牌信符織金  
交綺賜勅諭遣之成化元年威遠州土舍刀朔罕遣頭  
目刀昔思貢象馬并金銀器賜子如例其俗勇健男女  
走險如飛境內有河汲水練炭上卽成鹽無秤斗以鑿  
計多象量之

北勝唐貞元中南詔異牟尋始開其地名北方賤徙瀾

河白蠻及羅落麼些諸蠻以實其地號成偶談又改名  
善巨郡宋時大理段氏改爲成紀鎮元初內附至元中  
置施州尋改北勝州後爲府隸麗江路軍民宣撫司洪  
武十五年改爲州隸鶴慶府後屬瀾滄衛永樂五年土  
官高瑛子瑛來貢方物請襲父職十年土知府高瑛來  
朝貢賜鈔幣正統七年以北勝州直隸雲南布政司設  
流官吏目一員以州蠻善於瀾滄衛官軍侵逼也萬曆  
四十八年北勝州土同知高世懋死異母弟世昌記其  
族姪蘭妾稱世昌好生訟之官不聽世昌懼遁走麗江  
避之尋遷至瀾滄宿客舍蘭圍而縱火殺其家七十餘  
人發其祖父墓自稱欽賜把總大掠麗江知府木增請  
討之謂法紀弁髦尾大不掉不治將有隱憂上官嘉其  
義調增率其部進剿蘭舅之

灣甸蠻名細賤元中統初內附屬鎮康路洪武十七年  
置灣甸縣永樂元年三月設灣甸長官司以西平候沐  
晟奏地近麗川地廣人稠故也尋仍改爲灣甸州以土  
官刀景發爲知州給印章金牌并置流官吏目一員四  
年帝以灣甸道里險遠每歲朝貢令自今三年一貢著  
爲令如慶賀謝恩之類不拘此例六年刀景發遣人來

朝貢馬及方物賜鈔幣七年刀景發子景懸等來朝貢馬賜予如例宣德八年以土官刀景項弟景辦法繼兄職州有流官吏目一員州鄰木邦順寧日以侵削成化五年灣甸州土官舍人景拙法遣使刀胡猛等來朝貢象馬并金銀器賜宴并衣服綵幣有差萬曆十一年土官景宗眞率弟宗材導木邦叛賊罕虔入寇姚關宗眞死於陣禽宗材斬之宗眞子幼貸死降爲州判官後從討猛廷瑞有功復舊職灣甸地多瘴有黑泉漲時飛鳥過之輒墮

鎮康舊名石賸本黑獐所居元中統初內附至元十三年立鎮康路軍民總管府領三甸洪武十五年改爲鎮康府十七年改爲州永樂二年遣官頒信符及金字紅牌於鎮康州七年以灣甸同知曩光爲知州初鎮康地隸灣甸曩光請增設署所故有是命九年以中官徐亮使西南蠻曩光阻道詔責之至是遣人來朝謝罪十四年鎮康州長官司遣人貢馬賜鈔幣二十一年知府刀孟廣來朝貢馬宣德三年賜鎮康州土目刀門淵等鈔幣有差成化五年知州刀門瓊遣使貢馬及金銀器賜予如例及妻鎮康後亦爲木邦順寧所侵削隆慶間知州閔坎者罕虔妻以女因附虔歸緬坎敗死其弟閔恩

龔義恩死子閻枳襲木邦思禮誘之歸緬不從天啟二  
年木邦兵據唾哩江枳奔姚關守備遣官撫之乃退

大侯蠻名孟祐百夷所居元中統初內附圖麓川路洪  
武二十四年置大侯長官司永樂二年頒給信符金字  
紅牌三年大侯長官司長官刀奉偶遣子刀奉董貢馬  
及銀器賜鈔幣六年長官刀奉偶遣弟不納狂來貢賜  
予如例宣德四年陞大侯長官司爲大侯州以土官刀  
奉罕爲知州時刀奉罕奏大侯蠻民復業者多歲納差  
發銀二百五十兩灣甸鎮康二長官民少歲納差發銀  
各百兩永樂中俱陞爲州乞援三州例帝諭吏部曰大

侯民多復業亦其長官善撫綏也宜增秩旌之故有是  
命八年大侯州入貢遣內官雲仙往撫之并賜錦綺有  
差正統三年土官刀奉漢子刀奉送來貢命齋飯并織  
金文綺絨錦諸物賜刀奉漢并及其妻初奉漢令把事  
傅永瑤來朝貢馬奏欲與木邦宣慰罕門法共起土兵  
十萬協同征剿麓川乞賜金牌信符以安民心特賜之  
復降敕嘉獎七年敕刀奉漢子刀奉送襲大侯知州賜  
冠帶印章絲段表裏以奉送能率土兵助討麓川也十  
一年大侯知州奉外法等貢銀器象馬賜綵幣衣服有  
泰十二年敕賜大侯州奉敬法刀奉送等并其妻綵幣

命來使齎與之萬歷中土目奉學婿於順寧知府猛廷  
瑞後逃撫陳用賓誣奏廷瑞與學反狀廷瑞斬奉學首  
以獻學兄赦守大侯如故子奉先與其族舍猛麻奉恭  
爭殺抗命次年討平之改爲雲州設流官

瀾滄元爲北勝州地洪武中屬鶴慶府二十八年置瀾  
滄衛二十九年於州南築城辟今衛司領北勝浪梁永  
寧三州永樂四年以永寧州陞爲府正統七年以北勝  
州直隸布政司令衛只領州去治十一年福建布政  
李韶以前任雲南參議知土俗事宜上疏言四事一謂  
瀾滄衛與北勝州同一城地域廣遠與四川建昌西番

野番相通邇年西番土舍章輓等倚恃山險招服野番  
千餘家爲莊戶遂致各番生劫動輒殺人州官無兵不  
能禁止衛官大廢軍政恬不介意又姚安府大羅衛賓  
川州地方有賊穴六七軍民受害請添設兵備副使於  
瀾滄衛城以姚安大羅賓川鶴慶大理洱海景東諸府  
州衛所皆令屬之於野番則用撫流民法於賊巢則用  
立保甲法朝夕經理則內外寇患皆可弭矣因從其議  
設兵備副使一員於瀾滄城

瀾川平緬元時皆屬緬甸緬甸古宋波地也宋寧宗時  
緬甸波斯等國進白象緬甸之名自此始緬在雲南之

西南最窮遠與八百國占城接壤有城郭室屋人皆樓居地產象馬元時最強盛元嘗遣使招之始入貢洪武六年遣使田儼程斗南張禕錢允恭齋語往諭至安南留二年以道阻不通有詔召之惟儼還餘皆道卒十五年大兵下雲南進取大理下金齒平緬與金齒壤地相接土蠻思倫發聞之懼遂降因置平緬宣慰使司以倫發爲宣慰使十七年八月倫發遣刀令孟獻方物并土元所授宣慰使司印詔改平緬宣慰使爲平緬軍民宣慰使司并賜倫發朝服冠帶及織金文綺鈔錠尋改平緬軍民宣慰使司爲麓川平緬宣慰使司麓川與平緬連境元時分置兩路以統其所部至是以倫發遣使貢命兼統麓川之地十八年倫發反率眾寇景東都督譚誠率兵擊之值天大霧猝遇寇失利千戶王昇戰死二十年敕諭西平侯沐英等曰近御史李原德歸自平緬知蠻情詭譎必爲邊患符到可卽於金齒楚雄品甸及瀾滄江中道葺壘深池以固營柵多置火統爲守備寇來勿輕與戰又以往歲人至百夷多貪其財貨不顧事理貽笑諸蠻繼今不許一人往平緬卽文移亦慎答之毋忽明年倫發誘羣蠻入寇馬龍他郎甸之摩沙勒寨英遣都督寧正擊破之斬首千五百餘級倫發悉舉其

賊號三十萬象百餘寇定邊欲報摩沙勒之殺新附諸  
營皆爲盡力英選師三萬亟趨至賊列象陣搗戰英列  
督注射突陣大呼象多傷其鬣亦多中矢變蠻氣稍縮  
次日英率將士益置火鎗神機箭更番射象奔賊大敗  
搗其寨斬首三萬餘級降卒萬餘人象死者半生獲三  
十有七倫發遣以捷聞帝遣使諭英移師還景東屯可  
固壘以待大軍集勿輕受其降二十二年倫發遣把事  
招綱等來言往者逆謀皆由把事刀廝郎刀廝養所爲  
乞貸死願輸貢賦雲南守臣以聞乃遣通政司經歷楊  
大用齋敕往諭思倫發修臣禮悉償前日兵費庶免問

罪之師倫發聽命遂以象馬白金方物入貢謝罪大用  
并命獻叛首刀廝郎等一百三十七人平緬遂平自是  
三年每來朝貢二十七年倫發來朝貢馬象方物已遣  
京備千戶郭均英往賜思倫發衣服幘頭金帶象笏二  
十八年緬國王使來言百夷屢以兵侵奪其境明年緬  
使復來訴帝遣行人李思聰等使緬國及百夷思倫發  
聞詔俯伏謝罪願罷兵適其部長刀幹孟叛思聰以朝  
廷威德諭其部眾叛者稍退思倫發欲倚使者服其下  
強留之以象馬金寶爲賂思聰諭却之歸述其山川人  
物風俗道路之詳爲百夷傳紀以進帝喪之初平緬俗

不好佛有僧至自雲南蓋爲因果報應之說倫發信之  
又有金齒戍卒逃入其境能爲火銃火礮之具倫發喜  
其技能以繫金帶與僧位諸部長上刀幹孟等不服遂  
與其屬叛攻騰衝倫發率其家走雲南西平侯沐春遣  
送至京師帝憫之命春爲征南將軍何福徐凱爲副將  
軍率雲南四川諸衛兵往討刀幹孟并遣倫發歸駐潞  
江上招諭其部眾賜倫發黃金百兩白金百五十兩鈔  
五百錠又赦春曰思倫發窮而歸義當以兵送還若至  
雲南先遣人往諭幹孟毋怙終不臣必歸而主倘不從  
則虜罪討之時幹孟既遂倫發亦懼朝廷加兵乃遣人

詣西平侯請入貢春以聞三十一年奏幹孟欲假朝廷  
威以拒忽都其言入貢未可信帝遣人諭春曰遠蠻詭  
詐誠有之姑從所請審度其宜毋失事機春以兵送倫  
發於金齒使人諭刀幹孟幹孟不從遣左軍都督何福  
瞿能等將兵五千討之踰高良公山直搗南甸大破之  
殺刀名孟斬獲甚眾回兵擊景罕寨寨壘高據險堅守  
不下官軍糧械俱盡賊勢益張福使告急於春春率五  
百騎往救乘夜至潞江詰旦渡罕騎馳躡搗破賊天賊  
不意大軍至驚懼遂破之乘勝擊睦峒寨賊夜潰幹孟  
遣人乞降事聞朝廷以其狡詐命春俟變討之春尋病

卒幹孟境不降又命都督何福往討未幾禽幹孟歸倫  
發始還平緬踰年卒永樂元年思倫發子散朋來朝貢  
馬賜絨錦織金文綺紗羅并儀從鈔有差二年遣內官  
張勤等頒賜麓川麓川平緬木邦孟養俱遣人來貢各  
賜之鈔幣時麓川平緬宣慰使思行發遣頭目刀門  
賴詠孟養木邦數侵其地禮部請以孟養木邦朝貢使  
付法司正其罪帝謂蠻眾攻奪常事執一二人罪之不  
足以革其俗且曲直未明遽罪其使失遠人心命西平  
侯論之遣員外郎左緄使八百國并使賜麓川平緬宣  
慰冠帶襲衣五年麓川平緬所隸孟外頭目刀發孟來  
朝貢象及金器散朋亦貢馬各賜鈔幣六年思行發貢  
馬方物謝賜金牌信符黔國公沐晟言麓川平緬所隸  
孟外頭孟土官刀發孟之地爲頭目刀薛孟侵據請命  
思行發諭刀薛孟歸侵地從之七年行發來貢遣中官  
雲仙等齎敕賜織金文綺紗羅至麓川行發失郊迎禮  
仙責之行發惶懼九年遣刀門奈來貢謝罪帝貸之仍  
命宴勞其使并遣賜行發文錦織金綺絲紗羅十二年  
行發以其弟思任發代職從之任發遣頭目刀弄發貢  
象六馬百匹及金銀器皿等物謝恩二十年任發遣使  
奉表來貢并謝侵南甸州罪遣中官雲仙齎賜并敕戒

之洪熙元年遣內官段忠祿亮以卽位詔諭麓川宣德  
元年遣使諭西南夷賜麓川錦綺有差以其勤修職貢  
也時麓川木邦爭界各訴於朝就令使者諭解之俾安  
分無侵越鄰國公沐晟奏麓川所屬思陀甸火頭曲比  
爲亂請發兵討帝命姑撫之置麓川平緬宣慰司所轄  
大店地驛丞一員以土人刀捧怯爲之從宣慰刀暗發  
奏也三年雲南三司奏麓川宣慰使思任發奪南甸州  
地請發兵問罪帝命晟同三司巡撫詳計以聞敕任發  
保境安民不得侵竊疆陷惡逆以滋罪咎晟以任發侵  
奪南甸騰種之罪不可宥請發官軍五萬及諸土兵討  
之帝以交趾四川方用兵民勞未息宜再行招諭不得  
已其調雲南土官軍及木邦宣慰諸蠻兵剿之八月遣  
內官雲仙齋敕至麓川賜思任發幣物諭其勿與木邦  
爭地抗殺正統元年免麓川平緬軍民宣慰司所欠差  
發銀二千五百兩以任發奏其地爲木邦所侵百姓希  
少無從辦納部執不可帝特蠲之初洪武間克平雲南  
惟百夷部長思倫發未服後爲頭目刀幹孟所逐赴京  
陳訴命爲宣慰回居麓川分其地設孟養不邦孟定三  
府隸雲南設潞江千崖大侯騰甸四長官司隸金齒永  
樂元年陞孟養木邦爲宣慰司孟養宣慰刀木旦與鄰

境仇殺而死種何乘機并其地未幾緬甸宣慰新斯加  
又爲木邦宣慰所殺時倫發已死子行發襲亦死次子  
任發襲爲麗川宣慰狡狴愈於父兄差發金銀不以時  
納朝廷稍優容之會緬甸之危任發侵有其地遂欲盡  
復其故地稱兵擾邊侵孟定府及瀾甸等州殺掠人民  
而南甸知州刀貢罕亦奏麗川奪其所轄羅卜思莊等  
二百七十八村於是展奏思任發連年累侵孟定南甸  
干崖騰衝潞江金齒等處自立頭目刀珍罕土官早亨  
等相助爲暴叛形已著近又侵及金齒勢甚猖獗已遣  
諸衛馬步官軍至金齒守禦乞調大兵進討朝命選將  
廷臣舉右都督乃政都督僉事張榮往雲南協同鎮守  
右都督昂率兵討之任發方修貢翼緩師而展還信其  
降無渡江意任發乃遣眾萬餘奪潞江沿江造船三百  
艘欲取雲龍又殺施甸順江東等處軍餘殆盡帝以賊  
勢日甚責展等玩寇養患政亦至軍欲出戰展不可政  
遣舟欲濟師展又不許政不勝憤乃獨率麾下與賊將  
緬簡戰破賊舊大寨賊奔擊罕指揮唐清復擊破之又  
追之高黎共山下共斬三千餘級乘勝深入逼任發上  
江上江賊重地也政遠攻疲其求援於展展怒其違節  
制渡江不遣久之以少兵往至夾象石又不進政追至

空泥賊知晟不救出象陣衝擊政軍殲政焉晟聞敗乃請益軍帝遣使者責狀仍調湖廣官軍三萬一千五百人貴州一萬人四川八千五百人令吳亮馬翔統之至雲南聽晟節制仍敕晟豫籌糧糶而晟懼罪暴卒時任發兵愈橫犯景東剿孟定殺大侯知州刀奉漢等千餘人破孟賴諸寨孟璉長官司諸處皆降之任發仍遣人以象馬金銀來修貢復致番書於雲南總兵官謂始因謫江安撫司線舊法相邀報仇其後線舊法乃誣已爲入寇致大軍壓境惶恐無地今欲遣使謝罪乞爲導奏帝降敕許赦其罪時刑部侍郎何文淵疏請罷麓川師

命下廷臣議於是行在兵部尙書王驥及英國公張輔等皆以爲麓川負恩怙惡在所必誅須更選將練兵以昭天討如思任發早自恃禍福請軍門生全之恩取自上裁帝然之已而侍講劉球復以息兵請如文淵議部覆以麓川之征已有成命報聞六年以定西伯蔣貴爲平蠻將軍都督李安劉聚副之以兵部尙書王驥總督雲南軍務大會諸道兵十五萬討之時任發遣賊將刀令道等十二人率眾三萬餘象八十隻抵大侯州欲奪景東威遠而驥將抵金齒任發遣人乞降驥受之密令諸將分道入右參將冉保從東路攻細甸澗甸水寨入

鎮康趙孟定驍與貴由中路至上江會騰衝左參將宮  
聚自下江據夾象石至期台攻之賊拒守嚴銃弩飛石  
交下如雨次日乘風焚其柵火竟夜不息官軍力戰拔  
上江寨斬刀放戛父子禽刀孟瑣前後斬賊五萬餘級  
以捷聞七年驍率兵渡下江通高黎貢山道至騰衝留  
都督李安領兵提備驍由南甸至羅卜思莊前軍抵於  
木籠時任發率眾二萬餘據高山立硬寨連環七營首  
尾相應驍遣宮聚劉聚分左右翼緣嶺上驍將中軍橫  
擊之賊遁軍進馬鞍山搗賊寨寨兩面拒江壁立周迴  
三十里皆立柵開壘軍不可進而賊從間道潛師出馬  
鞍山後擊戒中軍毋動命指揮方瑛率精騎六千突入  
賊寨斬首數百級復誘敗其象陣而從東路者合木那  
人馬招降孟通諸塞元江同知杜凱等亦率軍里及大  
侯蠻兵五萬招降孟連長官司并攻破烏木弄戛那等  
寨斬首二千三百餘級齊集麓川守西賊渡就通木那  
信息百道環攻復縱火焚其營賊死不可勝算任發父  
子三人并孥其妻孥數人從間道渡江奔孟養搜獲原  
給虎符金牌信符宣慰司印及所掠騰衝千戶等印三  
十二麓川平捷聞命還師時任發敗走孟家復爲木那  
宣慰所擊追過金沙江走孟廣緬甸宣慰卜刺當亦起

兵攻之帝命不邦緬甸能効命禽任發獻者卽以麓川  
地與之未幾任發爲緬人禽緬人挾之求地其子思機  
發窮困乞來朝謝罪先遣其弟招賽入貢帝命遣還雲  
南安置機發覲大兵歸圖恢復據麓川出兵侵擾於是  
復命王驥蔣貴等統大軍再征麓川驥率師至金齒機  
發遣頭目刀籠肘偕其子詣軍門求降驥遣人至緬甸  
索任發緬佯諾不遣驥至騰衝與蔣貴沐昂分五營進  
緬人亦聚眾待驥欲乘大師攻之見其眾盛未易拔又  
恐多一麓川敵乃直言犒師而命貴潛焚其舟數百艘  
進師薄之緬甸堅執前詔必于地乃肯出任發復詭以

機發致仇爲解驥乃趨者藍擄機發巢破之機發脫走  
俘其妻子部眾立隴川宣慰司而歸時思機發竊據孟  
養負固不服自如也十一年緬甸始以任發及其妻孥  
三十二人獻至雲南任發於道中不食垂死千戶王啟  
斬之函首京師其子機發屢乞降遣頭目刀孟永等修  
朝貢獻金銀言蒙朝廷調兵征討無地逃死乞貸餘生  
詞甚哀帝命受其貢因敕總兵官沐斌及參贊軍務侍  
郎楊寧等以朝廷既貸恩機發以不死經畫善後長策  
以聞并賜敕諭思機發十二年總兵官黔國公沐斌奏  
臣遣千戶明庸齎敕招諭思機發以所遣弟招賽未歸

疑懼不敢出近緬甸以機發掠其牛馬金銀欲進兵攻  
取臣等議遣人分諭木邦緬甸諸宣慰司令集糧兵剋  
期過江分道討機發臣等率官軍萬人駐騰衝以助其  
勢賊四面受敵必成禽矣從之已命授機發弟招賽爲  
頭目給冠帶月糧房屋繡錦衣衛其從人俱令於馴象  
所供役先是招賽安置雲南其黨有欲稱亂者乃命招  
賽來京且翼以招徠機發也帝既命雲南出兵剿機發  
及沐斌等至騰衝督諸軍追捕機發終不出潛匿孟養  
遣其徒來貢許以恩貸復不至斌以春蠶作江漲不可  
被種亦乏引兵遣帝以斌師事無功復命兵部尙書請

遣伯王驥總督軍務都督同知宮聚佩平機將軍印率  
南京湖廣四川貴州官軍土軍十三萬人往討之至是  
驥凡三征麓川矣帝密諭驥曰萬一思機發寔遁則先  
禽刀殘羅平其巢穴或遁入緬地緬人黨蔽亦相機禽  
之庶羣眾知懼大軍不爲徒出又敕諭斌軍事悉與驥  
會議而行又敕諭木邦緬甸南甸干崖隴川等宣慰司  
罕蓋發等各整兵備船積糧以俟調度十四年驥率諸  
將自騰衝會師由于崖造舟自南牙山舍舟陸行抵沙  
壩復造舟至金沙江機發於西岸理柵拒守大軍順流  
下至管屯適木邦緬甸兩宣慰兵十餘萬亦列於沿江

兩岸緬甸備舟二百餘爲浮梁濟師併力攻破其柵寨  
得積穀四十萬餘石軍飽銳氣增倍賊領版至鬼哭山  
築大寨於兩峯上築二寨爲兩翼又築七小寨懸互百  
餘里官軍分道並進皆攻拔之斬獲無算而思機發思  
卜發復奔遁時王師諭孟養至孟那孟養在金沙江西  
去麓川千餘里諸部皆震懼曰自古漢人無渡金沙江  
者今王師至此真天威也驍還兵其部眾復擁任發少  
子祿據孟養地爲亂驍等慮師老度賊不可滅乃與思  
祿約許土自得部勒諸蠻居孟養如故立石金沙江爲  
界誓曰石爛江枯爾乃得渡思祿亦懼聽命乃班師提

閩帝爲告廟云景泰元年雲南總兵官沐璘奏緬甸宣  
慰已禽獲思機發又將思卜發放歸孟養恐緬人復挾  
爲奇貨不若緩之聽其自獻便從之五年緬人索舊地  
左參將胡謫等議以銀夏等地方與之乃送思機發及  
其妻孥六人至金沙江村謫等檻送京師南寧伯毛福  
壽以聞乃誅思機發於京師七年任發子思卜發奏臣  
父兄犯法時臣又無知今不敢如父兄所爲甚畏朝廷  
法謹備差發銀五百兩象三馬六及方物等遣使人入  
貢惟天皇帝生哀憐因賜赦戒諭并賚思卜發與妻錦  
幣及其使鈔幣有差成化元年總兵官沐璘等以思任

發之孫思命發至京師乃逆賊遺孽不可留請發沿海  
登州衛安置月給米二石從之麓川亡先是麓川之初  
平也分其地立隴川宣撫使司因以恭項爲宣撫使恭  
項者故麓川部長首先歸順効力有功因命於麓川故  
地開設宣撫已頭目曩漢等復來歸順捕賊自効帝命  
還守本土有功卽加敘諸凡來歸者視此例遂以刀歪  
孟爲本司同知刀落曩爲副使曩帶爲僉事俱賜冠帶  
從宣撫恭項請也恭項子恭立來貢給賜如例并授恭  
立爲長史未幾隴川宣撫失印請再給帝責恭項以不  
能宣揚國威反失印罪應不宥姑從寬頒給時板蹇據

者蓋纂侵擾隴川百夫長刀門線刀木立進兵圍之斬  
板蹇等二十三人命賜有功者皆爲冠帶把事并資織  
全文綸正統十一年本邦宣慰罕蓋發來求麓川故地  
有司以已設隴川宣撫司建官分管以孟止地予之報  
可十二年敕諭恭項言比者總兵奏爾與百夫長刀木  
立相仇殺人民懷怨欲謀害爾父子今遷爾於雲南俾  
不失所且遣官護爾家屬完聚其體憫恤無懷疑懼既  
而總兵官言隴川致亂皆由恭項暴殺無辜刻虐蠻人  
同知刀歪孟爲蠻眾信服乞安置項於別衛以刀歪孟  
代帝以恭項來歸屈法宥之命於曲靖安置并遣敕往

論景泰七年隴川宣撫多外閥遣人貢象馬及金銀器皿方物賜綵幣襲衣如例仍命齋戒賜之以多外閥初修朝貢故也成化十九年以隴川宣撫司多歪孟子序法代職初隴川與木邦相鄰爭地仇殺構兵不息嘉靖中土舍多鯨刃兄自襲下鎮巡官按問伏辜還職兄子多參詔貰其罪并戒木邦罕孟毋得復黨鯨爭職萬厯初緬甸莽瑞體叛來招隴川宣撫多士寧士寧不從其記室岳鳳者江西撫州人黠而多智商於隴川士寧信任之妻以妹鳳曲媚士寧陰奪其權與三宣六慰各土舍罕拔等歃血盟誘士寧往擺古歸附緬酋殺使其子

曩烏鳩士寧并殺其妻女奪印投緬受緬僞命代士寧爲宣撫及瑞體死于應裏嗣鳳父子臣服之誘敗官軍獻士寧母胡氏及親族六百餘人於應裏盡殺之多氏之宗幾盡初鳳之附於緬也爲瑞體招諸部拒中國傷官軍逆勢浸成緬深倚之久之以緬不足恃而鄧川土知州何廷鳳友婿也初使人招鳳鳳執使獻緬及是廷復開示百方與之盟嘗時官軍亦大集諸將劉維鄧子龍各率勁師至環壁四面鳳懼乃合妻子及部曲來降緬責令獻金牌符印及蠻莫猛密地乃以送鳳妻子還隴川爲名分兵趨沙木籠山先據其險而自領大兵馳

入隴川風度無可脫遂詣軍門降縱復率兵進緬緬將  
先通留少兵隴川縱攻之鳳子曩烏亦降縱乃攜鳳父  
子往攻蠻莫莫賊知風降馳報應裏發兵圍隴川縱  
乘機掄殺賊窘乞降緬緬人及象馬來獻遂招撫孟養  
賊賊將乘象走追獲之復移師圍孟連生禽其魁隴川  
平獻俘於朝帝爲告謝郊廟時萬曆十二年九月也踰  
年復鑄隴川宣撫司及孟定府印禮孟密安撫爲宣撫  
司添設安撫司二曰蠻莫曰耿馬長官司二曰孟連曰  
孟養于戶所二一居姚關一居孟淋皆皆名之曰隴安  
並鑄印記建大將行署於蠻莫從雲南巡撫劉世曾之

議也於是多士寧之子思順襲隴川宣撫使二十九  
莽應裏分道入犯一入遮放芒市一入臘撒蠻類一入  
杉木籠並出隴川多思順不敵奔猛卯緬初以猛卯同  
知多倫爲嚮導寇東路至是大軍遣木邦罕欽禽多倫  
殺之未幾思順死蠻莫思正乘喪襲隴川據其妻罕氏  
三十五年思順子安民以守將索賂叛入緬已而緬聽  
撫遣安民歸安民久據蠻灣梁鷲甚署永騰參將周會  
遣三指揮襲之敗績王命亟討其族人拔其弟多安靖  
誅之以獻時安靖尙幼勢孤詔俟其長給之印安民弟  
安邦始亦附緬後寄居蠻莫其地有馬安摩黎羅木等

山極險峻蘆川之所恃爲巢穴者也

明史雲南土司傳三傳

緬甸古朱波地宋寧宗時緬甸波斯等國進白象緬甸通中國自此始地在雲南西南最窮遠有城郭廬舍多樓居元至元中屢討之乃入貢明太祖卽位遣使齎詔諭之至南安留二年以道阻不能達而返使者多道卒洪武二十六年八百國使人入貢言緬近其地路遠不能自達帝乃令西平侯沐春遣使至八百國王所諭意於是緬始遣其臣板南連刺至進方物勞賜之二十七年置緬中宣慰使司以土酋卜刺浪爲使二十八年卜

刺浪遣使貢方物詎百夷思倫發侵奪境土二十九年復來訴帝遣行人李思聰錢古訓諭緬及百夷各罷兵守土倫發聽命會有百夷部長刀幹孟之亂逐倫發以故事得已永樂元年緬酋那羅搶遣使入貢因言緬雖遐奇願臣屬中國而道經木邦孟養多阻遏乞命以職賜冠服印章庶免欺陵詔設緬甸宣慰使司以那羅搶爲宣慰使遣內臣張勤往賜冠帶印章於是緬有二宣慰使皆入貢不絕五年那羅搶遣使貢方物謝罪先是孟養宣慰使刀木旦與夏里相攻那羅搶乘釁襲之殺刀木旦及其長子遂據其地事聞部行人張洪等齎敷

論責那羅瑜懼歸其境土而遣人詣闕謝罪帝諭禮部  
曰蠻旣服率其釋不問仍給以信符令三年一朝貢初  
卜刺浪分其地使長子那羅瑜管天甸次子馬者速管  
小甸卜刺浪死那羅瑜盡收其弟土地人民已而其弟  
復入小甸遣人來朝且訴其情敕諭那羅瑜兄弟和好  
如初毋干天討六年那羅瑜復遣人入貢謝罪并謝賜  
金牌信符勞賜遣之七年復遣中官雲仙等齎敕賜緡  
酋金織文綺十二年緡人來言爲木邦侵掠帝以那羅  
瑜素強橫遣人諭之使修好鄰封各守疆界洪熙元年  
遣內官段忠徐亮以即位詔諭緡甸宣德元年遣使往

論雲南土官賜緡甸錦綺二年以莽得刺爲宣慰使初  
緡甸宣慰使新加斯與木邦仇殺而死子弟潰散緡共  
推莽得刺權震許之自是來貢者只署緡甸而緡中之  
稱不復見八年莽得刺遣人來貢復遣雲仙齎敕賜之  
并諭其勿侵木邦地正統六年給緡甸信符金牌時麓  
川思任發叛將討之命緡甸調兵待七年任發兵敗過  
金沙江走孟廣緡人攻之帝諭能禽獻賊首者予以麓  
川地又年總督尙書王瓖奏緡甸曾馬哈省以速刺等  
已禽獲思任發不解至唯以麓川地爲言朝命遂有并  
征緡甸之命是時大師已集騰衝緡使致書期以今冬

送思任發至貢章交付驥與勉期遣指揮李儀等率精騎通南牙山路抵貢章受獻而緬人送思任發者竟不至九年驥駐師江上緬人亦嚴兵爲備遣人往來江中覘官軍虛實驥以麓川未平緬難不可復作乃令總兵官蔣貴等潛焚其舟數百緬人潰驥亦班師於是總兵官沐昂奏緬恃險竊賊應加兵但滇中方連年征討財力困弊旱澇相仍糧餉不給未可輕舉臣已遣人諭緬禍福俾獻賊首緬宜聽從十二年木邦宣慰罕蓋法緬甸故宣慰子馬哈省以速刺遣使偕千戶王政等獻思任發首及諸俘獻至京并貢方物帝命馬哈省以速刺

並爲宣慰使賜敕獎勞給冠帶印信未幾以速刺奏求孟養裏里地且請大軍亟滅思任發之子思機發兄弟而已出兵爲助帝諭以機發可不戰禽宜卽滅賊以求分地弗爲他人得也景泰二年賜緬甸陰文金牌信符時以速刺久獲思機發不獻又放思卜發歸孟養朝廷知其要挾故緩之五年緬人來索地參將胡謨以銀夏等地與之乃送機發及其妻孥帝以思卜發既遠道不必窮追仍加賞錦幣降敕褒獎成化七年鎮守太監錢能言緬甸宣慰稱貢章孟養爲所轄欲復得之帝命往勘貢章係木邦隴川分治孟養係思洪發所掌非緬

境乃令雲南守臣傳飭諸部而緬甸以所求地乃前朝所許貢章乃朝貢必由之途乞與之又乞以金甌軍餉李讓爲冠帶把事以備任使兵部尙書余子俊等以思洪發不聞有過豈可奪其地李讓中國人而與爲把事亦非體宜勿許帝命兵部諭其使孟養貢章是爾朝貢所由當飭邊臣往諭思洪發以通迨往來不復阻遏餘勿多望宏治元年緬甸來貢且言安南侵其邊境二年遣編修劉戡諭安南罷兵然緬地鄰孟養而孟養以緬先執思任發故怨緬嘉靖初孟養酋思陸子思倫糾木邦及孟密擊破緬殺宣慰莽紀歲并其妻子分據其地

緬訴於朝不報六年始命永昌知府嚴時泰備指摺王訓往勸思倫夜縱兵鼓譟焚驛舍殺齋金牌千戶曹義時泰倉皇遁乃別立土舍莽卜信守之而去值安鳳之亂不暇究其事莽紀歲有子瑞體少奔匿洞吾母家其酋養爲己子既長有其地洞吾之南有古喇嶺海與佛郎機鄰古喇酋兄弟爭立瑞體和解之因德瑞體爭割地爲獻受其約束號瑞體爲噠喇瑞體乃舉眾絕古喇糧道殺其兄弟盡奪其地諸蠻皆畏服之時滅緬者木邦孟養而與緬相抗者孟密也孟密土舍兄弟爭立詎於瑞體瑞體乃納其弟爲婿改名思忠遣歸孟密奪其

兄印因假道攻孟養及邁西諸蠻以復前仇又使其黨卓吉侵孟養境後卓吉爲思真瑞猛乃頭目別混所殺瑞體怒自將攻別混父子禽之遂招誘隴川千崖南甸諸土官欲入寇旣規知有備又慮他蠻襲其後乃遁歸於是鎮巡官沐朝弼等上其事兵部覆荒服之外治以不治睦喇以畏威遠邁傳諭諸蠻不許交通結納詔可時嘉靖三十九年也木邦土舍罕拔求襲不得怒投於緬潞江宜撫線貴問之亦入緬瑞體自以起孤微有兵眾威加諸部中國復禁絕之遂謀內侵乃命線貴起召隴川土官多士寧士寧言中國廣大誠勿妄動瑞體稍寢未幾土寧爲其下岳鳳所殺千崖宜撫刀拍舉亦死罕拔乃請瑞體入千崖千崖舉則隴川可坐定也瑞體子應真桀黠多智言於瑞體曰隴川千崖雖無主道難猝取孟養思箇近在肘腋又吾世仇萬一乘虛順流下禍不測瑞體深然之因借木邦兵一萬取千崖而自率兵侵孟養毀至屢爲思箇所敗思箇亦退保孟倫相持久之而隴川書記岳鳳欺其主功私贖重賂投緬結爲父子蠻莫土目思哲亦迎附瑞體調緬兵萬餘出入於邁西界上以牽制思箇復徵木邦罕拔兵會岳鳳於隴川襲孟密萬曆元年緬兵至隴川入之岳鳳遂盡殺

士密妻子族屬受緬僞命據隴川爲宣撫乃與罕拔思  
哲盟必下孟密奉瑞體以拒中國僞爲錦囊象商貝葉  
緬文稱西南金樓白象主莽噠喇弄王書報天皇帝書  
中嫂辭無狀罕拔又爲緬招干崖土舍刀怕文許代其  
兄職怕文拒之與戰適應裏率眾二十萬分成隴干開  
以其兵驟臨之怕文潰奔永昌遂取干崖印付罕拔妹  
以女官攝宣撫召孟達副使刀思管雷弄經歷廖元相  
佐之同守干崖以防中國於是木邦蠻莫隴川干崖諸  
蠻悉附緬獨孟養未下金騰副使許天琦遣指揮侯度  
持檄撫諭孟養思箇受檄益拒緬種大發兵攻之思箇

告急會天琦卒署事羅汝芳騙思箇使令先歸待接遂  
調兵至騰越箇聞援兵至喜令土目馬祿勦送等領兵  
萬餘絕緬糧道且導大兵伏戛撒誘緬兵深入箇率機  
卒衝其前而約援兵自隴川尾擊之緬兵既敗糧又絕  
屠象馬以食瑞體窘甚會有陳於巡撫王凝言生事不  
便者擬馳使止援軍汝芳聞檄退思箇待接不至岳鳳  
偵知之隸隴川兵二千兼程進追瑞體由間道遁去思  
箇追及之種兵大敗當是時幾襲瑞體六年廷議遣使  
至孟養仰思箇還所俘種兵象并資以金帛好言慰諭  
之瑞體不謝七年永昌千戶李鳳奉使買象於孟密思

忠教鳳送緬緬遣回是年緬復攻孟養報夏撒之怨思  
簡以無援敗將走騰越中途爲其下所執送瑞體殺之  
盡并孟養地八年逃撫候亡但遣人招緬緬不聽十年  
岳鳳導緬兵襲破干崖奪罕氏印俘之俄瑞體死子騰  
裏嗣岳鳳曠應真殺罕拔盡俘其眾又說應裏起兵象  
數十萬分道內侵十一年焚掠施甸寇順寧鳳子義烏  
領眾六萬突至孟淋寨指揮吳繼勳千戶祁維垣戰死  
又破盞達副使刀思定求救不得城破妻子族屬皆盡  
且窺騰衝永昌大理蒙化景東鎮沅諸郡巡撫劉世曾  
請以南京坐營中軍劉綎爲騰越遊擊移武靖參將鄧

子龍爲永昌參將各提兵五千赴剿并調諸土軍應援  
緬亦合兵犯姚關綎與子龍大破之於攀枝花地乘勝  
追擊自十年十月至十一年四月斬首萬餘復率兵出  
隴川孟密直抵阿瓦緬將猛勾詣綎降勾瑞體弟也緬  
將之守隴川孟養蠻莫者皆遁去岳鳳及其子皆伏誅  
官軍定隴川遂歸應裏乃以其子思斗守阿瓦復攻孟  
養蠻莫聲言復仇副使李材備兵騰衝遣兵援之戰於  
遮浪大破其象陣生擒五千餘人先是蠻莫酋思化投  
緬材遣人招之思化降十九年應裏復率緬兵圍蠻莫  
思化告急會天暑軍行不前裨將萬國春夜馳至多設

火炬爲疑兵緬人懼而退追敗其眾二十二年巡撫陳用賓設入關於騰衝留兵戍守募人至暹羅約夾攻緬緬初以猛卯酋多俺爲嚮導寇東路至是遣木邦罕欽禽多俺殺之遂築堡於猛卯大興屯田是年緬帥思仁寇蠻莫敗之斬其渠丙寅二十三年應裏屬孟連孟艮二土司求朝貢鎮巡以聞朝議令原差官黎景桂齎銀幣賜之至境不受詔以景桂首事貪功納侮下於理三十一年阿瓦雍罕木邦罕披子罕禧俱入貢緬勢頹衰暹羅得楞復連歲攻緬殺緬長子莽機擄古喇殘破自此不敢內犯然近緬諸部附之如初崇禎末蠻莫思縣

爲緬守曩木河及黔國公沐天波等隨永明王走蠻莫思縣使告緬緬遣人迎之傳語述萬曆時事并出神宗聖書索合篆合之以爲僞天波出己印與先所頒文檄相比無差始信蓋自天啟後緬絕貢職無可考驗云

千崖鎮名千賴賤粵人居之東北接南甸西接龍川有平川眾岡境內甚熱四時皆蠶以其絲織五色土錦充貢元中統初內附至元中置鎮西路軍民總管府領三甸洪武十五年改鎮西府永樂元年設千崖長官司二年額給信符金字紅牌并賜冠服三年千崖長官曩欽遣頭目奉表貢馬及犀象金銀器謝恩賜鈔幣五年設

古刺歸獄千崖相歡復遣子刀思遠朝貢賜賚如例自  
是三年一朝貢不絕宣德六年改隸雲南都司時長官  
刀弄孟奏其地近雲南都司而歲納差發銀於金齒衛  
路遠乞改隸而輸銀於布政司從之正統三年命仍隸  
金齒軍民指揮使司六年陞千崖副長官刀怕便爲長  
官司賜絲幣以歸附後屢立功從總兵官沐昂請也九  
年陞千崖爲宣撫司以刀怕便爲宣撫副使劉英爲同  
知從總督王驥請也宏治三年千崖土舍刀怕愈欺其  
姪刀怕落幼劫印奪職蠻眾不服遂起兵相攻四年按  
察司副使林俊同參將沐詳移文往諭始釋兵歸印事

間帝以鎮巡官不以時奏報責之嘉靖二十九年緬酋  
奔瑞體叛招千崖諸土官入寇萬厯初宣撫刀怕舉死  
妻罕氏木邦宣慰罕撈妹也拔旣叛附緬召怕舉弟怕  
文襲職以臣緬且許以妹怕文不受與戰緬兵十萬鑿  
臨怕文潰奔永昌罕拔遂取千崖印付罕氏十年隴川  
岳鳳破千崖奪罕氏印十一年遊擊劉綬破隴川鳳降  
追印竟不得而千崖部眾自相承代亦莫得而考云  
潞江地在騰越永昌之間南負高崙山北臨潞江爲官  
道咽喉地多瘴癘嶺名怒江甸至元開隸柔遠路永樂  
元年內附設潞江長官司其地舊屬麗川平緬西平侯

奏其地廣人稠宜設長官司治之二年頒給信符金字  
紅牌九年潞江長官司曩璧遣子維編法貢馬方物賜  
鈔幣尋陞爲安撫司曩璧來朝貢象馬金銀器謝恩宣  
德元年曩璧遣人貢馬請改隸雲南布政司從之遣中  
官雲仙齎敕及綺幣賜曩璧三年黔國公沐晟奏潞江  
千夫長刀不浪班叛歸麓川劫潞江逐曩璧入金齒據  
潞江驛遂驛丞周禮立寨圍守斷絕道路請發兵討帝  
敕晟與三司計議五年晟奏刀不浪班懼罪還所據地  
歸舊部輸役如故乞宥之報可是年置雲南廣邑州時  
雲仙還言金齒廣邑寨本永昌副千戶阿千所居千嘗  
奉命招生蒲五千戶向化今千孫阿都魯同蒲酋樊塞  
等詣京貢方物乞於廣邑置州使阿都魯掌州事以熟  
蒲并所招生蒲屬之遂以阿都魯爲廣邑州知州樊塞  
爲同知鑄印給之八年改金齒永昌千戶所爲潞江州  
隸雲南布政司以千夫長刀珍罕爲知州刀不浪班爲  
同知置吏目及清水關巡檢各一員正統三年從黔國  
公沐晟奏改潞江安撫司仍隸金齒悉還舊制五年安  
撫使線舊法以麓川思任發叛來告諭整兵以俟未幾  
麓川賊遣部眾奪隸潞江殺傷官軍潞江遂削屬正德  
十六年安撫司土官安捧奪其從弟掄莊田三十八所

拚訟於官不報捧遂集蠻兵圍拚寨縱火屠掠拚母子  
妻妾及蠻民男婦死者八十餘人據有其地官軍誘執  
之捧死於獄帝命戮屍棄市其子詔及黨與皆斬天啟  
間有緣世祿者繼襲安撫金南甸宣撫司舊名南宋在屬越南半箇山下其山嶺北  
多霜雪南則炎瘴如蒸元置南甸路軍民總管府領三  
甸洪武十五年改南甸府永樂十一年改爲州隸布政  
司宣德三年南甸爲麓川侵奪有司請討不許降敕諭  
諭麓川俾還侵地五年南甸州奏先被麓川宣慰司奪  
其境土賴朝廷威力復之若不置官司以正疆界恐侵

奔未厭乞置四巡檢司鎮之帝命吏部除官八年又奏  
與麓川接壤舊千二百夫長在騰衝千戶所時賴邦哈  
等處軍民兼守後麓川侵據不守者十餘年今蒙敕諭  
遣竊恐再侵百姓逃移乞於賴邦哈九浪莽孟洞三處  
各置巡檢以土軍楊義等三人爲之命下三司勘覆授  
之正統二年土知州刀貢罕奏麓川思任發奪其所轄  
羅卜思莊二百七十八村乞遣使齎金牌信符諭之退  
還帝敕沐晟處置奏聞麓川之役自此起九年陞州爲  
宣撫司以知州刀落硬爲宣撫使通判劉思勉爲土同  
知六年頒給金牌信符勘合加敕諭之十年免所欠差

發銀兩令安業後仍前科辦天順二年復置南甸驛丞  
一人以土人爲之時宜撫刀落蓋奏南寧伯毛勝遣騰  
衝千戶蘭愈占其招八地逼民逃竄赦雲南三司官同  
巡按御史詣其地體勘以所占田寨退還治勝愈罪南  
甸所轄羅卜思莊與小隴川皆百夫長之分地知事謝  
氏居曩宋岡氏居蓬西屬部直抵金沙江地最廣司東  
十五里曰蠻干宣撫世居之南百里有關立木爲柵周  
一里曰南牙甚高山勢延袤一百餘里官道藝之上有  
石梯蠻人據以爲險百先長芒市舊曰怒謀又曰大枯賧小枯賧在永昌西南四百

里卽唐史所謂茫施蠻也元中統初內附至元十三年  
立茫施路軍民總管府領二甸洪武十五年置茫施府  
正統七年總兵官沐晟奏茫市陶孟刀放革遣人來詠  
與叛寇思任發有讎今任發已遁去思機發兄弟三人  
來居隴川者蓋地方願禽以獻兵部言放革先與任發  
同惡今勢窮乃言結費誦詐難信宜敕諭放革如能去  
逆効順當密調土兵助剿機發從之八年機發令其黨  
涓孟車等來攻茫市爲官軍所敗放革來降靖遠伯王  
驥請設茫市長官司以陶孟刀放革爲長官隸金齒衛  
成化八年木邦曩罕弄亂掠隴川敕茫市等長官司整

兵備調萬厯初長官放福與離川岳鳳聯姻導緬寇松  
坡營事覺伏誅立舍目放縱領司事轄於離川芒市川  
原廣逸田土富饒而人稍肥弱云

者樂何本馬龍他郎甸猛摩地名者烏洪武末內附隸  
雲南布政司永樂元年設者樂何長官司改隸雲南都  
司以沐晟言其地廣人稠也十八年長官刀談來朝貢  
馬自是皆以刀氏世領司事其地山險多瘴介於鎮沅  
元江景東間日事攻戰鎧械犀利兵寡而勅諸部畏憚  
之

茶甸長官司永樂二年頒給信符金字紅牌八年長官  
卓張遣人貢馬宣德五年置滇瀾巡檢司以長官司奉  
滇瀾當茶山至高之衝蠻寇出沒民不能安通事段勝  
願陳道理能安人心乞置司以勝爲巡檢從之

孟璉長官司永樂四年四月設將孟璉額目刀派送遣  
子懷罕來言孟璉舊屬麓川不繙官慰司後隸孟定府  
勳孟定知府刀名扛亦故平緬頭目索與等夷乞改隸  
遂設長官司隸雲南都司命刀派送爲長官賜冠帶印  
章正統四年思任發反以兵被孟璉遂降於麓川爲木  
邦宣慰罕蓋法擊敗七年總督王驥征麓川招降孟璉  
亦保等寨敕賜孟璉故長官司刀派罕子派樂等綵幣

以麓川平故也嘉靖中孟璉與孟養孟密諸部仇殺數十年司廢至萬曆十三年麓川平復設稱猛臉云孟里麻長官司永樂六年設於雲南都司以刀思放爲長官時思放爲里麻招徠叛者故西南蠻官名思放籍其地來朝請授職事遂有是命仍賜印章冠帶八年遺題曰貢馬

鈕兀長官司宣德八年置鈕兀五隴諸寨在和泥之地其酋任者陀比等朝貢至京奏地遠蠻多請授職以總其眾兵部請設長官司從之遂以任者爲長官陀比爲

副

東倘長官司宣德八年置隸緬甸宣慰時緬甸宣慰昔得謀殺當蕩頭自新把的而奪其地新把的遣子莽只貢象馬方物乞置司庶免侵殺從之置東倘長官司命新把的爲長官

瓦甸長官司初隸金齒永樂九年改隸雲南都司土官刀怕賴言金齒遠都司近故改隸焉宣德八年置曲石高松坡馬緬三巡檢司初長官司言其地山高林茂寇盜出沒人民不安乞置巡檢司以授通事楊資楊中苑興三人從之命資於曲石中於高松坡興於馬緬正統五年長官早貴爲思任發所獲貴殺其守者十七人挈

家來歸帝嘉其忠順命所司褒賞以早貴爲安撫賜絲幣詔命

促瓦散金二長官司皆永樂五年設隸雲南都司其地舊屬麓川平緬土蠻註甸八等來朝請別設長官司從之命註甸八等爲長官各給印章

木邦一名孟邦元至元二十六年立木邦路軍民總管府領三甸洪武十五年平雲南改木邦府建文末土知府罕的法遣人貢馬及金銀器賜鈔幣永樂元年遣內官楊瑄齎敕諭木邦諸土官明年遣人來貢時麓川詭木邦侵地命西平侯諭之因改木邦爲軍民宣慰使司

以知府罕的法爲使賜詔印時官軍征八百罕的法發兵助戰攻江下等十餘寨斬首五百餘級詔遣鎮府張伯恭經歷唐復賜白金錦幣及其部領有差明年遣使貢象馬方物謝恩頒賜如例復加賜其母及妻錦綺罕的法卒其子罕賓發來朝請襲命賜冠服七年遣使謝恩又遣人奏羅甸宣慰使那羅塔數誘賓發叛賓發不敢從逆若天兵下臨誓當効命帝嘉其忠遣中官徐亮齎敕勞之賜白金三千兩錦綺三百表裏祖母妻織金文綺紗羅各五十疋自是每三年遣使貢象馬十一年賓發遣使獻種甸俘時木邦攻破緬甸城寨二十餘

多所殺獲獻於京師宣德三年遣中官徐亮齎敕及文綺賜襲職宣慰罕門法并及祖母母妻八年木邦與麓川緬甸各爭地訴於朝帝命沐晟并三司巡按公勘正統三年征麓川敕諭木邦以兵會剿五年總兵官沐昂遣人間道達木邦得報知宣慰祖母美罕板其孫宣慰罕蓋法與麓川戰於孟定孟璉地殺部長二十人斬首三萬餘級獲馬象器械甚眾帝嘉其功加授罕蓋法懷遠將軍封美罕板太淑人賚以金帶綵幣七年總督王驥奏罕蓋法遣兵攻拔麓川板罕貢章等寨追至孟蒙獲其等七人象十二麓川酋思任發父子遁孟廣帝命指揮陳儀往勞之且曰木邦能自效生繫賦獻首其酬以麓川土地人民八年免木邦歲辦金萬四千兩木邦遣人謝恩并獻所獲思任發家屬復賜敕及綵幣獎勞十一年緬甸獻任發首木邦亦遣使與同獻且修貢職因求麓川地兵部以麓川已設隴川宣撫司請以孟止地給之并遣官諭祭其母以表忠勤免木邦歲辦銀入錠三年從之景泰元年罕蓋法奏乞隴川界者闕景線地未報蓋法子罕落法輒發兵據之隴川宜撫刀歪孟訴於總兵官沐璘璘遣使論歸之而與以底麻之地四年罕落法襲父職族人構難落法避於孟只遣人赴總

兵官求救璠以聞詔左參將胡誌調兵撫諭之與其族人部眾設盟而還然落法猶避居孟都不敢歸孟都羅者地近隴川歲調蠻兵二百更番護之天順元年鎮守中官羅珪奏罕落法與所部交攻遣人求援臣等議委南寧伯毛勝都督胡誌量調宿軍相機剿捕帝以非犯邊疆不許二年落法奏爲思坑曩罕弄等所攻乞兵剿除命總兵官區處六年總兵官沐瓌奏罕落法屢侵隴川地欲以撥守貴州兵八千調回防禦詔留其半成化十年木邦所轄孟密蠻婦曩罕弄等侵掠隴川黔國公沐琮以聞曩罕弄者故木邦宣慰罕揆法之女嫁其孟

密部長思外法地有寶井罕揆法卒孫落法嗣曩罕弄以尊屬不樂受節制曩族人與爭景泰中叛木邦逐宣慰據公署殺掠鄰境隴川孟養兵力日盛自稱天娘子其子思柄自稱宣慰黔國公琮奏委三司官往撫曩罕弄驕蹇不服且欲外結交趾兵迺徇木邦八百諸部琮等復以聞兵部尙書張鵬主用兵詔廷臣集議皆以孟密與木邦仇殺並未侵犯邊境止宜撫諭因命副都御史程宗馳傳與譯者序班蘇銓往時成化十八年也踰年孟密思柄遣人入貢宴賜如土官例已孟密奏爲木邦所擾乞別設安撫司張鵬以太監覃平御史程宗撫

馭已有成緒遂命宗巡撫雲南敕平借詣金齒勸諭之  
其孟密地或仍隸木邦或別設安撫區處具奏初曩罕  
弄竊據孟密貳於木邦與鄰境不平遣人從間道抵雲  
南至京獻寶石黃金乞開設治所直隸布政司關臣萬  
安欲許之劉翊劉吉皆以孟密原木邦屬夷今曩罕弄  
叛而請命於朝若許之則土官誰不解體蘇鎰私以告  
於宗宗復奏曩罕弄與木邦仇殺已久勢難再合已喻  
諸蠻示以朝廷德意宥其罪開設衙門令還其所侵地  
皆踴躍奉命木邦亦已允服乞遂行之部覆從之二十  
年遂設孟密安撫司以思樞爲使時孟密據寶井之利

賈爲結納而木邦爲孟密所侵兵力積弱不能報雖屢  
奏訴竟不得直云宏治二年雲南守臣奏孟密曩罕弄  
先後占奪木邦地二十七處又誘其頭目放卓孟等叛  
其勢必盡吞後已乞敕八百宣慰司俾與木邦和好互  
相救援亦敕木邦宣慰收復人心親愛骨肉勿使孟密  
得乘間誘叛自致薄弱如孟密聽諭方許曩罕弄孫承  
襲報可并敕雲南守臣親詣金齒曉諭復許賊詰責前  
鎮巡官所以受賂召侮啟釁者三年追論致任南京工  
部尚書程宗罪先是宗以右副都御史奉命率蘇鎰往  
撫諭而鎰受思柄金紿宗奏爲設孟密安撫司鎰復教

思柄僞歸木邦地而占據如故思柄益橫至是木邦宣慰罕它法發其事時宗已致仕巡按請追罪之獄具帝以事在赦前不問六年雲南守臣奏孟密侵奪木邦兵連禍結垂四十餘年屢撫屢叛勢愈猖肆請調兵往討兵部議以孟密安撫初隸布政司今改隸木邦以致爭殺仍如初隸可息兵從之初孟密之復叛木邦也因木邦宣慰罕它法親迎婦於孟乃蹇孟密土舍思揆乘虛襲之據木邦誘降其頭目高答落等聚兵阻路罕它法不得歸依孟乃蹇者三年於是巡撫張誥等會奏議遣文武大員詣孟密撫諭思揆猶不服誥乃遣官督率隴

川南甸千崖三宣撫司積糧開道示以必征之勢又令漢土官舍羅兵以威之高答落等懼謀歸罕它法思揆欲殺之罕它法乞救於鄰部調土兵合隴川等三宣撫兵至蠻遮共圍之思揆懼乃罷兵誥等奏其事且乞賞有功者兵部議罕它法雖還木邦思揆猶未悔罪必令敵血同盟歸地獻叛永息爭端乃可論功行賞報聞九年罕它法及思揆各遣使來貢報賜如例初思揆圍蠻遮木邦宣慰妻求救於孟養思陸孟密素畏思陸之兵聞其將至遂解去木邦與思陸謀共取孟密於是蠻中之患又在孟養矣自萬安程宗勘處失宜諸酋長紛紜

進退中國用兵且數十年嘉靖初思陸子思倫與木邦  
宣慰罕烈同擊殺緬酋莽紀歲而分其地後莽瑞體強  
將修怨於木邦降麗土罕木邦土舍罕數告襲有思索  
賂不爲請拔怒與第罕章集兵梗往來道商旅不前而  
己食鹽亦乏絕乞於緬緬以五千贖償之自是反德緬  
攜金寶象馬往謝之瑞體亦厚報之歡甚約爲父子瑞  
體死子應裏用岳鳳言誘拔殺之時萬曆十一年也拔  
子進忠守木邦應裏遣弟應龍襲之其孽子罕鳳與耿  
馬舍人罕虔欲禽進忠獻應龍進忠攜妻子內奔虔等  
追至姚關焚順寧而去十二年官軍破緬於姚關立其

子欽欽死其叔罕種約暹羅攻緬緬恨之三十四年緬  
以三十萬眾圍其城請救於內地不至城陷罕種被擄  
緬僞立孟密思禮領其眾事閩黜總兵官陳寶木邦遂  
亡孟密自思柄授安撫繼之者曰思揆曰思眞眞年至  
百十歲嘉靖中土舍兄弟爭鬪走訴於緬緬人爲立其  
弟改名思忠思遠以其地附緬萬曆十二年忠齋僞印  
來歸命授爲宣撫已而復投緬乃以其母罕洪代掌司  
印緬攻孟密罕洪率子思禮從子思仁奔孟廣而孟密  
遂失十八年緬復攻孟廣罕洪思禮奔羅川思仁奔工  
回而孟廣又失先是思仁從罕洪奔孟廣時有甘線姑

者思忠妻也思忠既投緇思仁通於線姑遂欲妻之而  
擊烘不許至是罕烘攜線姑走隴川思仁奔雅蓋率兵  
象犯隴川欲攜線姑去會隴川有備弗克思仁亦走歸  
緇緇僞署思仁於孟密食其地初孟密竇井朝廷每以  
中官出緝司採辦武宗朝錢能最橫至嘉靖隆慶時猶  
然萬曆二十年巡撫陳用賓言緇曾擁眾直犯蠻莫其  
執詞以奉開採使命令殺蠻莫思正以開道路全滇之  
禍皆自開採啟之時稅使楊榮縱其下以開採爲名恣  
暴橫蠻人苦之且欲令騰江退地聽採緇酋因得執詞  
深入巡撫朱興祖極言其害請追還榮等帝皆不納凡  
採辦必牛輸官然後與商賈貿易每往五六百人其屬  
有地羊寨在孟密東往來道所必經人工幻術採辦人  
有強索其飲食者多腹痛死已所乘馬亦斃剖之則馬  
腹皆木石也思眞嘗劾之殺數千人不得絕至是復議  
劾以兵少中止

孟養壘名迤西有香柏城元至元中於孟養置雲道路  
軍民總管府洪武十五年改爲雲遠府其地故屬平緇  
宣慰司平緇思倫發爲其下所逐走京師帝命西平侯  
沐春以兵納之還故地成祖卽位改雲遠府爲孟養府  
以土官刀木旦爲知府永樂元年刀木旦遣人貢方物

及金銀器賜資遣歸二年改程軍民宣慰使司以刀木  
且爲使賜誥印四年孟養與夏里相仇殺緬甸宣諭那  
羅塔乘機劫之殺刀木且及子思樂發而據其地事聞  
詔行人張洪等齎敕諭責緬那羅塔懼仍歸其境土會  
木邦宣慰使罕賈法以那羅塔侵據孟養請自率兵討  
遂破緬甸城寨二十餘獲其象馬獻京師十四年復設  
孟養宣慰司命刀木且次子刀得孟爲使以木且姪玉  
賓爲同知自木且被害司遂廢孟養之人從玉賓散居  
干岸金沙江諸處者三千餘人朝廷嘗命玉賓署宣慰  
使以撫之故仍命爲本司同知令其率眾復業十五年  
力得孟遣使貢馬及方物宣德五年刀玉賓奏柏爨刀  
木且被殺蒙朝廷遣官訪玉賓授同知又阻於緬難寄  
居金齒者二十餘年今孟養地又爲麓川宣慰思任發  
所據乞遣兵送歸本土帝命黔國公沐晟遣還之然其  
地仍爲任發所有時爲孟養宣慰者名刀孟賓亦寄居  
雲南及任發敗奔緬甸子機發酒匿孟養求撫十三年  
敕孟養頭目伴送思機發來朝許以陞賞機發疑畏竟  
不至帝以孟養宣慰頭目刀慶等區機發數其罪  
曰孟養乃朝廷開設爾刀慶等敢違朝命一可伐思  
機發係賊子故縱不捕二可伐爾孟養被思任發奪地

送爾宣慰 見在雲南僑養爾等與仇爲黨三可俟雲南  
總兵官世世管屬爾地奉命捕取賊子爾等不從調度  
四可伐爾等不過以爲山川險阻官軍未易達到又以  
爲氣候瘴 厲官軍不可久居勢強則拒敵力弱則奔遁  
殊不知昔 馬援遣標鋼柱險阻無傷諸葛亮五月渡瀘  
炎蒸無害 皆能破滅蠻眾開拓境土況今大軍有必勝  
之機益川之師可爲前整爾等速宜悔過自圖令思機  
後親自前來仍與一官一地令享生全如不肯出爾等  
即禽爲上策迹思機發斯在報與官軍捕取爲中策若  
代彼支吾令其逃匿則并爾等勦滅悔無及矣時已三

征瀘川內旨必欲生禽機發已密諭總督王驥又敕諭  
以雲南安置孟養舊宣慰刀孟賈爲嚮導及兵出窮征  
機發卒遁去不可得於是乃以孟養地給緬甸宣慰馬  
哈省管治命捕思機發時正統十四年也景泰二年機  
發之子思小發遣使來貢求管孟養舊地廷臣議孟養  
地已與緬甸豈可移易時朝命雖不許然小發已潛據  
之卽緬甸不能奪也小發死子思洪發嗣自天順成化  
每朝貢輒署孟養地名儼然自有其地矣成化中孟養  
金沙江思陸發遣人貢象馬宴賜皆如例思陸發者思  
任發之遺孽也太監錢能鑲雲南思陸發數以珍寶遣

能因得入貢稱孟養金沙江思陸發常規立功以襲祖  
職適孟密安撫土舍思揆侵據木邦地爭殺累年守臣  
議征之思陸發乃請自效時蠻眾相傳孟密畏思陸兵  
參政毛科請於總兵鎮巡官許之思陸兵未至思揆解  
去巡撫張誥議調思陸兵令戮力捕思揆乃遣使促之  
發兵思陸遣大陶孟倫索領蠻兵象馬過江倫索既過  
江指應謂使者曰我曹猶此鷹奪得土地卽管食之耳  
科聞之憂甚時思揆令陶孟思英以兵守蠻莫孟養兵  
至思英堅守不出已而請和孟養兵聞官軍聽思英約  
降頗有怨言官軍糧絕遽引退倫索亦恐思英絕其歸

路取道千崖而還科念倫索前語急戒令孟養遣兵守  
疆界孟養不聽初靖遠伯王驥與之約誓非總兵官符  
檄不得渡江自是遂犯約數與兵過江與孟密戰然治  
十二年雲南巡按謝朝宣奏孟養思陸本麓川叛種竄  
居金沙江外成化中嘗據緬甸之聽蓋宏治七年徵調  
其兵渡江遂復據騰衝之蠻莫又糾木邦兵攻燒孟密  
安撫司殺掠蠻民二千餘人劫象馬金寶有并吞孟密  
覬覦故土之志迺西人恭們騰衝人段和爲之謀主屢  
撫不聽雲南會城去孟養遠聲勢難接爰於金騰添設  
鎮守太監爲撫蠻安良之計而近時太監吉慶貪暴無

狀雖嘗賜卻思陸之費然繼知其貪又烏知不因其卻而更進之臣聞蠻莫等處乃水陸會通之地蠻方器用咸自此出江西雲南大理通逃之民多赴之雲南差官每多齎違禁物往彼橫送漏我虛實爲彼腹心鎮夷關一巡檢耳安能禁制臣計孟養甲兵不能當中原一大縣以雲南之勢臨之易於壓耶奈何一調卽來屢撫不退皆鎮巡失之於初通逃奸人謀之於中搆督中官壞之於後伏孽匪念邊民困苦將雲南鎮守太監止存一員別用指揮一員守備鎮夷關雖思陸退歸江外而移騰衝司於蠻莫拜木邦孟密不得窺伺乃爲萬全之策設思陸冥頑不聽撫諭便當決策用兵使無贖類以爲土官不法之戒先是吉慶已爲思陸請朝貢至是因朝宣疏并下鎮巡官請勦撫之宜數年不決十六年巡撫陳金乃遣金騰參將盧和撫諭思陸和至騰衝思陸遣閻孟投書致方物和諭以禍福令割兵邊江歸所占蠻莫等地且調隴川千崖南甸三宣撫司蠻兵及戰象驍官軍分道至金沙江思陸乃遣大陶孟倫索怕卓等率所部來見和等再申諭之思陸聽命退還前所據蠻莫等地十三處撤回象馬蠻兵渡金沙江而歸又遣陶孟招剛等貢象六銀六百兩并金銀器納款鎮巡官以聞

并奏言蠻莫等地原隸木邦成化初始爲孟密所有近  
又爲思陸所據連年構禍今始平定既不可復與木邦  
孟密又不可割畀隴川千崖南甸三宣撫宜暫於騰衝  
歲撥官軍四百分番守之思陸前有助平思操功今悔  
禍納款請賜以名目冠帶仍降敕獎諭部議以蠻莫等  
處本木邦分地在大義宜歸之木邦其名目冠帶貢使  
已言思陸不願受不宜輕畀請賜敕厚勞遣歸之報可  
時思陸覲得宣慰司印部號不予於是仍數出兵與木  
邦孟密仇殺無寧歲嘉靖七年總兵官沐紹勳巡撫歐  
陽重遠參政王汝舟等徧慰諸蠻諭以勸順孟養思倫  
等各願貢象牙牙土錦金銀器退地贖罪乃以蠻莫等十  
三處地方寬廣諸蠻歷年所爭屬之騰衝司檄軍輪守  
則烟瘴可虞屬之木邦則地勢遼遠蠻心不順莫若仍  
屬孟密管領歲徵差發銀一千兩而割孟乃等七處仍  
歸木邦罕烈則分願均而忿爭息矣報可萬曆五年雲  
南巡撫陳文燧言孟養思倫與緬世仇今更歸順於緬  
因引宏治朝先臣劉建寧議孟養事狀謂思陸有官猶  
可制卽無官其僭自若也不如因而官之以抗緬報可  
十一年緬爲遊擊劉統所敗孟養思威亦殺緬使降於  
緬十三年隴川平乃於孟養立長官司未幾長官思貞

復爲緬所擄部長思遠奉思貞妻來歸命以冠帶令歸  
守思遠乘亂自立爲宣慰貢象進方物然遠暴虐諸部  
恨之引緬兵至聲言還思貞思遠奔盞西有思壽者內  
附與蠻莫酋思正共據險抗緬三十年緬攻思正壽率  
兵倍道馳救至則正已被殺三十二年緬攻入迤西壽  
走死緬以頭目思華守其地華死妻怕氏代理緬人更  
番戍守連年徵發從行甚苦曰孟養不亡蠻何得至此  
讎之後曰放思祖有眾千餘不敢歸寄食於干崖云舊  
制宣慰遣人俱再頭目唯木邦及緬甸又有陶孟及招  
副等稱孟孟又右招入稱皆見於奏章因其俗不改

車里卽古產里爲倭沙招諸蠻雜居之地古不通中  
國元世祖命將兀良吉尉伐交趾經所部降之置撒里  
路軍民總管府領六甸後又置耿陳路耿當孟弄二州  
洪武十五年蠻長刀坎來降改置車里軍民府以坎爲  
知府坎遣姪豐祿貢方物詔賜刀坎及使人衣服綺幣  
甚厚以初奉貢來朝故也十七年復遣其子刀思拂來  
貢賜坎冠帶鈔幣改置軍民宣慰使司以坎爲使二十  
四年子刀還答嗣遣人貢象及方物二十八年以賜諾  
命謝恩子賜皆如例永樂元年刀還答令其下剽掠威  
遠知州刀算蠻及民人以歸西平侯沐晟請發兵討帝

命晟移文諭之如不悛卽以兵繼又以車里已納威達  
印是悔過之心已萌不必加兵晟使至邏答果懼還刀  
鑿鑿及威達之地遣人貢馬謝罪帝以其能改過宥之  
自是頻入貢朝廷遣內官往車里者道經八百大甸爲  
宣慰刀招散所阻三年刀邏答遣使請舉兵攻八百帝  
嘉其忠八百伏罪收車里班師復加獎勞四年遣子刀  
典入國學宮陰自納質帝知其隱賜衣幣慰諭遣還以  
道里遠遂命三年一貢若爲令十一年還答卒長子刀  
更孟自立驕狠失民心未幾亦卒更孟長子勒羨年幼  
眾推刀賽署司事刀賽者更孟弟刀怕漢也怕漢死妻  
以前夫子刀弄冒爲邏答孫請襲十五年命刀弄襲宣  
慰使以更孟從弟刀雙孟爲本司同知十九年雙孟言  
刀弄屢以兵侵劫蠻民乞別設治所以撫其眾詔分其  
地置靖安宣撫使司陞雙孟爲宣慰使命禮部鑄印給  
之宣德三年雲南布政司奏刀弄雙孟相仇殺弄棄地  
投老撾請差官招撫帝命黔國公計議六年黔國公奏  
謂奉命招撫刀弄其母具言布政司差官劉亨徵差發  
銀亨已取去本司復來徵蠻民因而激變遂弄弄逃入  
老撾尋還境內以死未嘗棄地外投亦未嘗與雙孟仇  
殺帝命法司執劉亨等罪之七年連里土舍刀翳羨請

襲許之遣行人陸垣齋敕賜冠帶襲衣九年靖安宣慰  
刀霸供言靖安原車里地今析爲二致有爭端乞仍併  
爲一歲貢如例帝從其請車靖安宣慰仍歸車里命刀  
霸供刀霸襲共爲宣慰使俾上所授靖安宣慰司印正  
統五年命貢使齋敕及綺帛歸賜刀霸羨及妻嘉其勤  
修職貢也六年麓川宣慰思倫發叛詔給車里信符金  
牌命合兵剿賊景泰三年以刀霸羨奉調有功免其積  
欠差發金天順元年總兵官沐璘奏刀霸羨自殺弟板  
雅忠等已推兄三寶歷代承職今板雅忠又作亂糾合  
八百相仇殺帝命璘亟爲撫諭并勅奏應襲者二年帝  
以三寶歷代者雖刀更孟之子乃庶孽奪嫡謀害刀霸  
羨致板雅忠借兵攻殺不當襲但蠻民推立姑從眾願  
命襲宣慰使成化十六年交趾黎灝叛頒僞敕於車里  
期會兵共攻八百車里持兩端雲南守臣以聞遣使敕  
車里諸土官互相保睦勿懷二心二十年復敕車里等  
部慎固封疆防交人入寇不得輕與文移啟讐納侮嘉  
靖十一年緬酋莽應裏據擺古蠻食諸蠻車里宣慰刀  
糯猛折而入緬車里有大小之稱猛以大車里應緬而  
以小車里應中國萬曆十三年命元江土舍那恕往招  
糯猛復歸獻馴象金屏象齒諸物謝罪詔受之聽復

職天啟七年巡撫閩洪學奏緬人侵孟艮孟艮就車里  
求救宣慰刀韃猛遣兵象萬餘赴之緬人以是恨車里  
興兵報復韃猛年已衰重賂求和緬問韃猛子召河璇  
有女名召烏阿色美責獻烏阿河璇別以女給之緬知  
其詐大憤攻車里愈急韃猛父子不能支遁至思毛地  
緬追執之以去中朝不及問車里遂亡

老撾俗呼爲撾家古不通中國成祖卽位老撾土官刀  
線歹貢方物始置老撾軍民宣慰使司永樂二年以刀  
線歹爲宣慰使給之印五年遣人來貢旣而帝以刀線  
歹潛通安南季釐遣使詰責諭其悔過六年刀線歹遣  
人貢象馬方物七年復進金銀器犀象方物謝罪自是  
連年入貢皆資予如例帝遣中官楊琳往賜文綺十年  
來貢命禮部加賜焉宣德六年遣使齎敕獎諭宣慰刀  
線達九年老撾貢使還恐道中爲他部所阻給信符敕  
孟艮車里諸部遣人護之景泰元年請賜土官衣服故  
事無加賜衣服者命加賜錦幣并及其妻成化元年頒  
金牌信符於老撾七年鑄給老撾軍民宣慰使司卽以  
皆爲賊焚燬也十六年貢使至會安南攻老撾鎮守內  
官錢能以聞因敕其使兼程回并量給道里費明年安  
南黎灝率兵九萬開山爲三道進兵破哀牢入老撾境

殺宣慰刀板雅及其子二人其季子怕雅賽走八百宣  
慰刀攬那遣兵送至景坎黔國公沐琛以聞命怕雅賽  
襲父職免其貢物一年賜冠帶綵幣以示優恤既怕雅  
賽欲報南安之仇覬中國發兵爲助帝以老撾交趾皆  
服屬中國久恤災解難中國體也令琮慎遣人諭之宏  
治十一年宣慰舍人招攬章應襲職遣人來貢因請賜  
冠帶及金牌信符資賞如制其金牌信符候鎮巡官勘  
奏至日給之十一月招攬章遣使入貢吏部言招攬章  
係舍人未授職僭稱宣慰使雲南三司官冒奏違錯宜  
治罪宥之嘉靖九年招攬章言交趾應襲長子尤紹爲  
叔所逐出亡老撾欲調象馬送回守臣言據招攬章之  
言懼納亡之罪且假我爲制服之資畜之啟變遣之招  
兵宜聽光紹自歸并責其私納罪報可二十四年雲南  
巡撫汪文盛言老撾土舍怕雅聞征討安南首先思奮  
且地廣兵多可獨當一面入百軍里與老撾相近孟艮  
在老撾上流皆多兵象可備徵討請免其察勦就令承  
襲以備征調從之四十四年土舍怕雅蘭章遣人進舞  
牌牙象二母象三犀角十雲南守臣以聞禮部以非首  
期且無漢縮公文第來路險遠跋涉踰年宜愛其所貢  
給賞遣之毋令赴京報可時緬勢方張剪除諸部老撾

亦折而入籍符印俱失萬曆二十六年緡敗老謁來歸  
奉職貢請頒印命復鑄老謁軍民宣慰使司印給之四  
十年貢方物言印信燬於火請復給撫鎮官以聞明年  
再領老謁印時宣慰猶貢象及銀器緡席賜予如例自  
是不復至云其俗與木邦同部長不知姓有三等一曰  
招木弄一曰招木牛一曰招木化而爲宣慰者招木弄  
也代存一子絕不嗣其地東至水尾南至交趾西至八  
百北至車里東北六十八程至雲南布政司  
八百世傳部長有妻八百各領一寨因名八百媳婦元  
初征之道路不通而還後遣使招附元統初置八百等

處宣慰司洪武二十一年八百媳婦國遣人入貢遂設  
宣慰司二十四年八百土官刀板冕遣使貢象及方物  
先是西平侯沐英遣雲南左衛百戶楊完者往八百招  
撫至是來貢帝諭兵部尙書茹瑋曰聞八百與百夷構  
兵仇殺無寧曰朕念入百宣慰遠在萬里外能修職奉  
貢深見至誠今與百夷構兵當有以處之可諭營入百  
令練兵固守候王師進討自是及永樂初頻遣使入貢  
賜予如例永樂二年設軍民宣慰使司二以土官刀招  
你爲八百者乃宣慰使其弟刀招散爲八百大甸宣慰  
使遣員外郎左洋往賜印誥冠帶襲衣刀招散遣人貢

馬及方物謝恩命五年一朝貢是歲遣內官楊瑄齎敕諭孟定孟養等高道徑入百大甸爲土官刀招散所阻弗克進三年遣使諭刀招散曰朕特頒金字紅牌敕諭與諸邊爲信以禁賊邊吏生事擾害用福爾眾諸宜慰皆敬恭聽命無所違禮惟爾年幼無知惑於小人孟乃朋孟允公等啟釁生禍使臣至境拒却不納廷臣咸請興師問罪朕念八百之人豈皆爲惡兵戈所至必及無辜有所不忍茲特遣司賓田茂推官林楨齎敕往諭爾能悔過自新即將奸邪之人禽送至京庶境土可保其或昏迷不悛發兵討罪孳戮不貸并敕西平侯沐晟嚴兵以待以馬軍六百步軍一千四百護內官楊安郁斌前往又慮老撾乘車里空虛或發兵掄襲或與八百爲援可遣其部長率兵一萬五千往備三年刀招你等遣使奉金縷表文貢金結絲帽及方物帝命愛之仍加賜于西平侯沐晟奏奉命率師及車里諸宣慰兵至入百境內破其猛利石厓及者答二寨又至整線寨木邦兵破其江下等十餘寨八百恐遣人詣軍門伏罪乃以所陳詞奏聞因遣使敕諭車里木邦等曰曩者八百不恭朝命爾等請舉兵征討嘉爾忠誠已從所請今得西平侯奏言八百已伏罪納款夫有罪能悔宜赦宥之敕至

其悉止兵勿進遂赦展班師四年降敕諭刀招散刀  
招散遣人貢方物謝罪帝以不誠却之五年貢使復來  
謝罪命禮部受之洪熙元年遣內官洪存生齋敕諭刀  
招散宣德七年遣人來貢因奏波勒土酋常糾土雅之  
兵入境殺掠乞發兵討之帝以八百大甸去雲南五千  
餘里波勒土雅皆未嘗歸化勞中國爲遠繼殺非計止  
降敕撫諭而已正統五年八百貢使奏歲年進貢方物  
土民不識禮法不通漢語乞依永樂間例仍令通事齋  
捧金牌信符催督進貢驛路令軍卒護送庶無疏失從  
之十年給八百大甸宣慰司金牌信符各一以前所給

牌符爲暹羅國寇兵焚燬也成化十七年安南黎瀨已  
破老揭頌僞敕於車里期會兵攻八百其兵暴死者數  
千傳言爲雷所震八百因遣兵扼其歸路襲殺萬餘交  
人敗還土官刀攬那以報黔國公沐琮奏攬那能保障  
生民擊敗交賊救護老揭交人嘗以僞敕齎誘八百八  
百毀敕以象躐之請頒賞以旌忠義帝命雲南布政司  
給銀百兩綵幣四表裏以獎之二十年刀攬那遣人入  
貢雲南守臣言交兵雖退宜令八百諸部飭兵爲備宏  
治二年刀攬那孫刀整賴貢方物求襲祖職兵部言入  
百遠離雲南瘴毒之地宜免勘于襲從之仍給冠帶其

地東至車里南至波勒西至大古喇與緬鄰北至孟良  
自姚關東南行五十程始至平川數千里有南格剗山  
下有河南屬八百北屬車里好佛惡殺寺塔以萬計有  
見侵乃舉兵得仇卽已俗名慈悲國嘉靖開爲緬所并  
其酋避居景緣名小八百自是朝貢遂不至緬酋應裏  
以弟應龍屠景邁城倚爲右倚焉萬曆十五年八百大  
甸上書請恢復不報初四譯館通事惟譯外國而緬甸  
八百如之蓋二司於六慰中加重焉

雲南備徵志卷十終

雲南叢書

趙壽題

雲南備徵志卷十一

原任山西武鄉縣知縣臣王崧編纂

故實十一 滇攷

滇攷上

國朝馮銜撰

攷滇事者當自莊蹻始說者謂神農地過日月之表額  
頊生於若水禹導黑水至於三危入於南海成湯時產  
里名見於獻令武王伐紂濮人從征載籍昭然是滇之  
通中國久矣豈必自蹻始哉然而山川名號與世移易  
牽合傳會言人人殊固不敢謂其非亦可據以爲是  
徵信之書當以史傳爲斷吾故曰必自莊蹻始也楚頊

襄王時遣將軍莊躄將兵循江上畧巴蜀黔中以西遂  
泝沅水出且蘭以伐夜郎夜郎既降引兵至滇池池方  
五百里旁平地肥饒數千里躄乃以兵威略定滇地使  
部將小卜引兵收滇西諸蠻歸報楚會秦奪楚黔中道  
塞不通因復還滇始築且蘭城居之以聲教誘服諸彝  
彝人皆悅共推躄爲君長躄變服從其俗以其眾王滇  
及秦滅漢興莊氏因世有其土至漢武帝時滇王常羌  
躄之後也

右楚莊躄定滇

史稱西南彝君長以什數夜郎最大其西靡莫之屬以

什數滇最大此皆魁結耕田有邑聚其外西自桐師以  
東北至楸榆名爲嵩昆明皆編髮隨畜遷徙毋常處毋  
君長地方可數千里秦時常額略通五尺道此諸國頗  
置吏漢興皆棄此國而開蜀故徼巴蜀民或竊出商賈  
取其苻馬焚燬鬻牛以此巴蜀殷富建元六年大行王  
恢擊東越因兵威使番禺令唐蒙風指曉南越南越食  
蒙蜀商營蒙問所從來曰道西北牂牁歸至長安問  
蜀賈人賈人曰獨蜀出蜀醬多持竊出市夜郎夜郎者  
臨牂牁江江廣百餘步足以行船南越以財物役屬夜  
郎西至桐師然亦不能任使也蒙乃上書曰南越王黃

屋左曩地東西萬餘里名爲外臣實一州主也今以長沙豫章往水道多絕難行竊聞夜郎所有精兵可得十餘萬浮船牂牁江出其不意此制越一奇也誠以漢之疆巴蜀之饒通夜郎道爲置吏易甚上許之乃拜蒙爲中郎將將三千人食重萬餘人從巴蜀秣關入遂見夜郎侯多同蒙厚賜喻以威德約爲置吏使其子爲令夜郎旁小邑皆貪漢繒帛以爲道險終不能有乃且聽蒙約還報以爲捷爲郡發巴蜀卒數萬人治道詣牂牁江卒多物故有逃亡者用軍興法誅之巴蜀民大驚恐土聞使司馬相如責蒙等因諭告蜀民以非上意及還亦

言西夷邛笮等近蜀可置郡上乃拜相如爲中郎將建節及副使王然子等乘傳因巴蜀吏幣物以賂西夷邛笮冉駹斯榆之君皆請爲內臣除邊關益斥西至沫若水南至牂牁爲置一都尉十餘縣屬蜀當是時蜀四郡通西南彝道轉成相饑數歲士罷餓離溼死者甚眾西南又數反上患之使公孫宏往視還對盛毀西南彝無所用上不聽及桑朔方以據河逐胡始聽宏言罷西彝獨置南彝夜郎兩縣一都尉稍令健爲自葆就專刀城朔方元狩元年博望侯張騫使大夏來言居大夏時見蜀布邛竹杖使問所從來曰從東南身毒國身毒國有

蜀物此去蜀不遠今使大夏從羌中險稍北則爲匈奴  
所得誠通蜀身毒國道便近有利無害于是天子忻然  
令騫因蜀筵爲發問使求通身毒國謀未就會騫卒從  
吏祖其說爭上書天子令王然于柏始昌呂越人等四  
道並出指求身毒國至滇滇王常羌乃留爲求道使十  
餘輩皆閉嵩昆明莫能達滇王與漢使者言曰漢孰與  
我大及夜郎侯亦然以道不通故各自以爲一州主不  
知漢廣大使者還因盛言滇大國足事親附天子注意  
焉以昆明數阻漢使惡之於長安西南作池象昆明以  
習水戲元鼎六年南越相呂嘉反漢使馳義侯因巴蜀  
罪人發南彝兵下牂牁江會樓船伏波二將軍擊南越  
且蘭君恐遠行旁國擄其老弱乃與眾反殺使者及健  
爲太守會南越已平馳義侯所發巴蜀罪人入校尉俱  
未下牂牁卽引還遣中郎將郭昌衛廣將擊且蘭誅之  
及其旁國邛君苻侯遂平南彝爲牂牁郡夜郎侯懼遂  
入朝上以爲夜郎王其北冉駘白馬皆震恐請臣置吏  
乃以邛都爲越嶲郡苻都爲沈黎郡冉駘爲汶山郡白  
馬爲武都郡上旣置五郡使王然于以破越及諸南彝  
兵威風諭滇王入朝滇王者其眾數萬人其旁東北有  
勞深靡莫皆同姓相扶未肯聽元封二年天子發巴蜀

兵擊滅勞深靡莫以兵臨滇滇始首善以故弗誅舉國  
降請置吏入朝於是以為益州郡賜滇王王印復長其  
民西南君長百數獨夜郎滇受王印最寵焉其後歲遣  
使者十餘輩出求通大夏仍閉昆明為所殺奪幣物六  
年赦京師亡命遣拔胡將軍郭昌將擊之斬首數十萬  
後復遣使竟不得通右史所載夜郎今遵義貴陽之間  
滇今雲南府也靡莫同師未詳所在葉榆今大理嵩今  
建昌昆明今麗江通安州漢初置縣曰定祚屬越嵩郡  
至唐仍稱昆明即所謂閉嵩昆明者今以滇池為昆明  
池非也夫通黔始於唐蒙而成於郭昌衛廣通滇始於

司馬相如張騫而成於王然于孝武雖好大喜功疲罷

中國然使荒服邊裔卒歸聲教其德及生民亦遠矣所

置六郡在焉蜀者居多惟越嶲之弄棟青蛉定祚屬姚

安麗江為滇北境牂牁之釋燕

案漢志南中四郡無釋燕縣

叻町漏

卧屬曲靖臨安為滇東境至益州郡領縣二十有四則

皆滇地也後漢建武因哀牢內附更置哀牢博南二縣

為永昌郡分益州郡不韋雲南檄榆比蘇嵩唐邪龍等

六縣屬之雲南者今大理之雲南縣武帝元封時以彩

雲見南中因以為名蜀漢平孟獲更置郡即其地至元

始置雲南行省于中慶路明因之稱雲南府則古益州

郡地非漢所謂雲南也漢雖置郡縣大率守令與蠻彝  
君長相雜而治故理亂相仍亦微異中土焉

右漢通西南彝置郡縣

司馬相如通道西彝時有張叔盛覽者皆從學張叔樸  
榆人天資穎出疾土俗不知書思變其俗聞相如至若  
水道梁距樸榆二百餘里負笈往從受經歸教鄉里盛  
覽字叔通亦樸榆人案四京雜記盛覽字長通并別名士學賦於相如著  
賦心四卷相如曰合纂組以成文列錦繡而爲質一經  
一緯一宮一商此賦之迹也賦家之心包括宇宙總覽  
人物斯乃得之於內不可得而傳覽乃作合組歌列錦

賦二篇此漢中文學之始也相如之功偉焉元封中司  
馬遷亦奉使南略邛笮昆明其傳授無所考至後漢時  
尹珍詩叔皆入中國受經書而人文漸盛矣

右張叔盛覽

漢宣帝五鳳三年有方士盛言益州金馬碧雞之神可  
禱祀而致乃遣諫大夫王褒持節往求之金馬碧雞二  
山名在滇池左右顏師古云金形似馬碧形似雞元人  
張道宗紀古滇說云周宣王時天竺摩耶提國阿育王  
生三子長曰福邦次曰宏德次曰至德三子俱健勇因  
父有神駿爭欲得之王莫能決乃命左右曰將我神駿

縱馳而去有能追獲者主之縱驥東奔季子先至滇之  
東山得之因以金馬名其山長子次至西山有碧鳳集  
山上滇人呼鳳爲雞因名山爲碧雞次子後至北野各  
留屯不回阿育王憂思遺舅氏神明以兵迎之爲哀牢  
彝所阻遂歸滇各主其山死而爲神王喪旣受命是時  
蠻叛道不通乃就蜀巴郡醮祭移文頌之其詞曰持節  
使王褒謹拜南崖敬移金精神馬縹碧之雞處南之荒  
深谿回谷非土之鄉歸徠歸徠漢德無疆廣乎唐虞澤  
配三皇黃龍見兮白虎仁歸徠歸徠可以爲倫歸兮翔  
兮何事南荒也褒還未至道病卒上惜之

石金馬碧雞之神

昫町漢牂牁郡地有侯詳所始昭帝始元元年益州牂  
牁夷反大將軍霍光白帝遣水衡校尉呂破胡發蜀郡  
犍爲奔命萬餘人擊破之四年復反復遣破胡破胡頓  
兵不敢進犍遂殺益州太守乘勝與破胡戰賊敗死者  
四千餘人五年遣軍正王平與大鴻臚田廣明並進廣  
明風昫町侯毋波共引兵入滇斬捕五萬餘級上聞喜  
曰毋波率其邑長人民擊反者有功其立毋波爲昫町  
王大鴻臚廣明賜爵關內侯食三萬戶至成帝河平二  
年夜郎王興與昫町王禹漏卧侯俞舉兵相攻夜郎王

竹王之後相傳其先破竹而生于諸彝最爲桀鶯牂牁太守請發兵議者以爲道遠不可擊乃遣大中大夫張匡持節和解與等不從命刻木象漢吏射之杜欽說大將軍王鳳宜因其罪惡未成疑漢未加誅陰勅旁守尉練士馬大司農豫調穀積要害處選任職太守往以秋涼時入誅其王侯尤不軌者如已成形然後戢師則萬姓被害風從欽說薦陳立爲牂牁太守立前爲連然長不韋令蠻畏之及至牂牁諭告夜郎王興與猶不從乃從吏數十人出行縣至興國且同亭召興與將數千人往至亭從諸邑君入見立數責興斷其頭出曉士眾皆釋兵降于是响叮王禹滿卧侯俞皆震恐入粟千斛牛羊勞吏士立還郡興妻父翁指與子邪務收餘眾迫脅旁二十三邑復反扼險爲壘立使奇兵絕其饑道縱反間以誘其眾都尉萬年獨進敗走立營立叱戲下令格之都尉復還戰立引兵救之時天大旱立攻絕其水道蠻夷共斬翁指首出降威震南裔徵諸京師賜爵左庶長賜金四十勛至新莽時响叮王邯爲牂牁大尹欽所殺邯弟承復攻殺欽其後不復見于史傳

王莽竊柄每事皆託周公思周公居攝有越裳氏獻白

雉事而越裳在滇之南乃風益州太守令塞外蠻自稱  
越裳氏重譯獻白雉一黑雉二于是太師孔光盛陳莽  
功德北周公宜賜號安漢公明年黃支國獻犀牛越雋  
郡亦上奏黃龍游江中羣臣咸稱莽功德益爵戶卒以  
是移漢祚建國四年更制曰漢氏諸侯或稱王四莽亦  
如之違古典繆于一統其定諸侯王之號皆稱公及四  
莽僭王號者皆更爲侯於是諸蠻怨恨牂牁大尹欽詐  
殺叟町王邯邯弟承又攻殺欽天鳳中滇王及夜郎皆  
叛前後遣將軍馮茂廉丹發兵擊之皆不克越雋蠻任  
貴有舅略太守枚根用爲軍候及新市平林兵起各部  
誅太守應之于是貴攻殺根自立爲邛穀王以城降于  
公孫述同時有文齊者廣漢人爲益州太守以文德化  
導邊陲塞起陂池舉田三千餘頃降集蠻彝甚得其和  
公孫述欲招徐齊獨距險不與通述拘其妻子許以封  
侯齊終不屈及光武卽位牂牁大姓龍傳尹董氏與郡  
功曹謝暹保境土爲漢自番禺江山出奉貢于朝文齊遣  
使亦同之世祖嘉之號爲義郎蜀平徵文齊爲鎮遠將  
軍封成義侯道病卒而任貴于是亦遣使上三年計天  
子仍以貴爲越雋太守授印綬自王莽之亂西南各酋  
長反叛爲常建武初滇王屬侯果帥棟釐與姑復棟榆

弄棟連然建伶昆明諸種皆叛殺長吏太守繁勝與戰而敗退保朱提世祖克復未久不遑遠征建武十九年遣武威將軍劉尚等發廣漢犍爲蜀郡兵及朱提犂合一萬三千人擊之渡瀘水路由越嶲太守任貴疑尚既定亂威法必行己不得自放縱多釀毒酒欲先以勞軍因襲擊尚尚覺分兵掩貴誅之然後引大兵入滇率蠻聞大兵至皆棄壘奔走二十年尚等連與棟蠡等大戰數月滇王退兵昆明尚追至不韋斬棟蠡首擄生口馬牛羊甚眾率蠻悉平

右新漢之間

竟文繁歸自立高祖漢王及高祖王

哀牢國九隆氏之後也南詔野史載自古記云三皇之後西天摩竭國阿育王第三子曠直低娶欠蒙虧爲妻生低蒙直直生九子名九隆氏長子阿訶羅十六國之祖父子蒙直兼吐蕃之祖三子蒙直諾漢人之祖四子蒙直酌東蠻之祖五子蒙直篤生十二子五賢七聖蒙氏之祖六子蒙直託居師子國七子蒙直林交趾之祖八子蒙直頌白崖張樂進求之祖九子蒙直闕白彝之祖此九隆氏之名號族屬也通紀及古滇說不載阿育王事惟曰其先有蒙迦獨妻摩黎羌名沙壹居哀牢山捕魚爲生後死哀牢山水中不獲其屍沙壹往哭有一

木浮觸而來旁邊沈婦坐木上平穩不動遂常沈紫  
其土若有感因懷妊生九子復產一子一日行往池邊  
見沈木化爲龍忽語曰若爲我生子今何在九子見龍  
皆驚走獨小子不去背龍而坐龍舐之喚其名曰習農  
樂母見之乃蠻語謂背爲九謂坐爲隆因名曰九隆習  
農樂後有神異諸兄見其爲父所舐而與名父有神異  
遂推以爲王主哀牢山下又有奴波息者夫妻生十女  
子習農樂祝弟皆娶之漸相滋長種人皆刻畫其身象  
龍文衣者尾此沙壹之事楊升庵因白古通作滇載記  
諸葛元聲漢史謝存杖漢略皆載之似非無據獨至謂  
習農樂後受張樂進求讓位又取細奴邏事合爲一人  
按張樂進求唐時大首領九隆爲哀牢彝之祖哀牢漢  
建武中內附則九隆事當在周秦之間何至唐時尙存  
與張樂進求相讓然則古滇說一書誕妄不足爲信也  
又稱九隆兄弟十人而諸書皆稱九人是非莫可辯野  
史引哀牢傳且謂兄弟立爲十姓曰董洪段施何王張  
楊李趙諸葛亮常爲其國譜似又當以十人爲定矣滇  
說又稱阿育王三子并舅神明將歸爲哀牢彝所阻因  
居滇與莊蹻兵及諸彝雜處其後有仁果時居白崖號  
白子國漢使張騫入賜玉印策爲滇王蓋與莊蹻後爲

兩漢王矣或曰壽後好佛法不振其國人雅仁果時爲君或曰漢天子惡常美有漢孰與我大之語使騫求仁果時立之其說互異太史公傳西南彝至詳不聞有白國張騫本傳亦不載至漢則是仁果時爲漢王亦誕妄也野史滇載記皆載仁果時事且指爲九隆入族四世孫夫白國哀牢國既同出九隆是族兄弟也古漢說阿育王子欲歸爲哀牢所阻是又仇敵也諸書自相矛盾往往如此總之南詔僭竊已久臣下務爲神異之說美其祖宗沙壹事彷彿吞卵履大人迹阿育王事彷彿五帝皆祖軒轅夫三代以上儒者闕疑沈此蠻荒遠事鄙俚不經必欲從而定其是非何翅說夢哉予因後漢哀牢筭內附事考郡志哀牢世傳可稱焉傳曰九龍之後曰禁高禁高死子吸嗣吸死子建非嗣建非死子安樂嗣安樂死子桑菟嗣桑菟死子柳承嗣自柳承以前俱分立小王散居谿谷未嘗通中國柳承死扈賢樂嗣建武二十三年遣兵乘箬南下江漢擊附塞夷鹿芩鹿多人弱爲所擒獲于是疾雷風雨水爲逆流翻通二百餘里箬船沉沒哀牢之眾溺死者數千人賢乘憤甚復益兵遣其兄弟六王將萬人以攻鹿芩鹿芩王悉力與戰殺其六王哀牢者老共埋六王虎復出食之賢栗惶

恐謂者老曰我曹入邊塞自古有之今攻鹿豸輒被天誅中國其有聖帝乎遂率種人戶二千七百七十口萬七千六百五十九于建武二十七年詣越嶲太守鄭鴻求內屬帝乃封賢栗等爲君長自是哀牢始通中國歲朝貢賢栗死子柳貌嗣永平十二年盡率其眾六十萬口內屬以其地置哀牢博南二縣割益州郡西部六縣爲永昌郡治不韋去洛陽七千里通道博南行者苦之歌曰漢德廣開不賓度博南越蘭津渡闡滄爲他人漢旣置永昌郡難其守時廣漢鄭純方爲西部都尉化行蠻狃君長感戴皆獻土珍頌美德天子嘉之以爲永昌太守純益勵清操毫毛不犯與諸夷人約歲輸布貫頭衣二領鹽一斛以爲常夷俗安之自爲都尉及太守凡十年常瓊南中志稱其夷漢歌咏表薦無數上自三司下及卿士無不敷賞鄭純卒後有王尋爲守章帝建初元年哀牢王類牢柳貌子也與守令忿爭遂反攻博南燔廬舍滇西震恐王尋奔株榆詔發越嶲益州永昌三郡兵募士募討之二年昆明蠻酋承等應募合諸郡兵擊類牢于博南大破斬之傳首洛陽封酋承爲破虜旁邑侯賜帛萬疋哀牢之後從此式微至蜀漢時仁果時之十七世孫龍祐那者復爲酋長賜姓張又十七世張

樂進求遜位蒙詔蒙詔者亦九隆五族之三十六世孫也

右哀牢國內附

東漢自哀牢彝內附後遠人向慕永平十七年白狼稱臣奉貢作詩誦漢功德益州刺史朱輔譯奏之永元六年永昌徼外彝敕忽乙王莫延遣使譯獻犀牛大象九年徼外蠻及揮國王雍由調重譯奉珍貢十二年旄牛徼外白狼樓薄蠻彝王唐綰等率種人歸義永初元年永昌徼外僬僿種彝陸類等三千餘口內屬獻象牙水牛封牛元初二年青衣道彝邑長令田與徼外三種三十一萬口資黃金旄牛氍內屬乃增令田僑爲奉通邑君明年越嶲徼外大羊等八種亦慕義內屬德化之盛西漢不能及也然而太平旣久使傳往來賦斂繁敷長吏剋剝蠻眾不堪元初四年十二月越嶲卷彝大牛種封離遂率其眾寇遂久殺縣令永昌益州及蜀郡夷皆叛應之眾至十餘萬五年遣中郎將尹就發蜀漢兵討之就不戢士卒所過虐害益州人爲諺曰寇來尙可尹來殺我與蠻戰敗績封離乘勝破二十餘縣殺長吏燔燒邑郭剽掠百姓骸骨委積千里無人帝徵就還令以兵付益州刺史張喬選將吏堪能從事者討之喬知楊

竦賸略乃遣竦將至楛榆賊窟甚盛竦兵少先以詔書  
告示三郡購求武士於是三郡皆歸乃進軍與封離等  
戰大破之斬首三萬級獲生口千五百人資財四千餘  
萬悉以賞軍士有功者封離等惶恐斬其同謀渠帥請  
竦乞降竦厚加慰納旬日之間三十六部悉來降附竦  
因奏長吏姦猾侵擾者九十餘人黃綬六寸人皆減死  
論諸郡皆平功未及上病創卒張喬深痛惜之乃刻石  
勒銘圖畫其像祀之竦成都人也以一從事舉殘退之  
卒躡敵制勝卒成大勛若張喬者可謂選得其人竦可  
謂不負所舉矣其後靈帝嘉平五年蠻叛執益州太守

雍諲詔以李容爲太守與刺史龐芝發板楯蠻擊破平  
之容卒復叛廣漢景毅爲太守討定諸蠻毅初到米斛  
萬錢迨其後漸減至數千云云

右楊竦討封離

金漢書卷之九十一

治亂之際豈不以人哉東漢盛時西南號多良吏李容  
景毅之前同郡純稱賢太守者安漢張翕蜀郡王阜廣  
漢馮潏先後守諸新郡翕政化清平在越犍十七年卒  
之日夷人哀慕如喪父母齋牛羊送喪至其家爲起墳  
致祭阜至益州郡始興學校以誠信格彝治多異徵有  
神馬四匹出滇池中甘露降白鳥見潏承變亂之後加

意撫循蠻人和悅有臣若此邊境安得不治哉自封離  
變後天子念張翥能得蠻心以其子湍爲太守蠻人歡  
喜迎于道路曰郡君儀貌類我府君迨湍頗失眾望猶  
互相賤語曰當爲先府君故夫上之德化入人雖其子  
不肖猶足相感動不致爲亂矧其身存乎遠近慕義舉  
地內屬者史不勝書固其宜也其後捨克成風疾苦莫  
告劉安世爲永昌太守鑄金蛇欲獻梁冀一部如此他  
郡可知矣以致變彝擾動兵革相仍王尋逃亡雍陟見  
執夫非所遭之不偶亦其自取之耳善矣夫楊竦之定  
南中也舉劾貪吏九十餘人若竦者豈獨戡亂之材誠  
深明于制治之術矣國家得若鄭純張翥王阜輩分守  
諸郡以球爲益州刺史督察其上西南雖百年無亂不  
難也

右郡太守

南中循吏前已詳著之當靈帝時黨錮之禍徧天下巴  
人曹鸞以永昌太守上書直諫卒隕其身亦可哀也其  
書曰夫黨人者或者年淵德或衣冠英賢此宜服膺王  
室左右大猷者也而久被禁錮辱在塗泥謀反大逆尙  
蒙赦宥黨人何罪獨不開恕乎所以災異屢見水旱洊  
臻皆由于斯宜加沛然以副天心帝怒殺之

右曹鸞謙黨錮書

和帝永元九年揮國王雍由調重譯奉貢賜金印紫綬  
安帝永寧元年復遣使詣闕獻樂及幻人能變化吐火  
自支解易牛馬頭又善跳丸數乃至千明年元會安帝  
作樂于庭封雍由調爲漢大都尉賜印綬金銀綵繪各  
有差幻人自言我海西人海西卽大秦也國名犁鞞在  
揮國西南地方數千里王無常人簡立賢者國中災異  
及風雨不時輒廢而更立放黜不怨其人民大類中國  
故謂大秦土多珍寶其王常欲通漢而安息國欲以漢  
繪綵與市故遮闕不得達海胸至桓帝延熹九年王安  
敦遣使從日南徼外進獻象牙犀角瑇瑁漢史又載西  
域犁鞞國獻見幻人能變化自支解吞刀吐火植瓜種  
樹諸異術至于般抵奇戲皆出海西卽雍由調所獻是  
也又西天有東印度國號榜葛蘭有優人侑酒曰椶肖  
連魯奈奈能作百戲以索繫虎行市中入人家解索坐  
虎于庭裸而搏虎虎怒交撲仆虎數四方已或手投入  
虎喉虎亦不傷戲畢仍繫之家人爭以肉啖虎勞錢事  
俱不經備載之以見天地之間無所不有非必以爲渙  
有也

右獻幻人

劉先主之定成都也。以鄧方爲朱提太守。庾降都督方  
輕財果毅。彝漢服其威信。又聞益州太守董和清約得  
眾。徵爲中郎將。初和在郡時。貢俞元人李恢于蜀。未至  
值先主自葭萌遷。託名郡使。北詣綿竹。先主嘉之。遣至  
漢中。交好馬超。超遂以恢爲功曹書佐主簿。後遷別駕  
從事。章武元年。鄧方卒。先主與恢議代方者。恢自舉。遂  
以恢爲庾降都督。領交州刺史。駐平勢。威名大振。會先  
主崩于白帝城。南方騷動。益州耆帥雍闓。胤信。頗著。部  
下蠻孟獲有勇畧。闓恃之。欲反。時蜀郡從事常頎方行  
部南入知闓跋扈。以都護李嚴書曉諭之。前後六紙。闓

皆不省。但答一紙曰。蓋聞天無二日。土無二王。今天下  
鼎立。正朔有三。是以遠人惶惑。不知所歸也。其桀慢如  
此。頎行部至。拜頎聞郡丞朱褒有異志。收郡主簿考訊。  
殺之。褒怒。因攻殺頎。誣以謀反。諸葛丞相以國有大喪。  
佯不問。雍闓聞之。亦殺太守鄭昂。以通孫權。而託云昂  
病卒。漢復命張裔爲益州太守。闓見裔來。私與孟獲謀。  
假鬼教曰。張府君如瓠壺外。雖澤而內實。斃殺之不若  
縹與。吳于是執裔送吳。闓既謀反。欲扇誘諸蠻。諸蠻不  
服。闓使獲說。說彝吏曰。官欲得烏狗三百。膺盡黑。蠟腦  
三斗。斫木構三丈者三千枚。汝能得否。彝信爲然。遂從

叛閩復結越嶺王高定牂牁丞朱褒皆同時反吳遣  
署閩爲永昌太守永昌在花郡西道路隔絕而郡太守  
方改易功曹呂凱與郡丞王伉率屬士民閉境拒守閩  
不能進移檄招之凱答檄明切勸其改圖閩終不聽使  
孟獲屢攻永昌賴凱與伉恩威素著爲郡信服故獲不  
得入然獲已占據地方數千里眾數萬時諸葛丞相受  
先主輔孤之託開府治事以南方乃巴蜀輔車不靖無  
以致力中原欲自征恐吳襲其後因先遣鄧芝使吳通  
好并請前太守張裔奇歸仍以爲參軍署府事建興三  
年春三月丞相武鄉侯率眾南征後主親餞于郊詔賜

金鈇鉞一具曲蓋一前後羽葆鼓吹各一部虎賁六十  
人丞相臨發謂參軍馬謖曰雖同謀之歷年今可更悉  
良規謖曰南中恃其險遠不服久矣今日破之明日復  
反耳今公方圖傾國北伐以事強賊彼窺吾勢內虛其  
叛亦速若殄盡遺類以除後患旣非仁者且又不可倉  
卒也夫用兵之道攻心爲上攻城爲下心戰爲上兵戰  
爲下願公服其心而已丞相深然之議分兵三路入遣  
馬忠爲牂牁太守攻朱褒李恢向益州而躬率步騎由  
水路入越嶺李恢得檄乃接道向益州益州諸縣皆獲  
黨料合圍恢于昆明時恢眾少以計紿南人圍稍怠督

兵出擊大破之追至盤江令人報馬忠與丞相大軍聲  
勢相連矣胖嗣會帥火濟亦率其羅鬼諸部爲漢兵刊  
山通道聚糧以供軍丞相悅命爲水西帥贊助以平諸  
蠻越嵩高定聞大兵將至保險自守丞相用間使其部  
曲殺雍闓于建寧孟獲收餘眾代闓爲主以拒漢五月  
丞相渡瀘水進益州師次白崖聞孟獲爲蠻漢所服募  
生我之遂擒獲使縱觀營陣之間問曰此軍何如獲對  
曰向不知虛實故敗今蒙賜觀營陣若止如此卽易勝  
耳丞相笑而縱之使更戰獲引所部至銀坑坑名獠狗  
洞在鄧川東下有龍潭石壁數千仞非人力可到丞相

進師攻破再擒之復縱使去其洞蠻感不殺之恩于潭  
壁上爲龍形及日月星辰人馬揮霍之象以記德獲縱  
後退保佛光寨據險堅壁漢兵不得入乃潛師由漾濞  
川而北遇海泉得藥苗解之進至寨後獲驚以爲神遂  
又擒獲丞相因駐師點蒼山之麓登覽形勝縱獲北徙  
浪渠浪渠卽今瀾滄衛有山虎形常出爲祟丞相祭禱  
令眾斷其山爲三已而進兵遇獲一鼓擒之未至遣人  
傳語曰吾無面目見爾仍縱令去于渠內祭斬虎之鋒  
曰祭鋒臺又就東山澗上石壁爲摩崖碑以示後人獲  
因南走慶甸甸本名百濮獲之宗鄒在焉丞相追之道

險遠無餉幾困幸擘州奔蠻從賤北運蕎莖至慶甸人謀曰諸葛丞相仁德遠被屢擒獲不殺獲尙欲叛亂逆天不祥于是開壁納我軍獲又就擒丞相曰此親戚畔之也復縱去獲欲入哀牢糾合諸蠻而慶甸既下永昌道通大軍俱渡江與呂凱等會樹旗臺按入門休兵養士命人教打牛以代刀耕奔眾感悅孟獲計窮復入驃國驅象獸以戰漢兵預備獅獸狀象之用火攻象皆反奔丞相駐兵怒江之游六擒孟獲獲至是縱無所投攔重路入緬奔木鹿等國借安都魯兵皆藤帽藤甲不畏刀劍漢兵與戰少却見眾奔渡水以甲舟爲筏丞相曰

吾得破敵之術矣利于水者必不利于火乃誘入山谷中舉火燒之蠻無唯類焉擒獲至猶遣去獲止叩首曰丞相天威也南人不復反矣乃于普坎立南征碑紀績班師抵永昌斷九隆山脈以洩王氣回駐白崖立鐵柱鎮諸蠻與誓曰碑若仆蠻爲漢奴又遣別將略興古朱提等地南中悉平于是改益州爲建寧郡分建寧永昌置雲南郡又分建寧牂牁置興古郡并越雋朱提共爲七部皆卽其渠帥而用之或以爲言丞相曰吾籌此熟矣留外人則當留兵兵留無所食一不易也蠻新破傷父兄死喪若留外人而無兵必成禍患二不易也又蠻

有廢殺之罪自嫌豈重留外人終不能信三不易也今  
吾欲不留兵不運糧而紀綱粗定漢彝相安故爾遂收  
孟獲與建寧蠻習朱提孟獲等俱爲官屬求仁果時十  
七世孫龍祐那以爲建寧酋長賜姓張念昌凱王伉之  
功表聞于朝以凱爲雲南太守伉爲永昌太守馬忠李  
恢分領牂牁建寧與他別將王平張翼句扶等皆以功  
封亭侯而李恢功爲最壽亭侯少子闕索以驍勇前驅  
功亦著南中人至今祀之史失其名焉丞相在南中勸  
彝築城堡務農桑諸彝感慕德化皆自山林徙居平壤  
山金銀丹漆耕牛戰馬以給軍國之用終其世彝悉改

襟負實不復反

右諸葛武鄉侯南征

建興十一年張翼爲庾降都督持法嚴不得殊俗之歡  
心書帥劉胄背叛翼舉兵討之未能克時在南中以威  
惠著聲惟李恢馬忠而恢已卒丞相乃以忠爲都督代  
翼且徵翼還部下咸謂翼宜便馳騎卽罪翼曰不然吾  
以蠻彝蠢動不稱職故還然代人未至吾方臨戰場當  
運糧積穀爲滅賊資豈可以黜退故應公家之務乎代  
至乃發馬忠竟因其資督將軍張寔等進勦斬劉胄忠  
以功加監軍奮威將軍封博陽亭侯領都督如故疑翼

俱陞賞有差其後牂牁興古獠種復反忠令巽往討招  
降二千餘人傳詣漢中延福三年以巽爲越嶲太守先  
是越嶲自高定叛後叟彝數反殺太守龔祿焦璜是後  
太守不敢之任離郡八百餘里住安定縣久失土地擁  
虛名而已時論欲復舊郡以巽有智略果勇乃特用之  
巽領所部之郡以恩信誘諸蠻北徼捉馬驍勁不承節  
度巽與馬忠謀親自往討生縛其帥魏狼縱往招徠蠻  
盡降服巽又誅斯都帥李求承以正篡殺之罪戮定在  
帥豪狼岑以奪鹽鐵之利殺蘇祁邑君冬逢而有其妻  
使勸諭旄牛以通成都之舊道凡在郡十九年加撫戎  
將軍關內侯自巽守越嶲而永昌雲南建寧諸郡使臣  
絡繹如履坦道與馬忠俱以功名終祠祀其地景熙中  
副都督霍弋亦以偏師討永昌叛彝斬其豪帥先後領  
永昌建寧太守加安南將軍如忠巽云

右馬忠張巽討劉胄

漢武帝平滇初置益州郡郡也非州也益州刺史治成  
都兼理滇蜀至蜀漢始改益州郡爲建寧以別于益州  
之名至晉武帝泰始七年又以益州地廣分建寧興古  
雲南永昌四郡爲寧州以鮮于嬰爲刺史太康五年又  
罷寧州入益州立南彝校尉以護之以天水李毅爲校

尉持節統兵鎮南中監五十八部彝族大安元年建寧  
朱提太守杜俊雍約撫御乖方大姓毛詵李叙李猛等  
叛校尉李毅討平之二年以永昌從事孫辯請復立寧  
州卽以李毅領刺史分建寧以西七縣別立益州郡是  
歲毛詵復叛奉建寧太守馬恢爲刺史李毅收恢殺之  
光熙元年寧州諸蠻攻圍州城毅卧病不能督戰上疏  
請救會晉室多故終不能達毅卒眾無主推毅女秀領  
州事秀明達有父風獎勵戰士嬰城固守糧盡爰鼠拔  
草食之伺蠻稍愈輒出掩擊孤城獲全及毅子釗自洛  
來州眾更奉釗爲主遣治中毛孟詣京師求刺史久不

見省孟泣曰君亡親喪幽閉窮城萬里訴哀不垂憫救  
旣慚包胥無哭秦之感又愧梁妻無崩城之念存不若  
亡乞賜臣死朝廷憫之乃以魏興王遜爲寧州刺史遜  
至表李釗爲朱提太守住南康時寧州內逼于李雄外  
有蠻寇城邑邱墟邇惡衣菜食招集離散勞來不倦數  
年之間州境復安誅豪右不奉法者以五苓蠻爲首圍  
討之會已款服未有致罪因蠻發夜卽莊王纂遂討滅  
之又討惡僚剛彝俘賊千計威鎮南方以地勢形便請  
分永昌爲梁水郡改益州爲晉寧郡帝從之賜爵襄中  
郡公已而李雄并有越嶲遣李曠渡瀘水寇寧州二年

奔王冲歸朱提雷煥建寧蠻量皆降于雄惟寧州不附  
雄怒遣驥率兵破越雋攻臺登縣王遜使督護姚岳拒  
驥于螳螂川遜指授岳令誘敵深入欲生致驥岳違遜  
指一戰而勝追至瀘水賊赴水死者千餘人不獲驥而  
返遜怒鞭岳岳裂冠而卒時人冤之爲立廟太興四年  
建寧太守孟才以驕暴無恩郡民王清危朗遂出之是  
年分營半爲平彝郡夜郎以南爲夜郎郡大寧元年李  
雄復遣李驥攻寧州王遜遣將軍姚崇同興古太守饜  
深等大破之是年遜卒人以遜有遺愛擁立遜子王堅  
詔除堅爲寧州刺史三年陶侃表零陵太守尹奉爲寧  
州刺史徵堅還咸和二年寧州秀才龐遺起義兵攻李  
雄黨任回李謙等雄遣羅桓救之刺史尹奉遣裨將楊  
術拔遣戰于臺登衝兵敗死之八年李雄復遣李壽率  
眾攻破朱提又遣任回征木落分寧州援以爲必取之  
計尹奉力不能支舉城降李雄遂盡有南中之地惟牂  
牁謝勗勵眾保境不爲雄用官至撫彝中郎將加寧州  
刺史與平彝傅寶並稱南中人傑其後桓温破蜀寧復  
爲晉秦苻堅寇梁益寧更爲秦六朝疊更莫有定主雖  
除授都督猶列寧益之號皆止空名而已

自南北分爭寧州道絕爨習爨深之後以方土大姓自  
爲君長宋元嘉中爨松子反叛刺史徐循討平之其後  
爨龍顏仕宋爲龍驤將軍封邛都侯爨雲仕魏爲驃騎  
大將軍封同樂郡侯至梁時爨瓚因侯景之變刺史徐  
文盛入討瓚遂據有牂牁與古等郡朝廷不得已授瓚  
寧州刺史瓚死子震嗣隋開皇中梁睿討蜀王謙平之  
爨獠莫不歸附獨爨震不服睿乃上疏請開南寧州上  
未之許惟置益州總管以經領之十七年南寧蠻爨  
來降以爲昆州刺史明年復叛乃遣太平公左領軍史  
萬歲爲行軍總管帥眾南征從越嶲進兵經馬湖番山  
自蜻蛉川過弄棟次小勃弄大勃弄至于南中賊前後  
據要害萬歲皆破之行千餘里見諸葛武侯紀功碑銘  
其背曰萬歲之後勝我者過此遂命仆其碑下復有字  
隋開皇十九年史萬歲過此復立石碑萬歲惶然再拜  
重扶其碑立之進渡西瀾河入渠濫川破其三十餘部  
擄男女一萬口諸夷大懼爨威遣人請降獻明珠徑寸  
於是勒石頌美隋德奏捷請以爨瓚入朝文帝許之將  
發瓚疑不欲行復以金寶賂萬歲萬歲捨瓚而還蜀王  
秀知其事遣使往索萬歲聞之悉以所得沈于江索無  
所得論功晉位柱國督晉府軍事既而爨瓚復反蜀王

奏萬歲受賂縱賊數生邊患無大臣節上怒令窮治其事事實驗罪當死上數之萬歲不服上以萬歲欺隱顧左右明日將斬萬歲懼而服罪頓首請命左右僕射高穎石衛大將軍元文等爲請上意稍解罪止除名而罷懼見討更入朝卒爲文帝所戮子宏達等俱沒入爲奴夫以史萬歲之雄武連破諸彝自以爲功過諸葛矣然而幾羅刀俎爲天下恥笑何哉貪賄無厭與淡泊明志者異也同時有梁毗者爲西寧州刺史蠻酋以金來餽毗受置座側對之慟哭曰此物飢不可食寒不可衣汝等以此相滅不可勝數今將此來欲殺我耶悉以還之于是諸彝感悟遂不相攻擊上聞善之徵爲散騎常侍由此觀之人之賢不肖懸殊豈在他與貪與不貪二者而已

右史萬歲平蠻說

演旣久不通中國諸蠻各自爲酋長如建寧以東則有東爨烏蠻西爨白蠻又其東有東謝蠻南謝蠻東謝之南有西越蠻皆在群阿與古之間其西爲昆彌卽漢之昆明以西瀾河爲境在蜻蛉弄棟之外名號不一有徒莫抵蠻儉望蠻白水西洱蠻洱河之西有永昌蠻其在越嶲者有松外諸蠻其酋帥楊氏張氏蒙氏各居一方

不相統轄唐高祖武德元年釋爨族之子爨宏達歸爲  
昆州刺史益州刺史段綰因遣使會大施至南寧治共  
範川招諭其部落而兩爨始納貢矣二年牂牁謝龍羽  
來朝其後復遣使來朝以其地爲牂州拜龍羽爲刺史  
而謝趙諸蠻漸向風矣四年牂州治中吉宏緯又諭昆  
彌使內附因遣使朝貢歲與牂牁使俱來而西瀾河一  
帶始復通中國矣然諸彝雖附朝廷遣使撫之類貪縱  
不法失遠人心高祖聞蜀郡司法韋仁壽寬厚有識度  
乃以爲檢校南寧州都督寄治越雋仁壽既受命將兵  
五百人至西瀾河周歷數千里宣播帝治衆彝望風歸

附仁壽承創立七州十五縣各以其豪帥爲牧宰威令  
簡嚴人人安悅仁壽將還諸酋長泣留之仁壽以池壁  
未立爲解諸酋即相率僞築城立廩舍仁壽乃告以實  
曰吾奉詔第撫循庸敢擅留此諸酋悲啼祖行各遣子  
弟隨貢方物上大悅仁壽請徙治南寧州假兵遂撫定  
詔可勅益州刺史竇軌給兵護送軌疾其功詠言山嶽  
方叛未可以遠畧歲餘仁壽卒功用不成維時建寧會  
長張樂進求遣使隨仁壽入朝因以進求爲首領大將  
軍貞觀初又以爨歸王爲南寧大姓夷眾所服遂用之  
使代仁壽爲南寧州都督居石城閣三年東謝蠻謝元

深南謝蠻謝強皆來朝西趙蠻趙摩率亦爲黔州豪帥  
田康所誣率所部萬餘戶內附因以東謝地爲應州南  
謝地爲莊州西趙地爲明州皆卽授其酋帥爲刺史繪  
王會圖以示後人至貞觀二十年嶺州大都督劉伯英  
上言松外諸蠻暫服亟叛請擊之上從其言明年使右  
武侯將軍梁建方發蜀十二州兵進討松外諸蠻其酋  
帥雙舍拒戰敗走殺獲十餘萬羣蠻震駭走保山谷建  
方遣使詣西洱河諭其帥楊威等歸附者七十餘城戶  
十萬九千署其首領蒙和等爲縣令復遣奇兵自鶴州  
道千五百里掩西洱河蠻帥楊盛大駭欲遁去使者好  
語約降乃遣首領十人納款軍門建方振旅而還于是  
西洱河大首領楊同外東洱河大首領楊斂松外首領  
蒙羽等俱請入朝授官職二十三年復遣將擊西爨蠻  
開靖蛉弄棟爲縣其西徒莫抵蠻儉望蠻皆來內屬以  
其地置榜望覽求邱五州隸邛州都督此唐初高祖太  
宗次第經理諸蠻之大略也旣而太宗崩高宗嗣位靖  
蛉弄棟之西白水蠻與大小弄棟蠻酋頗相誘爲亂都  
督任懷玉招之不從乃以左領軍將軍趙孝祖爲邛州  
道行軍總管同懷玉討之至羅仵山其酋禿磨蒲與大  
鬼主都干以眾塞箐口拒戰不勝棄城走追至州大酋

儉彌于鬼主董模瀕水爲柵孝祖擊斬彌于禿磨蒲等  
會大雪蠻凍斃死亡略盡孝祖因屢捷之師請隨便西  
討大小勃弄諸蠻詔許之明年孝祖兵西入小勃弄酋  
長歿盛屯白旗城率萬騎迎戰孝祖擊斬其首進至大  
勃弄酋帥楊承顛嬰城固守庠軍進攻破擒之餘屯皆  
降始改雲南縣爲匡州領勃弄匡川二縣是年罷鄧州  
都督更隸戎州永徽四年張樂進求讓位于蒙詔細奴  
邏五年西洱蠻蒙儉和舍誘其黨諾沒弄楊虔柳等七  
部皆反以李義爲姚州道總管率兵討之斬諾沒弄楊  
虔柳等蒙和等遁復集餘眾令健將夸干率之轉戰義  
等復誅夸干乘勝逐北斬首七千餘級獲馬五千匹和  
舍力屈面縛請降蒙儉亦聽招撫六年蒙詔細奴邏遣  
子邏盛炎入朝因以奴邏爲姚州刺史賜錦袍至顯慶  
元年邏盛炎復入朝謝錫命西洱河楊棟等聞蒙詔見  
龍于唐因與顯和蠻酋長王羅祁郎昆黎盤四州酋長  
王伽衝俱率所部內附麟德二年置姚州郡督府于昆  
明之弄棟川從武陵王簿石子仁之請也總章二年置  
蘇州望州又析昆明之地爲殷州總州致州以安輯諸  
蠻其後又置盤麻等四十一州皆以首領爲刺史方是  
時也朝政雖替國威猶存西南諸蠻叛者見誅服者愛

賞猶庶幾武德貞觀之盛焉自此以後女主專政教令不行咸亨三年永昌蠻叛殺姚州長史李孝讓辛文協行軍總管姚積壽討平之南寧州蠻歸王亦襲殺東蠻首領蓋聘及其子蓋政儀咸亨二年吐蕃始通瀾蠻調露二年永昌蠻復叛命李義征之敗績郎將劉惠戰死于是廢姚州垂拱四年復置姚州未幾參軍李湊復爲蠻所殺神功二年蜀州刺史張柬之請罷姚州於瀘北置開百姓非使入蕃不許交通往來不報景龍元年吐蕃及姚州蠻寇邊以鐵紐跨漾濞二水爲橋以通西瀾蠻築城戍之擊討使唐九徵受命往討自橋入永昌累戰皆捷盡刊其城壘毀緼焚橋命管記閻邱均勒石于劍川俘其魁帥以還而爵賞久淹論者惜之是時細奴邏子邏盛炎已嗣位善用其眾諸蠻歸心雖陽修朝貢而陰懷叵測至睿宗時因蠻之怨攻殺節度使李知古開元初復殺都督李業朝廷不能討反中其計雖其并五詔離二蠻盡有南中之地而南詔之亂遂與唐相終始嗟乎此豈獨蠻彝之事也

唐初經理滇中

南詔蒙氏細奴邏者九隆五族牟苴篤之三十六世孫也其父龍伽獨世居哀牢山因避難與子自哀牢同至

家舍耕于嶺山之麓細奴邏數有神異孳牧繁息部眾日盛時張樂進求爲雲南大首領因祭鐵柱鐵柱者諸葛武侯所立歲久剝蝕進求重鑄之既成合會長九人祭天子柱細奴邏與烏有烏五色集于柱上久之飛憩細奴邏左肩眾以爲異戒勿驚寢食惟謹十八日烏乃去於是眾心歸細奴邏進求遜位焉細奴邏不敢當相讓至再因拔刀斫石曰如我當爲王劍入此石遂入石三寸乃受眾推立爲王始築城瓏圩圍山上周圍四百餘尺稱家舍詔時滇西稱詔者非一而家舍在諸詔之南故又曰南詔其時有郭郡矣者爲武臣波羅旁者爲文臣又有楊波遠者號神明大士騎青牛能知鹽泉開諸鹽井國以富實細奴邏立二年遣子邏盛炎入朝高宗納之封爲魏州刺史賜錦袍明年復遣邏盛炎入朝謝錫命至上元元年細奴邏死子邏盛炎嗣恭儉能治國垂拱五年朝京師賜金帶錦袍歸國睿宗景雲元年節度使李知古擊姚僞蠻既降又請築城列置州縣加賦一倍因誅其豪雋掠子女爲奴婢邏盛炎因眾憤引吐蕃攻知古殺之太極元年邏盛炎死子盛邏皮嗣始立孔子廟于國中築拓東遺城是時姚僞諸蠻屢叛殺都督而盛邏皮猶奉正朔遣張建成入覲受浮圖像并

佛書以歸請唐大匠恭籍徵義等至國建崇聖宏聖等寺并浮圖以鎮水患開元十五年死子皮邏閣嗣使清平官張羅皮從鶴州都督張審素擊諸蠻破之拔昆明及鹽城唐以功封羅皮爲永昌郡都督兵威俄振思并吞諸夷因謀于張建成賂劍南節度使王昱請合六詔爲一許之遂并有五詔更連陷逾川永昌石鼓沙追賧龍佳賧等處雲南迤西之地盡爲所有二十五年與御史嚴正誨謀擊吐蕃自統軍打石橋城令子闕羅鳳攻石和子旣而又與中使王承訓同破劍川蠻洱河蠻明年入朝封越國公特進開府儀同三司賜名歸義子闕羅鳳亦爲左金吾衛大將軍尋拜特進都知兵馬大將前後兩賜璽書旣復以功策授雲南王乃以蒙舍都會未勝榮太和城于蒼山洱水之間徙居之立上下二關曰龍首龍尾天寶初越嶲都督竹靈侑置府東爨通安南因開步頭築安寧城賦役繁重蠻震駭於是南寧州都督爨歸王昆州刺史爨禛求州爨守懿螺山大鬼主爨彥昌南寧大鬼主爨崇道等攻殺竹靈侑并築城使者破安寧事聞唐遣中使孫希莊御史韓洽都督李宓等委蒙歸義討之歸義遣大將段儉魏巽李宓等赴安寧爨歸王及崇道等懼率兄弟千餘人泥首謝罪赦

之李宓欲乘此以滅東爨崇道殺日進及歸王東爨諸酋並起伺罪歸王妻阿妮烏蠻女也走父部乞兵遣使詣歸義求救夫者歸義爲請于朝以其子守隅仍爲南寧州都督歸義以女妻之又以一女妻崇道子輔朝以和解而崇道守隅仍相攻討不置阿妮請歸義爲興師乃協同諸蠻逐崇道走黎州遂擄其族并輔朝收還其女崇道尋亦被殺于是諸蠻日弱南詔益強其西緬暹羅大秦其南交趾八百真臘占城老撾諸國皆歲進奇珍而雲南迤東之地浸浸漸入版圖矣顧猶包藏獸心歲修朝貢天寶四年遣孫鳳伽異入朝授鴻臚少卿賜樂一部七年蒙歸義死子閣羅鳳立八年遣中使黎敬義持冊封羅鳳爲雲南王以其子鳳伽異爲鴻臚上卿兼陽瓜州刺史都知兵馬大將軍尙朝獻不絕自細奴邏至此凡五世俱奉唐正朔閣羅鳳立三年始改元立國號曰大蒙又五世世隆始僭稱皇帝細奴邏稱奇嘉王僞諡高祖邁盛炎僞諡興宗盛邏皮僞諡威成王號太宗惟皮羅閣失號諡南詔野史卽稱歸義王云

右南詔始興

六詔之稱尙矣予初至滇求其始末與竊據之處無知之者旣而觀野史得皮羅閣建松明樓誘五詔同至祭

祖因舉火焚死事且曰今滇中六月二十四日居民焚  
炬相然裨星回節此其由來也夫南蠻以詐殺其同姓  
爭土地此固苗獠常事何以人至今效之隨又聞皮羅  
閣爲此計時人無知者惟鄧賤詔妻慈善勸其夫毋行  
夫不從慈善以鐵銷約夫臂既而果被焚死各詔屍莫  
能辨獨慈善以鐵劍故得其夫屍歸葬皮羅閣其賢  
智欲娶之慈善伴諸侯養夫百日乃嫁其畢遂閉城自  
固曰某非忘夫事讎者南詔聞之三月食盡盛衣冠自  
縛于座竟以餓死南詔旌其城曰德源城嗟乎介之推  
死而至今有寒食屈靈均死而至今有競渡不忘忠義

也茲星回節慈善足以當之矣慈善一稱甯北妃德源  
城在今鄧州治東諸志皆載之然皮羅閣之并五詔又  
不止松明樓也五詔者一曰浪穹詔蠻豐時據之一曰  
施浪詔蠻施望欠二之與鄧賤詔蠻豐呼俱在大理府  
北是爲三浪其西北曰摩些詔一名越析卽今麗江府  
地蠻波衝所據地甚廣東南百五十里石壁上有色斑  
網類花馬因又號花馬國又其北爲蒙嶺詔蠻鶴輔首  
據之古越嶲地今爲四川行都司五詔皆在蒙舍詔之  
北故蒙舍詔稱南詔焉又有時旁詔矣川羅識詔不在  
六詔之數皆良半雜種九十九部之後自相吞併而爲

入又併而爲六也各受唐爵爲諸州刺史而屬于姚州  
都督府受劍南節度使節制南詔漸強謀吞五詔恐唐  
見討令人齎金寶厚賂節度使王昱昱爲請于朝許之  
乃先遣人說蒙禰詔照原與連和照原以子原羅質于  
南詔時越析詔波衝婁美而淫與蒙會張尋求通尋求  
因弒波衝南詔乘間說王昱至姚州誘召尋求至數其  
罪誅之卽以地畀南詔波衝兄子于贈持所寶鐔鞘東  
北渡瀘邑于龍佐河與其部會楊墮治兵欲復故土南  
詔追之不能克用張建成謀先敗三浪因回兵攻浪穹  
浪穹酋鐔羅望豐時孫也戰不勝退保劍川南詔遂并  
有浪穹之地歸裝鄧縣詔于大釐城哱羅皮入鍾山據  
險約鐔羅望與施浪詔共拒南詔皮羅問與子分道攻  
破之哱羅皮走死其子皮羅澄築城自固施望欠亦敗  
獻愛女乞和羣族走永昌渡瀾滄江溺水死弟施望千  
走吐蕃吐蕃納之劍川與鐔羅望雜居皮羅問旣并有  
四詔問蒙禰詔喪明國中無主曰王替更立強明蒙禰  
不可圖矣不若歸其質于令人隨往乘便圖之於是遣  
兵送原羅歸國因擊殺其父復遣兵應之遂據其地并  
據原羅以歸猶恐諸詔遺孽尙存特遣後患于是建松  
明爲樓誘而焚之而浪穹之鐔羅望鄧縣之皮羅澄施

浪之施望千與蒙蒿之原羅皆爲火燼矣惟越析于贈  
遠不與會後關羅鳳往擊楊隨破之于贈投瀘水死獲  
其鋒鞘以歸歸鞘者狀如殘鏹有孔旁達出麗水飾以  
金所擊無不洞夷人寶重月以血祭之五詔既滅其後  
嗣散居劍順之間者貞元中南詔北伐俱擄之徙永昌  
此南詔謀并六詔之始末也予旣感慈善妃事且恨王  
昱以封疆大臣貪賄賂發南詔之惡卒以亡唐也著其  
事另爲一篇

右并六詔爲一

國家疆場之禍大率不始於一日其先必有以養之其  
旣必有以激之而禍乃至于不可救甚矣小人之謀國  
也南詔至開元天寶間已成尾大不掉之勢然而嫌隙  
未開彼猶重于發難夫以一隅之眾抗天朝之大彼有  
所憚而不敢發亦情也邊疆之人苟能待之以禮撫之  
以恩裁之以義則亦不難使常爲我用乃無賴小人不  
審勢度力橫肆侵暴辱之以不能堪逼之以不得已使  
彼得有詞于下而逞于一快我復無力以制之一戰不  
利彼將曰上國之人固如是其不足畏而疆場之禍深  
矣嗚呼此虔陀李宓之罪所當次王昱而同服上刑者  
也李宓初爲雲南太守後以都督同南詔討諸蠻旣以

計激變崇道殺爨歸王爨暹等惡南詔解其難奏南詔  
諸不法狀節度使郭靈已解之張虔陀亦雲南太守貪  
淫矯詐故事蠻酋議都督必率其妻子與俱闕羅鳳既  
立率妻妾過虔陀虔陀皆私之又多所徵求不應輒使  
人辱罵由是怨憤日深鳳陰修城堡結吐蕃置鐵橋于  
金沙江以通往來天寶九年虔陀奏南詔將叛遣節度  
辭于仲通等三路出師討之闕羅鳳亦馳表陳虔陀之  
罪元宗使中官賈奇俊許覆奇俊入虔陀賄是虔陀闕  
羅鳳怒發兵攻姚州虔陀戰不勝飲醜卒羅鳳忿既洩  
又就安寧城使王克昭再申已寃克昭不允因復攻安  
寧陷之闕大軍已出意頗懼遣使謝罪請復還所據且  
曰如不許將歸命吐蕃仲通怒進軍白崖遣將王大運  
遠出點蒼山後羅鳳遣子伽異將段儉魏迎山後師自  
統大兵戰于洱河唐師大敗仲通僅以身免王大運亦  
爲段儉魏所殺死者六萬人因遣使齎金寶赴吐蕃告  
捷蕃冊闕羅鳳爲東帝給金印稱兄弟之國號贊普鍾  
鳳遂改正朔爲贊普鍾元年僭號大象國以段儉魏爲  
清平官賜名忠國此天寶十一年事也十二年復置姚  
州南詔復陷之十三年節度使何履光留後李宓率十  
道兵討南詔南詔佯敗誘之深入堅壁不戰宓糧盡欲

引還適吐蕃兵至內外夾擊宓沈江死士卒死者十餘  
萬人闞羅鳳曰生雖禍之始死乃怨之終今天子致討  
兵士何辜乃教亡將等屍祭而葬之又令清平官鄭回  
撰德化碑中敘已叛唐歸蕃不得已之故十四年陷越  
嶺唐復置之明年復陷之上元元年降尋傳驃諸國引  
兵東伐置俗富河陽長州石城等郡遷西蠻戶二十餘  
萬于永昌大厯元年更築羊直岬城于大和之北名大  
理四年改元長壽又十年死僞諡神武子鳳伽異先死  
孫異牟尋嗣追諡伽異爲悼惠王闞羅鳳父子雖兩股  
王師觀其屢次陳乞收葬亡師終搗石碑以明已叛唐  
之故斯其心亦可哀矣倘得良節使若韋仁壽韋皋輩  
撫而用之難何自生史稱楊國忠當國喜立邊功故李  
宓等阿迎其意後雖摧敗猶以捷聞其事與激安祿山  
使速反無異卒之宓與皮陀絕命蠻境國忠亦不免馬  
鬼之誅小人誤國國未亡而身先殞矣彼貪賄養亂之  
王豈征吐蕃不利亦卒貶嶺南以死嗟乎戕身名壞國  
事貪與淫之爲害各如彼顧可不畏哉顧可不謹哉

右南詔叛殺張虔陀李宓等

異牟尋爲人有智數善撫其眾頗知書其臣鄭回者本  
西浦令闞羅鳳陷蒲州擄之以僞術見重鳳伽異異牟

尋皆師事焉尋以大厯十四年嗣立居史城連吐蕃入寇神策都將李晟擊破之吐蕃怒殺誘導使來者異牟尋始懼興元初遷居羊苴畔城改元上元封境內山川爲五岳四瀆并建祠及三皇廟春秋致祭設官分職在內爲九夷三托在外爲二都督六節而十隄凡田五畝曰雙上官授田四十雙以是爲差農無貴賤皆耕不徭役人歲輸米二斗是時南詔之境東至于銅柱鐵橋蟠桃玉榆東南至於交趾南至于驛國木落山西至于太石西北至于吐蕃北至于神川東北至于元巫縱橫數千里國富兵強每苦爲吐蕃所役晟徵兵防守賦斂重數鄰回因乘便說令歸唐異牟尋然之倉李泌亦勸德宗招雲南以斷吐蕃右臂德宗乃使韋皋爲劍南節度使皋受命招撫羣蠻遣使數寓書于尋爲吐蕃所覺以兵二萬屯會川塞滇蜀之路皋遣將擊破之貞元五年尋決策歸唐遣使三輩分道趨成都攜皋帛書并齋生金丹砂爲獻皋因遣人護送至京奏聞其事德宗嘉之賜以詔書命皋遣謀往探乃使幕府崔佐時隨詔使至大理時吐蕃使先在尋欲使佐時更變衣以入佐時不從尋不得已乃夜迎佐時佐時即大宣詔書尋願左右皆失有然業已歸唐俱獻欵俯伏受命佐時因勸尋

斬吐蕃使明年正月尋遣子尋閣勒及清平官等與佐  
時盟于點蒼山神祠留二旬有六日遣曹長段南羅趙  
御寬隨佐時入朝是年章舉更約結東蠻大首領宜那  
時等擊破吐蕃于北谷連斬其大將九年又遣將董勳  
等分道出西山靈閣踰的博嶺送圍羅州攻下洋溪等  
三城吐蕃既屢敗猶遣使徵兵雲南翼牟尋伴以五千  
人先往自將數萬隨其後兼程襲擊吐蕃于神川大破  
之遂斷鐵橋蕃溺死以萬計俘其五王取鐵橋等十六  
城遣弟捺羅棟與清平官二十七人獻捷并地圖貢方  
物又上吐蕃所封日東王金印請復號南詔唐以其功

遣使袁滋等冊爲南詔王錫銀窠黃金印尋備禮郊迎  
詰且宰官屬北面跪受因大會其下享使者出銀平脫  
馬頭盤二謂滋曰此天寶時先君以鴻臚少卿宿衛皇  
帝所賜也有笛工歌女皆垂白曰此先君歸國時皇帝  
賜胡部龜茲音聲二列今惟二人在耳因奉觴滋前滋  
受觴曰南詔當深思祖考成業抱忠竭誠永爲西南藩  
屏異牟尋拜曰敢不承使者所命八月滋還復遣使獻  
鐔鞘浪劍鬻刀生金瑟瑟牛黃氈紡絲越賤纁倫馬等  
物以謝朝廷賜賚甚厚前後使者皆授官有差十一年  
驃國王雍羌亦遣使同南詔使獻其國樂二十二曲與

樂工三十五人其曲皆演梵音一低一仰未嘗不相對  
凡五譯而至成都韋皋復譖次其聲作南詔奉聖樂奏  
之詔封雍羌爲彌臣國王七月南詔破吐蕃復取昆明  
城又被施順等蠻九月遣使獻馬六十四十二年取越  
賧置懷化府十四年請以大臣子弟質于朝韋皋却之  
因請乃盡舍成都造就學十五年吐蕃擊南詔及嵩州  
韋皋與異牟尋發兵禦之吐蕃引還十六年皋克容城  
降其將楊萬波十七年皋遣將渡瀘擊斬吐蕃屯兵五  
百級追至鹿危山降其大酋秋復分道出擊大破吐蕃  
于雅州克木波城轉戰千里拔城七遂圍維州及昆明  
吐蕃來救復大破之擒其將論莽熱韋皋既招徠南詔  
屢破吐蕃以功進檢校司徒兼中書令封南康郡王帝  
製紀功碑賜之又遣中人賜温旨慰異牟尋異牟尋自  
破吐蕃後比年獻方物天子皆厚禮之憲宗元和三年  
南詔王異牟尋卒帝聞爲廢朝三日遣使持節弔祭葬  
冊其子尋閣勸爲南詔王賜元和新印其國人亦私謚  
牟尋曰孝桓王閣勸尊號曰驤信帝以善闕爲東京太  
和爲西京四年死僞謚孝惠王子勸龍晟甫十三歲不  
能理國事嗣位凡六年爲其下王嵯巖所弑而異牟尋  
之業始衰

右南詔異牟尋復歸唐

異牟尋封五岳四瀆亦夜郎王漢孰與我大之意耳何足記載予按圖籍攷其所在不遠千里之間使至今不入版圖幾如丹邱弱水可思而不可見然則臆列以書殆愈以見中國之廣而妄自夸大者爲可笑也中岳點蒼山一名靈鷲在大理城西十九峰相連如屏峯頂積雪經夏不消其北麓連文石好事者爭採之民以爲苦東岳絳雲露山一名烏樅在蘇勸州東北三百里卽秦記民謠所謂蛇盤烏樅勢與天迥是也南岳蒙萊山一名無量在景東府北九十里與者樂甸界狀若崆峒西

岳高黎共山在騰衝潞江之間潞江冬月無霜而山巔冰霜嚴沍北岳玉龍山卽雪山在麗江府西北二十餘里俗謂釋迦修行處四瀆一曰黑惠江未詳所在一曰瀾滄江又名鹿滄源出吐蕃自麗江度雲龍州至永昌東經順寧達于車里過交趾而入南海祀在麗江一曰金沙江祀在武定府源出旄牛徼外亦名犂牛河經麗鶴姚三府而東北達于馬湖又云卽山海經所謂若水水經注云若水南經雲南之遂久縣今金沙江巡檢司也昔黃帝長子昌意德劣不足紹承大位降居斯水爲諸侯娶蜀山氏女生顓頊于若水之陽疑卽其地然不

可攷已一曰潞江又名怒江記在永昌府源出雍望奔  
流而下深不可測夏月多瘴或謂卽禹貢黑水李元陽  
辨其誤更以濶滄江爲黑水云潞江首尾俱在外彝惟  
一節入中國若金沙濶滄則分流南北實全滇襟帶焉  
其他山則有若金馬碧雞雞足九隆哀牢判文水目之  
類水則有若潏池洱河漾水龍川撫仙星雲之類皆一  
方名勝不在岳瀆之數不備載也

右南詔五岳四瀆

一曰黑水

王嵯巖南詔弄棟節度使幽王勳龍晟不道嵯巖因民  
怨弑之立其弟勸利晟恐唐見討去帝號求和唐爲廢

朝遣弔祭如故利晟旣立改元全義賜王嵯巖姓蒙氏  
號太容華言大兒也任清平官專決國事是時黃洞蠻  
屢叛邕管間連歲被兵嵯巖乘釁遂東寇安南然朝貢  
猶每歲不絕未幾勸利晟死于東京仍遣使弔祭册其  
子豐佑爲南詔王時長慶四年也豐佑慕中國始不連  
父名旣立屢遣使來朝大和三年與王嵯巖謀入寇以  
蜀卒爲鄉導十一月襲破鶴戎二州又陷邛州遂北抵  
成都成都自韋皋結好南詔四十年無蠻徼兵備懈弛  
節度使杜元穎不恤士卒多流入蠻境蠻衣食之盡  
得蜀之虛實以故長驅無能禦者十二月東川節度使

郭釗爲書責嗟籲悖盟時朝廷亦遣將董重質率大兵南伐峴巔頗懼因復書與釗歸罪杜元穎以修好焉掠蜀子女工技數萬人及經籍珍貨而南至大渡河謂蜀人曰此南吾土也爾去國當哭聽爾哭別故鄉服皆號慟赴水死者十二三峴巔歸國自是南詔工技文織與中國侔矣明年豐佑上表自陳兼疏杜元穎之罪已復遣使入朝朝議移李德裕爲西川節度使德裕旣至議韋皋傾內資結蠻好示以戰陳文法啟戎資盜其策非是今非痛革不能刷一方恥乃建籌邊樓按南道山川險要與蠻相入者圖之左西道與吐蕃接者圖之右其部落聚竄領運遠邇曲折咸具召習邊事者與之指畫商訂凡虜之情僞盡知之又料擇伏瘡舊獠與州兵之任戰者廢遣俾髦什三四士無敢怒又請甲人於安定弓人河中弩人浙西由是蜀之器械皆犀銳率戶二百取一人使習戰貨物事緩則農急則戰謂之雄邊子弟總十一軍築仗義城以制大渡清溪關之阻作禦侮城以控榮經犄角之勢作柔遠城以扼西山吐蕃復耶岷關徙柵州治臺登以奪蠻險又轉邛雅粟以佐內粟陽山之運十月爲清始不涉炎月葦夫得免瘴毒自德裕爲劍南完殘奮怯皆有條次于是二邊寔懼南詔請還

所得掠四千人五年又遣使貢方物六年南詔掠驃國  
民三千徙之拓東開成四年五年會昌二年俱遣使來  
朝六年復寇南安節度使裴元裕死之大中十年于東  
京建五華樓以會西南彝十六大國君長樓方廣五里  
高百尺上可容萬人又樹碑金馬山以記方物十二年  
安南經略使李琢苛墨自私以斗鹽易一牛彝人不堪  
結南詔將段曾遷陷安南都護府號白衣沒命軍南詔  
發朱弩佞直一千助守然朝貢猶歲至十三年豐佑死  
于東京佑趨敢善用其下在位三十六年改元二曰保  
和天啟僞諡昭成王子世隆嗣南詔野史稱王嵯巔篡  
位段宗榜救緬回誘誅之而立世隆或曰篡位被誅者  
楊直顯也而滇載記諸書皆不載豐佑被弑事姑缺之  
南詔至豐佑王嵯巔而變益輕中國矣杜元穎不恤士  
卒蜀民被擄李琢苛墨自私安南遂陷然則豈蠻之能  
輕中國哉自取之耳德裕爲劍南其事不在滇而予詳  
志之以見有善於治國之人蠻彝自不得逞其長技也  
乃在廷之朋黨相傾以至於敗唐宣宗曰去河北賊易  
去朝中朋黨難茲於南詔亦云

右南詔王嵯巔入寇

世隆以唐宣宗大中十三年立改元建極是年宣宗崩

命內臣告哀世隆初立卽凶狠悖慢謂我國亦有喪朝  
廷不弔問詔書又賜先王于是以草具進使者而遣還  
又屢稟請搢朝廷以世隆名犯廟諱復無朝貢不告國  
喪亦絕冊立弔祭使世隆遂僭號稱皇帝改國號大禮  
改西京曰中都東京曰上都咸通元年陷武州二年又  
攻安南陷邕州九月又寇嶺州時杜棕又相方議遣使  
弔祭宣撫會隆入寇遂止不行三年以蔡襲爲安南都  
護襲發諸郡兵二萬守邊節度使蔡京阻之襲固請不  
許已而南詔將楊思措等率兵薄城襲兵少不能守城  
陷閩家死者七十人蠻遂屠城殺擄十五萬人使楊思  
措以兵二萬進屯龍州窺內地五年正月南詔寇嶺州  
節度使蕭鄴率屬蠻邀擊于大渡河敗之三月又寇邕  
州官軍陷沒者五萬人六年陷嶺州刺史喻士珍降于  
蠻七年嶺南節度高駉大破南詔復取安南駉初代蔡  
襲爲都護前後節度使鄭愚張茵俱懦弱不能任事特  
命以兵授駉駉以五千人渡江敗林邑兵于邕州旋擊  
南詔龍州屯拔之楊思措燒資畜走世隆恐安南有失  
復遣楊緝思范泥些趙諾眉等助段曾邊守安南駉戰  
數勝士無不一以當百緝思戰敗還士乘之踴躍超堞  
入斬曾遷泥些諾眉等安南遂平方駉破龍州屯監軍

李維周知其功匿捷書不上詔問狀更奏駢玩敵不進  
帝憂之命王晏權代駢維周遽檄駢回適駢已得安南  
遣王惠贊傳旨遜首獻捷京師天子大悅進駢檢校刑  
部尚書靜安軍節度使仍鎮安南駢薦其從孫鄂爲都  
護因鑿開五道通漕運修廣大羅城南詔畏之不敢東  
侵未幾乃復有成都之寇矣先是世隆遣清平官董成  
等詣成都節度使李福將廷見之成請以敵國禮見福  
不許議久不決福怒囚繫之劉潼代福表請縱還有詔  
召至京師慰遣甚厚至是世隆使楊會慶等來謝且歸  
成都俘三千人節度使李師望營利無厭欲激蠻變以  
邀戰功乃殺會慶等會朝命徵師望還以賈滂代鎮滂  
貪冒尤不法世隆怨中國殺其使遂傾國入寇攻清水  
關屯將杜再榮絕大渡河走蠻服漢衣濟河遂陷健爲  
掠凌樂二州進攻嘉州刺史楊恣力戰九日不勝走嘉  
州陷賈滂自勒兵戰蠻僞請和滂信之蠻遽譟而進滂  
不知所爲倉卒走又陷黎州遂入邛崃關擊邛雅二州  
皆陷之十一年正月蠻圍成都節度使盧耽與彭州刺  
史吳行魯治守禦備敗百姓入城城爲之滿戶所占地  
不過一林賈滂覘成都陷得薄其罪沿途款援軍不使  
進前世隆攻益急耽率故刺史楊慶復楊恣等百計備

禦又遣副將王建立李謙張察等出城死戰世隆不能  
克寧聞朝廷遣太僕寺卿支詳爲和蠻使又以顏慶復  
爲制置應接使率諸軍援蜀十三年二月兵次新都屢  
敗蠻兵城中兵復出夾擊世隆懼徹營南奔至雙流江  
無梁將自刎其下止之乃僞請和三日梁成而濟掠工  
匠玉帛以歸遂遣有大渡河以南之地十四年復遣坦  
綽寇黎州兵馬使黃杲復禦之互有勝負乾符元年寇  
黔中昭播州招討使楊端攻復之端遂世有其地冬復  
寇西川入邛崃關掠成都三日明年高駢移鎮成都蠻  
誘攻雅州聞之引去駢發精騎五千追至大渡河擒其  
酋長數十人斬之修戍邊關絕南詔入蜀之要道世隆  
懼遣使結好已而復寇越嶲駢惡其反覆戮其使世隆  
氣益發迫死于景淨寺僞益景莊自世隆嗣立以來爲  
邊患殆二十年中國爲之虛耗而蠻之戰帥勁兵亦半  
盡於外矣

右南詔世隆僭號

南詔之始不過苗獠一種耳唐末屢爲邊寇皆邊帥不  
得其人有以啟之苟制之有道其順則役使之可也否  
則誅之可也卽力不能制嚴關隘增戍卒絕不與通亦  
可也以堂堂天朝而下與講舅甥之禮嗟乎此有唐所

以不振也世隆死子隆舜嗣改國號曰大封民遣段瓌  
寶詣嶺南節度使辛謙請修好西川高駢亦上表請與  
和親先是高駢以唐使至南詔不肯拜聞其俗尚浮屠  
乃使浮屠景仙攝使往世隆迎拜與訂盟遣報使請爲  
兄弟若舅甥至是又遣使來辛謙使幕府徐雲虔攝使  
者自邕管往至善闡見隆舜勸修舊好隆舜設宴禮待  
以木夾遣還終不肯上表至廣明元年復攻陷安南西  
川節度使陳敬瑄申駢議宰相盧攜從中主之乃以宗  
室女爲安化長公主許婚遣宗正少卿李龜年使南詔  
南詔遣使朝行在上表款附中和初屢遣使來迎公主  
三年公主行執寧四年隆舜以淫虐無道爲其臣楊登  
所殺僞諡宣武子舜化眞嗣亦遣使款黎州上書修好  
唐欲報以詔書王建曰小夷不足辱詔臣在西南彼何  
敢犯塞從之化眞立四年布變鄭買嗣弑之奪其國蒙  
氏自緇奴邏至舜化眞傳十三世共二百五十年世隆  
好殺隆舜多變寵臣下專政故不二世而國亡乃辛謙  
陳敬瑄方惴惴焉惟恐其犯塞必遣一公主然後已亦  
甚可笑矣謙與敬瑄不足道獨怪以高駢之屢摧強敵  
願創此議何哉豈其暮年氣魄已盡無復能爲識者于  
此有以知其不終也壯哉王建曰臣在西南彼何敢犯

塞以是能保有全蜀且數十年然則雖奸雄叛賊之成不成亦豈不視其人哉

右與南詔和親

鄭買嗣鄭回之後世爲清平官及買嗣執政蒙隆舜多嬖倖淹留東京又縱殺戮失下人心買嗣密令豎臣楊登弒隆舜于東京立其子化眞旋復弒之遂自立改國號曰大長和改元安國諸蠻三十七部心不服謀起兵買嗣懼誅楊登以塞眾口立八年死僞諡威德桓皇帝子仁文嗣時後梁開平四年也仁文立三年寇獨黎州王建大破之俘斬數萬級求婚南漢漢主以增城公主妻之同光四年服丹藥死改元五曰天瑞景星安和貞佑初歷僞諡肅文子隆亶嗣改元天應未幾東川節度楊干貞弒之而立侍中趙善政楊干貞和村人本漁家母彌承有殊色蒙隆舜私之而生干貞趙善政寧北佞逸榜人楊干貞旣弒隆亶恐下不服乃推善政立之使盡誅鄭氏子孫善政自立改國號曰大天興改元尊聖僅十月干貞又奪之而自立改國號大義寧改元光聖尋又改大明在位貪虐中外咸怨不二年通海節度使段思平起兵討之干貞不能禦出走永昌自縊死

右鄭買嗣趙善政楊干貞篡奪

段氏之先爲武威郡人自段儉魏佐蒙氏有功賜名忠國擢清平官六傳而至思平思平生有異兆仕爲通海節度使楊千貞忌之思平卜於秀山神祠就其舅爨判自匿千貞索捕甚急會善巨守高方素與思平善密遣人招思平思平與其弟思良軍師董伽羅走就之得奇戟于品甸波大村又得神驥于葉鏡湖飢摘野桃食之核膚有文曰青昔思平拆之曰青乃十二月昔乃二十一日今楊氏政亂吾當以是日舉義乎遂至善巨與高氏謀借兵東方黑髮松巖三十七部皆助之會于石城眾十餘萬鼓行而西所向無敵師至河尾是夕思平夢

人斬其首又夢玉瓶耳缺又夢鏡破懼不敢進董伽羅曰三夢皆吉進也公爲大夫夫去首爲天天子兆也玉瓶去耳爲王王者兆也鏡中有影如人有敵鏡破則無影無影則無敵矣思平乃決明旦引兵欲渡莫知所從見江尾一婦被毀而浣者指曰人從我江尾馬從三沙矣爾國名大理從之得濟楊千貞戰不勝率妻子走永昌追至萬箭樹自縊死親屬皆俘後晉天福二年十二月二十一日思平自立改國號大理改元文德盡逐楊氏邪臣陰苛令以董伽羅爲相國封高氏爲岳侯分治成紀巨橋等地封爨判爲巴甸侯祠秀山神加思三十

七部於是遠近歸心諸彝君長各來貢獻在位八年死  
爲謚高祖子思英素不肯思平在日常欲廢之不果既  
立二年淫戲愈甚其臣以先王命廢爲僧而立其叔思  
良思良立五年死傳子思聰思聰立十七年死傳子素  
順時宋太祖已正位中國王全斌受命平蜀欲因兵威  
取滇以圖進上太祖鑒唐之禍基于南詔以玉斧畫大  
渡河曰此外非吾有也于是雲南不通中國矣素順立  
十七年死一子阿統不肖廢之而立其姪素隆素隆立  
五年阿統有子素眞幼聰慧祖母憐之素隆乃避位爲  
僧傳于素眞素眞立十五年死有子先亡傳于孫素興

素興年幼好佚遊廣營宮室于東京築春登雲津二堤  
分種黃白花其上有逸道金稜繁城銀稜之目每春月  
挾妓載酒自玉峯三泉湖爲九曲流觴男女列坐鬪草  
簪花以爲樂時有一花能遇歌則開遇舞則動素興愛  
之命美人盤髻爲飾因名素興花後又訛爲素馨云素  
興立五年國人廢之思良之後無可立者乃更立思平  
之孫思廉宋慶曆四年廣西儂智高掠廣州敗走大理  
狄青募死士使大理求之會智高已死函其首至京師  
段氏始聞名于中國熙寧中又常遣使入貢以非舊典  
不領于鴻臚別爲禮遣思廉在位三十一年避爲僧立

其子連義連義立六年爲其臣楊義貞所弒義貞篡位  
凡四月岳侯高智昇遣子昇泰起東方兵討滅之而立  
連義之從子壽輝先是高氏佐思平建義世爲顯官至  
是以竊亂功加智昇太保封德侯子昇泰善關侯代智  
昇爲相又以弟義勝治祿琿以高福守易門以高連慶  
治羅部以姪泰運守安寧于楚維築外城號德江城以  
封其姪子暹成一門之盛半于大理矣壽輝立三年遜  
于高氏不自安避位爲僧龔立思廉之孫正明正明立  
五年亦避爲僧國人奉高昇泰立之是爲大中國改元  
上治而段氏中絕昇泰立三年將死謂其子泰明曰段  
氏不振國人推我我不得已從之今其子已長可還其  
故物爾後人勿效尤也昇泰死泰明遵父遺命立段氏  
子正淳是爲後理國以高泰明爲相高泰運爲攝主賞  
割政令皆出其門國人稱其高國主波斯崑崙諸國來  
貢大理者皆先謁相國焉崇寧二年遣高泰運入朝求  
經籍得六十九家以歸正淳在位十三年避爲僧傳子  
正嚴正嚴勸于政事與國主高量成謀遣使入廣南求  
內附觀察使黃璘奏問計之政和六年遣使李紫琮等  
貢馬三百八十四匹及麝香牛黃細氈碧玕山諸物又有  
樂人善幻戲卽大秦鞞之遺名五花鬘弄微宗愛之

以供款宴賞賜不貲七年宋遣使冊段和譽爲金紫光祿大夫檢校司空雲南節度使上柱國大理國王和譽疑卽正嚴也時宋以大理內附或請于大渡河外置城邑以便互市詔問得失知黎州宇文常言太祖觀地圖畫大渡河爲境歷百五十年無患今于河外置城邑邊隙開非中國之福乃止治黎州宣和中高泰運爲相哈木夾于邊將入貢紹興初又遣詣廣西求入貢因中國多故皆不見許惟于黎鶴境外夷民私相貿易有司不禁也紹興六年廣西經略安撫司奏大理貢象馬詔聽送行在優禮答之正嚴立四十年避位爲僧傳子正興正興立二十五年亦避爲僧傳子智興智興立二十九年死傳子智廉智廉立六年死無子傳于其弟智祥智祥立三十四年死傳子祥興祥興未立之先元太祖帖木貞將南征大理至鐵橋石門關遇角端獸而還至是宋余玠守重慶元不能入乃議由吐蕃出大理淳佑元年大理請道黎雅入貢宋孟珙却之使道邕廣西年蒙古兵出靈關大理遣將高禾迎戰敗死會元主率兵又遣宋遣使祭禾以其崇元也十二年祥興死傳子興智元復議南征命太弟忽必烈分三道以宋寶祐元年十一月進薄大理興智及其相高泰祥迎戰大敗興智奔

善闡秦祥奔姚州被執論之降不屈命斬于五華樓秦  
祥臨刑歎曰段運不回天使其然爲臣殞首吾事畢矣  
時白日當午忽雲起雷震太弟異之曰忠臣也禮葬之  
而官其子二年太弟班師留大將兀良合台經略雲南  
攻善闡克之遂攜輿智敏以爲摩訶羅曠領諸蠻從征  
交趾後入覲獻地圖及治民立賦之法元主嘉納至太  
弟忽必烈卽位是爲元世祖興智又入朝未至卒元主  
遣使論祭追贈大理向義王賜物歸葬以其弟段實爲  
總管卒與元和終始焉段氏自段思平至興智共二十  
二世皆僭稱皇帝有廟諡年號凡三百五十年而國亡

右段氏大理國始末

家詔之後迤東諸蠻有三十七部雜族屬世裔不可攷  
而諸彝元聲滇史猶載其名焉一因達部唐爲威遠  
總名和泥卽今之元江也一陽城堡部今晉寧州一休  
臘部今河西縣一娑眠部唐娑眠蠻所居後阿焚蠻僞  
迷曠覩而有其地今爲縣一強現三部卽教化長官司  
今開化府一王弄部一舊處甸部一件溪落恐部今俱  
長官司一鐵容甸部今虧客長官司一官桂思陀部今  
思陀甸長官司一屈中部今阿迷州一師宗部今州一  
落蒙部今路南州一彌沙部一邑市部皆落蒙子孫分

治之一維摩部一彌勒部今俱州一磨彌部今需益一  
羅雄部今羅平一納垢部今馬龍一夜苴部今亦佐一  
落溫部今陸涼以上彌勒等六部卽榮瓠六種也一吉  
翰部一褒悉部今俱彌勒地一羅部今羅次縣一仁地  
部卽新丁後訛爲尋伺一白鹿部卽富筋險今楚雄府  
地一掌鴉部訛爲石舊今縣一法塊部未詳所在一謀  
統部今鶴慶樓共川一于矢部今武定府一雜婆部巨  
造甸焚獲諸彝種今和曲州一洪農縣券部後訛爲味  
勸一華竹部又名環州今元謀縣一強宗部後訛陽宗  
一休制部又云休納卽普札籠城今新興州一步雄部

今江川縣一羅伽部卽步雄所分右三十七部雜謀統  
白鹿地屬逸西餘皆武曲濊臨沉廣各府地也蓋蒙詔  
起西洱間久已并六詔爲一雜滇東尙爲諸蠻分據故  
種類互異至段思平以通海節度使得國于三十七部  
爲開創之助是以加恩尤渥云是時在滇西者七節度  
十險一仍蒙氏之舊而名稱或別因并著之七節度者  
一弄棟一銀生一劍川一麗水一永昌所在具載前篇  
並東川通海二都督而七也十險者一羊險今太和一  
趙川險今州一白崖險今趙州東地一南河東險未詳  
所在一義督險今劍川地一路險今廣通縣一越險今



雲南叢書

趙壽題

雲南備徵志卷十二

原任山西武鄉縣知縣

臣

王崧編纂

故寶十二

演攷

滇攷下

國朝西甦撰

憲宗二年議征西南彝烏蠻白蠻鬼蠻諸國乃命太弟

忽必烈專征以兀良合台總督軍事秋七月丙午禡牙

西行八月次臨洮由六盤踰吐蕃凡行山谷二千餘里

先遣王律朮王侯王盤往諭大理道阻而還九月次忒

刺分三道以進大將兀良合台率西道兵由晏當路與

諸王抄合野只烈率東道兵由白蠻太弟率勁騎由中

道乙巳至滿陀城留輜重十月過大渡河十一月至白  
蠻打郭寨十二月再遣三使入大理招段興智皆被殺  
大理相國高泰祥督大兵守金沙江與伯顏不花虎兒  
敦等相持太弟命眾以革囊潛濟江是月薄其都城屢  
戰皆捷兩路兵亦至皆登點蒼山臨視城中大危澤泰  
祥徵兵各郡有來援者皆爲元兵阻敗始與興智謀出  
避外郡圖興復興智奔善闡泰祥統矢太弟分兵追  
之先是詞臣姚樞因夜宴爲太弟言宋曹彬下江南不  
殺一人市不易肆明目太弟據鞍呼曰汝昨夕言曹彬  
不殺者吾能爲之樞卽馬上賀曰聖人之心神明如此

生民之幸有國之福也至此太弟命樞裂帛爲旗書止  
殺之令分號於眾兵入大理人民安堵如故如無兵者  
又命樞搜訪圖籍得三使尸壘而祭之辛酉出龍尾城  
追興智不及獲泰祥於姚州欲官之不屈因斬之而用  
其子高瓊高長壽等明年春太弟班師留兀良合台徇  
雲南進攻善闡拔之擒段興智承詔赦之從征烏蠻各  
部前後三年凡平大理五城八府四郡烏白等蠻三十  
七部兵威所加無不款服歲丁巳獻捷於朝請依漢故  
事以西南彝悉爲郡縣從之授兀良合台銀印加大元  
帥還鎮大理以劉時中爲宣撫使與段同安輯焉已

復奉命伐安南交趾居其城并降車里等彝又三年太弟嗣位混一中土以皇子忽哥赤爲雲南王或以彝服難之世祖曰朕固樂其風土向非曆數在躬當於彼請分器焉至元八年分大理三十七部爲南北中三路十三年更定諸路名號置中書省於善闡改名中慶路今省城也共爲路三十有七府二屬府三州五十四縣四十七戶百二十八萬七千有奇而雲南始復入中國版圖被教化矣

右元世祖平雲南

張立道字顯卿陳留人至元初雲南都元帥寶合丁不

善撫輯東爨舍利畏倡亂諸部並起眾至三十萬世祖命總管段寶合兵討平之因思諸蠻變亂不常非重臣鎮服不可乃以第五子忽哥赤爲雲南王鎮中慶路立道爲王府文學立道勸王務農以厚民卽署立道勸農官尋奉命與侍郎寧端甫使安南時寶合丁專制有竊據之志忌忽哥赤來爲王置酒毒之立道聞之趨還王已中毒不能救立道約義士十三人共討賊推一人走京師寶合丁囚立道立道族兄張忠率眾夜劫獄出走吐蕃界適帝已遣御史大夫同告變人來遂按寶合丁及其黨皆伏誅有旨召立道等入朝賜金五十兩八年

復使安南宜建國號並黑水跨雲南以至其國十年領  
大司農事中書以立道熟於雲南奏授巡行勸農使立  
道至相地勢役丁夫千人洩昆明池下流得壤地萬頃  
又教民佃蠶收利十倍于舊先是雲南未知尊孔子祀  
王逸少爲先師立道始建孔子廟置學舍擇蜀士之賢  
者迎以爲子弟師歲時行釋菜禮人習禮讓在任凡五  
年以賽典赤薦除中慶路總管賽典赤瞻思丁一名烏  
馬兒回回人其國言賽典赤猶華言貴族也至元十一  
年世祖謂典赤曰雲南朕所親臨比因委任失宜使遠  
人不安欲選撫治無如卿者典赤受命退朝卽訪畫山

川城郭彝險遠近爲圖以進帝大悅拜雲南行省平章  
事賜金鈔無算時宗王脫忽魯方鎮雲南疑賽典赤至  
將奪其權具甲兵爲備賽典赤聞之先遣人道意且薦  
其使官於朝王悅由是政令一聽賽典赤十二年典赤  
奏雲南諸彝未附尙多宜改置令長上從之教民插種  
爲陂池以備水旱明婚姻葬祭之禮建文廟講經史授  
學田民風丕變又以滇民不便鈔法請仍俗用肥患山  
路險遠盜賊出沒爲行者病相地置鎮鎮設土酋吏一  
人百夫長一人往來值劫掠則罪及之有土吏數輩怨  
不已用至京誣其專制帝不聽械送典赤使治罪典赤

釋之且用爲官令竭忠自贖十二年羅槃甸叛典亦往  
征三日不降諸將請攻不許遣使往諭三日又不降諸  
將屢請不得因有奮勇乘城者典亦怒遽鳴金止兵叱  
之曰天子命我安雲南未嘗命以殺戮也無主將命而  
擅攻於軍法當誅命左右縛之諸將爲請俟城下之日  
從事羅槃王聞之曰平章寬仁如此吾拒命不祥乃舉  
屬降將卒亦釋羅槃國是西南諸彝翕然款服有所獻  
悉分賜從官或以給貧民秋毫無所取十三年遣使賈  
檄招誘廣南溪洞僂土貴及左江李維屏石江岑從威  
等二千人皆來納款是歲廣中降者八十餘州籍四十

萬戶交趾叛服不常典亦論以逆順禍福且約爲兄弟  
交趾王喜親至雲南典亦郊迎待以賓禮遂乞求爲藩  
十四年緬酋蒲甘寇金齒典亦遣萬戶忽都總管段實  
迎戰於南甸緬人敗走由是蒲甘不敢犯塞十六年賽  
典亦卒百姓巷哭交趾王遣使十二人齎經爲文致祭  
有生我育我慈父慈母之語使者號泣震野帝思賽典  
赤之功痛惜不已追贈太師咸陽王諡忠惠詔雲南省  
臣盡守成規不得亂改明年以其長子納速刺丁爲雲  
南行省右丞奏罷病民三事從之至元三十年復以次  
子忽辛爲右丞既至條諸不便事於宗王請更張之王

不可忽辛與左丞劉正魁奏有旨令宗王協力施行由  
是一切病民之政悉革王府畜馬繁多縱之郊外傷人  
禾稼牧人又宿食民家無寧居忽辛置草場搆屋數千  
間爲牧所民始得安賽典赤子五人而三仕滇忽辛與  
兄納達刺丁尤多政績張立道旣以賽典赤薦爲總管  
後入朝晉臨安廣西道宜撫兼管軍招討使平和泥路  
首領必思之亂有貽以馴象金鳳異物者皆獻於朝又  
籍兩江僮士貴等所部以其籍歸有司書清白之訓於  
公廨以儆貪墨風化大行三十八年再以禮部尙書使  
安南明年安南遣使隨立道入貢大德二年復以陝西

行臺侍御史拜雲南參政期月卒立道前後三使安南  
官雲南最久與賽典赤父子同時稱名宦其子元亦爲  
行省左右同都中雲南白閣羅鳳倡亂不奉正朔幾五  
百年至元始復置郡縣被教化雖世祖皇帝蕩平之功  
亦賽典赤諸人撫安之力也典赤勳德最著張立道惟  
權位微躡故行事無多然其定亂懷遠浚河興學皆有  
功邊壤尤無慚於薦拔者矣並祠善闕垂芳史冊宜哉  
賽典赤諸子俱賢而忽辛置牧所一事其便於民者爲  
尤大嗟乎今安得若忽辛者而與商救民之事耶

右張立道賽典赤父子政績

緬在永昌西南自騰越行十五日至江頭城又十日至太公城又八日至馬來城又五日至安正國城又五日  
至蒲甘緬王城所謂緬中五城也蠻名阿瓦八百總婦  
在緬東出永昌之姚關五十程至其地蠻名景邁皆迤  
西徼外種類也漢之時有揮國唐之時有驃國疑卽其  
地云至南詔野史始載勸龍晟時獅子國攻緬遣宗榜  
救之破獅子國兵獲緬舍利以歸其後遂服屬於南詔  
宋熙寧紹興間隨大理入貢名始聞於中國元世祖至  
元五年命愛魯擊之十四年蒲甘大將釋多羅伯級寇  
金齒忽都段信直迎擊於南甸敗之十九年命諸王相

答吾兒同右丞太子參政也罕的斤分道擊緬參政愛  
魯昔里督糧勸招討使怯烈先驅造舟於阿若阿朮兩  
江進取江頭城拔之分兵戍守圍上其地形及攻守之  
略先遣使諭降緬酋不聽據太公城以拒我師進攻連  
破之明年遂置邦牙宣慰司於蒲甘城振旅而還元主  
命雲南王率招討使怯烈總兵三千移鎮於緬招來其  
黨與又明年建都王金齒烏蒙等十二部俱降爲緬平  
也成宗大德四年緬人僧哥倫作亂緬酋執其兄阿散  
哥也尋釋去阿散乃率其黨弒酋酋次子奔想京師詔  
遣薛超兀兒率行省兵二千人往討八月緬阿散吉牙

等昆弟赴闕自言弑主之罪罷征緬兵師還爲金齒諸蠻所遮詔兀兒井征之受賄引還師卒無功而左丞劉深又有征八百媳婦之事先是元世祖薨成宗以皇孫嗣位未有武功丞相完澤信劉深之言以八百媳婦未奉正朔請往征討左丞相哈剌孫御史中丞董士選諫不聽命深及哈剌帶等將兵往給軍鈔九萬二千錠又給雲南行省自願出征者人貝子六十索立征八百媳婦萬戶府二置萬戶四員兵旣出取道順元違冒煙瘴士卒多死驅民轉餉谿谷之間一夫負粟八斗率數人佐之數十日乃達死者又數十萬人中外騷然而深復齎求水西土婦蛇節金三千兩馬三千匹土官宋隆濟因苗民之怨給其眾曰官軍徵發汝等將悉剪髮黥面爲兵身死行陣妻子爲擄眾惑其言遂叛破楊黃寨進攻貴州知州張懷德力戰死因圍劉深於窮谷中梁王闊闕率兵救之賊眾稍解事聞帝始悔不用哈剌哈孫董士選之言乃遣劉國傑楊賽貝不花等率四川雲南湖廣各省兵分道進討別敕梁王提兵接應六年劉深等糧盡引還宋隆濟蛇節率眾邀擊輜重委棄士卒殺傷殆盡御史中丞陳天祥上書請正深罪下詔招諭諸蠻不報三月罷深等官收其符券是時烏撒烏蒙東

川芒部及武定威楚普安諸蠻因蛇節之亂皆以供輸煩勞爲辭乘釁起兵攻掠州縣詔遣也速哥兒忙古帶等將兵會劉國傑討之國傑未至解兒等率師並進次第平之十一月國傑裨將宋光亦擊敗蛇節兵七年夏四月國傑師出播州境與賊遇戰失利乃令軍士人持一盾而釘其上陣合棄盾佯走賊來追馬遇盾皆仆國傑鼓譟起之賊大敗旣而餘寇復合要戰國傑不應數日命楊賽貝不花分兵先進大軍隨之賊潰乘勝逐北破之於墨特川蛇節降濟遁去遂誅蛇節八年春雲南順元同知宜撫宋阿重生獲隆濟來獻斬之陸阿重爲宣慰使是役也劉深一言散亂西南半壁爲之震動

元元死前後就擒而八百媳婦竟未得過而問焉深之罪重矣會赦有司以深爲議哈刺哈孫曰微名首燬夷師辱國不諱無以謝天下深遂先蛇節隆濟而服上刑固其宜也

右元討緬與八百媳婦國

世祖至元八年以第五子忽哥赤爲雲南王被弑卒其子也先帖木兒嘗從征緬十七年以張立道言遣忙古帶迎歸復立爲雲南王二十年命移鎮緬二十五年移鎮大理後不見於史傳二十七年以皇孫甘刺麻爲梁

王鎮雲南甘刺麻者太子真金諡裕宗子也真金先世祖卒子鐵木兒嗣位是爲成宗有兄一曰答刺麻八剌後諡顯宗一曰甘刺麻後諡顯宗甘刺麻爲梁王三年改封晉王鎮北邊以其子松山鎮雲南授梁王印成宗時有梁王闖關者常以兵救劉深未詳其世裔大德十一年成宗崩太子德壽先卒無子順宗有子二長懷寧王海山次愛育黎拔力八達入定內亂迎海山於北立之是爲武宗武宗至大二年梁王在雲南有瘋疾以諸王老的囊封梁王代鎮雲南三年武宗崩愛育黎拔力八達嗣立是爲仁宗武宗有子二長和世璠次圖帖睦

耳初約仁宗後仍傳世璠延祐二年仁宗惑於鐵木迭兒之言立其子碩德八剌爲太子而封和世璠爲周王出鎮雲南七年仁宗崩太子碩德八剌卽位是爲英宗徙封周王於漠北復以晉王甘刺麻之孫王禪爲雲南王是時甘刺麻已死子也孫帖木兒嗣爲晉王至治三年英宗被弑諸臣迎立之是爲泰定帝治篡逆罪流諸王同魯帖木耳於雲南徙王禪爲梁王鎮北邊更封王禪子帖木兒不花爲雲南王又封周王弟圖帖睦耳爲懷王泰定崩大臣燕帖木兒迎懷王入大都立之上都王禪等立泰定子阿速吉八爲帝舉兵入討俱爲燕帖

木兒所殺懷王又迎其兄和世珠於漠北至和寧卽位是爲明宗未幾暴崩懷王復代之是爲文宗初王禪自祖甘剌麻數世封雲南有惠政明宗亦嘗鎮雲南至是皆不得其死眾論囂然至順元年雲南諸王禿堅及萬戶伯忽阿朮等起兵攻陷中慶路殺廉訪司官尋自稱雲南王以伯忽爲丞相阿朮等爲平章等官立城壩焚倉庫連陷威楚臨安石屏等處烏蒙土官祿余及羅羅斯諸蠻俱起應之事聞立雲南行樞密院以徹里帖木兒知院事朵馬赤爲同知發兵萬三千分兩路徹里同鎮西王搠思班等由四川西道朵馬赤從豫王阿剌忒由八番東道進討未至羅羅斯蠻等進攻建昌右丞羅里帖木兒擊敗之四川行省兵亦敗祿余於周泥驛次年春權仁德府官曲水集義兵敗伯忽於馬龍州追至金馬山獲伯忽及其弟伯顏十餘人二月兩路兵俱至與羅里帖木兒倍道兼進遂奪金沙江趣重慶屢戰皆捷擒阿朮於安寧州收復行省分兵捕殘賊於嵩明賊首俱伏誅惟祿余未獲九月復寇順元路行省都事那海奉詔招諭不從爲所殺都元帥怯烈潛師擊破賊砦殺賊五百人獲禿堅弟二人子三人誅之祿余又遁去三年二月言於四川行省乞降并請改附四川詔諸大

臣議之是歲文宗崩立明宗之子鄰王是爲寧宗逾月  
崩又迎其庶兄安權帖木兒立之是爲元順帝至正中  
梁王把匝剌瓦爾密一稱孛羅以宗室鎮雲南世系莫  
考元亡明太祖屢遣使招諭不從洪武十四年冬穎國  
公傅友德等南伐梁王兵敗走滇池島中友德等入雲  
南梁王聞之謂其右丞曰我宗室無降理有死以報國  
耳先繼其妃自飲藥不死投滇池水中舉家從之俱死  
焉會天下歸明已久無表章之者予謂揆以余闕之義  
則梁王不失爲忠臣百世論定蓋有待於今日云

右元雲南諸王

元旣滅段氏而有其國仍資其兵力以制服諸酋初以  
段興智爲摩訶羅越後入朝道死贈大理向義王仍以  
興智弟段實爲總管守大理中統二年入覲賜璽書令  
總管大理善闡威楚統天會川建昌騰越八府仍令各  
處萬戶以下並聽節制至元初討平舍利弗又攻曲靖  
尋甸等城有功受重賞護陞行省參政十四年同擊敗  
緬於南甸進宣慰司世襲都元帥成宗時屢入朝授制  
征緬至永昌死子忠嗣忠從伐西林破會川通善闡平  
休林武定緬甸之役皆有功授金滿宣慰兼掌軍民萬  
戶府忠死子慶嗣元封慶爲宣武將軍妻以公主入朝

歸授行省參政慶死弟正嗣正死慶子隆嗣隆死子俊  
嗣天恩元年授行省平章俊死族弟義嗣初授蒙化知  
州以平叛賊阿容朮功陞參政義死隆子光嗣時中原  
板蕩梁王以元宗室鎮善闡與段氏分域構隙至大二  
年梁王破光兵將高逢守羅那關梁王密遣人招之不  
從陰賂逢庖人刺逢以其首獻梁王王更戮庖人以自  
解至正元年玉案山產小赤犬羣吠遍野占云天狗墜  
地爲赤犬其下有大軍覆境又時雨鐵民舍山石皆穿  
人物值之多斃俗說爲鐵雨四年光死弟勳嗣初亦爲  
蒙化知州十二年襲總管其三年明玉珍自楚入蜀

據之分兵四掠以紅巾爲號自將三萬人攻雲南梁王  
奔威楚諸部悉亂功謀於員外楊淵海海卦之吉乃進  
兵呂閏敗紅巾於關灘江殺獲千級紅巾收合餘衆再  
戰殺段氏屍首鐵萬戶乘勝屯古田寺段氏火其寺紅  
巾軍亂死者什七八又追至回證關大敗之紅巾軍呼  
曰待明年來復難時功在戰間得玉珍母寄其子書云  
爾征南務得之不得輕還軍少糧乏我當添補淵海效  
其書跡易之曰中國兵來急爾宜早歸募能入紅巾營  
者有小卒陳惠請行玉珍得書恐國中有變又新失利  
遂急收軍功追之至七星關又勝之而還紅巾旣退梁

王深德段功以女阿瞿妻之為妾授雲南平章威望大著梁王曲意奉之功遂留善闡其夫人高氏寄樂府促之始歸大理既而復欲行其臣楊智張希喬阻之不聽至善闡人謂梁王曰段平章復來有吞金馬噉碧雞之心矣盍早圖之梁王始疑平章密召阿瞿主命之曰親莫若父母寶莫若社稷功今志不滅我不已脫無彼猶有他平章不失富貴也今付汝以孔雀膽一具乘便可毒殮之主消然不敢受命夜寂人定私語平章曰我父忌阿奴願與阿奴西歸因出毒具示之平章曰我有功爾家我耻自貶傷爾父倘嘗為我裏之爾何言至此三

諫終不聽明日梁王邀功東寺演梵至通濟橋馬逸因令番將格殺之阿瞿主聞變失聲哭曰昨暎燭下纔講與阿奴雲南施宗施秀烟花殞身今日果然阿奴雖死奴不負信黃泉也欲自盡梁王防衛備至主愁懷作詩曰吾家住任鴈門深一月閒雲到滇海心懸明月照青天青天不語今三載欲隨明月到蒼山誤我一生踏裏彩吐嚙吐嚙段阿奴施宗施秀同奴歹雲片波濤不見人押不蘆花顏色改肉屏獨坐細思量西山鐵立霜瀟瀟瀟瀟裏彩被也吐嚙無知也押不蘆胡地起死回生草名肉屏臺駝也語雖不雅馴以節故傳焉平章既死梁

王愛楊淵海之才欲收爲己用淵海亦不屈題詩於壁  
仰藥而死梁王厚恤之命隨平章樞歸葬大理大理舊  
臣仍奉功子段寶事之梁王遣使刺平章七攻大理不  
克乃講和奏陞寶爲雲南左丞未幾明玉珍復侵善闡  
梁王遣叔鐵木的罕借兵大理時寶已長答書云殺虎  
子而運侵其虎母分狙栗而自詐其狙公假途滅虢獻  
璧吞虜金印玉書乃爲釣魚之香餌緡闡淑女自設拚  
錐之網羅況平章旣亡弟兄罄絕今止遺一葵一奴葵  
可再資華黎氏奴又可配阿禧妃如此事諾我必借大  
兵如其不可待金馬山換作點蒼山昆明池改作西洱  
河時兵來突時寶有姊僧奴亦志不忘復雠將適建昌  
阿黎氏出手刺繡文旗以與寶曰我自束髮憫母稱父  
冤恨非男子不能報此旗所以識也今歸夫家收合東  
兵飛檄西洱汝急應兵會善闡夫殺功一體酋耳一戰  
而勝矜功怙寵自蹈禍機宜無足道乃其妻與臣之從  
一而終旣如彼子與女之立志復讎復如此蓋亦有可  
稱者焉是時明太祖已開基金陵寶聞遣其叔段眞自  
會川奉表歸款朝廷亦以書報之時有妖巫女歌曰莫  
道君爲山海主山海笑諧諧圖中花謝千萬朵別有明  
主來寶數日病死子明嗣洪武十四年授明宜尉未幾

死叔世權國事明年潁川侯等兵破善闡梁王自沈黨  
屬悉俘師至威楚段世遣使致書請依唐宋故事奉正  
朔修歲貢友德答書令速降世怒再上書陳利害詞旨  
桀驁友德拘其使世三以書來大抵皆言蒼洱兩關之  
險難以兵取友德惡其悖慢春三月師薄大理夜遣別  
將緣點蒼巔繞出下關之背先樹旗幟遲明段兵驚潰  
明師斬關入擒段世及段寶二孫苴仁苴義送金陵上  
面諭曰爾祖寶曾有降表朕不忍廢苴仁賜名歸仁授  
鴈門衛鎮撫苴義賜名歸義授武昌衛鎮撫餘頭目悉  
伏誅予至永昌過大官小官廟問其名或曰卽苴仁苴  
義也段氏據大理經五代宋捨金之亂人不知兵其功  
德及人亦遠矣異智失國弟實復爲總管至段明凡十  
一代今其子孫尙有襲州正佐者親吳越之錢氏較爲  
昌大高秦祥之後亦世爲姚安郡丞嗚呼孰謂天之報  
施不可信哉

右十一總管

洪武元年元順帝北遁三年殂於應昌天下已盡歸明  
而雲南爲梁王所據獨不奉正朔猶以宣光紀年洪武  
五年春上遣翰林待制王禕持詔諭之梁王不從會元  
太子立於漠北遣侍郎脫脫來滇索餉欲連兵恢復遂

殺禱七年遣故元威順王子伯伯諭梁王八年又遣湖  
廣參政吳雲使雲南諭降復爲梁王所殺上怒十四年  
秋七月乃命穎川侯傅友德爲征南將軍永昌侯藍玉  
爲左副將軍西平侯沐英爲右副將軍率師三十萬征  
雲南上親餞於龍江至湖廣分遣列侯郭英等率眾五  
萬由永寧向烏撒大軍由辰沅趨貴州十二月攻普定  
普安俱下之進抵曲靖敗梁王兵於白石江擒其將達  
里麻友德率眾數萬攻烏撒以應永寧之兵分遣藍玉  
沐英率師趨雲南癸酉玉等至板橋梁王棄城走雲南  
省右丞觀音保以城降明日玉等入城梁王在滇池烏  
中舉家赴水死友德亦擊破烏撒東川等蠻殺四萬人  
諸將著集十五年正月分兵徇臨安澂江威楚仁德等  
處皆下之故元平章聞閩乃馬等皆降事聞詔置雲南  
都司布政司等官二月友德遣使以故元梁王宗族及  
前所使威順王之子伯伯等三千一百一十八人送京  
師大兵西次威楚大理段世致書請依唐宋故事奉正  
朔爲外臣友德不聽諭令速降世自恃險阻無降意連  
以書來詞旨桀驁友德怒進薄大理世以兵五萬扼下  
關友德等夜命王弼率兵由洱水之東趨上關胡海由  
石門開道繞出點蒼山後鑿木援岩立旗幟理明敵眾

見之驚亂我兵斬關而入腹背攻之遂拔大理城獲段世及段寶二孫友德分兵取鶴慶略麗江收三營寨破石門關又略定金齒等處北攻建昌故元平章月魯帖木兒降雲南悉平得府州縣長官宣慰司共一百八十戶七萬四千六百零捷聞上降璽書褒諭焉十六年友德以段世等及故元右丞觀音保送京上赦段寶二孫以爲武昌鴈門二衛鎮撫以寶在時曾有降表至金陵也授觀音保指揮僉事守金齒賜名李觀命長興侯耿炳文至雲南諭友德班師留沐英鎮守大師旣旋故元普顏篤與土酋高大惠復叛據佛尤寨也先不華叛據鄧川友德自七星關回兵討平之明年麓川車里編甸等彝俱內附八月友德等班師至京論功封友德爲穎國公食祿三千石餘俱益封陞賞有差後十九年丙寅二十一年戊辰上命穎國公傅友德率師平雲南未靖諸蠻二十五年壬申涼國公藍玉亦奉命討建昌叛酋月魯俱有功然以殺戮多後俱不振惟沐氏世鎮雲南有恩澤子孫遂與明相終始焉

十一右明三將軍平雲南

香

沐黔寧昭靖王英鳳陽定遠人明太祖初起英以童穉謁見上養以爲子累功加昭勇將軍洪武元年征福建

擒陳友定賜復本姓三年陞都督僉事四年轉同知十年同征番部有功封西平侯食祿二千五百石賜鐵券十一年拜征西將軍征西番降元萬戶乞失加等平地數千里十三年征和林元國脫火赤愛足全部皆降明年出古北口平四郡還京拜征南右副將軍同傅友德藍玉征雲南不十旬雲南底定分兵東平烏蠻餘寇諸部謂王師東下復叛圍雲南城英以萬人馳救皆遁去十六年有詔諭友德等班師留英鎮守英念地遠兵多軍餉難給卽奏請屯田上允之二十一年春平摩沙勒斬首千餘三月麓川思倫以三十萬眾寇定邊東川廣西皆遙應之英率諸衛兵三萬迎擊蠻用象列陣英乘風縱砲殺其首將斬獲三萬餘獲象四十有七思倫遂附是冬東川廣西俱平越州土酋阿資叛英擊降之明年朝京師宴於奉天殿賜金銀格帛以萬計建宅鳳陽居十日遣還鎮上送之曰汝在朕無西南之憂矣二十四年秋遣使八百大甸招之入貢明年暴卒滇人言上遣使賜英刀纜藥酒三物英預知之建小鼓樓於南城外詔至仰藥死樓至京上啟棺慟哭追封黔寧王謚武靖子春襲二十八年阿資復叛春討誅之三十年麓川蠻刀幹孟逐其宣慰思倫倫至京訴詔春討之擒刀幹

孟三十一年春卒諡惠襄無子弟晟襲承樂初車里宣  
慰刀邏答叛越威遠州知州晟諭以禍福邏答懼還州  
官入貢謝罪八百土酋入寇晟出次蒙自蠻遁去督兵  
窮追斬其酋以徇上賜璽書獎勞四年以征南副將軍  
同英國公張輔分道伐安南先是安南國王陳日焜爲  
其臣黎季犛所殺季犛上表竄姓名詐稱陳氏絕嗣求  
署國事踰年日焜之孫陳天平至京懇實上遣使詰問  
季犛卑詞表請天平還國上遣廣西都督黃中等送天  
平歸季犛伏兵殺天平中等引還上怒故遣將分道出  
師晟奉命由野蒲伐山通道先驅入安南奪猛烈柵華  
關陞築堡駐師以造舟分遣諸將出宣光江口鼻舟夜  
至挑水泝流力戰連舟爲浮橋濟富良江與大軍會合  
攻多邦城柵破之遂擣東西都及盤灘等處所至如破  
竹賊不能支黎季犛父子走海上追至日南奇羅海口  
悉就擒械送京師安南平得郡四十八縣百八十六戶  
三百十二萬五千九百他物不可勝計還朝晉封黔國  
公食祿三千石賜諡劬子孫世襲是冬安南復叛推陳  
季擴爲首上獨命晟以征南將軍討之追至占城境上  
擒季擴等械送京師十七年富州蠻通賊不入晟受命  
往討諭以禍福蠻遣子詣京師謝罪悉償所遺仁宗嗣

位召至京命兼太傅世佩征南將軍印遣還鎮正統初  
暨弟昂屢平諸蠻三年麓川思任叛侵掠邊鄙晟受命  
致討意在招諭副將都督方政憤其桀驁夜渡江破賊  
乘勝深入伏兵四發政力戰死事聞贈政威遠伯謚忠  
毅遣使問失事狀晟旋師楚雄歎曰雖偏將違令吾總  
師安所辭咎欲棄卒追贈定遠王謚忠敬五月以沐昂  
爲左都督掛晟印充總兵率諸將征麓川昂平師由于  
崖南甸至隴把破其關寨五年晟子斌襲封黔國公是  
年秋廣南維摩師宗沙人僞人作亂都督昂平之明年  
王驥蔣貴等征麓川十年夏六月昂卒追封定邊伯謚  
武襄命沐斌代鎮景泰元年冬斌卒謚榮康子瑋幼以  
姪璘爲都督同知鎮雲南天順元年璘卒又以璘弟瓚  
代之成化元年璘既冠入朝襲封黔國公三年還鎮正  
尋旬廣西土官之罪請設流治屢平諸蠻以功晉太子  
太傅宏治九年卒謚武僖無子從姪孫崑襲正德十六  
年崑卒謚莊襄子紹助襲嘉靖十六年紹助卒謚敏靖  
子朝輔襲二十六年朝輔卒謚恭僖三子融輩俱病故  
弟朝弼襲隆慶六年以淫亂被參奉旨逮問安置南京  
子昌祚襲萬曆十三年平岳鳳論功加昌祚太子太保  
二十四年乞休子叙代鎮二十九年以平順大土酋功

晉徽右都督三十五年武定尋旬諸酋反圍省城昌祚  
諭奏徽與巡撫陳用賓俱被逮起昌祚原官屢晉少傅  
兼太子太傅天啟四年十二月卒明年孫啟元襲狂悖  
無道屢與巡按構難崇禎三年暴卒子天波襲是時中  
原多故惟雲南一隅自保其後土逆沙定州作亂陷省  
城天波遁永昌流寇孫可望李定國乘機入雲南襲執  
天波酋之號召土司擁主抗命順治十六年大兵至天  
波從遜緬甸爲所殺沐氏自黔寧王英至天波凡二王  
一侯一伯九國公四都督明開國功臣傳世最盛且久  
者惟徐沐二氏夫中山行事人人能言之予讀滇志稱  
黔寧在鎮十年墾田九十七萬畝招撫撫貳民始知有  
生定道記人之善忘人之過變彝干法不忍加誅用兵  
行師非遇有罪不輕戮一人然則其世保滇南爵上公  
非倖也宜也武僖而後多雍容好翰墨開不免驕佚願  
諸蠻習其威德猶樂爲用至天波流離異域不屈以死  
亦無愧其祖宗矣

吳夫右沐氏世裔

文正公孫沐英

按明紀靖難兵破南京建文以被火聞實得太祖遺命  
薙髮從水關出自蜀入滇常往來廣西貴州諸寺中正  
統庚申出思恩語寺僧道實當事不敢隱以聞於朝迺

入大內以壽終嘗賦詩云牢落西南四十秋蕭蕭白髮已盈頭乾坤有恨家何在江漢無情水自流長樂宮中雲氣散朝元閣下雨聲收新蒲細柳年年綠野老吞聲哭未休天下傳誦之予至滇求其遺跡則今武定府獅子山龍隱庵中其像與詩俱存云父老又言帝初至滇寓城中五華寺自言與沐將軍有舊寺僧報沐沐至寺密語移時使人送至武定府語雖無據然以永樂時法網之密而帝得保全於滇不可謂無默護之者也沐黔寧本傳言懿文太子卒王哭泣過度卒隕其生似以諱賜死事然黔寧本高帝養子於懿文誼同昆弟死而哀慟亦情理之可信者故建文萬里奔赴其子初非無意眷與屍既不挾之以開斂亦不賣之以邀寵慎密庇祐以全其生於凝脂束溼之世洵非長者不能也自雋不疑以收偽太子立名後世爭援爲口實獨英宗不從朝臣惑眾之請迎養大內可稱仁人之用心矣身陷土木復歸九五固天命使然倘亦仁人之報耶

右建文避跡

麓川一名百彝自漢以來叛服靡常元中統初始內附至元十三年分置各路以大理金齒都元帥統之有所督則委官以往冬去春還至正月初麓川路思可法數有

事於鄰境諸路以狀聞命河南參政賈敦熙討之以瘳起還師戊子再命塔失把都魯討之亦不克引還可法遂乘勝併吞諸路猶懼朝廷再舉伐之遣其子滿散入朝以輸情款元寢而不問麓川之強始此思可法死其子昭併嗣立爲宣撫八年傅子臺過一年而昭併之弟昭省殺臺過而自立踰年盜殺昭省其弟思瓦代立明初負固不服洪武壬戌其部屬答魯方刀斯郎殺瓦法而立其姪思倫倫卽滿散之子也明年昭永昌居其城執指揮王眞西平侯沐英遣部校郭均美往諭倫內附赦王眞還朝廷推柔遠之恩假宣慰司以倫爲使丙寅

復寇累明年部屬刀斯郎入犯定邊縣沐英大破之始懼而款服永樂十五年設四委館其在西南者百餘與緬居二馬思倫死子思行立思行死子思暗立宣德初與木邦相仇殺因而失官以孟養刀氏代之會刀玉賓弱不能輯諸彝有部曾思任者思倫後裔也雄黠善用兵每言其先世大誤豈有奴與主並之理遂擁眾麓川略取孟養地諸夷服從正統三年侵孟定灣甸南甸潞江等處大肆殺掠尋致陷騰衝雲南震動命黔國公沐晟率都督沐昂方政等往討仍遣刑部主事楊寧齋敕諭金牌招撫如其不服然後進兵先是麓川遣使

以金銀器象馬等物入貢與差發銀兩一同進納詔問  
侵奪之狀奏稱起程在前不知其事上命禮部給賞如  
例遣使送還雲南敕鎮守等官如賊服招撫如例遣回  
如仍前爲賊拘留在官而思任竟不聽招諭沐晟等師  
至澆江彌月不下思任遣將緇檢數挑戰方政怒欲渡  
江擊之晟不許政不勝憤夜四鼓獨率其麾下渡江擊  
緇檢追至景羊竿寨破其賊棚斬首三千餘級獲象三  
十餘政與其子瑛部將顧勇等乘勝深入逼思任上江  
頃之伏四發政求救晟怒其違節制渡江不遣入之以  
少兵往時兵疲食盡政知晟不力援乃謂子瑛曰汝急

歸以全吾宗祀吾死分也瑛率裾不釋政舉刀欲砍之  
曰吾爲將受命討賊非死莫報汝何爲瑛乃登舟還政  
復策馬突陣賊爲披靡忽馬蹶落墜爲賊攔刺而死顧  
勇等一軍皆沒辰間政會春霖瘴發燒江上積聚還師  
金酋事聞贈政威遠伯諡忠毅遣使至雲南諭祭仍詔  
祠於金酋身等四人皆從祠晟至楚雄欲藥卒詔以沐  
昂掛征南將軍印總兵進勦昂克復騰衝由南甸千崖  
迨至隴把而還六年春正月命定西伯蔣貴爲征彝將  
軍充總兵官太監曹吉祥監軍兵部尚書王驥提督軍  
務便宜賞罰率京營湖川兩廣等兵一十五萬以征麓

川翰林學士劉球諫不聽時倖豎王振好事喜功從中  
主之也驥復請廷臣隨軍質畫太僕少卿李資部郎侯  
璉楊寧主事蔣琳等皆在行陛辭上賜驥貴金兜鍪細  
鎧弓矢蟒衣五月驥等至雲南會賊方困大侯州驥遣  
將冒暑赴援破之斬首數百級獲其象馬大軍進至金  
齒分爲三道十一月初五日俱會上江夾攻三日不下  
驥令縱火焚柵因督眾乘之斬首數萬級賊眾敗走保  
南甸之沙木籠山爲連環七寨驥麾兵深入攻其中寨  
各哨俱奮大破之賊勢窮迫死者八萬餘遂蕩平其巢  
穴思任乘舟走緬獲其妻妾象馬寶玉無算子思機潛

匿孟養移兵討之捷聞召驥等還會維摩州並那羅作  
亂自稱廣新王驥遣指揮萬斌擊之那羅懼逃入安南  
驥檄示禮福安南人斬其首來獻七年春驥等班師至  
京上宴於奉天門論功封驥靖遠伯晉封蔣資定西侯  
並賜誥券世襲侯璉楊寧俱轉右侍郎餘授官陞職者  
四百餘人旣而雲南報思任在緬冬十月復命貴驥等  
督諸軍往取之八年春驥率師至金齒遣使檄緬縡思  
任父子至軍前仍進兵騰衝分遣沐昂侯璉等率東路  
兵徑搆麓川以陳儀領前鋒三千開南牙山斷賊走路  
使還言緬願獻思任欲以重臣往取驥難之郭登請行

由金沙入緬緬酋卜刺浪來會頗驕蹇登折之緬氣阻  
乃叩頭聽命十二月登回其國相緬刺劄以思任載樓  
船來獻時有賊登功者乃議留守沙彌刺劄至貢章不  
見登遲疑不敢獻驥謂貴曰此給我過江則絕我歸路  
也陳儀又自詫知天文以爲災惑犯與鬼緬可伐驥乃  
密令蔣貴率師匝江而下大戰一晝夜焚其舟數百艘  
刺劄竟持思任去貴子雄追之兵敗自劄東路兵克孟  
養諸寨思機亦潛竄獲其妻子象馬而已驥還仍以捷  
聞王振底之上慰勞如前加驥貴歲祿各三百石命楊  
寧參贊索甫軍務寧遣使許緬以孟養之地易思任卜

刺浪喜乃函其首級來獻時刀玉寶已死因以卜刺浪  
長子銀起莽爲孟養宣撫而思任二子思機思卜尙潛  
居其地起莽不能有也十一年春改麓川爲隴川設宣  
撫司於隴把以舊莽目恭頌爲宣撫降敕赦思機等罪  
令其來朝不至更命黔國公沐斌侍郎侯璉調緬甸木  
邦兵討之至金沙江遣人招諭機疑懼不肯來緬甸木  
亦不肯渡江遂引還十年復議征麓川王驥以原官總  
督軍務授宮聚平蠻將軍印率張軌田禮方瑛等統漢  
土兵一十二萬至雲南檄木邦兵從征緬甸兵備屬南  
甸干崖隴川兵備糧食十二月大兵抵金沙江賊柵西

岸以拒驥令構浮梁互千數百尺麾兵以渡一鼓破之  
賊斂眾保鬼窟山立三大寨驥乘勝而進攻皆拔之又  
破芒峴山各寨踰孟養至孟那而還諸酋皆震怖謂自  
古漢人無至此者然思機思卜竟失所在彝眾復立思  
任幼子思洪爲主以狀來言緬不能撫其人民願立思  
氏永當差發時兵力已疲因許之磐石金沙江與洪普  
曰石爛江枯汝乃得渡遂班師是時會川府訓導詹英  
勅驥玩法怙終損兵失利死有餘辜昆明鄉官御史張  
淑亦勅驥師行無術玩寇殃民等事十四年二月敕召  
驥還至貴州值諸蠻倡亂道塞不通人皆留驥爲通道  
驥曰吾征麓川非奉命殺苗也去之卒爲苗寇所截宮  
聚敗歿詔驥代總聚兵還京調侯璉提督貴州軍務自  
土木告變王振死驥賞不行景泰初侯璉以平諸蠻功  
轉兵部尙書五年緬執思機送京獻俘諫之自此孟養  
與緬爲世仇數相攻殺嘉靖初孟養思倫糾木邦宣慰  
罕烈擊緬擄其宣慰券紀歲後奔瑞體復強并孟養而  
有之思氏亡隴川宣撫恭頊亦以不法內奔改立多氏  
爲宣撫司與南甸干崖並稱三宣焉

右靖遠伯三征麓川

明初滇西諸土司有三宣六慰三宣者隴川其一也又

其一曰南甸在騰越南半個山下其山北寒南熱相傳  
爲漢彝分界元置南甸路明初改府又改州正統八年  
其酋刀氏以征麓川功陞宣撫司又其一曰干崖在南  
甸之南隴川之東元置鎮西路明初改府尋改千崖長  
官司亦以征麓川功陞宣撫司土酋刀氏副使刀思丙  
居蓋達同知劉氏居蠻酒經歷廖氏居雷弄知事管氏  
居猛諾而萬曆中亦分隴川副使多恭居達放同知多  
俺居猛卯各據所分地受部符又其東北分孟定府地  
爲耿馬宜撫司其南有蠻漢猛密二宣撫司稍北近內  
接潞江有芒市長官司元時爲芒施路明置府改長官

司今亦稱宜撫皆陞置在後不得與三宣之數焉六慰  
在三宣外一曰緬甸一曰孟養孟養元時爲雲遠路在  
諸司之西又名遠西與緬甸皆自洪武時置軍民宣慰  
使司其相攻滅詳麓川事申一曰八百大甸卽元八百  
媳婦國世傳其酋有妻八百分居一寨故名洪武二十  
四年來貢始置宣慰司嘉靖間爲緬所兼其酋刀氏避  
居景線緬以弟莽應龍守景邁城今久爲緬有矣一曰  
車里在八百東卽古彥里湯時以短犛象齒爲獻周公  
賜指南車歸故名曰車里元兀良吉成交趾經其地降  
之至元中置徹里路明改車里軍民府尋陞宣慰司永

樂中入寇後懼而謝罪萬曆十一年明伐緬其酋刀禱  
猛使貢象寶蔭附於緬兄居大車里應緬使弟居小車  
里應漢使焉一曰木邦相傳爲蜀漢木鹿王之後其地  
視諸司爲稍近內元置總管府明初改宣慰司從征緬  
甸麓川俱有功益地頗廣後與緬相仇殺萬曆三十三  
年陷於緬緬以猛密恩禮領之一曰老撾在八百之東  
車里之南與交趾接壤於諸彝爲最達自雲南行六十  
八日始至其地或謂卽古越裳氏也周以後不通中國  
永樂初入貢置宣慰司成化十五年安南來侵殺其宣  
慰訴於朝降敕切責安南萬曆中其西部蠻堂亦爲緬  
所破六慰避爲居永昌徼外莫然車里老撾其東已與  
臨元接壤內又有孟良孟定府威遠州孟連鉅瓦二長  
官司皆在元江景東順寧境外其附屬順寧者有三猛  
曰猛緬曰猛撒曰猛猛更西與永昌相錯有灣甸鎮康  
二土州其極西則茶山里麻近爲野人所殺掠無噍類  
矣大抵三宣以內南目分分則弱六慰以外地日併併  
則強今之在雲南境壞忘設官之舊儼然自爲一國者  
西緬甸東交趾而已

元初闢雲南分親王鎮守至明悉以委沐黔國洪武中

周王岷王常移封於此旋卽召歸永樂洪濶開徙封汝南王於大理亦不久去至宣德十年英宗初立閹宦弄權始命內官張達鎮守雲南麓川之役吳誠曹吉祥同往軍其後如正統時則郝寧成化時則錢能覃平正德時則崔安張倫梁裕史泰而金騰亦有鎮守太監如王舉孫敘崔和張誠等與參將並駐稱二鎮焉大率皆括剋土司凌虐紳士而貪殘之狀尤莫甚於錢能成化十二年能私遣其麾下郭英往安南假朝命求夜明珠等寶凡朝廷使安南皆道廣西未有自雲南者於是安南人駭遣使入問欲因啟途羅之還遣一酋率兵尾其後

至蓮花灘英給其酋請先入白守關者遂脫歸其酋駐兵不去雲南大震邊吏戒嚴事頗聞於京大學士商輅請舉剛正有爲知識超卓大臣一員巡撫雲南乃改南京戶部左侍郎王恕爲左副都御史撫滇恕至檄按察司劉鈺捕英英懼投井死沒其寶物入官其黨械送京師誅之又疏能貪虐於朝先是能鎮雲南久漸謀不軌造紙甲極堅利至百兩一副者殆千領弓刀在公私者必擇而藏之二樓或以告恕將先收其兵甲而後聞能覺盡焚之使所俸厚賂大學士萬安兵部尙書王越因亦誣奏恕並下二疏於都察院恕在滇閱月疏二十上

直聲動天下時錢能有錫背鸚鵡能言造一金籠嵌以  
絕品珠石號八寶籠欲以進上恕聞借觀之啟籠縱去  
能怨恕益深廣以金寶賂當路謀急去恕未幾有旨召  
恕還恕去能益肆虐榜死人不計而癩翁檳榔王二事  
載在滇志世爭傳爲笑柄焉其時有副使陳麟亦以骨  
鯁數與能相抗卒坐削籍他如張僕之忤梁裕唐龍之  
劾崔和俱以不畏勢敵稱良御史嘉靖元年巡撫何孟  
春請罷金齒二鎮改設府泊而金騰之鎮守革九年雲  
南右少監劉福爲都給事張綱所劾降三級巡撫毛鳳  
韶連疏請罷鎮大學士張璠亦以爲言而雲南之鎮守  
亦革萬厯中內監楊榮復以督理鎮務至幾聞邊釁竟  
爲亂軍所擊死內豎之貽害良非獨一時云

書右鎮守太監

明定雲南流土雜治以土知府稱者十二而尋甸廣西  
武定元江順寧俱以叛亂勦滅其他小會時時獲罪被  
誅兵興次第可得指數焉尋甸初爲仁德府屬州二高  
明馬龍縣二爲美歸厚土曾安泮安邁輒次作亂降爲  
馬頭改高明爲嵩明屬雲南馬龍屬曲靖併二縣爲二  
十馬頭改郡名尋甸設流官廣西昂貴亦以暴虐革襲  
改流此皆成化十四年巡撫王恕之所請也至嘉靖六

年尋甸知府馬性魯因徵糧繫馬頭安銓妻於獄裸撻之銓遂叛掠嵩明等處進攻尋甸分守參政黃昭道兵備副使周奎督兵與戰敗績遂陷尋甸執知府雲南鎮巡調各土司兵赴討令武定會鳳朝文以兵千餘守廠江朝文素與銓通明年春自廠口擁兵還攻武定陷之殺同知袁俸知州秦榘等官十三人遂與銓連兵二萬於會城西北門外焚軍民房屋雲南大震事聞命兵部尙書伍文定自京師出征未至會援師已集朝文等戰不勝欲奔東川需蓋州營長輔祐追獲斬之安銓亦爲兵夫阿志所獲五月文定至雲南奉旨處置未盡事宜數月乃還三十年元江那鑑殺姪奪印聚掠郡邑巡撫石簡督兵往討鑑詐降請官撫諭簡命左布政使徐懋往爲所殺巡按趙炳然以狀聞奪石簡官切責黔國公沐朝弼令戴罪殺賊贈徐懋光祿寺卿賜祭葬三十二年那鑑自殺遂革其官收印信令臨安指揮往署然子孫猶自爲雄長如故也四十四年武定鳳繼祖結納諸彝作亂先是鳳朝文叛後子幼其妻瞿氏撫子守土盡職後子死子妻索林復署府事繼祖瞿氏養子也名阿倫遂欺寡嫂潛謀奪嫡挾貴赴京納結指揮揚言已襲武定知府遂索林巡撫敖宗慶奉命討之阿倫潛奔四

川會理州招集亡命陰結姚安高欽高鈞易門王一心等爲羽翼誘索林與講好殺其總管鄭竑等七十人出富民羅次界抄掠又分遣東川營長阿科等兵攻曲靖尋甸各府時新撫呂光洵已至調各土司兵分路進剿仍移黔蜀巡撫接應遂破蠻兵軍勢大振阿倫北遁兵備僉事張澤追之被執爲所殺詔贈光祿寺少卿九月光洵自率師追至會理州獲阿倫斬之叛黨高欽先死高鈞王一心事露俱伏誅隆慶元年改設武定流官萬厯初大姚鐵索箐臨安猓獍等夷屢叛出劫巡撫鄒應龍討平之十五年巡撫劉世曾誅羅雄叛首者榮改設羅平州二十二年麗江屢侵永寧府地委官定其疆界歸還所侵二十五年順寧土酋猛廷瑞兄弟構兵大倭州奉敕助逆參將吳顯忠討擒之俱改設流官兵備參政李先著知其事多附會不主用兵竟被逮下獄死三十五年武定鄭舉叛舉富於財知府陳典常以廉訪收禁舉舉置兼金魚腹中饋典獲免已而復收之如是者再四舉惡其無厭乃糾彝酋阿克等攻破府城殺指揮金守仁等男婦四百五十餘人時陳典以入賀在會城舉等擁推官白明通以兵隨其後直抵會城進公移請以冠帶印信給阿克賊從北門外遠西南而東分道四

掠沿村鎮市焚劫一空老釋不及避者殺之壯者被齒  
圍城三日當事不能制縫印與之始罷歸尋甸彝目大  
理保楊禮亦召補彝婦海沖等叛攻破嵩明署印知事  
李惟光棄印逃吏目章宗孝學正龍旌皆死賊進逼楊  
林都司汪如淵率土兵赴救賊退歸攻尋甸殺指揮諸  
藩裕等巡按御史周懋相候代駐曲靖調需益安紹慶  
土兵檄同知孫台監督自嵩明追賊尋甸屢戰俱捷明  
年春三司官亦分道追賊而郝舉等已西攻祿豐破之  
知縣蘇夢錫力戰死六月諸路兵至擊賊斬其家屬十  
一名阿克鄭舉等逃東川官兵追至東川境上土司諒  
哲縛阿克鄭舉獻軍前左布政彭應時復擒其黨鄭文  
鄭宗舜參政楊俊臣率廣南僮兵亦擊敗海沖等得嵩  
明州各印信副使羅希益督安紹慶兵斬楊禮男楊成  
俘妻妾四口遊擊段袞擒楊禮妾及子四口兩路賊俱  
平惟武定府印竟失所在既而治失事狀巡撫都御史  
陳用賓黔國公沐輦參將張名世武定知府陳典推官  
白明通元謀知縣毛文彩俱逮訊雲南自嘉靖初年至  
此七十餘歲之間內夷之變凡八九起雖喜人怒獸蠻  
性固然亦惟貪庸有司實逼致之獨異陳用賓以十七  
年巡撫整理緬事規模宏遠一旦變起蕭牆束手無策

身填牢獄爲天下笑言者謂威衰於久玩志墮於宦威  
有是哉非大豪傑亦誰能以功名終始哉

右尋甸武定諸酋作亂始末

內奔之事詳矣其在四境外者西北吐蕃東北東川芒  
部烏蒙以及楊安諸酋東南交趾西南六慰皆稱難制  
吐蕃自明興大寶大乘諸法王式微而未爲亂東川諸  
彝素爲逋逃數明季蜀有播州之師黔有水西之亂而  
滇亦受其震驚交趾在威宏間并占城破老撾侵八百  
緬甸漸有激陵上國之勢奪旨諭以禍福頗知自戢亦  
揚於張輔沐晟之遺威而不敢肆也六慰事詳前篇孟

養緬甸營爲興哀嘉靖以還屢有緬警先是緬酋莽紀  
歲有子生於雪中其體有光滿室因名瑞體紀歲爲孟  
養所殺瑞體奔洞吾母家洞吾曾養爲己子既長與養  
母通養父死因有其地又詐古喇得楞子兄弟排來等  
而并之得緬僧佐以異術樹海岡七十自衛諸彝畏服  
尊爲金樓白象主莽噠喇噠喇者華言公道主人也時  
猛密酋思漢子思琢假途於琢以掠孟養即留夷目卓  
僞立思漢次子思琢假途於琢以掠孟養即留夷目卓  
吉守之未幾卓吉爲奔婿猛乃酋別混所殺瑞體破猛  
乃執別混三十九年總兵沐朝弼巡撫游居敬上言瑞

體侵軼鄰境當預防內侵時兵書楊博知緬事悉覆加  
題議自是滇始於蠻哈設兵冬春防緬隆慶元年藩司  
差指揮陳應繡千戶潘應爵買象於猛密其酋思哲送  
二弁於瑞體時瑞體方侵車里以荻棘錮之後勝回乃  
遣還二年木邦土舍罕拔遣使告襲職有索賂者以兵  
備遲疑對彝使歸報拔怒與弟罕章集兵截旅途經  
年不令漢人通後乏鹽求於瑞體瑞體餽海鹽五千筭  
拔感額而志中國遂攜金寶象馬詣瑞體致謝瑞體見  
拔款甚贈以寶帶緬鐸白象扇錦珍寶香藥甚多遂約  
爲父子時有官府只愛一張紙打失地方二千里之謠

云潞江安撫總貴聞拔邀緬惠不贊亦投瑞體日洩中  
國虛實教以吞鄰內侵瑞體割兩岡地與之因遣使召  
隴川多士寧士寧知順逆乃宣天朝威德聚米爲堆百  
餘營中國幅員之廣如雲南其百一也緬所轄特千一  
耳幸勿妄動瑞體念頗寢士寧歸遇貴於江潞貴其負  
國啟釁抵隴川值指揮方謚率兵戍蠻哈士寧語謚曰  
亦知瑞體之策否上策交罕拔緜木邦衝順蒙走滄洱  
中策出木邦背順蒙趨老姚施甸可垂手取永騰蠻哈  
區區之隘可恃以拒緬乎謚默然後士寧爲養子岳鳳  
所毒死子多忠幼于崖宜撫刀怕舉者與罕拔雖親而

有隙怕舉死罕拔言於瑞體請襲于崖隴川無主必聞  
風歸附拔願爲前驅瑞體卜於緬僧欲從之其子應裏  
悍而多智謂瑞體曰隴川于崖雖無主路遠難取迤西  
思箇地廣兵強爲我世讎每欲乘我出襲我倘我兵遠  
事隴川彼以重兵順流南下被禍非細莫如稍助拔兵  
聽其自取于崖則成敗不在我瑞體然之信拔兵一萬  
令取于隴自率兵侵迤西屢爲思箇所敗箇亦退保猛  
倫相持不決隴川岳鳳見其主幼陰欲據其地乃齎重  
賄投拜瑞體爲父導之內侵瑞體因調緬兵萬餘爲疑  
兵出入於緬甸迤西竊上奉制思箇復檄罕拔兵會隴

川岳鳳亦集兵數千屯麓川東岸聲言捍緬實治牛酒  
爲迎犒計蠻莫頭目思哲亦迎降緬瑞體納爲義子萬  
歷元年緬兵至隴川多士寧妻罕氏木邦女也力不能  
支懷印信攜二子多忠多孝二女及姪罕朝光潛奔永  
昌當事不能救惟令罕氏歸隴川鳳見罕氏歸遺書給  
罕拔謂罕氏攜朝光往永昌者爲爭汝官耳鳳請爲汝  
除罕氏朝光以去禍根拔甚喜過令罕章罕難等率緬  
兵五千夜襲隴川罕氏罕二女走田中爲賊斷右臂而  
死朝光亦被殺二女沒於緬多氏族屬殘滅殆盡印爲  
鳳得鳳遂受緬鐸據隴川三年僞爲錦囊象函書貝葉

緬文稱西南金樓白象主莽噠喇弄王書報天皇帝中  
多狎侮之辭皆風所爲也風又與拔哲定盟必執思渾  
下猛密奉瑞體以拒中國瑞體遣子應裏喇鮪率象二  
十萬分戡隴干開罕拔特緬勢召干崖刀帕舉弟怕文  
曰汝嫂我妹也吾欲妻汝并汝兄宣撫皆爲汝襲可據  
干崖以臣緬怕文挾二子奔詣同知薛衛守備李騰霄  
言拔欲怕文背漢事緬娶嫂滅妊無天理怕文世愛國  
恩願與戰次日方戰罕拔以緬兵大至怕文潰奔永昌  
姪怕宣寄食潞江衛騰霄等退守羅卜思莊拔取干崖  
印令罕氏收掌且與緬鐸令其臣緬又召蓋達副使刀

思官雷弄經歷廖元相俱給以貝葉符令佐罕氏守干  
崖以防中國金騰兵備副使許天琦憤諸彝附緬遣指  
揮侯度持檄招諭至迤西頭目思箇從違未決乃刻木  
二一書天皇帝號一書莽瑞體號率眾拜之乃卜則天  
皇帝者卓立几上莽瑞體者領墜於地由是決意向中  
國瑞體惡其倡諸彝內向且世讎也大發兵攻之思箇  
告急適天琦已卒署事副使羅汝芳知其事厚犒來使  
更給空頭劄付約事成官以世襲令先回以待援復陰  
募慣入緬商人錫之金繒令往緬地默探其山川道里  
兵馬糧儲又機近緬諸彝說其向漢依期援迤西久之

謀者至盍得緬情乃檄調漢土兵馬赴援師至騰越思  
箇聞援兵將至甚喜潛令頭目烏祿刺送領兵萬餘於  
阿瓦地絕緬糧道督大兵伏於夏撒誘緬兵入截其歸  
路而坐困之請令援兵自龍川邀其後迤西兵衝其前  
又令水兵開江中石岡以衝潰緬舟計定緬兵果入夏  
撒思箇堅壁不與戰伏兵塞險陞絕糧運以俟中國援  
兵至首尾其擊之久之緬兵困飢甚以撮金易合米始  
屠象馬既剝樹皮掘草根軍中疫作死者山積瑞體懼  
請與思箇和思箇不許復遣使速援兵時近緬諸彝如  
景邁猛輩諸酋密受汝芳檄者各調勁卒俟期共擊無  
何有入質行者恐爲兵與阻移書同事合文止援汝芳  
不聽彼知汝芳意銳仍合揭於巡撫以兵與禍連語怵  
之巡撫王凝馳檄止汝芳汝芳接檄憤恨投轄於地大  
罵而罷思箇困緬月餘力亦疲且援兵不至遠近快快  
岳鳳探知乃集隴川夷兵二千兼程援緬導之繇間道  
遁去迤西知緬走率眾追之且追且殺緬兵大敗生還  
者十不一二此萬歷四年十二月事也一時士民以此  
爲大失機會云五年陳直指文燧按滇得邊報銳意上  
請經理然與時見相抵牾事亦寢六年遣使將迤西屬  
俘瑞體兵象酋以金幣諸物還瑞體使回緬不稱謝七

年永昌千戶辛鳳奉使買象於猛密其酋思混執鳳併軍伴送擺古瑞體方修佛事遣使持檳榔葉緬文送鳳回是年瑞體復率兵象侵迤西報夏撒之怨中國無援思箇敗奔騰越中途爲奴郎都等執送瑞體不屈遇害瑞體遂盡據迤西目民奔永昌稍安置於內地焉八年巡撫饒仁侃遣舌人李阿烏諭緬甸阿烏主擺古見瑞體道皇帝威德不侵緬地瑞體唯唯又語以蔣定西王靖遠征麓川事瑞體不語阿烏又言罕岳假緬王擾漢地瑞體佯應曰我不知也居旬日趨阿烏還十年岳鳳領緬兵襲破干崖土酋罕氏降於經莽瑞體死子應裏嗣岳鳳執逆放頭目刀落恩送應裏又曠應裏殺罕拔拔有子名進忠應裏欲併其地遣弟應龍代之拔孽子罕鳳降應裏與耿馬舍人罕虔謀擒進忠共率兵從應龍以灣甸州景宗真爲鄉導追進忠進忠倉皇挈妻子絕噴哩江奔內地兵象從者不十一條悉俘於緬應龍躡進忠遂入姚關十一年正月朔焚掠施甸剖孕婦以小男寇永昌女寇順寧腹破得女乃攻順寧二月破猛淋寨防守指揮吳繼助千戶初維垣皆死之是冬應裏又攻達達副使刀思廷求救不應糧盡城破妻子族屬盡爲所擄干崖刀怕庚雷弄慶元伯南甸刀落憲蓋達

刀思定皆陷於緬巡撫劉世曾巡按董裕會疏請兵將以南京坐營中軍劉綎爲騰越遊擊移武靖參將鄧子龍爲永昌參將各提募兵五千赴援副以土兵應裏亦西會緬甸孟養孟密蠻莫隴川兵於猛卯東會車里八百孟艮木邦兵於猛炎復併眾入犯姚關子龍爲壘靜待大破之於攀枝花地斬宗真計擒罕虔父子等劉綎率兵出隴川猛密直抵阿瓦阿瓦頭目莽灼瑞體族弟也糾猛密思忠蠻莫思順諸寨請降應裏聞之起兵破灼灼內奔行至曩朴寨病死先是灼有白象一能決勝敗不爽每出兵咸問之瑞體常借以自隨至應裏假象不歸且欲害灼灼心寒因緝招之故降及灼死應裏以子乃篤改名思斗莽肘者守阿瓦初緝被隴川以岳鳳有心計厚結之以招諸寨許不死故猛哈思化逸西思威木邦罕鳳等俱殺緬使請緝降進忠亦集其餘眾來奔諸寨畏緝望鳳內附者踵至當事不知日促緝擒岳鳳緝不得已執鳳及其子曩烏等俘解京師猛密思忠懼復率錫波思奇投應裏諸寨多復叛當事惟以得鳳與罕虔爲功不復問緬也迺西思威旣內附其屬部有密堵送連二城久爲緝據威提兵復取之十四年應裏徵二城兵不應怒攻破之以多曩長散鐸率兵屯守十

五年思威糾思化思順各土兵又求助以復二城遊擊劉天俸令募兵五百往助之緬見以爲漢兵大至驚潰威乘勝殺緬千餘人并二城之從緬者陣斬緬目多翼長遂復二城金騰兵備李材上其事下蘇直指鄧覆覈時在神多土兵不知取殺旣而復往則已腐爛遂以冒功復奏逮材天俸俱下獄論者寃之十六年十月思順亦投緬朝命以思忠等歸義陞忠猛密宜撫思化猛哈同知思順蠻莫安撫如邊城所議也比符信至而思忠思順等已復投緬乃以忠母罕燃順母罕送各代子領該司印九月應裏攻猛密罕烘不能拒率其孫思禮從子思仁奔猛廣而猛密失猛哈思化復進奔蠻莫據之罕送率其子思華奔騰越時有間罪思化之議巡撫蕭彥密令撫夷同知漆文昌撫化文昌單騎入化壘化稽顙聽命且云奴有助逆西殺緬賊功今無所歸願寄食於蠻莫從之十七年迤西思威死其支子思明子思遠進象及方物朝廷令遠爲孟養酋長十八年應裏報密堵送速之怨進兵孟養遂破猛拱遠與子思昏奔蓋西應裏僞署堵罕於孟養獲罕於猛拱十一月緬破猛廣罕拱思禮與思忠妻甘線姑奔隴川思仁奔雅益猛廣亦失十九年應裏率猛別阿瓦糾堵罕獲罕兵象圍壘

莫思化告急時鄧子龍方聽勸奉檄率兵至羅卜思莊  
緬退去化復還蠻莫六月應裏遣使等毋海弄查齋貝  
葉緬文來求通撫巡給榜文送緬使歸二十年思仁叛  
投緬仁悉嫂甘線姑因欲得之時線姑隨罕烘思禮寓  
隴川仁自雅益率兵象犯隴川欲擄線姑隴川宣撫多  
思順有備弗克逞懼中國問罪乃同丙測奔緬應裏僞  
立仁於猛密當事者移置罕烘思禮於芒市六月應裏  
遣楚擺線由逸西齋貝葉緬籌招隴川于崖南甸諸土  
司當道給緬使文告令之還九月應裏令阿瓦逸西犯  
蠻莫思化等奔等練山參將鄧子龍提兵營等練緬兵  
屯遮邁子龍發兵擊之大戰於控哈斬首百餘級把總  
李朝岳順戰死緬退屯沙洲我兵無船不能進相持彌  
月緬尋退去二十一年應裏以允墨守蠻莫墨乃糾猛  
拱堵罕孟養我罕猛密思仁兵號三十萬象百隻以普  
坎雍罕直郎三鷲酋率眾擁送允墨據蠻莫思化敗走  
墨等立九大營深溝高壘爲久駐計仍分道內犯一入  
遮放芒市一入臘撒蠻類一入杉木籠蓋出隴川多思  
順不敵奔猛卯二十二年春巡撫陳用賓出駐永昌聞  
賊大入等練隴川乃分部以參將王一麟奪等練中軍  
盧承爵出雷吟都指揮錢中選張先聲出蠻哈守備張

先允出打線一麟擊其前承爵中選擊其左右賊殺甚始以羸者兵數人飲馬江干而浴之前鋒者擊而俘焉以捷聞居數日又以二象馬數匹來我兵又擊而俘之又以捷聞緬兵退走遂復發莫我遂以賊爲易與鼓行而前不知賊兵潛伏營於崖管乘我兵過半賊眾湧出我兵被截時寧州目把者義領兵在前失道陷泥中爲賊所殺後二營相繼退奔監軍同知姚允升收殘軍用百金買謀者畫伏夜行望等練諸山火光不息知賊已殺巢退去因稱勝而還是役也緬取道隴川猛卯多俺實導之多思順怨俺乃糾思化并芒市多泰等擊俺殺

俺子多荒十二月俺糾思仁丙測由猛卯襲遮放我兵戰却之斬級百餘巡撫陳用賓以緬數人犯築八關於騰衝之邊曰萬仞曰神護曰巨石曰銅壁曰鐵壁曰虎踞曰天馬曰漢龍每四關設一守備戍之又募習算路者得閩人黃翼使進羅使與得榜內外夾擊緬多俺自遮放敗還不復歸猛卯投木邦負燭於曩義山殺天馬漢龍二關工役督工漆文昌計授木邦罕欽令擒之謀顯露俺欲奔擺古欽追及於雷登并其子多烘多曩斬之緬因俺死頗寢寇我東路云二十四年二月築平麓城於猛卯大興屯田是時邊事旁午餉費不貲轉輸米

石運價至十金而值不與焉諸郡邑不支故陳用賓銳  
意興屯三宣之內屬夷徭賦所出餘田無多惟猛卯古  
麓川地阡陌膏腴多俺既死無主乃議以營兵任屯非  
營兵而顧屯者聽二年小成免其賦三年大成始什一  
而賦之十月緬督思仁丙測等寇蠻莫思化求救參將  
吳顯忠遣兵擊走之斬丙測二十六年正月車里老樹  
刀舊猛怕猛等募義入貢六月取馬罕們灣甸景從鎮  
鎮康刀悶挾蓋達刀思權等亦修貢事十二月孟香思  
滿棄緬來歸進象隻方物二十七年緬擊思轟檄各土  
司赴救緬潰歸二十九年蠻莫思化子思正乘多思顧  
之喪襲隴川擄其妻罕氏明年阿瓦雍罕攻思正本邦  
罕拔子罕禧率兵從之正奔騰越當事者殺正以止兵  
三十一年雍罕罕禧俱遣使款貢自此邊境少康而緬  
酋莽應裏連年爲暹羅得楞所攻長子莽機搥見殺擺  
古殘破亦不復內犯矣

右莽瑞體莽應裏入寇

雲南古不毛地也且舟車不通商賈罕至人有百金之  
業便爲素封貧者至不保朝暮卽其土所產或反不如  
他處易求者而世多膠於金鏤作貢之說動以滇爲金  
穴寶山不肖有司因而張威勢以素之斂性輕生每極

於勢無復之輒起爲亂後人不知其故謂漢難治嗟乎  
豈漢真難治也漢鄭純毫毛不染而哀牢化隋梁毗對  
魏金劬哭而諸彝感悟遂不相攻元述律杰不爲金婦  
所餌而車里款服彼皆非三代以上之人猶能以廉勵  
俗若此奈何末世上作而下效之明三百年叛者十數  
起推其由來多因贖貨予故於內外彝蠢動之後復載  
珍貢一篇夫亦曰知所以亂之由則知所以治之之道  
矣語云金生麗水今麗江其地也江濤沙泥金雜雜之  
貧民淘而鍛焉日僅分文售獨賈轉諸四方承平山中  
亦有金沙色赤而利更微明初歲貢金二千兩官償價

銀一萬一千四百有奇皆蜀賈有力者先期受值走四  
遠哀入之然金少價高率賠其三之一開有窮極而逃  
者因舉餒實土著以當金戶寶石琥珀等珍皆貢其供  
辦產盡則更舉一家萬曆十八年又增金三千歲共貢  
五千兩公私益困末年始減二千天啟水鳥之亂奉旨  
暫停事平再進銀鑛約有二十三所皆置廠委官以徵  
其課又銅鑛十九所鉛鑛四所萬曆三十年命內監楊  
榮至滇督理鑛稅榮又使千戶張國臣赴京上疏請開  
寶井於猛密先是寶石之取盛於成化然止在京購買  
嘉靖丁亥始遣官至滇歲動布政司及永昌府銀入千

兩散之民聞民聞鬻男販婦不充所值因而逃亡其後  
六慰變亂猛密寶井已爲新所據國臣又信此議巡撫  
陳用賓懼開邊禍連疏陳諫始仍舊例然猶每歲布政  
司獻寶石三百六十兩有奇礦金四百兩礦銀一萬兩  
稅監楊榮竟以貪酷激變於三十四年正月八日爲衛  
軍所殺舉火焚公署闔府百餘人俱死焉琥珀出孟養  
山中價不甚昂而蠻漢阻絕商賈難通萬曆二十二年  
奉旨責輸二百餘勛過派滇西諸郡雖不通緬者亦行  
責買時惟騰衝庫內舊貯二十餘勛悉送上供他郡無  
以應命搜括土民有卽舉首多以破家亦竟不能完數  
也點蒼屏石產大理府雖不在外彛然採懇運達亦以  
累民嘉靖十八九年曾奉取用二年之外始得至京至  
三十七年取方三尺五寸者六塊自本年六月至十一  
月止行三百里運至普湖因重不能前進四十年又行  
取五十塊高六七尺不等巡撫蔣宗魯抗疏諫止然當  
時取辦猶不論何項石紋至萬曆二十一年爲兩宮鋪  
地詔取鳳凰石百餘求之益艱供役者十死八九惟高  
不過三四尺人猶以爲將公之力焉右志乘所載皆止  
行之自上者耳其他長吏之餽遺權要之悉索不可勝  
計民窮思亂亦孰能禁之哉

金沙江源出吐蕃界至共龍川犂牛石下南流漸廣故名犂水後因訛爲麗水云東經巨津寶山二州三面臨麗江府又東經鶴慶受樣共江諸水又東經北勝受桑園龍潭程海諸水又東經姚安受蜻蜒弄棟龍蛟諸水又東經楚雄定遠受龍川江諸水又東經武定北受元謀西溪滇池螳螂川羅次富民諸水又東經東川濟慮部過烏龍山受尋甸牛欄江谷壁川嶺化溪諸水又東經烏蒙南又東經馬湖府受尼溪大汶小汶諸水又東至敘州府合大江此南寧西北之險蒙氏猶稱北瀆者

也正統間靖遠伯王驥南征議開未果至嘉靖初巡撫都御史黃衷復議開工役垂興爲武定土酋鳳朝文所梗會衷卽陞任事遂寢其後巡撫汪文盛亦委官踏勘而朝文妻瞿氏爲女土官又從而阻撓之巡撫毛鳳韶知其事分巡洱海時復上議云雲南有水路直抵四川馬湖府初以遐僻爲土人所據我國家郡縣其地同於華夏然貢獻之物賴官使之行李軍民商賈之往來擔負千里筋力已疲而土官土舍因見道路阻絕每懷異志及今國勢強盛不行開通將來之情不敢謂無也本道訪據武定府揭稱本府有迤東水路自雲南海口至

安寧羅次富民只舊你革達吉普渡河安革法於土色  
出東川大江邊至阿納木姑共一十三站內土色有疊  
水又迤西水路自雲南陸路至富民武定虛仁環洲凡  
五站至金沙江巡檢司下船至馬刺刺母白馬口梁刺則  
五曲革直勒則卓刺除魯圭寧抄答甸沙吉撒麻村亦  
至土色大江阿納木姑凡一十四站內卓刺沙吉有疊  
水又據金沙江土巡檢稟宏治正德間馬湖府安監生  
放杉木嘉靖十七年王萬安亦放杉木俱五板大船經  
過中惟虎跳天生橋亦十分不爲險阻又據姜驛驛丞  
稟每見販木客人結成籬筏自本司江流六日即抵馬

湖等情各到道爲照前項水道武定迤東極爲捷徑但  
訪得河內間有蠻尖石兩邊崖石生合成橋水從石縫  
流下未審虛的若進西金沙江則水面洪闊四時橫流  
客商通販前後不絕中間雖有虎跳二灘然皆沙石易  
鑿此斷然可通而無疑者也合無先將東西二道各委  
能幹官帶領匠役鄉導沿河踏勘直至馬湖中間要見  
舟楫無礙者幾處危石可鑿者幾處幾丈幾尺如有絕  
險人力難施者或作兩截盛運沿河陸路可通者幾處  
不通而應合開闢者幾處幾里幾十步及沿江有無人  
烟稀密堪立驛遞哨堡等項各計合用功力人匠若干

錢糧若干勘估明白畫圖造冊回報然後擬議奏請開  
通不獨一時一方之利實國家久安長治之計云適值  
地方多事議竟不行隆慶初鳳曾誅滅巡撫陳用賓復  
爲題請而議者多甲乙之詞大抵謂金沙之道不通則  
商賈競於舟而憚於陸算緒之利告竭於程番之入府  
而九驛之途鞠爲茂草矣至天啟中安曾倡亂貴陽道  
阻頗議開通按察使莊祖誥謂自巡檢司開由白馬口  
惡菩薩紅岩石刺鮮至廣翅塘舊疎勸州地其下有三  
灘水溢沒石乃可放舟涸則騎岸纜空舟以行又歷直  
勒村罵刺土色皆會理州地其下有雞心石石如堆者  
三繫江中舟者相水勢緩急而行又歷踏照亂得頭映  
刺鮮至粉壁灘甚駛皆東川地又歷驛馬河新灘至虎  
跳灘陰溝洞皆巧家地虎跳湍瀉陡石不可容舟陰溝  
二山頽集水行山腹中皆從陸過灘易舟而下又歷大  
小流灘爲蠻彝司地又歷黃郎木鋪貴溪寨業灘至南  
江口爲烏蒙府地始安流自廣翅塘至南江水商行之  
可十日又至文溪鐵索江邊數灘歷麻柳灣教化岩爲  
馬湖府地又歷洩灘蓮花三灘會溪石角灘至敘州府  
其說甚明晰然此時明運將終救敗不暇竟莫能開通  
也續禹功所未至以疏西南朝宗之水道是所望於全

盛之世矣

右議開金沙江

滇自南詔竊據風化阻絕大理國額設科取士皆以僧道請儒書者充之至元皇慶中以學士李孟奏開科三年一試天下共取三百人雲南每榜止五人蒙古二名色目二名漢人一名如王楫李敬仁段天祥李天佑李郁等史載其名云明洪武三年開科天下共取五百人是時雲南未入版圖六年停科十七年更額定程式始增建雲南學校二十二年始選貢送監統應天府鄉試以人才尙未充也至永樂九年詔雲南布政司取士是

歲八月舉生儒洪誠等二十八人誠與楊春皆舉進士九月復試貢生取趙誠等二十一人此有明科目之始也是後三歲一舉或五十餘人或三十餘人多寡不等洪熙元年定額十名宣德四年貴州附試取十一人明年增額四名雲南十名貴州五名正統八年共增五名十二年又增五名皆滇三黔二景泰立詔雲貴科舉不定額三十年成化三年增至四十名十年又增五名宏治中貴州士子以赴試雲南道險遠不便屢言於大宗伯張昇求於貴州開科昇不允止奉詔雲南鄉試錄改

稱雲貴鄉試錄而已八年黔撫臣復以爲言亦不允再  
增科額五名正德五年又增五名則瀘四而黔一也嘉  
靖十四年始詔貴州布政司開科歲取士二十五人雲  
南四十人萬厯中漸增至四十七人天啟元年巡撫沈  
做煥又請增三名以足五十之數中間人才疊出如雲  
南府判官若副都御史李公純贈光祿少卿毛公玉兵  
部左侍郎孫清愍公繼魯吏部尙書嚴恭肅公清鴻臚  
卿劉公文徵兵部尙書博忠壯公宗能總督侍郎贈尙  
書楊公純武御史趙公謨或以功名顯或以直節著而  
安寧楊文襄公一清相業軍功尤爲有明第一其在外  
郡若大理之楊憲副南金楊內翰土雲李太守元陽趙  
考功汝濂李御史東臨安之張御史西銘包尙書見捷  
永昌之張侍郎志瀄與其子舉人含憲副合曲靖之張  
憲副璉潞江之楊郡丞以成蒙化之雷待御應龍鶴慶  
之趙長史德宏彭都御史富諸公皆以經濟文章節義  
有名於時其他起高第登仕籍祀鄉賢者尤不可更僕  
數

清興永昌王大司農宏祚歷任地官纂修賦役全書爲  
開國文臣最自辛丑補行鄉試今凡三舉人文鬱起復  
與先達相望焉

右滇南科目

明至天啟而國事不可問矣熊王喪師於外宦魏弄權於內西南遠在邊徼亦數尋干戈四川則藺會奢崇明倡亂據重慶陷遵義而進圍蜀省矣貴州則水西酋安邦彥倡亂出襲安陷龍里而進圍黔省矣自元年以至三年兩賊挫敗復合而爲一北窺遵義南犯永寧幾不可制其時撫滇者爲副都御史沈儼於元年十二月遣都司李天常等援黔至安莊兵敗天常死二年正月遣都司楊明廷等援蜀至畢節會烏撒安效良助逆兵敗明廷死而雷益土婦設科惡目補鮮李賢等武定彝目

張世臣等俱起爲亂東川土酋蔣千鍾阿伽應之三年中陷亦佐平彝雷益等城越州羅平俱被圍困儼於以便宜起參將袁善李思忠等分途撲剿頗有斬獲安南土舍沙源戰輒有功授長官司三年春新撫閔洪學陞自閩由廣西問道至滇分遣參將袁善施翰李思忠土官沙源吾必奎等漸次恢復又分兵兩路援黔解安南圍前後斬首三百餘級收復新興普安等城亦資孔等站獲普安各衛所印信賊首設科李賢張世臣等俱伏誅明年又平新化新平諸土賊遣吾必奎恢復炎方松林雷益倘塘四站蜀道復通安效良亦縛亦佐賊首安

應龍并烏撒衛各印來獻是年奢崇明被擒於龍場安邦彥亦爲黔撫王三善擊敗逃匿織金聲勢頗振已而三善爲降僧所誘全師陷沒而安效良所遣獻印之人王曲靖適被劫殺效良怒復糾水酋入犯五年二月袁善沙源吾必奎等力戰却之五月復至袁善等率兵堵截敗賊於馬龍州賊由尋甸將假道東川東川以木塞路不與通會阿遣馬魯童戈資爲之鄉導從山路遁歸事平厚賞東川購童戈資縛獻軍門斬之方斯時也兩酋倡亂三省悉被蹂躪而滇更處黔蜀之外道路不通勢亦岌岌矣幸撫臣臨危拮据頗挫敵鋒其後安邦彥等就撫而滇得偷安西鄙復十餘年

### 右水烏之變

崇禎初阿迷州土酋普名聲叛據州城吞并諸彝屢討不服三年庚午廣西府知府張繼孟初任思以計殺之預檄州縣備述名聲才能忠義不應摧毀以致變亂皆有司之過也等語阿迷本不屬廣西而廣西府走謁兵備於臨安必取道阿迷名聲既叛凡往來文移過其地輒先啟觀之見繼孟檄甚喜恨不得繼孟爲臨安守已而繼孟將謁兵備先誠其下過阿迷必拜謁太爺及至故熟睡輿中其下不得稟過十里醒佯怒出輿責其從

行者且曰我有事須急見兵備今往返將不得至奈何  
然普太爺必不可不見獨乘快馬或不後期耳此時名  
聲聞繼孟將往拜甚喜既而過之又甚疑方便人隨行  
觀勸靜見繼孟責從行者易馬馳還大喜出見語甚歡  
方出茶餉客繼孟忽執蓋大言曰常聞普太爺善藥人  
我今不飲此名聲驚遠指天誓曰初恨不得爲公氓何  
有此心公果疑名聲請先飲竟易蓋飲之不知繼孟執  
茶時已預藏毒藥手中置茶內矣名聲方留繼孟爲治  
候繼孟辭以有事謁兵備急明日回當痛飲名聲已聞  
其路中言信以爲實送孟行行即疾馳易三馬日晚達

臨安名聲藥發始覺命其黨率兵追孟孟已入城城有  
備不能入名聲既藥死其妻萬氏江右寄籍人女也狡  
而姪據其眾役使諸小姪雖心恨繼孟然更寫名聲死  
得從其所欲遷其下壯而美者更番入侍既久覺無以  
服人乃募贅婿招安南司土官沙源之長子沙定海爲  
夫定海樵樸不能得萬氏之歡弟定洲年少美姿色乃  
更逐定海而贅定洲富事不能問也其子善服遠心不  
平屢欲殺定洲萬氏乃與定洲別居一寨陽修職業唯  
謹其實擁強兵併近義地愈廣南至交國是時中國多  
故雲南沐黔國天波年幼襲職母陳氏聽信劣生于錫

期壬人饒希之全計組等網利營私土司多叛至甲申  
李自成陷北京大清入討改元順治而江南猶未奉  
正朔歲乙酉是爲順治二年雲南則宏光元年也蜀省  
爲獻賊所陷天波恐賊遂至滇命參將李大賚赴會川  
一帶防守大賚貪墨數侵元謀土酋吾必奎地必奎不  
能忍秋九月據元謀叛連陷武定蘇豐等城天波召各  
土司兵討之謀必奎冬十一月沙定洲方應調至省天  
波厚勞之定洲留屯城外不肯歸會饒希之等連騙天  
波金寶無以償以貿易往來各土司營中誇天波家饒  
富定洲心動陰結都司阮韻嘉張國用袁士宏等爲內  
應以十二月朔入城辭行天波以家忌未出見定洲入  
門大呼其下蜂起焚劫天波由小竄出西城時寧州土  
官祿永命方巷戰拒賊從官周鼎止天波留討賊天波  
疑鼎見誘殺之遂走楚雄其母陳氏妻焦氏亦走城北  
普吉村之金井菴當夜舉火自焚死定洲因盡得沐氏  
所有盤踞省城劫巡撫吳兆元又至祿豐執家居大學  
士王錫袞置貢院脅之繫召各郡明年追天波於楚雄  
分守副使楊畏知有才略適永昌府推官王運開亦以  
其黨李日考陷蒙化王朔陷大理慘毒備至天波懼西

走永昌定洲既叛萬氏猶在阿迷州聞變驚曰吾家當  
爲此賊敗矣謀至省執定洲以投誠旣至見定洲氣鬱  
赫然資用饒裕更喜過望夫妻坐入轎持名帖與撫按  
往來欣然自得也閏歲餘丁亥二月孫可望至雲南假  
稱焦夫人親來爲黔國公復仇定洲迎戰不勝歸走阿  
迷州可望等追至蛇花口再戰定洲復大敗退守俚革  
童山勢險惡可望等屢攻不能入臨安廣西之間殺戮  
殆盡又二年己丑可望與其黨李定國不相辱杖定國  
定國恃其勇期立功以示雄自誓必執定洲四月至阿  
迷值萬氏與定洲過其妹夫湯嘉賓俱被執并兵頭鐵  
老虎等俘至省剝其皮滇人稱快焉

石沙定洲陷雲南

明亡天下於流賊諸賊中入大王張獻忠闖王李自成  
爲最自成晚年頗以假仁誘動愚民而獻忠專事殘殺  
甲申三月自成破北京獻忠亦據蜀僭號 天命有歸  
我 大師入討燕趙秦晉漸次蕩平順治丙戌 肅王  
統兵誅獻忠於西充縣之鳳凰山其黨平東將軍孫可  
望安西將軍李定國撫南將軍劉文秀定南將軍艾能  
奇并都督白文選馮雙禮等率潰眾奪重慶江平蜀侯  
曾英戰敗死之丁亥春遂由遵義取貴州值雲南土司

沙定洲與妻萬氏叛據省城黔國公沐天波走迤西定  
洲追至楚雄洱海道楊畏知率眾拒守可望等詭稱援  
師由貴州兼程於三月二十八日屠交水二十九日屠  
曲靖定洲解楚雄之圍悉眾走阿迷州遇可望等於蛇  
花口戰敗定洲集潰眾遁守俱革竜可望等取雲南出  
略迤西郡縣楊畏知率眾迎戰於祿豐縣之啟明橋兵  
敗被執可望將降之畏知不屈可望等募其名因約與  
尊明室保全迤西生靈畏知固不死然與之抗禮無強  
如故也可望兵至大理差人至永昌招沐天波天波索  
道府印將遣子降附時通判劉廷標署府印推官王運  
開署道府俱不屈自縊死天波遣子持其印送可望可  
望厚待之遣回陰命劉文秀隨其後疾驅奪蘭滄橋至  
永昌執天波并鄉官與彝等召王運開弟舉人運開將  
委以府務運開亦不屈自就於瀾江可望等回雲南自  
稱平東王鑄興朝通寶經營土木造印敕設六部九卿  
科道等官臨安鄉官御史任僕率眾擁戴尊可望爲國  
主可望令僕兼禮兵二部尙書謀自立爲皇帝其黨劉  
文秀李定國艾能奇等本僑伍以一時無主故推尊可  
望仍各僭王號不相下而李定國尤强悍每事多扞格  
可望定計於演武場擒定國責百棍欲以服眾定國怒

自率所部出征沙定洲定洲方據險屢討不能服定國  
至擒定洲并其妻萬氏歸眾益憚定國可望計不遂楊  
畏知又屢以扶明爲言時金陵閩越接踵敗亡兩粵諸  
人擁立永明王於平康僞號永應楚蜀之間往往多遙  
應之可望苦無以制其下頗欲假名號自尊因遣楊畏  
知龔彝等道貴陽入粵適武康伯胡執恭方奉永應命  
屯泗城州防漢寇探可望意便宜招撫許以王爵可望  
悅執恭遂矯冊命封可望爲秦王一面密疏進請可望  
悅率眾迎受亦具疏謝并修貢物楊畏知等至貴陽爲  
守臣所阻多方陳論得達華慶朝永應道可望歸順意  
爲諸封科臣袁彭年金堡等執不可併請收畏知畏知  
奏可望等兵強可藉爲用何惜一封號以收拾人心乃  
反自樹敵永應是之始許授公爵又以督師堵允錫請  
乃封可望爲平遠王賜名朝崇定國文秀等爲國公不  
知可望已受秦封傳檄四出矣事聞永應諸臣更抗疏  
論胡執恭矯詔之罪請檻致之執恭懼竟留駐泗城不  
入朝楊畏知回至滇可望亟啟封券不受爵且禁定國  
等不得受公爵定國等不悅謀再遣畏知行以請改封  
爲名因自致摧戴之意是時定北將軍艾能奇已死可  
望悉收其部曲勢愈張庚寅冬出師貴陽破定番侯兵

於貴築北攻遵義忠國公王祥自劄死遂復有黔中之地時我大清已收復湖南及兩廣各郡屢破永應兵總督何騰蛟堵允錫器式裙等俱敗沒永應走南寧辛卯可望遣賀九義張明志赴南寧護衛且脅改秦封內閣嚴起恆督師楊鼎和科臣劉堯珍吳森張載述等抗論不寬九義盜殺鼎和於崑崙關又與嚴起恆議不合擊殺之水中屍流三十里虎負之至岸上面去乃收葬之并殺堯珍等永應不得已遂更授秦王冊寶楊畏知本勸封可望至此見九義等所爲深自恨痛哭入見因抗疏劾賀九義賊殺大臣之罪永應留畏知入閣辦事可望怒使指揮鄭國執畏知回黔畏知見可望卽大罵逆賊終不可與有爲取頭上贖擊其面可望怒殺之定國文秀皆與畏知善聞之益恨可望壬辰春二月定國自率所部五萬餘人出靖州可望恐定國遂擁永應而東使馮雙禮馬進忠等與俱行因以相制更使鄭國遷永應於安隆所改爲安龍府令范應旭知府事歲以銀八千兩米百石進上用凡永應及隨行文武支糧俱報可望開銷應旭與提塘章應科造冊稱皇帝一員支糧若干皇后一口支糧若干至今人傳爲笑柄云定國至湖南連破靖沅武岡諸州可望心嫉之馮雙禮等與爭

南獲益相如可望疏請封定國爲西寧王劉文秀爲南安王定國亦不受乃陰命馮雙禮率兵擒定國不勝反爲定國所擒可望恐仍善養定國家口於雲南定國乘勝遂入廣西定南王迎戰於巖關退保會城七月初四日城陷定南王死是歲劉文秀亦率所部同白文選等入四川時平西王已同定西將軍盡開川南各府同報回守保寧文秀至迎擊大敗之一軍俱盡文秀單騎走回可望奪文秀王酋九月定國取衡州楚粵之間殘兵敗將嘯聚山谷者皆起應定國定國號令所及方數千里不復奉可望約束可望率白文選張虎等出沅州攻

辰州府陷之使人促定國進兵定國不聽十一月敬謹王以滿漢兵南下攻衡州戰於城下三日李定國敗王自率精兵先追爲交鎗所中定國得退守武岡可望復使人召之不聽癸巳二月定國南走廣西可望自率兵追定國與我兵遇於花街子爲固山佟圖賴所敗走還劉文秀犯常德亦敗歸可望命文秀回守雲南而自守黔誅戮明宗室殆盡永愿在安龍日益窮促密與內豎張福祿全爲國言秦王待朕無人臣禮朕欲撰密敕使人馳齎西藩行營翼出朕於險關祿等承諭口舉其事職名永愿許可遂與內閣吳貞毓撰敕以文安侯馬吉

翔爲可望心腹先命吉翔出南寧祭陵乃以林青陽充使命封定國爲晉王并召之迎駕復遣周官再致誠款馬吉翔在南寧密偵行在舉劾會劉謙新自定國營過南寧言密敕事及言定國接救後感激流涕不日且率兵至安龍迎駕吉翔懼諷議新具疏奏西藩接救感激以實其事陰使提塘王愛秀報可望可望怒使鄭國佯稱吉翔於南寧令與行在官對理實厚待之甲午三月初六日鄭國王愛秀見永歷索首事之人永歷曰此事裏面諸臣必不敢數年來外邊假寶假敕儘多鎮臣須密訪國等怒目而出至朝房械繫內閣吳貞毓等又帶兵入宮率內監張福祿全爲國宮中大震鄭國既執貞毓等極刑拷訊貞毓言凡事惟宰相主持我約李定國討可望是實何與諸人事然馬吉翔已預報一十八人名某主謀某草敕某盜寶因羅織成案請永歷裁決永歷不得已付廷臣公議擬刑科給事張鶴內監張福祿全爲國凌遲翰林蔣乾昌李元開御史李欣胡士端部郎徐極楊鍾趙廣禹蔡絀鄭允元周允吉朱議景朱東旦任斗墟易士佳等皆棄市吳貞毓以大臣賜絞皆慷慨賦詩安慰永歷而死李定國在廣西屢爲我兵所敗不能支又以永歷密敕遂率殘兵於丙申春奔回安龍

可望使心腹入葉應禎隨白文選赴安龍探定國動靜  
卽徧永歷移黔永歷合宮慟哭文選亦爲泣下遂以定  
國無他志報可望及定國見永歷卽挾之西行可望復  
遣文選至曲靖邀永歷文選更與定國俱至滇守滇者  
爲劉文秀暨都督王尙禮王自奇賀九義等文秀亦意  
在永歷陽與尙禮等密議守城自以數騎會定國云我  
輩以秦王爲董卓但恐誅卓之後又有曹操定國指天  
爲誓文秀卽迎永歷入雲南倡言秦王遣永歷我輩當  
尊秦王因封文秀爲蜀王艾能奇孟承業爲鎮國將軍  
管延安王事以定國中書金維新爲行在吏部侍郎兼  
都察院翼銘爲行在兵部侍郎白文選爲鞏國公王尙  
禮爲保國公王自奇爲慶國公賀九義爲保康侯馬吉  
翔工彌縫仍以文安侯入關辦事遣白文選往黔招可  
桉回滇以錢糧歸永歷兵馬付定國文秀經營川廣可  
望以妻子尙在雲南蓄謀不露旣而永歷使東昌侯張  
虎送可望妻子赴黔又賜虎金簪令從中開導虎見可  
望言永歷賜誓密令行刺可望旣得妻子無復顧忌遂  
大言永歷負義定國文秀謀反追白文選鞏國公敕印  
決意攻滇列侯馬寶馬惟興等與文選密謀反正言於  
可望曰白文選愛國有年在雲南受封屢辭不允亦勢

不得已今重加僑賞用爲總統必感恩圖報可望信之  
命馮雙禮守貴州封白文選爲征逆招討郡王總統兵  
馬可華親赴交水白文選走歸定國定國請於永曆封  
文選爲肇昌王遣內閣馬吉翔視師同定國文選等於  
丁酉九月十四日至三岔距交水三十里下營可望因  
總統之變欲引兵回黔馬惟興等又言去文選不過一  
人不爲多無不爲少儘此兵馬做一明白可望又信  
之遣漢川侯張勝與馬寶等率勁旅四千由尋甸開道  
襲雲南可望自將擊定國是月十九日接戰惟興等內  
應餘悉瓦解可望逃回貴州馬寶亦降惟張勝率兵直  
抵雲南城中無留兵保國公王尙禮謀內應爲沐天波  
所覺拉之入朝不得發張勝燒城外民居定國聞報回  
救遇於渾水塘大戰竟日擒張勝誅之王尙禮服毒死  
文秀文選追可望於貴州未至馮雙禮給可望言兵已  
垂及可望挈妻子至長沙經略洪承疇軍前投誠雙禮  
斷後因截其子女玉帛同文秀等歸雲南封馮雙禮爲  
慶陽王馬進忠爲漢陽王馬惟興馬寶賀九義俱進封  
國公德安侯秋三品岐山侯王會荆江伯張光翠等以  
黨附可望降爵有差戊戌劉文秀病死夔國公王自奇  
永昌伯關有才等皆叛定國率兵討自奇等於永昌誅

之前後戰爭驍勇將帥十死八九大清既受可望之  
降封爲義王更分遣楚蜀廣三路大兵直抵貴陽冬十  
月定期伐滇乃定國方信妖人賈自明幻術恃以無恐  
受黃鉞同馮雙禮等悉眾扼盤江河分遣白文選守七  
星關彼此敗北於十二月十五日奉永歷走永昌己亥  
二月又走騰越先發永歷宮眷出三宣入緬定國督兵  
扼磨盤山力戰頗有殺傷然人心已散竟不能支逃入  
孟艮茶山各土司中辛丑大兵伐緬執永歷白文選迎  
降於木邦李定國死徽外明年冬定國子李嗣興文秀  
子劉震因平西親王宣示國威各率所部投誠而滇  
南之餘孽盡矣自丁亥可望等入滇至此凡十有三年  
雖以奉永歷爲名其實李惟郭汜之流耳烏能以有爲  
哉予以辛丑至滇滇中人言可望善治國定國能用兵  
使其同心協力西南之禍或未有艾顧乃彼此相攻卒  
至摧敗蓋天實開我大清一統之治非復人事使然  
也可望文選之徒皆以文降附惟定國崎嶇徽外以病  
死我朝收降其子仍賜錄用視漢高祖之待田橫有  
加焉從此山無伏莽海不揚波太平萬世之業於雲南  
永觀厥成矣

右孫可望李定國竊據

四庫全書史部紀事本末類提要附錄

滇考二卷

國朝馮甦撰甦字再來臨海人順治戊戌進士官至刑部侍郎是書乃康熙元年甦爲永昌府推官時作凡一切山川人物物產皆削不載惟自莊蹻通滇至明末國初撮其沿革之舊蹟治亂之大端標題記述爲三十七篇每事皆首尾完具端緒分明非採綴瑣聞條理不相統貫者比其名似乎輿記其實則紀事本末之體也其中建文遜蹟一篇雖不免沿致身錄之說至其征麓川三宣六慰鎮守太監議開金沙江諸篇皆視史傳爲詳且著書之時距今僅百餘年所言形勢往往足以資考證愈於標題名勝徒供登臨吟詠者多矣

雲南叢書

趙壽題



甸武定防戍稍疎木邦孟密性習叵測元江景東土酋  
稱傑老撻車里姻好安南阿迷羅台瘴癘微梗廣南富  
州界臨左江不可不加之意也

雲南自貴州烏撒衛入曲靖霑益州爲通衢烏撒衛實  
居四川烏撒府之地又自貴州普安州入曲靖又有廣  
南府一路出廣西安隆上林泗城今因國禁不由又有  
武定一路從金沙江出四川建昌衛今亦莽塞

六詔乃西南夷據雲南全省之地夷語謂王爲詔其都  
在大理麗江蒙化及四川行都司建昌之地六詔俱姓  
蒙氏凡各詞代各項父名下一字蒙舍詔在蒙化府浪

穹詔在大理浪穹縣摩些詔在麗江府蒙禧詔在建昌  
衛六詔惟蒙舍居南蒙舍至皮羅閣始張盛滅五詔而  
王總名南詔遷大理名太和城子闍羅鳳用段儉魏爲  
相獲唐西瀘令鄭回而遵之至其孫異牟尋創立法度  
修議禮樂設三公九爽三托諸府之官以分其任回勸  
尋歸唐蒙氏歷年二百五十而鄭氏趙氏楊氏迭興皆  
不及至石晉天福間段氏始立元世祖得南詔降爲總  
管迄明尙爲鎮撫不絕

明史稿

國朝王鴻緒撰

永明王由榔明神宗孫桂恭王常瀛少子也天啟七年

恭王就封衡州崇禎十六年張獻忠陷衡州王由永州入粵西寄食蒼梧明年春三月莊烈帝殉社稷是爲我大清順治元年擊敗圍賊中原底定二年夏

王師南下福王被擒江南平廣東在籍尙書陳子壯將奉恭王監國會唐王聿鍵自立於閩議遂寢是年王薨於蒼梧二子長安仁王由棧亦病卒三年秋八月

王師下汀州執唐王聿鍵粵中總督丁魁楚巡撫瞿式耜巡按王化澄與舊臣呂大器李永茂晏日暉湯來賀董天閔朱治澗周鼎瀚方以智朱容藩林佳鼎程源等議所立乃共推永明王桂太妃王氏曰諸君何患於無

君吾兒仁柔非撥亂才願更擇可者魁楚等請益堅遂以冬十月十四日稱監國於肇慶以魁楚爲大學士兼戎政尙書大器爲大學士兼兵部尙書式耜爲大學士兼吏部右侍郎永茂請終制化澄以下進爵有差未幾贛州報至初唐王舊輔蘇觀生粵人也以擁護功授大學士由粵募師援贛駐南雄不敢進是月

大清兵破贛州觀生奔回廣州至三水魁楚素與觀生不協又聞贛州信乃與司禮太監王坤倉卒奉王奔梧州式耜等力爭不得已而觀生使陳邦彥來勸進復回肇慶十一月唐王弟聿錫浮海至廣州觀生與布政使

顧元鏡總兵林察等擁入廣州城自立偽號紹武招海上鄭石馬徐四姓盜授總兵等官與肇慶相拒是月永明王亦自立於肇慶偽號永曆使給事中彭耀赴廣州諭觀生被殺乃以兵部右侍郎林佳鼎督兵赴三水佳鼎故粵中監司與林察同姓相善察使羣盜詐降佳鼎信之乘勝追至三山口亂作全師皆覆佳鼎同僉事夏四敷赴水死肇慶大震以化澄代佳鼎督師大器辭官入蜀遂以化澄爲尙書起李永茂爲大學士未幾亦罷十二月

大清兵由福建趨潮州惠州俱下之潛潮襲廣州執聿錫觀生自縊祭酒梁朝鍾太僕侍卿霜子衡等死之餘皆降聿錫與周益遵等二十四王俱被殺報至肇慶式相請駐峽口太監王坤不從以朱泊憫爲兩廣總督守肇慶奉王走梧州四年春正月大清兵向肇慶治備走王由梧州走平樂魁楚走岑溪化澄走潯州

大清兵入肇慶遣別將徇高雷廉三府再取梧州二月王走桂林以吳炳方以智爲大學士同式相入閣辦事以智不至遣使湖南慰勞何騰蛟趣其兵入衛徵四川文安之雲南王錫衮入關以周堪廢郭都賢劉遠生等爲六卿丁時魁金堡等爲給事是時孫可望等方由川

費入雲南錫食以道阻不能達安之亦不至魁楚棄王  
走岑溪

大清兵至薤髮迎降全家被戮既而平樂亦不守王大  
恐會武岡鎮將劉承允以兵至全州王坤請赴之式相  
諫不聽式相請保桂林與城俱存亡乃以式相兼吏兵  
兩部尙書督師留守以麾下焦連爲總兵封陳邦傳爲  
思恩侯守昭平王自桂林走全州三月封承允安國公  
錦衣指揮馬吉翔郭承吳巖雲從等爲伯御史毛壽登  
爭之吉翔怒激承允脅王杖壽登及劉湘客吳德藻萬  
大吉於牙門外承允又力爲申救得免皆奪職以五千  
人授桂林挾王歸武岡州改曰奉天府政事皆決於承  
允矣而承允前所遣援桂兵在城與連兵主客不和於  
五月中擊傷連大掠城中而去式相檄誅首惡二十餘  
人勅承允馭兵無狀連兵亦出城赴黃沙鎮

大清兵復攻桂林連聞從白石潭回桂林與

大清兵連戰桂林城下眾遂退屯陽朔會陳邦彥以甘

竹灘余龍兵犯廣州

大清兵東向又張家玉陳子壯等破東莞高明等縣

大清兵往來追擊桂林稍定封式相臨桂伯連新興伯

王在奉天召戶部右侍郎嚴起恆爲大學士同吳炳入

閩辦事是時

大清兵下湖南何騰蛟退保衡州張先壁走寶慶堵允錫走永定衛忠貞營李赤心等犯荊州不克潰入歸巫馬進忠等遁五溪山中先是承允在湖南受騰蛟節制騰蛟以藤溪之捷請加郝永忠援勳左將軍張先壁擢勳右將軍承允怒至是以長沙不守奏解騰蛟兵柄召之入朝先壁奏劾承允專擅騰蛟反和解之及聞先壁提兵至寶慶懼又請命騰蛟督諸鎮兵守衡州夏五月大清兵至衡州永忠遁走騰蛟退保永州湖南巡撫章曠卒於永安秋八月

大清兵由寶慶直趨奉天城外吉翔等挾王走靖州大學士吳炳被執死焉劉承允舉城降參將謝復榮戰死王由靖奔柳州道出古泥總兵侯性司禮監太監龐天壽率舟師迎王宮眷內暨會天雨狼藉泥淖中饑餓無人色性供暖儲峙皆備王喜封性商邱伯以天壽代王坤掌司禮監印九月王在柳州式耜請回桂林言土司覃鳴珂與守道龍文明相讐殺文明走鳴珂大掠城中矢及王舟王南走象時

大清兵已定湖南下永州郝永忠盧鼎等俱還桂林已而騰蛟起恒湘客亦至與式耜議分地給諸將使各自

爲守式耜與連已先復陽朔及平樂陳邦傳由賓州復潯州合兵復梧州廣西全省稍定冬十二月王回桂林式耜起恆與化澄並相騰蛟督師出全州王坤龐天壽掌司禮監事五年春正月敕全州功晉騰蛟定興侯柱國太師兵部尙書趙印選新寧伯胡一青興寧伯焦連新興侯二月

大清兵至靈州郝永忠潰於興安奔還桂林挾王走柳州縱兵大掠漢營兵亦入城縱火相攻朝士皆被戮辱騰蛟聞警馳回連一青等各率所部至是月二十二日大清兵攻桂林式耜城守騰蛟等拒戰時南昌金聲桓

叛於

天清李成棟佟養甲亦尋叛秋八月王至肇慶封成棟將軍以其子元允爲錦衣指揮使冬十月

大清兵抵南昌成棟退奔南康十一月王使盜殺養甲於梧州六年春

大清兵圍南昌又南下湘潭金聲桓死馬進忠等敗走督師何騰蛟被執死於長沙王聞震悼贈中湘王諡忠烈二月李成棟兵敗於信豐渡河墮水死三月

大清兵取衡永堵允錫走尋卒於潯州夏四月孫可望疏至肇慶請封陳邦傳中軍胡執恭矯勅印封可望奏

王而肇慶不知也及實封至不受是冬封皮熊匡國公  
王祥忠國公守滇黔十二月

大清兵下廣東七年王自肇慶走梧州高必正與陳邦  
傅相營殺秋九月孫可望由雲南東襲貴州皮熊走清  
浪追執之奪其兵又攻遵義王祥自刎死張先壁馬進  
忠皆歸於可望勢益強冬十二月

大清兵取廣州范承恩降杜永和奔瓊州

大清兵入桂林留守瞿式耜總督張同儼死之王自梧  
州奔南寧陳邦傅在清遠飛帆先歸遂劫從官於藤江  
殺部郎潘駿觀童英許王鳳等八年春三月孫可望遣  
兵譏籓因殺阻秦封嚴起恆楊鼎和劉堯珍吳霖張載  
述等投起恆屍於水秋九月陳邦傅降於我

大清九年春二月王走安隆改曰安龍府可望歲以銀  
八千兩米百石土供從官取給焉十年王在安隆日益  
窮促閩李定國與可望有隙使內監張福祿全爲國諭  
定國以兵來迎馬吉翔私告可望十一年春三月可望  
使鄭國王愛至安隆礫福祿爲國與張鎮殺蔣乾昌等  
十四人以吳毓貞大臣勒自盡十二年可望遣兵犯常  
德敗歸王在安隆塗葦薄以自蔽日食脫粟守將文吏  
承可望意無人臣禮十三年李定國敗於新會將由安

隆走滇可望偵知之促王移黔王故避行定國至遂奉  
王由安南衛走雲南居可望署中封李定國爲晉王劉  
文秀爲蜀王可望以妻子在滇未敢公爲逆也十四年  
王送可望妻子還黔遂舉兵反然人心多不直可望部  
下諸將皆願歸定國與定國相拒三岔白文選輕騎奔  
定國軍兵旣交部將馬惟興先走遂大敗可望逃回貴  
州部將馬雙龍給之言追兵至可望知人心已散遂挈  
妻子赴長沙詣

大軍前降十五年春三月

大清兵三路入雲南夏四月劉文秀卒

大清兵由蜀入者自三陂取遵義由楚入者自鎮遠抵  
黔由粵入者抵獨山州冬十月三路兵俱集信郡王奉  
命自北至會於楊老堡戒期入滇李定國扼鍾公背圖  
侵貴州遣別將守七星關抵孫界立營窺遵義以牽蜀  
師十二月

大清兵出遵義由水西取烏撒守將棄七星關走雷益  
大清兵入安隆李定國連敗於安隆之羅炎涼水井撒  
寨遁歸王聞變先走永昌十六年春正月三日  
大清兵入雲南王走騰越李定國敗於潞江王夜走南  
甸二十六日抵囊木河是爲緬境緬勒從官盡棄所攜

兵器始啟關至蠻莫土司二月緬以四舟來迎王從官  
自覓江舟隨行者六百四十餘人陸行者自故岷王子  
而下九百餘人期會於緬甸十八日王至井亘初李定  
國既敗於潞江走孟艮白文選走木邦已而文選以兵  
攻緬不勝走回孟艮夏四月羣臣沐天波等謀奉王走  
戶臘二河不聽五月四日緬復以舟迎王五日發井亘  
七日至阿瓦阿瓦者緬酋所居城也八日至赭磴始知  
陸行者盡被緬人掠爲奴多自殺惟岷王子八十人流  
入暹羅緬人於赭磴置草屋居王遣兵防之十七年定  
國文選會兵攻緬索王不得敗緬兵於瑞羊堡十八年

定國再興緬職於朔拍文選助之敗緬兵緬終不肯出  
王從官費用盡竭夏五月會緬酋弟莽猛白代立給百  
官渡河盟既至以兵圍之殺武臣沐天波馬吉翔王維  
恭魏豹馬簡飛王啟隆蒲縷王自京襲勳陳謙吳承爵  
安朝柱任子信張拱極劉相宋宗宰劉廣銀宋國柱丁  
調赫文臣鄧士廉楊在鄔昌琦鄧居詔任國璽裴廷謀  
楊生芳潘瑣齊應巽郭麟張宗伯內監李國泰李茂芳  
楊宗華楊強益李崇貴沈猶龍周某盧某曹某等凡四  
十有三人雜存永明王與宮眷二十五人秋八月定國  
再以舟師攻緬索王復爲所敗定國與文選皆引還冬

十二月

大清兵臨緬白文選自木邦降緬人以永明王父子送

軍前明年夏四月二十五日死於雲南六月李定國卒

於猛臘其子李嗣興與劉文秀子劉震俱降是為康熙

元年也

求野錄無名氏撰

順治十五年戊戌正月永明王以原督師兵部尙書程源

為禮部尙書都御史錢邦芑掌院事並賜吳毓貞范鏞

等贈卹

鐵總督雲貴駐札黔省時孫可望兩使李定國一使

白文選將兵赴黔與鏞盟共申倡義扶明之約鏞因

從容為定國文選開陳大義且曰萬一可望渝盟奈

何定國曰可望扶明我則奉之若其渝盟我則殺之

無難也迨後王入安龍可望強橫自恣無人臣禮文

選赫見鏞有愾色邦芑巡撫四川時文選與忠國公

王祥盟於烏江邦芑為執牛耳後可望襲遵義王祥

走死文選晤邦芑亦拜槐不能仰視邦芑曰非公賣

國乃他人賣公耳因時開燕言王在安龍主辱臣死

兩人泣數行下也於是文選對邦芑折箭自誓必殺

可望會定國自粵西入安龍擁王而南居間調護文

選之力只多可望疑其有險謀奪其兵柄幽之別室而鐵已頓卒莫有爲之解者可望脅程源爲兵部尙書時邦芑爲僧矣亦傳之至授詹事府正詹兩人遂密連舊臣皆交歡可望鎮將此輩樸魯武人酒酣耳熱輒悉指可望罵曰劉一張賊皮又生一張賊皮耶源又乘間言於可望文選驍勇可用使功莫如使選文選得選兵權迨交水戰勝文選馬寶雖爲功首而間迫於平日與離間逆黨奮發忠義於臨時鎮源邦芑其功感不可泯至是皆旌之時馬吉翔用事頗忌源芑之末源功各自許入朝卽發吉翔奸狀吉翔噉

言者劾源芑臣事可望非純臣源發積杜門不視事芑雖掌憲而督理晉王李定國之軍事者爲金維新秩左都御史位在芑上以故都御史待命閣下不發芑亦鬱鬱浮沈而已鐵貞與吉翔仇也鐵亦非吉翔所善贈卽皆不副望公論惜之

二月

大軍取湖南入武靖沉辰遂至貴陽安順巡撫冷孟能死之

於是粵西之南太四川之川南川東皆失自可望敗走論功行賞誇官設吏率皆宴飲恬愉爭功修怨絕

不以國事爲念部官二人

一名全簡字禹藏越人後死蠻中其一人相失其姓

名次第進諫謂內患雖除外憂方棘伺我者方厲行

頓刃待兩虎之一斃一傷以奪其勇而我酣歌於漏

舟之中熟睡於積薪之上能旦夕否乎二王老於兵

事者也胡亦泄泄如是定國疑其劾已遠於帝前激

切陳訴王疑杖二臣以謝之朝士交論共執不可移

時未決失陷之報踵至定國始逡巡引謝二臣乃得

免

其一爲高勳本越人

四月蜀王劉文秀卒

文秀之追可望至貴陽也盡收其潰兵可三萬人練

以備邊漸有成局矣而晉王不悅請召之還并召諸

將之在邊者與從可望之南犯者論功罪爲分兵多

寡之地是以邊警猝至兵失其將將不得兵迄於大

潰文秀以正月還滇却蓄不自得每屏人語曰退狼

進虎晉王必敗國事病革上遺表曰我怯敵勁事可

預知臣精兵三萬人皆在黎雅建越之間嘗寄金三

十萬臣將郝永裔知之臣死之後若有倉卒臣妻操

盤匱以侍臣子御羈勒以備營御請幸蜀以十三家

之兵出營陝洛庶幾轉敗爲功也乃卒晉王惡之

七月晉王李定國秉黃鉞出師

令李承僑出左路壁黃草壩祁三昇出中路壁雜公  
背白文選出右路壁遵義之孫界壩自三方告急屢  
促定國師期輒云有待蓋墮妖人賈自明之惑也自  
明善幻術多大言言上帝助兵當以某日下爲木偶  
人數百皆長丈許執旛幟爲行陣久而無驗時已初  
秋矣定國怒而斬之而諱其事乃出兵授以黃鉞凡  
古命將之禮無不備先由中路出關嶺後李承僑告  
急乃移師黃草壩有以兵事諫者曰守石關一夫之  
力能制勝久之踰石關營於遮炎河祁三昇壁雜公  
背之絕頂糧少運糧士不宿飽孫界壩孤懸滇蜀之

表聲援不及識者俱以爲憂

十月晉王李定國有遮炎河之捷

十二月晉王李定國兵潰於遮炎河

於是雞公背孫界壩之師俱大潰

十五日王出奔

李定國與

大軍戰於遮炎河之右小勝遂不設備

大軍驟至壓其營而壘明日決戰南兵鎗礮北兵弓

矢日中不決忽大風北來金鎗失火其地山茅野草

煙焰障天北兵乘風馳射定國驚懼棄眾先奔遂大

滇十三日變服還滇請王出走言戰守計者以爲書  
生不足聽也十四日王乃大集諸臣會議所之蜀王  
劉文秀之將陳建等舉文秀遣表請幸蜀定國曰最  
爾建昌何當十萬人之至不如南走緩出粵西急入  
交趾難之者曰

大軍乘勝踰黃草壩則臨沅廣南道路中斷且喪敗  
之後焉能整兵以迎方張之勢不可黔國公沐天波  
進議曰自遠西達緬甸其地糧糶可資出邊則荒遠  
無際勢稍緩據大理兩關之險猶不失爲蒙段也王  
可其議明日遂發滇官兵男婦馬步從者數十萬人

大從古奔播未有若此之眾者時定國以重兵殿後國  
勢旣搖人心思叛艾能奇之子承業糾狄三品等數  
人以驍卒千餘人伏大寺中謀劫定國而北定國疑  
者知其謀以告十八日晡時定國遂率兵千人嚴隊  
西走承業等不敢追

十六年紀正月初四日王至永昌

王發滇時百官護從軍民並隨者日行不過三十里  
其後兵士乏食恣取民間以至所在逃避供頓總賈  
而庶僚貧病屢從離次不前者甚眾崎嶇過大理而  
定國亦至明日王行定國請堅守大理許之后數日

白文選以孫界墾南費之兵至列陣下關眾向萬餘  
定國以數百騎赴之文選憤涕叱定國曰人主以全  
國全師付王一旦至此誰執其咎定國慚南向叩首  
曰帝幸赦臣謂文選曰上既赦我願身一死以贖前  
罪文選收涕謝曰王許幾人死終何益王行矣定國  
遂行又數日

本朝吳三桂追文選及之戰於下關又戰於丁當山  
文選敗南走入山

晉王李定國敗績於磨盤山棄其軍走

大軍引還

先是定國聞文選敗遂渡潞江即古松江至磨盤山下

羅峴山嶺諸將他趨者皆會勝兵萬人因設三伏以

待之以泰安伯竇民望爲初伏廣昌侯高文貴爲二  
伏總兵王國璽爲三伏令曰須敵至三伏舉礮首尾

橫擊之

大軍至山下得降者盧桂生言其計

大軍乃釋馬而步搜伏者望等奔殺積中舉火礮兩  
發民望不得已舉礮出戰三伏亦發礮趨下救之戰  
於山上短兵相接自卯迄午僵屍堵壘民望血戰不  
已中流矢死南兵氣沮猶據險而守及聞定國將士

失望半夜散去定國當日坐山巔上聞信穢失序大驚曰兵敗矣遂先走既踰險問王安在知者曰王西行去走騰越已百里路界茶山緡甸之間定國曰我焉從從王而追者及之君臣俱死無益也姑他往以圖再舉遂棄王而奔二十四日王南行尙未知磨盤之潰野次未定而總兵楊武至言定國遠逃追者將及王遂接漸而行時漸昏黑行數里失道迷大谷中其距故虛僅一望宮人竄失公私囊橐多爲楊武劫奪

二十五日扈將孫崇雅叛劫擄殺害尤烈

二十八日扈衛蘄統武引其從叛去

王以從臣多叛決意入緡遂出鐵壁關關外卽緡地矣緡酋使至其自稱於國也曰企樓白象王蓋處則樓居出則乘象足不履地也進表天朝則稱緡甸宣慰司使臣某國人稱之則曰某某法此言公道主人也至是奉迎具表如常儀復奏曰大王遠臨百蠻驚畏請從官以下勿佩戎器馬吉翔傳旨從之諸從臣皆諫曰猛虎所以威百獸者以有爪牙故也奈何自棄其防以啟戎心不聽是日王至芒漠緡人執禮甚恭并進衣食食物華亭侯王惟恭謀擁世子還入關

由茶山出鶴麗不果

二月初一日王至水攻

緬人艤四舟以待王一妃及世子一司禮監李國泰一文安侯馬吉翔一浮水東下卽大金沙江其南與海接古稱黑水此其一也從官無舟或水或陸聽自爲計先在騰越從官以下及婦寺等尙四千及至蠻莫止一千四百五十餘人至是僅六百四十六人而已

十八日王至井梗

因緬人奏官室未備故暫憩也

二十日緬酋迎大臣議事

王遣馬吉翔弟雄飛及鄧昌琦往及至酋亦不見令通事傳話所問者皆神宗時事二人未習中朝典故竟不能答緬人哂焉最後出神宗時勅書相示其實文較今微異以爲僞又以黔國公沐天波征南將軍印驗之無異遂不言是役也行人不才遂開途續以不恭之漸

三月黔國公沐天波等謀奉王往就晉王李定國之師不果

天波及綏寧伯蒲櫻總兵王啟隆等謀奉王往護撒

孟艮以就定國馬吉翔不從遂止是月也緬人戕從  
官以下數百人通政司朱蘊金姜承德自縊死自定  
國率殘潰之眾分道入緬焚掠劫殺千里相望緬人  
遂大發兵守陞與官軍忿忿益甚從官以下從陸者  
不知王尙在井梗也竟抵緬都之亞哇城緬人以爲  
寇至發兵圍之被殺者過半餘安置遠方後竟無存  
焉

四月咸陽侯禱三昇帥師迎王

三昇上表迎王緬人勸勸止之諫者曰此我君臣出  
險之一時也不聽使丁調鼎及部司楊生芳往以勸  
書止之曰我已航閩將軍善自爲計三昇捧勸痛哭  
以爲眞航閩也遂撤師

五月初四日緬人龍舟彭樂迎王次於者梗

亞哇城下有地名者梗即大鷓鴣城舊址也界大金  
沙大盈江之間地饒而險緬人結草爲廬編竹爲城  
王入居之百官咸聚草次

初八日緬人來貢禮儀甚賤

自潰眾四掠百官受荼毒之慘然未敢謂人主也三  
昇奉勸撤師之後緬人以王威令尙行恐一旦出緬  
紆禍無計故迎王復奉以爲緩急自救之策且潛阻

內外聲聞不通而王益困矣

八月十五日緬酋魯黔國公沐天波執臣禮以見學士楊在行人司任國璽疏劾之不報

緬俗八月十五日羣蠻嘗見酋痕嘉會以享之至是給天波至齊令從緬制白衣椎髻跣足領諸海郡及夔夷首長而拜以夸示遠近天波歸而自首且曰我爲王屈也在等以天波貪生辱國疏劾之留中不發

九月緬人進米王以給從官

十七年庚子鞏昌王白文選帥師迎王次哇城不克而還按文選自大理之敗問道渡隴川潞江踵王之後以

王且入亞哇城矣二月中臨江不知王之所在還兵南甸者久之至是招集流亡有精兵萬餘人是年七月復至江詳諭緬人假道迎王不許遂攻之垂克矣緬酋懼求救止之文選不奉諭謂使者曰前者祁將軍來諭云已旣聞若前諭爲真則今敕爲假使今敕爲真則航閩之後何由而來君非臣何以威眾臣非君何以使人蠻人不足信也使者曰諾旣去不復至緬人守益堅文選望鵠鳴城痛哭而去

九月椎僞寶以頒從官之不能舉火者

先是楊武孫崇雅之叛輜重散亡殆盡至蠻漠惟中

宮餘金盆銀盤各一又爲與夫盜逃而庶僚之貧者  
饑寒藍縷鳩鵲不足喻也馬吉翔李國泰以語激王  
怒搗皇帝之寶令碎之以消從臣典璽李國用叩頭  
不敢奉詔吉翔國泰竟薨以分餉焉時吉翔等擁貴  
自贖且縱博酣飲高歌達旦王寢咫尺不顧也更值  
蠻人來市無尊卑少長皆短衣岸幘與蠻婦坐地交  
易雜以謔笑中國紀綱蕩然蠻人視之齒冷矣

十八年辛丑二月鞏昌王白文選會晉王李定國之師大  
敗緬兵於錫波江

先是定國入緬中餘眾不過千許檄調諸將皆以磨

壁山之東口實不相附遂引而南至順蒙界外略地  
而食勢實窘迫會慶國公賀九儀以全師自廣南渡  
九龍江赴之精兵萬人攻孟艮拔其城地饒魚稻詰  
將稱集軍聲復振久之九儀以定國悍戾難近謀欲  
引去事泄定國格殺之并其眾文選先居木邦之南  
旬相去二千里不相聞也迨攻緬兵還以不克爲恥  
知定國取孟艮并有九儀之眾乃爲書諭之責以大  
義定國遂全師而西會文選於半途相與刑牲歃血  
誓必克緬緬人知之拔其豪遺邊牙鮮邊牙猓爲大  
將集兵十五萬人遇於錫波江上臨戰巨象千餘夾

以鎗礮陣橫二十里鳴鼓震天大噪而進二王之兵不及什一且戎器耗失所操惟長刀手槩白楛而已定國誓眾橫擊之大敗緬兵僵死萬計殺其將邊牙裸而邊牙鮮猶收餘眾柵大榕樹林中藪可百里其夕鳴鼓竟夜如列陣比曉盡走還無一存者二王遂渡錫波江臨大金沙江以襲緬城

四月晉王季定國等迎王不果引兵還至赤渺賴山大

潰

先是定國等兵臨大金沙江諭緬人假道入觀并責其象馬行糧爲入邊之計緬人不聽盡燒其江船沿

江據險設礮以守月餘定國等以糧少氣沮緬中者

老曰從此而北至鬼窟山有大芭蕉林伐之作筏可渡既渡尙有大居江阻之地饒材木居民數百家燒鑛冶鐵舟可立具也定國從之浮蕉爲梁得濟伐材設廠造舟焉未幾緬人斷浮橋擾廠所而軍饑疫作死亡相繼時軍皆挈眷以行老幼疊累爲累不堪不得已爲還軍之策或曰緬中瘴癘夏秋爲甚加以千里無煙人何以濟孟良不可得而返矣有地名風沙擺古者在西南海上行月餘可至其地高涼其產魚稻盡往諸定國等又從之行至赤渺賴山下其山互

數百里登峯一覽竟見西南大海矣是夕文選裨將  
趙得勝感其眾擁文選北還且曰王毋爲賀九儀之  
續文選入山據險自保數日後定國不得已引餘兵  
三千間道還孟良其後文選入邊遂迎降於

大軍

五月緬人弑其酋立酋弟爲緬王

自二王兵竊入緬地其民罹兵火之厄死者幾半國  
人懟其酋曰王迎承歷故承歷來降之爲禍者王也  
酋曰我迎王不迎賊也賊禍我王不禍我奈何以是  
爲怨乎於是上下相猜忌適定國等來攻酋之弟守

景邁景線引蠻眾五萬人入援并大出金帛以犒其  
眾諸蠻奮發各爲戰守其略一出於酋之弟國人愛  
之遂歸心焉是月二十三日縛酋置籠輿中投之江  
立其弟爲王遣使來告且索金賀不報

六月緬人縮大小從臣盡殺之圍行營漢人多遭其禍

按前年八月黔國公沐天波屈拜緬酋其後外來兵

迎王緬大恐又札迎天波乞詔諭止之且許資象馬

糧糗相助入邊而外兵飄忽銳進速退是以蠻益輕

之及二王赤渺賴山之潰蠻尤肆志然尙未敢爲逆

也時

本朝吳三桂既留鎮其固山楊坤謀效黔國公世守漢土以爲磐石之計必入緬取王以獻乃可遂上疏固請嚴檄緬酋令獻王自効緬人於是謀殺從官以孤王勢使人來曰賊眾潰矣緬土安矣請天朝大臣誼盟以相信也天波欲辭馬吉翔李國泰曰蠻人敬鬼重誓可往也乃行日向午緬人以兵三千圍行營索漢臣少長貴賤皆飲刃死有竄入王所伏匿者亦搜而殺之宮中兩貴人及命婦自懸死者相望伏屍枕藉良久緬人護駕官大呼曰毋得驚害老王亂始定移王他所緬僧使其徒來進食數日乃得濟是日赴咒水之會死知名者松滋王某黔國公沐天波文安侯馬吉翔都督馬雄飛綬寧伯蒲縵華亭侯王惟恭侍郎蔡士廉楊在御史任國璽鄒昌琦部司楊生芳鄧居韶學錄潘瑛典簿齊應選總兵魏豹王啟隆內臣李國泰等二十四人其自縊死行宮者吉王慈燿王妃張氏錦衣衛官趙鳴鑑王大雄等二十三人嗚呼行營諸臣選賢不肖間殊其崎嶇守死則一至是同爲一坵之貉矣緬人何足恨耶明日王驚悸致病緬人恐王又不測無以致辭於三桂乃治潔行宮迎王入居之復貢衣被銀布等物

十二月初三日

本朝吳三桂帥師臨江緬人執王以獻

三桂既以大兵臨緬城大江緬人奉以金盤十六枚  
置饌以迎即日緬蠻來給王曰奉定國兵又至矣馬  
步軍數萬列江潯索王甚急語未竟蠻人遂裂王所  
坐以行後宮號哭震天步從五里外乘舟渡河舟大  
不及岸三桂使將負王登岸王問曰卿為誰對曰臣  
平西王前鋒章京高得捷也王默然

初九日

本朝吳三桂以師擁王還滇三桂遂以捷聞

晉王李定國卒

緬自萬曆中絕貢且據有木邦麓川及八百媳婦之  
地雄視西南然與古刺暹羅兩國為世仇王自蠻莫  
舟行從官雲散有人古刺者馬九功江國泰等有入  
暹羅者絕愛之妻以兄如珍之女為定國次妃於是  
間道通殷勤謀連兵攻緬九功等亦為古刺招到潰  
兵得三千人亦致書定國相與犄角兩國之兵將發  
會三桂執王旋滇謀者以告定國聞之躡蹠號哭自  
擲於地者百許不食三日自表於上帝以祈死憤鬱  
致病七日而死暹羅古刺之師失望而退

康熙元年

王寅

四月二十五日吳三桂以帛進王所王遂

卒世子及王姪殉之

三桂自盡後三日自焚

是年三桂卽晉爵爲親王益甲踰萬人移家口於漢中蓋厥功也其後繙變至者云晉王李定國所葬地至今春草不生蠻人過之輒跪拜而去

也是錄

無名氏撰

順治十五年戊戌十二月十五日永明王自滇起行

十六年己亥正月初四日王至永昌府

閏正月十五日王自永昌府起行

十八日至騰越

自永昌一路入緬文武官四百餘員從之役三千

餘人其時隨護者則斬統武也亦在緬甸

二十四日甫下營而未炊忽楊武兵傳言後面吳兵隨

到各營兵士俱忙亂奔散馬吉翔與司禮李國泰催王

卽行遂狼踰而奔君臣父子夫婦兒女不復相顧兵馬

亂處火光竟天各營行裝皆被搶劫貴人宮女俱爲亂

兵所掠日營關公於天與皇王與皇王

二十五日至鐵壁關孫崇雅叛肆掠輜重凡文武追扈

稍後者悉爲所擄王與合德元

二十六日斬統武棄王由斜谷而去王與合德元

二十八日王入緬關緬人妻請各從臣去弓矢刀仗勿  
驚擾緬人不從馬吉翔命悉去戎備眾乃遵行是日抵  
芒漢緬人迎貢亦頗循禮

二十九日黔國公沐天波與皇親王維恭典璽李崇貴  
等許曰我等須引世子入茶山既可在外調度各營且  
王在緬亦可遙爲聲援或不至受困王妃不許  
三十日起行

二月初一日王至大金沙江僅得四舟止可供上用餘  
各自買舟走小河又訪問得陸行亦可達彼岸卽有從  
陸者計諸臣隨行之眾於騰越起行尙不下四千此時

簡閱止一千四百七十八人從舟行者六百四十六人  
餘者從陸初四日馬吉翔李國泰不候太妃世子卽命  
放舟太妃大怒曰連我也不顧欲陷王不孝耶眾乃止  
初六日長行

十八日至井梗緬人爲阻每日止行二三十里

二十日緬人來報我兵四集請勅阻之是晚諸臣悉合  
舟前議誰可往眾各推諉惟鄭默與行人任國璽請行  
馬吉翔恐二人暴其過惡因私謂緬人曰此二人無家  
去則不還矣旋復報各營已撤去遂輟不行

二十四日緬酋來邀大臣過河議事王命馬雄飛鄭昌

琦往至則緬酋不出准令通事傳語所問皆神宗時事  
二臣不能答緬人哂之因所齎勅書與神宗時所賜御  
寶相去微別以爲僞又出鞞國公征南將軍印相對乃  
信蓋緬人於神宗萬曆二十二年因亂來朝請救朝廷  
却之是年遂與緬絕出此蓋以示前代未嘗受恩也

三月黔國公沐天波與毅寧伯蒲繼總兵王啓隆邀馬  
吉翔等集大樹下天波曰緬酋遇我日不如前可卽此  
走護騰撤孟良諸處尙可圖吞吉翔曰不能復與官家  
事將三宮交諸公爲計可耳眾默然遂散時白文選率  
兵於二月初五日已抵緬亞哇迎王相去不過六十里

衆無知者然皆不探聽虛實肆掠爲事而已

十七日起陸諸臣至亞哇城對河屯駐緬酋疑曰此等  
非逆亂乃是陰圖我國耳發兵圍之傷者甚眾因分居  
各村總兵潘世榮降於緬通政司朱蘊金中軍姜承德  
皆自縊死

四月芒漢來報有王兵祁姓者來迎請勅止之吉翔卽  
請以錦衣衛丁調鼎考功司楊生芳往至五月望後始  
還祁兵得勅不進吉翔復與緬官之把陞者勅一道云  
我已赦爾後有一切兵來都與我殺了

五月初一日緬酋遣都官備龍舟鼓樂來迎

初五日王去井樓

初七日至亞哇城對河安札

初八日至者模郎從薩諸臣所駐舊地也先建草房十

間請入居之外以竹爲城每日守護者百餘卒其諸文

武自備竹木結宇而居

初九日緬酋遣貢甚厚亦優答之時緬婦自相貿易雜

踏如市諸臣怒然以爲無事屏去禮觀皆短衣跣足闌

入緬婦貿易隊中踴地喧笑呼盧縱酒雖大僚無不然

者共通事爲大理人私語人曰前者八關若不棄兵器

緬王猶備遠迎今又廢盡中國禮法異時不知何所終

地陔大勳謀平而緬酋亦醉將食自食全無禮

八月十三日緬酋來招黔國公沐天波渡河封索禮物

蓋緬酋以中秋日各蠻皆貢獻故責幣帛以彰聲勢天

波至邸令椎髻跣足以稱禮見天波不得已而從之歸

而泣告眾曰我所屈者爲保全王也若使執抗不知將

作何狀眾且不以我爲罪府乎於是禮部楊在行人任

國璽皆疏勅之留中不發是月王患腿瘡旦夕呻吟而

諸臣日以酣歌縱博爲樂中秋之夕馬吉翔李國泰呼

梨園黎應祥者演戲祥泣曰行宮在近王體不安且此

時何地而行此忍心之事乎雖死不敢奉命吉翔等大

怒令痛殺之時蒲縵所居亦密邇西內縵大開博驛呼  
叫無忌王聞而怒之毀其居縵仍如故王不交且也  
九月十九日縵人進新穀王以賜從臣之窘迫者馬吉  
翔徇私散給豨豔兒之大罵吉翔於行帳吉翔旗鼓吳  
承爵碎凱而仆傷其足遂不能行豨豔請遣吉翔人  
十七年秋七月縵人復招馬國公沐天波渡河天波力  
辭縵使曰此不似從前可冠帶而行至則遇之有加禮  
始知各醫將臨縵城晉王李定國率兵迎王有疏云前  
後具本三十餘道未知曾達否今與縵王約議於何處  
相迎伏候指示而諸臣在縵燕雀自安全無以出險爲

念者縵營索勅驟馳而去外兵久候音問俱絕遂拔營  
去後縵人來言此輩全無實心爲主惟向各村焚掠亦  
不計議恢復方略或索本國象隻燻草相助而行乃惟  
播惡於無辜恐不遠天之庇也時馬吉翔傷在以滿瑣  
能通緬語屬其扶驚曰仙告我矣某處有兵來迎當以  
某日至伺上以邀贖取悅又恐定國至眾將疾攻其惡  
不得自恣故矯旨令勿入縵而一切惟事牢籠諸臣奸  
醜蓋藥枚舉至文武陞遷仍由權賄國事至此尙可問  
乎

九月馬吉翔奏有大臣三日不舉火者王怒令典麗太

監李國用可碎寶以濟之國用叩頭曰臣萬死不奉詔  
既而馬吉翔李國泰竟鑿以散各臣吉翔弟雄飛專恣  
尤甚託者必先通雄飛乃得於是行人任國彙彙宋未  
諸奸行事彙成一帖進之吉翔問恨之不置王方覽聞  
次日國泰竊袖之出不覺又不覺國至單不覺又不覺  
十八年辛丑二月二十八日彙為王白文選密道續人齋  
疏至云臣不敢速進者欲其區送出關為上策耳候即  
賜璽書以決進止後五六日文選率兵進浮橋為迎蹕  
計相去僅六七十里緬人復斷其橋文選候詔不得遂  
撤營去

三月有歌謠謀劫世子斬關以出者兼殺吉翔國泰以  
再後患事洩坐以結盟投緬密捕黔國公沐天波家人  
李姓王啟隆家人何愛各付木主殺之  
五月道臣任國璽有賄事三不可解之疏意以禍在然  
眉急圖出險王令國璽以出險策條奏馬吉翔李國泰  
扼之不行  
二十三日緬蠻弒其兄而篡其位遣官索賀不從  
七月十六日緬人來邀當事大臣渡河議事皆辭不行  
十八日緬人又遣官至曰此行無他我王子慮眾立心  
不善請飲咒水後令諸君皆得自便貿易生計耳否則

我國安能久奉芻粟耶

十九日馬吉翔李國泰臨眾入緡止留年老內監二人侍鄧凱以足疾得免已而緡人以兵三千圍之呼曰爾大臣可俱出飲咒水有不出者亂鎗擗刺之諸臣猶豫既無寸兵可以相持又慮王與宮闈有失延久無可爲計遂悉出出則以三十人縛一人駢殺之王問與中宮皆欲自燬內侍之僅存者奏曰王死固當其如國母年高何且既亡社稷又棄太妃恐貽後世之譏盍姑緩以候天命王遂止已而緡兵入宮搜財帛貴人宮女及諸臣妻女縊於樹者纍纍如瓜果然王與太妃以下二十五人同聚一小屋中驚皇無措已而通事引緡官來護守惟曰不可傷王與沐國公時遍地橫屍緡官請移沐天波所居之室大小止存三百四十餘人聚於一樓哭聲聞於三里外寺僧私以糴糶進賴以得飽且知諸臣之飲咒水俱爲所殺而黔國公沐天波及王昇魏豹王盛隆等各擊傷緡兵數人而死死亦倍慘

二十一日緡人仍請王遷舊居處  
二十五日進鋪陳銀布等物且致詞曰我小邦王子實無傷犯諸臣之心因各營兵殺戮邨民民恐實其乃甘心於諸臣以快其忿也幸無介介於小邦王領之而已

王病所存大小男女無不病者死亡相繼諸臣昔之由陸路而去者約離緬半月程住四五日皆爲緬人所屠其子身無家累者約離緬一月程方住於一小園中緬人以兵洗之而擒其王以歸蓋從王入緬者殘無噍類矣

十二月初二日未時有緬官二三人來謁云此地不更於居處請移他所爾國兵近我城我將發兵取道於此恐驚王耳語未畢而緬人昇王所坐几即行太妃大哭隨之繼有二肩吏昇太妃次王妃以行大小男女步行五里外渡河至岸已黑不知所由爲何三鼓後至營始知爲三桂營也

初四日王入大營

初六日王復轉亞哇城

初九日王長發歸滇

康熙元年壬寅三月十三日王入滇城

十八日子被縊

附錄滇繫所採雜說

滇粵陽秋云辛丑五月江西道御史任國璽奏爲時事三不可解謂上年本請世子開講期年不行今勢如累卵不思出險尙然如此次日著任國璽獻出險策國璽

奏能主入穎者必能主乎出穎今日事勢至此乃卸肩  
於建言之人乎時王祖望鄧居詔各疏劾翔奏有內官  
曰爾上千萬本亦何用其權若此禮部楊在講書場之  
坐典重季崇貴以爲非禮次日亦賜崇貴坐崇貴解曰  
今雖亂世禮不可廢每講崇貴出外一日世子問楊在  
曰袁公何名在不能對

龔羨順甯府人天啟乙丑進士既從王至滇具酒肴進  
謁王所守者不許羨厲聲曰此吾君也我爲其臣君臣  
之義南北皆然我祇一見耳何拒我爲守者往啟三桂  
三桂許之羨遂得上堂設宴請王出朝禮畢進酒王

稱謝痛哭不能飲羨伏地痛哭亦不能起再勸王飲王  
勉飲三爵羨再拜不止遂觸地而死王撫之獨幾仆

雜錄曰吳三桂標將有商于吳者問以舊晚坡之事據  
云十二月初三日三桂至舊晚坡檄緬送王緬亦遣人  
相聞薄暮緬人送人首十七至三桂營營中訖言王卒  
及二鼓謹言王至矣隨眾出迎見二艘渡江來一爲王  
及太妃王妃世子郡主一爲遇害諸臣家屬有緬相及  
蠻兵二百餘人俱至三桂送王及宮眷於公所

東昌李君調云緬酋送王舊晚坡在庚子十二月辛丑  
三月十八日以弓絃絞於金禪寺調時在三桂營中曰

擊者此云壬寅未知何據

此與求野錄皆由德亡臣所記者其事較明史差爲詳  
備閱之則其倉皇負亂之狀歷歷如畫或謂李定國少  
勝於孫可望然恃強矜功賊性終在退狼進虎之說誠  
不誣也第事機既去毅然就死以視安龍營之皇帝一  
員后一口支離若干者似爲畧具人心矣我  
宗純皇帝閱實錄見審親王與史可法書而可法答書  
邇覽無存後得之內閣中

特命裴漢補入且

書其後曰實錄謂可法報書諸多不屈夫可法明  
臣也其不屈宜也况可法書語初無飾諱不經之言雖  
強詞以辯亦明臣尊明之義耳大哉  
王言實立  
萬世作史之法因取二錄之在漢者節存一二庶使後  
之傳聞異詞者無所眩惑焉

雲南備徵志十四

原任山西武鄉縣知縣臣王崧編纂

故實十四續宏簡錄 滇黔紀遊

續宏簡錄國朝邵遠平著

大理古昆彌國本苗蠻雜居當禹貢梁州南境殷爲鬼

方周爲百濮武王陳于牧野師師來會戰國時楚頃襄

王使莊躄將兵定滇池欲歸報會秦聲楚巴黔中郡道

塞不通因以其眾王滇按滇池地方三百里周廣五百

爲池中產衣鉢蓮花盤千葉葢下流金沙江源廣未熟

似倒流然故曰滇池一名昆明池○案注所古謬誤是

明在麗江乃地名非池名漢武謀伐滇于長安西南穿

滇王問使曰漢與我孰大天子惡其不邊因册天竺白

飯王後名仁果者為滇王開郡號益州領縣二十四曰

滇池雙柏同勢同灑連然命元牧靡穀昌秦滅邪龍味

休建伶來唯躡世乃絕一統志云白飯王本天竺阿育

飯後即以白為氏一云阿育王第三子驪其低子曰蒙

伽樹分土承昌之墟其妻摩梨羌名沙壹者世居哀牢

山下蒙伽獨臂為酒死池中不獲尸沙壹往哭之見一

木浮孺而來時流絮其上感而孕產十子他日流池邊

見浮木化為龍作人語曰為我生子今交在双子龍走

小者不能走肖龍坐龍舫其背而沈為嶺諸謂背為九

謂坐為隆因名九隆其十子名一牟附羅二牟苴兼三

且領九牟直開十節九隆長而黠若取推為長時哀牢

山有波息者生十女九隆兄弟娶之厥後種類變延分

為九十九節其渠長有六嶽諸謂王曰認因號六詔

蒙舍詔蒙樹詔越析詔浪詔寧詔詔城詔施詔浪詔是也

果傳十五代孫龍佑那值蜀漢諸葛丞相征雍圖次白

崖川以佑那為侯仍其號曰大白子國賜姓張氏於是

漸去山林徙平地建城邑宮室諸部始知有姓氏隋高

祖總百揆時益州總管梁潘建議取滇疏曰遠撫長駕

王者令圖易俗移風有國恆典漢世牂牁之地近代以

來分置興古雲南建寧朱提四郡戶口殷眾金寶富饒

二河有駿馬明珠益寧出鹽井犀角晉太始七年以益

州曠遠分置寧州為梁南寧州刺史徐文盛被湘東王

徵附荆州屬東夏尙阻未遠遠略土民變頑遂竊據一方國家適授刺史其子震相承至今而震臣禮多虧貢賦不入每年奉獻不過十數馬其處去益路止一千朱提北境卽與戎州接界聞彼人苦其苛政思被皇風關土服遠今正其時幸因平蜀土眾不煩重興師旅自盧戎已來並置總管州鎮計彼熟蠻租調足供軍給城防一以肅蠻方一以裨軍國有都督杜神敬昔曾使彼具所諳練今并送往高祖以天下初定恐動搖邊陲不許唐太宗貞觀二十二年西洱河歸附因册建寧白國長張樂進求爲首領大將軍亦龍佑那十七代孫也自念

傳國久延避於細農遷而去細農遷者哀牢人貞觀間隨其父龍伽獨避難白崖耕巍寶山之麓有神異孳牧蕃息部眾日盛張樂進求既妻以女復讓以位細農遷指山石祝曰如我當爲詔劍入此石祝已拔劍斫石入三寸形如露蓮自立稱奇王居蒙舍城是爲蒙氏真祖以蒙舍在五詔之南又稱南詔其城有九一在河尾里一在關邑里一在太和村一在北國一在碯溪里一在塔樹一在摩用以史城羊苴畔城足之爲九皆備吐蕃而設武后垂拱四年蠻郎將王善寶昆州刺史繼乾福又請置州蜀州刺史張柬之表其弊曰哀牢舊國絕域

荒外山高水深自生人以來不與中國交通前漢唐蒙  
開夜郎邛笮而哀牢不附至光武季年始置永昌郡統  
理之其國西通大秦南通交趾珍奇異寶進貢歲時不  
闕劉備據有巴蜀常以兵甲不充及諸葛渡瀘收其金  
銀鹽布以益軍儲使張伯岐選其勁卒勇兵以增武備  
故蜀志稱亮南征而國用富饒甲兵充足由此言之則  
前代置郡其利頗深今金銀鹽布之稅不供奇珍之貢  
不入戈戟之用不實於戒行寶貨之資不輸於大國而  
空竭府庫擧率平人受役蠻彝肝腦塗地臣竊爲國家  
惜之先天元年其孫晟羅皮立孔子廟於國中元宗開

元十六年始册晟羅皮子皮羅閣爲雲南王賜名歸義

於是南詔寢大

按漢武元狩元年彭雲見南中命王然于柏葦昌昌越人至雲指身毒國城之

見彭雲見于白崖因于大理立雲南縣後以經西南山麓間有石如蓮光可鑑面故名鏡縣張樂進求時龍興和山忽五色雲起輪回終日不散人二十六年燔節度以爲祥復名雲南州雲南之名始此

使王昱求合六詔爲一陰以季夏二十五日星回節于

松明樓宴五詔積薪其下焚之五詔頓滅乃徙居太和

城以會川爲會同府置十驗

驗與驗同音語謂州也

遷張王李趙

楊周高段何蘇龔尹十二姓居之天寶八年子閣羅鳳

初立故事蠻長謁都督借妻子行賄張虔佗爲刺史鳳

擊家上謁虔佗私之鳳怒攻殺虔佗昭鶴州北結吐蕃

僭稱大蒙國節度使解于仲通劍南留後李宓先後致  
討唐兵死者二十萬人及子胤伽異嗣仍請內附授陽  
瓜州刺史代宗大曆十四年子異牟尋立自稱日東王  
改國號大理德宗貞元四年復內附昭宗天復初清平  
官鄭買嗣滅蒙氏改號大長和國分地爲四以段興爲  
建昌長後唐天成三年東川節度使楊于貞滅鄭氏立  
侍中趙善政號大天興國尋廢善政自立號大義甯國  
石晉天福二年有白人段思平者逐楊氏而有其國仍  
號大理宋太祖平蜀王金斌欲乘勝取滇太祖以玉斧  
指地與中大渡河畫之曰此外非我有也雲南遂爲段

氏所據神宗元豐三年其臣楊義貞篡位高智昇討之

已而子高昇泰自立僭號大中及臨歿命子泰明復求

段氏立之乃奉其後正清爲主號後理國其地東達粵

西逼緬城南接交趾北鄰蜀西北通吐蕃幅員數千里

土地饒美傳其主曰祥興當宋理宗嘉熙三年蒙古起

朔方欲圖宋謀先取蜀時余玠以重兵守重慶不敢窺

乃出靈關由吐蕃進兵攻大理大理方與宋結好遣將

高禾逆戰敗死遁大震動會蒙古主窩闊台卒薨罷兵

及憲宗立議討烏白蠻鬼蠻諸國

烏蠻在滇東白蠻在  
滇西鬼蠻即鬼方今

貴州在命太弟忽必烈專征大將兀良合台副之歲癸

寅東北

丑宋理宗寶祐元年也秋七月禡牙西行八月出臨洮由

六盤踰吐蕃經行劍外二千餘里所謂梁州外境也既

次忒刺先遣玉律尤等齎諭前往道阻而還乃分兵三

道兀良合台由西道宴富路與諸王抄合從慈嶺入

江今也只烈率東道兵由白蠻棧道經四川入曲靖太弟

督勁騎由中道入越嶲今北勝州九月至滿陀城留輜重冬

十月過大渡河乘革囊及筏以濟所過望風款附分兵

入摩些二部渠長岐大脫因哈馬迎降復遣玉律尤王

侯王鏗使大理十一月師至白蠻打郭寨其首領出降

進次三甸白蠻迭忒時大理主段興智聚兵守金沙江

蒙古兵相持不能進太弟令眾出不意仍以革囊潛渡

遂下趙州薄其都城興智方年少國事一決於高泰祥

殺蒙古所遣三使太弟下令攻城東道兵亦至泰祥背

城一戰大敗走太弟以久旱水遠軍渴甚乃仰天默禱

以劍掃地清泉涌出名曰玉泉井令侍臣楊庭撰碑記

之乃立礮攻城泰祥遣人來拒兀良合台遣子阿朮迎

擊之段兵敗退蒙古兵皆登點蒼山臨觀城中大危懼

各部援兵皆為蒙古阻截不得達遂棄城宵遁興智奔

善闡泰祥奔統矢太弟整眾入城令詞臣姚樞等搜訪

圖籍得三使者尸瘞之樞為文以祭太弟南出龍尾城

圖籍得三使者尸瘞之樞為文以祭太弟南出龍尾城

次趙臉迫與智不及獲秦祥于姚州黑初山欲官之不  
屈斬于五華樓下時白日當午忽雲起雷震太弟異之  
曰此忠臣也以禮葬之甲寅春太弟忽必烈班師時大  
理地皆下惟善闡未附乃留兀良合台經略餘地攻烏  
蠻水城居之前次羅部府破蠻兵于澗可浪山下至烏  
蠻所都押赤城卽善闡也城際滇池三面皆水與智率  
眾固守卒難拔阿朮伺其怠夜五鼓潛師躍入城舉刃  
奮斫眾驚潰擒與智于昆澤獻諸朝餘蠻依阻山谷者  
分命裨將左右合圍攻拔城寨至乾德哥城阿朮以草  
塹壘率所部搏戰城上城遂破乙卯春兀良合台進兵

平烏蠻諸部攻不花合因阿合阿因等城阿朮先登取  
其三城轉攻赤禿哥山寨緣嶺而戰拔之乘勝擊破魯  
斯國塔渾城又取忽爾城魯斯國大懼請降阿伯國有  
兵四萬恃險不服阿朮攻之入其城始請納款復攻阿  
魯隘口進克阿魯城遇赤禿哥軍于合打台山追赴臨  
崖盡殲之自出關至此凡三年平大理五城八府四郡  
烏白等蠻三十七部段氏自思平立國至與智爲蒙古  
所滅共二十三主據滇三百一十八年一五二先是蒙  
古兵出靈關羅施鬼國卽遣報思播言蒙古有事大理  
實欲取道西南大入中國當豫爲之備思播守者聞請

朝宋廷臣皆言蒙古生長朔方恃馬騎爲用隆冬草枯  
盛夏出便當反北若踰番部必須多歷時月滇黔之  
間關嶺峻折策馬奔馳料不得逞縱使安據南詔方行  
東向須得交廣以窺吳楚是謂仰攻地利不便爲此慮  
者非迂則誣及大理已入蒙古假道幹腹遂其始謀乃  
出烏蒙趨瀘江過馬湖通道嘉定重慶直抵合州濟蜀  
江然後順流東下一軍歷邕桂至潯州一軍由廣南至  
衡州太弟忽必烈自北發師由汝南入大勝關渡江圍  
鄂州與羅鬼先見之言符合而宋室遂不可支馴至亡  
滅斯時方下詔責已勉諸道進兵亦旬益哉兀良合台

既拔善關義興智承詔赦之且請依漢故事分西南彝  
爲郡縣設長官總把參用土人詔立大理金齒都元帥  
府加兀良合台大元帥選鎮大理以劉時中爲宣撫使  
與段氏同安輯其民當是時宋祚未改故各郡止立萬  
戶府州縣止立千戶所以兵衛守之與智入覲獻雲南

輿圖并條治民立賦法憲宗嘉其誠命世爲總管守大

理德云賜名

世祖中統元年與智入朝在道卒以其族

理德云賜名

弟實爲總管至元元年都元帥寶合丁專制國外不善

綏諭於是爨蠻舍利畏倡亂滇海眾至三十萬朝命段

寶與都元帥合兵討之眾解散惟舍利畏遁入巖管不

能

獲寶遣石買誘殺之四年以邊蠻變亂不常議遣重臣  
往鎮詔封皇子忽哥赤世祖說為雲南王分大理國三

十七部為南北中三路更定名號改善闡萬戶為中慶

路威楚開南萬戶為威楚路于矢萬戶為晉安路阿焚

萬戶為南路尋改臨安路羅婺萬戶為南路尋改武定

路磨彌羅加萬戶為中路尋改曲靖潞江二路併大理

上下二萬戶為大理路以越嶲為建昌路已新建昌南

立會川路西南立定昌路後省入德昌路分金齒國西

路為建寧路并謀統千戶為鶴慶路師宗彌勒二千戶

為廣西路察罕章宣慰司為麗江路更于威遠置元江

路改仁地萬戶曰仁德府并長州為嵩明府寧州為寧

海府永昌州為永昌府更有木連蒙光謀黏六難蒙兀

等路及南甸緄甸雲龍鎮沅各軍民府及廣南西道宣

撫司羅羅斯宣慰司其餘千戶所並改為縣署王府文

學張立道大理等處勸農官領屯田事尋授巡行勸農

使導昆明池水為渠得良田萬餘頃教民飼養蠶桑民

俗饒庶地日開闢既以賽典赤贖思丁宣撫雲南益修

政池勤播種購經史建文廟授學田重昏喪講跪拜禮

蠻風不變按漢書司馬相如入西南夷土人盛贊從學  
辨池由馬四甘露降白鳥見乃建遣郎中楊連招降

學立廟全滇之有學校不自元始也

迤西和泥諸部其地曰濬江曰普拜賤曰申賤曰烏摩  
坪蓋通典所謂黑爨也爨長阿八思入朝卽其地置采  
邊路又于怒謀置茫施路石賤置鎮康路于賴賤置鎮  
西路驟賤置平緬路大布茫置龍川路巴的甸置烏撒  
路開畔部置東川路孟都置本邦路建雲南諸路行省  
統之繼升蒙憐蒙萊二甸俱爲路先是雲南王忽哥赤  
爲寶合丁毒死立道入告建請以其子也先鐵木兒襲  
爵帝從之命仍鎮滇十七年以愛魯爲行省參政時烏  
蠻羅佐山白水江蠻殺萬戶阿忽以叛引兵討平之尋  
以納速刺丁思丁爲行省左丞遣員外郎祛烈謂關

陳利弊帝愛其能拜鎮西總撫用等路宣撫司達魯  
花赤明年授段實行省參政令率兵征緬實至金齒疾  
卒其弟忠襄總管王師破緬朝命雲南王移鎮緬地立  
邦牙宣慰司于蒲甘城升北勝州爲府立金齒木來府  
二十七年封皇孫甘刺麻爲梁王鎮雲南合閩鹽普利  
二州爲柏興府以爛土爲定雲府先是羅甸宣慰司在  
黔西領東本苗蠻雜居地統名貴筑古夜郎王所屬靡  
莫之類漢稱羅甸國宋析置大萬谷落府俗尙鬼故呼  
羅鬼易曰高宗伐鬼方詩蕩八章覃及鬼方卽其處也  
自至元十七年其主阿察阿里降旣而招討經歷劉繼

昌招徠程番章番方番洪番龍番金石番羅番盧番八

寨長並授煥遠大將軍兼設八番羅甸宣慰司十九年

詔析金竹百餘峒為郡縣置順元路金竹府貴州統之

其屬十二曰普安永寧普定新添都雲銅人石阡平月

安南舊名昆烏撒烏蒙東川及平九溪十八洞蠻並立

總管府鑿順元路節制初隸湖廣再隸四川至是始隸

雲南二十九年改封甘刺麻為晉王命皇曾孫松山出

鎮雲南成宗元貞二年立徹里孟愛二軍民府兼置耿

棟雲遠二路大德改元以忽辛為雲南石丞勳里丁時

王府高馬繁多悉縱之郊敗民稼牧人又宿食民家無

寧居忽辛度地置草場樵牧所民始得安旣請立諸路

學校以蜀士就近充教官蒙陽甸長來附即其地立

西府六年烏撒羅羅斯叛遣忙古帶討平之第功遷大

理金齒等處宣慰司都元帥升普里部為普定路武宗

至大元年夏烏撒烏蒙地震三日壞民居二年春梁王

松山有疾召遷以諸王老的罕襲封時梁王圖善嗣而

段氏世守大理一特宗親一特故物兩不相下王府諸

人多驕恣凌虐段氏輸稱成隙老的罕至即用罕下謀

舉眾西向大破段光兵光段慶孫段隆子也光旣兵敗

慮王襲之令將高蓬擁重兵守羅那關梁王招之不從

乃以金路蓬庖人刺殺之以蓬首來獻梁王祕其謀并  
戮庖人仁宗延禧二年封皇子和世球爲周王鎮雲南  
中書省言雲南土官病故子姪兄弟承襲無則妻承夫  
職遠方蠻獠頑犢難制必任土人方可集事員缺宜從  
本俗制曰可英宗初立復移周王于漠北命王禪襲封  
雲南王泰定帝立改封帖木不花爲梁王鎮雲南時木  
來土官奉方物立木朶路孟隆蒲蠻降置順寧府文宗  
天恩元年升姚州爲姚安路景東甸爲景東府兼置孟  
定孟育蘆傳三路至順改元春諸王禿堅據雲南舉兵  
討逆爲名遣中慶萬戶伯忽略諸路滇池底定將五十

載變起倉卒人心危懼理問官仁通率官軍剿之没于  
陣旣引兵攻威楚知事董文彥被擒至不屈遇害尋分  
兵陷臨安攻石屏鎮將朱寶千戶身前悉力拒守不能  
拔夏五月烏蒙土官祿余起兵附伯忽殺烏撒宣慰官  
於是羅羅斯諸蠻效尤扇動與伯忽應陷重慶路其勢  
益振禿堅自立爲雲南王拜伯忽爲丞相阿朶爲平章  
四川行省官遣兵來援至麗江雪山峽遇羅羅斯軍擊  
敗之事聞朝廷特設雲南行樞密院以徹里帖木兒知  
院事朶馬赤教化爲同知副使發朶甘思朶思麻及朶  
昌等軍討之徹里率大兵同鎮西武請王搠思班西路

由四川進築馬赤教化從豫王阿剌忒納失里東路由  
八番進秋七月羅羅斯土官撒加伯合烏蒙土官阿剌  
里州土官阿谷兵繞北來棧道擁大渡河犯建昌雲南  
右丞躍里帖木兒方守建昌拒戰斬首數百級時王師  
猶未至滇賴四川省調礮門安撫軍及成都屯兵令萬  
戶周戴將之直搗羅羅斯界以控扼西番及諸蠻部更  
遣萬戶管定遠引軍同邛部知州馬伯所部蠻兵令戴  
等便宜進討撒加伯遣把事曹通結連西番羅里遣人  
覘得執通斬之自是西番無與蠻兵犄角者祿余潛約  
烏蒙東川諸蠻寇順元路阻東道兵徹里起四川雲南

兩省兵合力齊進冬十月四川平章哈坐引兵由永寧  
左丞引兵由青山並會周泥驛殺蠻兵三百餘人祿余  
眾潰奪其關以通順元諸軍撤加伯復合烏撒阿埒等  
蠻兵攻建昌躍里追戰于木托山下敗之二年春權仁  
德府官曲朮糾集義旅敗伯忽于馬龍川既戰于金馬  
山獲伯忽及其黨誅之餘賊奔潰惟祿余尙據金沙江  
鎮西豫王兩路合兵與躍里信道兼進遂奪金沙江與  
阿禾遇戰敗之阿禾竄走大兵直趨中慶再戰于安寧  
州擒阿禾卽軍前誅之大兵將抵中慶戰伽橋古壁口  
躍里左頰中流矢洞耳後拔矢復戰大捷收復省治諸

軍皆會駐城中分兵捕餘寇于嵩盟州擒叛首也不干  
等并誅諸叛將校磔其屍以徇雲南平是秋都元帥怯  
烈引兵擊禿堅弟必刺都迷失于靖江海中山險不  
易上爲雲梯以登破其柵必刺都迷失失舉家赴海死禿  
堅不知所終順帝至元元年雲南玉案山產小赤犬羣  
吠遍野占云天狗墜地爲赤犬主其下有大軍壘境又  
天雨鐵民舍山石皆穿人物值之輒斃至正元年以張  
璉爲雲南廉訪使璉扶弱鋹強中屈旌善奸惡革心常  
巡行激江釋疑獄五十餘起剔決冗案三百事人咸頌  
之四年以段功襲蒙化知府繼爲總管段氏自興智後  
皆効忠於元世爲大理總管興智弟實以攻石城及仁  
德府功賜金虎符爲第一代實弟忠隨元帥伐西林破  
會川通善關平休林武定緬甸皆有功爲第二代實子  
慶宿衛東宮尙公主歸授雲南參政爲第三代忠子正  
爲第四代五代隆六代俊七代義八代光始興梁王構  
兵光弟功爲第九代其後功子實爲第十代實子明爲  
十一代而元終焉至正二十四年僞夏明玉珍自蜀攻  
雲南其將萬勝由敘州界首入鄒興由越嶲建昌入勝  
兵抵雲南梁王孛羅走威楚詣部悉亂勝使人四出招  
安降者日至遣侍中楊源持表獻捷於蜀表略曰聖德

孔昭詵受維新之命王師所至宜無不服之邦大軍既發於三巴論月遂平乎六詔恭行天罰誅在位之貪殘禮順人情弔斯民之疾苦惟茲南詔隣比西戎藩王狹便宜行事之文專任檢人恣其饕餮守宰無恆心愛民之意肆爲虐政害彼黔黎下詔揚威出師討罪初臨烏撒蠻首納款以供輸繼次馬隆敵眾望風而奔潰遂由驛路踏入滇池土民冒雨以爭降官吏叩頭而請罪一毫不染萬室皆安深入不毛臣媿偶同於諸葛誕數文帝德濟美於有虞玉珍偶表自將紅巾三萬人入滇屯金馬山上梁王在威楚徵兵救援段功謀於員外郎楊淵海卜之吉乃進兵至呂閣敗紅巾于關嶺斬戮千計滇南士氣少振玉珍收餘餉復戰屯兵古山寺功夜密遣人火其寺紅巾軍亂死者十八九已迫至回蹕關在楚趙大破之功在陣得玉珍母所寄書云雲南務得與通靈之不可輕遣軍少糧乏我當添助淵海效其書易之曰中國兵來急爾當蚤圖募勇壯者遣之玉珍得書恐達收兵功至七星關又勝之玉珍乃還重慶先是梁王避兵時懼甚欲遁歸上都將卒執不可旣聞大理戰勝王深德功妻以女阿菴主奏授雲南平章已而忌功威望用羣小言害之子寶繼父職梁王慮爲後患七攻大理

皆不克大理土官楊寶極意和解王從之奏升寶雲南  
右丞未幾蜀兵復侵善闡梁王力不支遣人詣大理奉  
金印玉書求發兵退敵寶答書曰殺虎子而還餒其虎  
母分狙芋而自詐其狙公假道滅龍獻璧吞虜金印玉  
書不遺釣魚之香餌繡闥淑女自設掩雉之網羅况平  
章已亡弟兄罄絕今止遺一葵一奴奴再營華黎氏葵  
又可配阿磴妃如其諾我必借大兵如其不可待金馬  
山撰作點蒼山昆明池改作西洱池時來也兵卒不出  
要之善闡大理俱阻水臨山寶爲金湯勝地宋太祖盡  
大渡河以外棄茲險要遂成鄰趙楊段三百餘年之僭  
班史謂皆恃其險平臣乍驕范史謂者深阻峭紆徐哉  
道宋祁謂喪牛於易患生無備據險以興恃險以亡固  
其理也

滇黔紀遊

錄雲南

國朝陳鼎著

平彝縣本衛地明乙亥年始改縣設吏南渡兩重石橋  
道旁有清溪洞深十餘里諸景與碧雲相類大抵洞者  
皆洪水趨洩之門戶也其中景勝凡洞俱有皆大同小  
異俱碧乳融成石罅水氣所結如兩廣之神仙國中  
玉華廬中之崔仙湖廣之梵陽景與碧雲半相類矣出  
清溪後戶卽紫泉洞亦幽深可愛遊者不倦過揚威哨

皆如中原坦道兩山繁林木矣又多鸚鵡諸禽鳴聲上  
下顧傾客耳  
交水卽新霑益州舊治去交水西北百十里往烏撒必  
由之道交水兩水相交平曠萬頃民物豐阜恍如江南  
風景矣予留寓之去曲靖府方三十里耳  
馬隆州有義象塚明天啟間水西安氏叛率眾犯州滇  
省戒嚴撫軍調陶土司禦之陶有一象日將暮伏山澗  
中鼻吸泥水數斛突出咆哮跳躍鼻噴泥水直抵賊壘  
寇皆驚駭復捲一賊擲空墜死陶有牙將乘機逐北遂  
獲大捷及曉收師象中毒弩而斃士人德之葬於南山  
春秋祭掃至今不輟

木密關卽木密所也有小關索嶺上有武侯及索祠祠  
前銅馬一乃唐時物也古柏參天俱大數圍道旁有碑  
云武侯平蠻會盟於此按史亮盟南人於木密卽此也  
易隆驛屬尋甸州東城有城卽木密所也今已傾圮去  
城十里許有溫泉可澡

大鼎山有海潮寺寺頗清幽多竹木而海子闊數十里  
週百餘里隔岸卽嵩明州去寺半里道傍有毒泉礪云  
此係毒水飲者傷生

楊林屬嵩明州前朝所也今省入州出東關五十五里

卽楊升菴慎題詩處也

板橋驛出西關三十五里歷鷓鴣哨度石梁而至歸化寺去瀛城止五里矣登金馬山俯矚城中烟火萬家樓閣參差雙目頓爽也自江寧至瀛城共七十三驛計程五千二百零由洞庭水道則過之而幾有萬里矣

會城內有三山五華其一也上有武侯祠明末永曆帥孫可望建宮殿登極於上今則成瓦礫矣吳三桂邸在城西北隅今惟餘池沼亭之址在焉

翠峯在城東北隅倚峯建圓通寺頗多亭榭名人題句甚多俱刻巖石松楸頗盛四時綠陰交覆白雲瀾漫差

足遊覽夏桂洲有五言律一首鐫刻石上其辭曰古寺翠崖陰危亭絕頂臨鶴巢松有夢雲出岫無心仄徑攀蘿上叢臺刻竹吟南蠻秋日暝哀響合狼音正德十二年秋七月五日廣信夏言題但未考桂洲何事而至瀛也

城南七十里卽太華山高峻凌虛城西卽碧雞山相傳漢時有鳳儀此所以王褒持節來祀也城北蛇山直出雲表如列屏翰

金馬碧雞坊在南關外乃百貨匯聚人烟輳集之所也富庶有江浙風

東郭有金牛寺寺外八角亭中有銅牛一重數萬斤以  
鎮水怪蓋此地緣溪有春夏霖雨東北萬山之水奔流  
如駛往往衝圯民居故範牛以鎮之明末孫賊僭號取  
牛鑄錢國朝水發屢壞廬舍今已遺鏹水患減矣

銅瓦寺在合城東十餘里金馬山西北麓銅爲瓦覆  
寺三楹春月遊人畢集

昆明池方數百里跨昆陽安寧晉寧三州水如倒流故  
曰滇水無洩處或曰由西南流北折入金沙江以趨蜀  
未知是否

安寧州有溫泉甲於諸泉稱三絕第一無硫氣二則身  
有垢不假澣濯入水俱浮三有疥癬一澡卽痊  
大理府爲天竺之妙香國初屬羅刹相傳觀音大士從  
中印土來登點蒼山巔跣趺信宿今盤陀石尙在化其  
地結廬勒券刻洱海石壁字跡宛然

蒼山峯頂有黑白二龍池雲霧晦冥羣龍千百出沒黑  
池尤猛烈樵者不敢近木葉飛墜霹靂隨之

白崖在大理東南煙火萬家有高娘寺與瀾渡隔百里  
瀾渡亦大村落百貨俱集地暖同交趾沃壤數萬頃

點蒼山一名靈鷲梵語耆闍崛蒙氏封爲中岳漢書曰  
邪龍雲南其山如扶風太乙上有馮河周迴萬步五月

積雪皓然卽此山也有十九峯夕陽峯居中其高直上  
五十里登其巔復有大山高五十里度嶺西行達永昌  
界矣山色蒼翠欲滴奇花異卉遍於巖谷四時不謝早  
起開爽日出後卽雲霧覆之至七八月雲霧收淨惟一  
白纒橫截山腰日夕皆然所謂玉帶鎖蒼山也其下多  
文石三塔寺後產者乃佳餘皆白石而已地暖無冰霜  
溪澗積雪厚數丈盛夏兒童梳盛賣之和以糖密可療  
飢但多食則生瘰癧痺所結也

大理一名羊苴咩城秋青討儂智高史稱智高遺金龍  
衣而遁不知所終殊不知其終於大理也今其宅遺塚

尙存城內有兩司馬祠一祀司馬遷一祀司馬相如漢  
元封間遷奉使西征南路邛笮昆明相如持節開越嶲  
故皆立祠祀之隋南蠻叛史萬歲破之追近太和見諸  
葛武侯紀功碑銘其背曰萬歲之肩勝吾者邇之萬歲  
踏其碑跌誌曰史萬歲不得踏吾碑遂爲復立今在  
高娘寺史公亦有遺像明萬曆間鄒應龍撫滇平鐵索  
箐赤石崖羣盜今有戴德祠此葉榆四遺愛也

感通寺在郡南十里點蒼之麓又名蕩山寺峯巒環繞  
林壑幽深楊升菴寓寺小閣題曰寫韻樓四壁皆升菴  
墨妙升菴往來大理永昌間近四十年訪於舊家得白

古通元峯年運志其書契文升菴熟諳其語譯爲演載  
記南詔始末方得詳備登寫韻樓難足雪山橫互煙雲  
之表明末演詩人唐大來薤髮號搢當和尙亦寓此樓  
壽九十餘樓前白茶花高數十丈大數十圍花如玉蘭  
心殷紅滇南只此一樹埋條分種皆不活也

崇聖寺又名三塔寺在郡北五里三塔矗峙隔洱海百  
餘里輒望見中塔正方磚石毀成高四十八丈十六級  
絕頂四角範四金鵝高二丈塔下遊人以巨石投地金  
鵝昂首長鳴音響清越壽國公楷書山海大觀四字文  
石鑿成一字縱橫四丈四石列塔前如屏銅鐘二各重

十萬斤南詔建極十三年造乃唐咸通年也大雄殿曰  
麗精巧覆以琉璃瓦埽地並徑丈點蒼石甬道傍紫荆  
樹亦高數丈唐朝老梅狀若古松亭亭直上枝幹如檜  
柏大土像乃天雨銅汁所鑄高二十四尺又瀨西雨銅  
雨鐵乃常事不足爲怪然其理不可得而究也

黃華老人石刻草書在崇聖寺中字大如椀筆法飛舞  
相傳以檳榔殼蘸墨書者老人爲宋元間人自江右來  
住久仙去四絕句甚佳其辭曰王母祠東古佛堂人傳  
棟宇自隋唐年深寺廢無僧住滿谷西風栗葉黃手拄  
一條青竹杖眞成日掛百錢遊夕陽欲下山更好深林

無人不可留帝遺名山護此邦千家瑟瑟歌西窗山僧  
乞與山前地招客先開四十雙掛鏡臺西掛玉龍半山

飛雪舞天風寒雲直上三千尺人道高歡避暑宮

案高歡避暑宮

人乃金王庭筠所作因詩刻於汾州故有高歡宮避暑之句大理崇聖寺乃摹本也詳見古蹟志

宏聖寺在郡西二里舊名王舍寺浮屠三十丈十六級

阿育王建寺前有楊升菴墓刻禹碑蒼山向有五百寺

俱阿育王建今尙存六十餘處城內大悲大悲文殊普

賢藥師與福而普寧最大爲祝理所玉局峯下以唐御

史杜光庭爲伽藍光庭自說青城居士灌縣人教授大

理始開文教龍泉峯下有祭天臺相傳諸葛武侯征南

在蒼洱駐兵數月見玉局峯下鳳凰一雙飛鳴而避公

攬車過歷棧莽得峭壁石龕三皇五帝像乃建閣奉像

其中而祀之又於石上鑿八卦今尙存焉

無爲寺在蘭峯半腰巖巖峭壁行茂林數里兩山豁然

中間從絕磧左折入寺有石樓寬三十丈拖衣登之洱

海雪山近在几席有香杉五株大百圍高八九十丈太

古時物也昔有二十餘樹喪亂時爲獬鬣伐盡此僅存

者芒湧溪在郡北二十五里昔有三十八庵巖壑幽秀

天風海濤時震林木蒼山中巖巖雪山有盤石徑丈爲

釋迦苦行地草石皆作梅檀香亦名香石巖傍有鳳眼

釋迦苦行地草石皆作梅檀香亦名香石巖傍有鳳眼

洞有天生木橋其木半月一掬四季常新人跡罕到惟  
樵徑耳與畢鉢羅窟相近皆點蒼古跡也然天生木橋  
神力半月一換永昌雜錄皆有之不止大理也靈鷲列  
利相望蓋在天竺福員之內爲阿育王故封曾建八萬  
四千塔大理塔基數百皆其舊址唐乾德二年詔沙門  
三百人入天竺求舍利及梵書至開寶九年始歸其記  
錄行程曰巍峩曰雞足山曰優波拘多石室曰王舍城  
曰鷲峯曰阿難牛身舍利塔曰畢鉢羅窟以今考之皆  
大理古跡也蓋當日由西番行入天竺而轉東行以達  
大理者緣南詔爲蒙氏地而黔蜀之道不通也白古通

藏釋迦在洱海證如來位而藏中載釋迦於靈鷲山說  
法華經其說相合又釋迦死時迦葉尊者者在耆闍崛山  
後入雞足雞足與靈鷲相望而畢鉢羅窟舍利塔見存  
與通紀西蜀雜俎吳越續舊唐書俱同一轍然則世之  
所謂佛國者即在滇南矣  
大理西門外教場每年三月十四十五十六三日爲大  
街子百貨俱集結茹如欄欄文武官吏共出彈壓以防  
君山後生猥搶劫唐宋元明相沿不廢如小街子逢二  
五八日聚於各市午過則散矣

大理有風花雪月四景上關花下關風蒼山雪洱海月

今花漸伐無種風則處處有之下關稍甚耳自九月起  
至次年五月無日不排山倒嶽破房揭瓦聲如雷吼惟  
黎明少息辰刻復起室內燃燈入窗洞開燈影不搖也  
過下關橋必下蓋整冠否則飛颺而去疾矣下關南望  
萬山壁立一水中通其曲折處卽風穴故離晴和之日  
此處仍然大風不息語云雨師好野風伯好滇豈風雨  
果有所好哉蓋滇西瘴氣特甚有風則散亦上天愛人  
之至故生風穴於其間也

江海源出下關北流合金沙江江屬麗江府所謂恆河

案江海源出滇粵西清流合

也源流江而達車里詳山川志海產大頭魚食之皮脫

土人不居若山絕頂有高河菜七八月生紅莖碧葉味  
辛如芥櫻桃樹極多大數圍高數十丈白多於紅味酸  
益連翹花遍於籬落黃色可觀杜鵑有五色茶花亦有  
黃紫紅白四種其大如盃夜合樹高廣數十畝枝幹扶  
疎曲折開花如小山覆錦被絕非江浙馬纓之比草麻  
數十年不凋其本可作梁棟土人以之構堂屋番瓜如  
斛大有重至數百斤者茄大如斗瓠匏可盛粟二十斛  
片之可爲舟楫梨至有七斤重者

雲南縣古名洱海縣南二十五里爲水目山水目梵利  
容眾千餘

太和縣城傍蒼山學宮衙舍祠廟皆東向十九峯澗水  
進城潺湲不絕故民殷富土肥饒穀穗多至二百八十  
粒戎菽年前卽采供蔬饌土人謂之大莞豆藥有一百  
七十七種性良於他產惟附子自蜀中來土椒檳生籬  
落間如龍眼色紅黃味同閩中青檳檳黃柑產寶川者  
大如盃胡桃皮薄如紙山桃皮厚可榨油榛松皆不下  
遼東但味淡少蓮耳花之屬四時不絕雖大雪五色爛  
漫略不萎謝草至五月始生以地不熱之故然花獨不  
畏寒耶理不可解也刺桐花開於七月極紅夕映他樹  
山石皆赤惟蘭不香櫻葉之大過圖關二十倍鉤藤亦

出蒼山以之釀酒名醴爲麻又耳大抵蓋中國之盛

定西嶺在白崖西北高數千仞至巔則坦如有冰可種  
桑麻百萬頃也四十里至趙州自湖南長流以西皆白  
下而上至鎮遠趨貴陽俱上大山斗峻險絕之坡指不  
勝屈皆上峻而下坦也至定西而盡其地高中州千有  
餘里去天尺五黑夜星光照耀如晝天如覆蓋伸手可  
捫星辰身雖履地自覺憑虛至永昌騰越更入霄漢矣  
洱海潮東風暮西風四季不爽故舟航來去皆張帆而  
行不假篙楫至八月望夜海中出珊瑚樹高數丈漁者  
盡見冬日大風海水倒卓起火光如山

大金沙江兩岸皆白沙佛書所謂板河沙卽此也上流卽狗頭國今年大水漂一狗頭人至岸上下衣服同中國口耳眉目皆狗也逾日得土氣狗人復生問其言答之如狗吠與之飲食大嚼也土官解來大理軍門府因得寓目後軍門命土官解還原處解人行一百二十餘日始抵其國國中無城郭有宮室國王朱冠皂履騎白馬佩刀官吏皆如之服食起居中國同也婚嫁則非金沙江水經注所謂西洱河也洱水合漾水潯水西南行三百八十里至瀾滄江卽黑水也自黑水東北行九千里達於北京東行七千里達於江寧大理蓋中國之極

西而遙南矣

西而遙南矣

元江武定之間有魯葵山方千里民皆蓄髮劫掠流毒官兵不能制地險絕鴻荒以來未見天日過此則銀廠

在焉宿甲於江浙

案魯葵卽普彪在今新平縣

魯葵

文殊寺方丈面東雞足當前如列翠屏雞足之北玉峯出天半此麗江小雪山也登小雪山卽望見大雪山矣小雪山亦出雪蛆大者如兔味如乳酥多食口鼻出血雞足山在賓州州汎洱海四一里乘風而渡兩日到山三峯偃伏如雞距頂有石門佛大弟子摩訶迦葉乘釋迦衣鉢入定於此候慈氏佛下生乃入涅槃逢歲朔四

方纔秦進香自漢迄今不絕大利七十二所藺若三百六十小庵無算傳依羅漢迦葉寂光放光五大寺最著每寺千眾或數百眾不等皆刀耕火種爲食僧卷毛鉤鼻深目穿耳卽龔在五臺索師及江浙閩粵所見乞食羅漢也頗知漢語迦葉殿在雜足之半無三十年不火賓州州瘴氣甚濃四五月間雜足道絕人行更有變鬼者婦女居多或變猶變羊變雞鴨變牛糞變象馬遇單客則殺而奪其貨村落中或有此種人左右鄰必鳴官擒治否則連坐其人面黃眼赤神情恍惚容易識認金沙江有二在緬甸者流而南在麗江者流而北南

南極北則地西極合黃河而入中國皆發源大理之河海則葉榆澤也黑水源出吐蕃經和哥界而流爲瀾滄江以西洱爲黑水者非也故足跡不到盡信書不如無書也

騰越鐵少土人以毛竹截斷實米其中燉火煨之竹焦而飯已熟甚香美亦有巢居者謠言不通地出琥珀碧玉珍寶美婦幼業爲衣飄飄欲仙業似野栗甚大而柔故耐縫紉且可却雨也

麗江府土府也有同知掌府印知府則木氏世襲見同知甚恭稱公祖自呼曰治晚生景東蒙化永寧三郡皆

然此三郡不若麗江繁庶余曾至三郡山川草木皆不足紀也麗江過雪山三四日程皆喇嘛居止從此達中印度僧俗俱戴紅帽烏斯藏戴黃帽僧稱大寶法王紅帽者稱二寶法王皆茹蔬有幻術能變化大寶法王臨死現七十二相故土人皆戴帽以爲活佛也打箭爐近不全不養余昔遊蜀與天全副宣慰楊自唐相識因入其地豐庶甲諸番百貨皆有烏斯藏以打箭爐爲外障也

臨安府漢彝雜處所轄之石屏阿迷二州時有彝患近日三韓徐印祖知石屏以威德制之患少息郡出棍子有銅銀二種每歲百八顆銅色者佳黑鹽井亦出不及郡中通海縣出紬與布斜文線織極勤着金銀鐵礦廣江府最荒涼然民消易治糧不通盜賊少訟獄簡易爲循卓吏惟路南州稍悍耳然苗獠之患亦不免也廣西府近廣南有莫洽峯高萬仞終歲雲霧不開在師宗彌勒之境惟三月三日起至四月三日止一月皎潔遊人登其巔望見安南富室山中多金銀礦故民物富雖十廣南府不及也

楚雄姚安開化三郡雖相間甚遠而風俗則相近然肥瘠各異故貧富不類山川亦有奇異可紀者洞壑亦有

絕勝可遊者山若凌華欺岱眇岳天鐘黃雲紫絲皆秀  
色可餐川若丹池墨海雲溪波塘荷澤凌漢皆可濯纓  
濯足而五邑三州之諸生皆恂恂儒雅敬慕中國余曾  
遍遊三郡邑車馬之費飲食之供皆各諸生傳奉諸生  
之家卽余遊客之郵舍也別時各有遺贈土儀之盛饒  
賤之豐多至百金者甚矣文教之重也雖蠻貊之鄉誦  
詩讀書之人皆知敬其類而文物之邦其能若是也耶  
蒙化府產雞埵菜赤白二種赤色味絕佳其油甘香可  
調五味椒油色碧如泉其香如蘭入蔬中食則沁肺腑  
潤潤皆醜

武定府山州亦可流覽但民貧土瘠僂於訟畢於野有  
燕趨風所屬祿勸州有洪治山嶺有火池陰雨則燼  
永昌府瘴癘最濃產寶石掘者往往瘴死井中出園甚  
子尤潤如玉珠勝會城出者鐵索橋數處架萬仞山巖  
險過盡江百倍然容易渡耳

滇西多蜜餞物蜜甚多爰人撲得大蜂以長線繫其腰  
識以色紙迎風放之乃集眾荷香鋪隨行度越山嶺蜂  
入土窠從而掘之其穴大如城郭輒得蜜數百斛故積  
櫛香附橙柑木瓜香櫛梅李川芎瓜茄多以蜜漬供客  
復以酒醉羣蜂餉親友如温台之海味也蚩蚩油炙如

綴或困乾下酒猥猥男婦小兒見草中螽斯之屬卽歡  
笑撲取火其毛嚼吞之蘇軾詩蘇軾詩云  
馮中苗猥猥相傳武侯定南蠻設此號令羣彝使其不敢  
與漢人爲伍以別貴賤殊不知非也彼戴木枷者殆可  
貴重以便工作耳

四庫全書史部地理類存目提要

附錄

水滸黔紀游二卷

國朝陳鼎撰鼎字定九江陰人是編爲其客游滇黔時  
所紀上卷紀黔下卷紀滇於山川佳勝敘述頗爲有

致而不免偶出鄙語又記楚雄姚安開化三郡曰余

徧游三郡別時各有遺贈土儀之盛饋贖之豐有多  
至百金者云云其言殊陋又如記三塔寺黃華老人  
石刻一事黃華老人卽金王庭筠所作四詩刻石在  
山西汾州故有人道高歡遷居宮句李元陽始摹刻  
於點蒼山王士禛居易錄載之甚詳鼎乃以爲仙人  
之筆則考證之疎亦可概見矣

雲南叢書

趙壽題

雲南備徵志卷十五

上海田

原任山西武鄉縣知縣王憲編纂

元王故寶十五

卷十五

雲南續司誌

雲南古梁州南境史稱西南靡莫之屬以什數觀最大

漢元封中始兵臨其地滇王請降而後漢稱郡縣之自

後或附或叛蜀漢嘗官其酋長龍佑那賜姓張氏其既

送有著姓曰蒙氏鄭氏趙氏楊氏段氏高氏凡七姓惟

蒙段最大各世稱王其餘諸族以百數名百夷大抵居

黑水之表者曰蠻人居其裏者曰爨人且亦以表裏分

黑白如斯云黑羅羅白羅羅者他若些門麼些禿老蒲  
人和泥蠻土獠羅舞羅撒摩都摩察儂人沙人深人  
古刺哈刺面人結些哈杜弩人山後人哀牢人峨昌蠻  
解蠻魁羅蠻傳尋蠻色目瀾河尋丁蠻栗些各以族類  
據諸蠻中自漢唐迄元但以兵力羈縻之入明南征竟  
版籍其地辟菁落而加以經畫彷彿神農開地至日月  
之表者制置雲南楚煊臨安大理諸府爲內地而更以  
元江永昌之外麓川车里諸地爲西南夷一如舊時成  
都之視瀘池其南以元江爲關车里爲蔽而達于八百  
其西以永昌爲關麓川爲蔽而達于木邦其西南則通

通甸而底于南海其東南則通甯遠而竟于安南其西  
北則拓麗江而達于吐蕃幅員廣大至是已極雖夷性  
靡常叛伏不一而控制繹絡鞭錘可使故當洪武南征  
時甫命三將軍入雲南而來安府土知府岑漢忠與其  
弟漢良招諭定遠諸府縣千有八處進表願附上以原  
官嘉勞而武定府土官法叔妻商勝率諸部按兵獻印  
請爲編氓詔授勝中順大夫武定軍民府女知府錫之  
諡命并養朝服及織金羅衣紗帽金帶蠻人大附惟大  
理段世致書請依唐宋故事僅奉正朔爲外臣征南將  
軍傅友德與副將沐英藍玉共討平之獲世獻俘以次

撫軍里庶些和泥平緬諸蠻運移兵討烏撒東川芒部  
酋大渡守禦千戶所率兵守之以通往來乃以烏撒烏  
蒙芒部地近四川奏隸四川布政司已得上諭謂地廣  
兵稀不宜分屯但當于赤水軍節七星關各置一衛而  
駐一營于黑張之南瓦店之北會征南諸軍方分兵出  
以未伏諸蠻而土酋楊直謂城虛守弱遂相煽叛糾眾  
二十萬合三十六營攻城時城中乏食守將馮誠嬰城  
守出奇兵殺賊沐英從烏撒還援斬賊六萬餘級生擒  
四千人遂定乃于麓川之外征緬甸及八百媳婦諸國  
擊破會川土知府王春于金沙江就諸府築城建衛擒

廣南土官儂貞佑送京師開建昌新道暨驛從中土大  
姓以寶之討樂蘭州韋富及廣南特摩道雲南臻洞西  
浦龍金擺榜諸蠻并討平越蠻麻哈楊孟等大置屯田  
自楚雄至景東每百里置營率兵屯種獨麓川思倫法  
遣使朝貢已獻元所授平緬宣慰印而結砦入寇沐英  
遣甯正張因大敗之于摩沙勒賊復悉眾號三十萬戰  
象百餘再寇定遠乃以火銃神機箭擊象焚象背戰樓  
俘斬萬眾生獲象三十有七其渠昭祿昭綱刁斯郎理  
等皆被矢死象背蠻俗稱宣慰爲昭華總領爲昭孟把  
事諸目爲昭祿昭綱昭百昭哈斯昭准以次臣屬遂轉

向討越州土目苦麻部蠻阿資敗之普安斬其渠滿已  
 奇阿資精險不服復合擊斬其火頭弄宗等陶資窮蹙  
 與其母請降因置越州馬隆二衛以控其地已而再叛  
 都督何福再平之乃置府二十左右分畫左曰邈東右  
 曰邈西岡以大江東北曰金沙西南曰瀾滄其官軍戍  
 守及五方之人或旅或處錯雜相侷者是曰漢人其生  
 夷曰夷人分爨焚為界爨屬郡縣爨屬羈縻總計夷漢  
 則漢三夷七分計兩夷則焚三爨七開設土司衙門置  
 車里木邦孟養緬甸八百大甸麓川平緬六宣慰司及  
 孟定南甸芒市三府鎮康灣甸大侯

案原本威遠四州  
誤作候

十二關納樓茶甸干崖鳳溪等十二長官而以諸夷數  
 叛賜姓刁異罕永樂三年搃家生夷酋備方物入貢置  
 老撾宣慰司四年孟措生夷酋來附置孟良府遣中使  
 楊道與雲南千戶孟景賢往諭百夷諸生部落於是大  
 古刺小古刺及其鄰境諸番曰底馬撒曰茶山曰底板  
 曰孟倫曰八落塔皆遣隨中使賣方物且言諸部落皆  
 西南極邊自昔未通中國願內屬乞設官統理于是詔  
 置宣慰司二長官司五遣官齎詔敕印符賜之乃以車  
 里木邦孟養緬甸老撾麓川平緬八百大甸七宣慰司  
 十二關納樓茶甸教化三部王弄三府容甸溪處甸思

陀甸左能寨落恐何安南藤峇寨刺次和革甸香羅瓦  
魯之因達羅必甸馬龍他郎甸者樂甸十七長官司屬  
布政使司潞江鎮遠楊塘三安撫司鳳溪施甸茶山促  
瓦散金里麻六長官司屬都司統隸之兵部武選設武  
定麗江景東元江順甯永甯鎮沅蒙化孟良孟定知府  
十人寶山南甸蘭州灣甸甯州富州北勝大侯雲龍  
葉鄧川安甯威遠雲益羅雄鎮康陸涼知州十七人臨  
西峭峨雲南亦佐羅改元謀知縣六人廣南姚安同知  
二人鶴慶知事一人千崖經歷一人巨津師宗浪葉迤  
安北勝鎮南姚州順州州同知八人北勝南安鎮南州

判官三人雲南楚雄亦召易門定遠永平縣丞六人昆  
明雲南廣道緬峨定遠楚雄主簿六人威遠州吏目二  
人五井順盪鹽井副使二人連爲古刺騰衝樣備觀音  
山莎橋總勝關洱西在賊打牛坪晉甯易龍驛丞十二  
大金蘭水眼鄧川州甯善順甯尋甸禾摩村東山口瀾  
滄江師井打牛坪盪井金沙江十二關備溪江青索翼  
納更山蒲陀崇鎮南箭拜場關索嶺鐵爐青水江黑鹽  
井西金沙江赤水鵬定西嶺龍街關蔓神寨白水關南  
平關白鹽井阿雄村戛賴元江禾摩村安南坡祿肢練  
象屬楚雄縣松韶鋪觀音山鳳羽鄉東金沙江回磴關

湯池英武關趙檢三十六人改流二十五人增設鶴慶  
尋甸廣西知府三人馬龍彌勒維摩阿迷知州四人路  
南蒙白知縣二人楚雄府同知一人麗江府照磨一人  
浪穹典史一人彌勒沙鹽井副使一人永平潞江羅卜  
思莊雲南驛丞五人宣化關甸頭樣備神摩洞下江南  
安州普昌石門關彌沙井雲龍甸煉象關楚場巡檢一  
十二人統隸之吏部驗封其所設土司皆酋長食其土  
歲各量出差發銀多不過二千五百兩少者四十兩或  
十五兩連互數千里貢道分上下二路宣德七年鈕兀  
生夷酋新附置鈕兀馬官司正統三年以蘆川思任法

叛討平之率蘆川平緝宣慰司改置隴川宣撫司于隴  
把陞南甸州千崖長官司爲南甸千崖三宣撫司改茫  
施府爲芒市長官司四年哈瓦生夷內附置孟連長官  
司成化十四年尋甸知府安晟死兄弟爭襲改尋甸十  
知府爲流官知府廣西亦如之宏治十七年增設甯州  
流官知州隆慶初以武定鳳氏屢叛討平之改設武定  
府流官知府增守禦所二年增設鄧州州流官知州萬  
曆十三年平羅雄州土酋者繼榮亂改羅雄州爲羅平  
州調曲靖中左所爲定雄所二十五年平順甯知府猛  
廷瑞亂改設順甯府流官知府改大候州爲雲州設流

官知州四十二年以雲龍州知州段進忠殺土官段益龍受誅改雲龍州土知州爲流官知州裁革五井提舉以鹽課并歸之其土官著姓者土知府則景東陶氏家化左氏麗江木氏順甯猛氏永甯阿氏廣西昂氏鎮沅刁氏元江那氏尋甸安氏武定阿氏土同知則姚安高氏廣南儂氏土知州則安甯董氏鄧川阿氏雲龍段氏北勝高氏甯州祿氏大侯奉氏雷益安氏路南秦氏羅雄海氏寶山蘭州羅氏富州沈氏土知縣則緜峨蘇氏雲南楊氏元謀吾氏其土司著姓自蒙段七姓後雜以卜氏多氏思氏莽氏普氏猛氏沙氏及刁氏曼氏罕氏

大抵諸夷風俗與中國大異冬夏寒暑晝夜長短一切均等惟臨安以南五邦之民爲苦煖熱成剪髮以避鬱毒地多海子有江水可通舟楫其落坎處飛瀑流洑奔陷數百丈俗謂之嵌則尺梓寸筏所不得渡其十二府地半屬梁州益州之間但多雜蠻舊爲莊躡所開本名滇國俗無禮儀男女趨捷不鞍而騎食貴生貿易用貝凡貝數一貝爲莊四莊爲手四手爲苗五苗爲索雞租賦亦用之椎髻編髮處子媼婦必先爲偶而後成婚其在臨安爲甸町國潞江合強宗休制羅伽三部景東柘南漢未有其地永甯名樓頭感順甯蒲蠻其夷俗時與

漢同然究不相習七軍民府多磨些新丁阿楚成傷諸  
族自楚雄逸南有名真羅武人者人死則裹以獐鹿屨  
兜虎豹雜獸之皮棄之深山久則其人卽隨所裹皮化  
爲其獸而去又滿人縲人哈刺其人色黑如墨有被殺  
者視其骨亦黑麗江屬州男女鎔松脂束髮每一歲爲  
一縲行則鑿然有聲地產編牛不能耕惟斷其尾茜染  
之以飾益介州界有關人皆不得入惟府吏得入故人  
嘗願爲府吏諸甸本土羅羅和泥人好相殺死則償以  
財家無姓名其有名者或遞承其父名之末字頗無姓  
宏治中知府陳晟以百家姓首八字司分一字加于各

名之上諸甸酋受惟納樓不受其外百夷錦以木邦爲  
首木邦與孟養同俗男貴女卑雖細民視其妻如奴僕  
男子白衣文身婦繫圓桶裙髻作其逸西南甸設南牙  
山關甚險在騰越南有山名牛箇山者山巔北積雪南  
炎瘴如炊蒸婚禮置茶穀于筒婦人怪者或化異物富  
家化牛馬貧家化貓狗至夜伺夫寐以短木置夫懷中  
夫不能覺卽化去攝人魂魄至死食其肉有守者逐得  
則失家亟出金往贖否卽殺之干崖土熟四時皆蠶取  
其絲織五色土綿充負隴川雞鳴無時牝雞亦能鳴魚  
有鮎頭鯉身者牛有水牛頭黃牛身者惟威遠莫蒙寨

有河汲水煉炭上可爲細鹽灣甸名細鹽水不可涉有  
黑泉如鹽漆漲時飛鳥過之輒墜夷以竿絰布濯而暴  
之用弒盤孟人食其物立死芒市名大枯賤小枯賤又  
名怒謀男裹足衣縉布女分髮直額爲一髻跣而衣皮  
者樂何互市五日十日一集旦則婦日中則男更代賣  
易永昌舊名金齒卽古哀牢國唐名六詔蠻地稱王曰  
詔有蒲人其在永昌鳳溪施甸及五十嶺二十八寨皆  
濮種不知荷擔負竹篾于背入水不沈其在蒙自及教  
化三部十八寨者號野蒲其八百館八百大甸先有土  
酋置妻八百各領一寨名八百媳婦洪武初其酋刁擴

那內附設宣慰每遇改元則頒數兩金牌勘合與緇甸  
同其絡事佛敬僧見客無跪拜之節把手爲禮男女皆  
刺花懸眉目間以爲飾老揭車里亦如之車里則額上  
增刺一旗其地過紅衣及景東界度險數日皆平地戶  
多樓居樓出陛兩之掌可晾衣物其下畜六畜人娶四  
五婦不妒供作替妻妾夫死則棄之無娶者曰鬼妻有  
過客類資謂之止樓上樓則剪髮不得歸其家大閩之  
亂痛哭如閩訃然曰車里上樓矣凡食牲不殺咒而死  
其緇甸館本木邦牙軍界金沙有屋廬舟筏其圖書爲  
緇文進上者書以金葉次貝葉次檳榔葉緇酋椅案悉

用金出則乘白象張金葉油桐傘以竹皮爲冠環插珠  
翠以飾之國人稱酋曰卜刺浪男女衣白氎白紗羅布  
裸而塗以白燧薑黃之末顯地熱日三浴于河日沒時  
浴如雷鳴日入卽止立阿瓦利城邦暨直根諸寺有事  
則抱佛說誓自諸府州衛以及百夷羣甸所禱三宣六  
慰者其土俗隨在各異獨同火把節在六月二十四日  
云是日南詔誘殺五詔于松明樓取以爲飾自二十日  
後家雜大火樹于庭不分老穉人執一小炬互相燒灼  
以爲樂有鬚眉焚脫者曰具脂腥吸酒召姻婭合家亦  
醪飲于市醉則聚曠地明火相撲遇水則執炬者躍波  
而行無炬者浮壽之自貴州普安以達於雲南一境皆  
然無敢禁者

雲南府本契鳩獠標暎毒獵号烏蠻所居唐後屬南詔  
改名善闡恩鄭趙楊三姓至大理段氏以高智升領善  
闡遂兼有其地元末段氏世襲總管有段功者初爲蒙  
化知州以兄光死無嗣襲總管時元宗室皇子忽哥赤

爲梁王

梁忽哥亦爲元世祖第五子封雲南王  
不封梁王時代相去又龜毛氏側夫考鎮善闡

明玉珍自湖入川統紅巾三萬攻雲南梁王走威楚諸

部悉亂功駐兵呂閣敗紅巾於關灘江時紅巾收合餘

師再戰功在陣中得玉珍母寄其子書戒勿輕還功尋

其書跡易之促之歸王珍得書疑國中有變又新失利  
竟旋師功追之至七星關大勝而還王素饑段氏至是  
深德功以女阿禧主妻之奏請授雲南平章曲意承奉  
功遂留善闡其原妻高氏在大理善文寄樂府詞邀之  
功乃歸已而復來或譜于王曰段平章歸而復來此必  
有不利于善闡者蓋早圖之王曰然密召阿禧主付孔  
雀膽一具令毒功主不忍夜語功曰我父云阿奴將殺  
奴矣願借奴西歸因出毒具示之功不信曰爾父視我  
厚吾趾自蹶傷爾父尙爲我畏之何得有此再三言不  
聽明日王邀功東寺演梵至通濟橋馬逸王令番將格

殺之主聞變失聲哭曰阿奴不聽吾言致有此雖然吾  
不負阿奴起自裁王守之嚴主愁憤將死乃作詩曰吾  
家住在雁門深一片閒雲到滇海欲隨明月還蒼山誤  
我一生踏裏彩吐嚙吐嚙段阿奴押不蓋花何處採肉  
屏獨坐細思量昆西鐵立霜灑灑踏裏彩被也吐嚙無  
知也押不蓋回生草也肉屏者素腕也昆西昆陽之西  
鐵立松也時主從容死而功有子寶女僧奴不忘復讎  
僧奴將適建昌華黎氏出手刺繡文旗以與寶曰我自  
束髮聞父冤恨非男子不能報此旗所以識也是時高  
皇帝卽位金陵改元洪武而梁王尙據善闡與元主相

通復奏舉寶爲雲南左丞未幾明玉珍復侵善嗣王借  
兵大理寶答書曰平章已亡兄弟幣絕止遣一蔡一奴  
恐不足配阿禧主矣乃謝其使急奉表歸高皇帝高皇  
帝答慰之時有妖巫女歌曰莫道君爲山海主山海笑  
諧諧國中花謝千萬朵別有明主來未幾寶病死子明  
嗣明又死叔父世典國事洪武十五年三將軍破善嗣  
梁王敗走世上書請奉正朔修歲貢不從再上書詞旨  
桀驁三將軍大怒督兵並進大敗之擒世并寶二孫苴  
仁苴義俘京師上釋之賜苴仁名歸仁授雁門衛鎮撫  
苴義名歸義授永昌衛鎮撫以寶曾表降故也餘悉伏

誅

景東古拓南地元始內附以所部隸威楚萬戶統威遠  
州及案井母龍猛統阿籠三甸洪武初大兵至楚雄土  
官俄陶襲知府阿只魯職爭先納款獻鎧仗馬匹并元  
所給牌印上嘉之卽授陶景東知府頒印世其職旣而  
思倫攻景東陶奔白崖上爲立景東衛命陶往鎮而別  
以流官掌印蒞府事陶至鎮勤慎守法不敢踰尺寸夷  
漢安之因仍復知府願賜金帶且鐫誠心報國四大字  
褒之陶死子陶幹嗣遂世氏陶正統中陶瓚征麓川有  
功加級至陶金以它事未襲印被奪及迫得卽始襲後